

ՀԱՅՈՑ ԼԵԶՎԻ
ՊԱՏՄՈՒԹՅԱՆ
ՀԱՐՑԵՐ

ԵՐԵՎԱՆ



СОНТРОЛЯНН
ОКЗЕМДАР

АКАДЕМИЯ НАУК АРМЯНСКОЙ ССР
ИНСТИТУТ ЯЗЫКА ИМ. Р. АЧАРЯНА

ВОПРОСЫ ИСТОРИИ
АРМЯНСКОГО ЯЗЫКА

ИЗДАТЕЛЬСТВО АН АРМЯНСКОЙ ССР
ЕРЕВАН 1981

ՀԱՅԱԿԱՆ ՍՍՀ ԳԻՏՈՒԹՅՈՒՆՆԵՐԻ ԱԿԱԴԵՄԻԱ
ՀՊ. ԱԾԱՌՅԱՆԻ ԱՆՎԱՆ ԼԵԶՎԻ ԻՆՍՏԻՏՈՒՏ

V

A ii
65109

ՀԱՅՈՑ ԼԵԶՎԻ ՊԱՏՄՈՒԹՅԱՆ
ՀԱՐՑԵՐ

Հ 185 - 80



ՀԱՅԱԿԱՆ ՍՍՀ ԳԱ ՀՐԱՏԱՐԱԿՉՈՒԹՅՈՒՆ
ԵՐԵՎԱՆ 1981

Տպագրվում է ՀՍՍՀ ԳԱ Հր. Աճառյանի անվան լեզվի ինստի-
տուտի գիտական խորհրդի որոշմամբ

Պատասխանատու խմբագիրներ՝
քահաս. գիտ. դոկտոր Վ. Գ. ԱՌԱՔԵԼՅԱՆ,
քահաս. գիտ. թեկնածու Լ. Ս. ՀՈՎԿՍԵՓՅԱՆ

Գիրքը հրատարակության են երաշխավարել գրախոսներ՝
քահաս. գիտ. թեկնածուներ Պ. Կ. ՎԱՐԴԱՊԵՏՅԱՆ, Ե. Կ. ՄԵԼՔՈՆՅԱՆ,

Բ 241 Հայոց լեզվի պատմության հարցեր /Պատ. խմբա-
գիրներ՝ Վ. Առաքելյան, Լ. Հովկսեփյան.—Եր.: ՀՍՍՀ ԳԱ.
Հրատ., 1981,—213 էջ:

Ժողովածուի մեջ զետեղված աշխատությունները նվիրված են
Հայ հին մատենագրության երկու նշանավոր դեմքերի (Սեբեոս,
Հովհ. Մամիկոնյան) աշխատությունների լեզվի բննությանը: Ի հայտ
են բերված այն առանձնահատկությունները, որոնք բնորոշ էին հին
գրական հայերենի զարգացման ավագ փուլին (VII—VIII դդ.):

4601000000
Հ— 38—81
703 (02)—81

4 Ար
ԳՄԴ 81.2 բՀ

Ա. Ռ. Ա. Զ. Ա. Բ. Ա. Ն

Ներկա ժողովածուով սկսվում է Հայոց լեզվի պատմության առանձին հարցերին նվիրված ուսումնասիրությունների շարքը, որոնց հիման վրա ՀՍՍՀ ԳԱ Հր. Աճառյանի անվան լեզվի ինստիտուտը նպատակ ունի ստեղծել Հայոց լեզվի ամբողջական պատմությունը:

Հայերենի պատմական զարգացման քննության ուղղությամբ Հայագիտության մեջ զգալի աշխատանք է կատարվել, Հատկապես վերջին մի քանի տասնամյակների ընթացքում: Նախ նշենք, որ ուսումնասիրողի տրամադրության տակ է զրվել բավական հարուստ փաստական նյութ. Հրատարակվել են հին, միջին և նոր Հայերենով գրված բազմաթիվ և բազմաբնույթ մատենագրական աղբյուրներ, անցյալի բառարանագրության հուշարձաններ, ի մի են բերվել և պարբերաբար Հրապարակվել վիմագրական նյութը, ձեռագրերի հիշատակարանները, Հայ հին մատենագիրների երկերի համարարեառները և այլն:

Այնուհետև, որպես լեզվի պատմական նկարագրության անհրաժեշտ ելակետ ու նախապայման, մշակվել է Հայոց լեզվի պատմության գիտական շրջանաբաժանումը¹, ձևավորվել են պատմական լեզվաբանության հիմնական տեսական սկզբունքներն ու ելակետերը, կազմվել է «Հայոց լեզվի պատմություն» աշխատության ընդարձակ նախագիծը:

Ինչ վերաբերում է լեզվական նյութի բոլն ուսումնասիրությանը, ապա այստեղ ևս Հայ լեզվաբանությունը որոշակի նվաճումների է Հասել, Փորձեր են արվել ներկայացնելու Հայոց լեզվի պատմական զարգացման ընթացքը ինչպես ամբողջությամբ վերցրած², այնպես էլ ըստ

1. Տե՛ս Գ. Բ. Զահովյան, Հայոց լեզվի զարգացման փուլերը, Ե., 1964:

2. Հ. Աճառյան, Հայոց լեզվի պատմություն, ՀՀ. 1, 2, Ե., 1940—1951, Ս. Ղազարյան, Հայոց լեզվի համառոտ պատմություն, Ե., 1954, նույնի, Հայոց գրական լեզվի պատմություն, Ա. Ե., 1961, Գ. Բ. Զահովյան, Հայոց լեզվի զարգացումը և կառուցվածքը, Ե., 1969:

առանձին ժամանակահատվածների³: Հայերենի զարգացման անցած փուլերի քերականական կառուցվածքի կամ նրա այս կամ այն կողմի նկարագրությանը, առանձին լեզվական իրողությունների պատմական զարգացման ուսումնասիրությանը, ինչպես նաև հայոց լեզվի պատմության մասնակի հարցերի քննությանը նվիրված են բազմաթիվ աշխատություններ, որոնք բոլորը այստեղ հնարավոր չեն թվարկել⁴:

Մյուս կողմից, սակայն, մնում են հայոց լեզվի պատմության քիչ հետազոտված բնագավառներ, կնճռոտ խնդիրներ, որոնք կարուտ են ուսումնասիրության: Այդպիսի խնդիրներից են հայոց լեզվի զարգացման տարրեր փովերում լեզվական իրադրության բնութագրումը, լեզվի գոյության տարրեր ձևերի (տարածական և հասարակական տարրերակների) գործառության ոլորտների որոշումը, գրական լեզուների ձևավորման առանձնահատկությունների, լեզվական փոփոխությունների բնույթի ու պատճառուների բացահայտումը, նորագոյացումների առաջացման ու տարածման ժամանակագրության որոշումը, ինչպես նաև հայերենի քերականական կառուցվածքի, հնչունական համակարգի, բառապաշտի պատմական զարգացման մի շարք կոնկրետ առանձնահատկությունների պարզաբանման համար հարցերը: Դեռևս լիովին պարզաբանված շեն անցումային ժամանակաշրջանների լեզվավիճակները՝ ետ-դասական, նախամիջինհայերենյան, աշխարհաբարացման և այլն:

Հայագիտության կարևորագույն խնդիրներից է նաև պատմական

3 Գ. Ա. Ղափանցյան, Հայոց լեզվի պատմություն (հին շրջան), Ե., 1961,, Ս. Ա. Գալստյան, Ակնարկներ աշխարհաբարի պատմության, Ե., 1963, Տ. Ա. Շահրապյան, Արևմտահայերենի ձևավորումը, Ե., 1963, Գ. Բ. Ջայկян, Օчерки по истории дописьменного периода армянского языка, Е., 1967, Վ. Լ. Անեմյան, Գրական արևմտահայերենի ձևավորումը, Ե., 1971, Ակնարկներ միջին գրական հայերենի պատմության, ՀՀ. Ա.-Բ, Ե., 1972—1975, Խ. Ա. Խշանյան, Արևմտահայ բանաստեղծության լեզվի պատմություն, Ե., 1978, նույնի. Նոր գրական հայերենը, XVII—XVIII դր., Ե., 1979 և այլն:

4 Հիշատակենք գրանցից միայն մի քանիսը. Ս. Ա. Արքահամյան, Գրաբարի ձևաբարկ, Ե., 1958, Գ. Թ. Զահովյան, Հին հայերենի հոլովման միտեմը և նրա ծագումը, Ե., 1959, Է. Բ. Աղայան, Գրաբարի քերականություն, 1 ա, Ե., 1964, Է. Գ. Տումանյան, Древнеармянский язык, М., 1971, ինչպես նաև՝ Կ. Ի. Կոսկուն, Օчерки исторического синтаксиса литературного армянского языка, М., 1959, Է. Գ. Տումանյան, Очерки исторического развития падежных форм новоармянского литературного языка, М., 1964, Հայերենի պատմական հերականություն («Բառագիտություն» և «Եղանակաբան» համակարգի պատմական զարգացումը) հ. 2, Ե., 1975 և այլն:

ոճագիտության ստեղծումը, մասնավորապես, հին և միջին գրական հայերենների գործառական ոճերի ձևագործման ու զարգացման, անհատական և գործառական ոճերի հարաբերության հարցերի լուծումը:

Հայտնի է, որ գրաբար մատենագրության լեզվի ոճաբանական բնությանը սկիզբ է դրվել բավական վաղուց, այդ հարցով զբաղվել են այնպիսի հայագետ-լեզվաբաններ, ինչպիսիք են Ա. Գարագաշյանը, Ա. Այտրնյանը, Ն. Բյուզանդացին, Հ. Գալլըրճյանը, Հ. Թոռնյանը, Հ. Սպենյանը, Ն. Ակինյանը և ուրիշներ. մեր ժամանակներում՝ հատկապես Վ. Առաքելյանը։ Սակայն նրանց ուշադրության կենտրոնում էին հիմնականում գրաբարի դասական շրջանի հեղինակների երկերը, նրանց ոճական դասակարգումն ու բնութագրումը։ Ավելի ուշ շրջանի գրաբարագիր հեղինակների լեզուն (բացի Նարեկացուց⁵) այդ առումով գրեթե շի ուսումնասիրված։ Ներկա ժողովածուի մեջ ամփոփված աշխատությունները որոշ շափով գալիս են լրացնելու այդ բացը։

Դ. Բաղդիշյանի աշխատությունը նվիրված է ոճագիտական առումով շուսումնասիրված մի ստեղծագործության՝ VII դ. հեղինակ Սեբեոսի «Պատմության» լեզվին։ Համառոտ կերպով անդրադառնալով Սեբեոսի և նրա երկի հետ կապված բանասիրական հարցերին, ուսումնասիրության հեղինակը առանձին բաժիններով քննում է «Պատմության» բառապաշարի իմաստային, ծագումնաբանական, բառակազմական հարցերը, բացահայտում է այդ երկում տեղ գտած առանձնահատուկ քերականական իրողությունները, այնուհետև անդրադառնում հեղինակի կիրառած ոճական միջոցներին ու հնարանքներին։

Վ. Համբարձումյանի «Հ. Մամիկոնյանի «Տարոնի պատմության» լեզուն և ոճը» ուսումնասիրությունը նվիրված է հայ հին մատենագրության՝ ոճական տեսակետից ուշադրավ մի երկի քննությանը։ Վ. Համբարձումյանը անդրադառնում է այդ գրական հուշարձանի և նրա հեղինակի անձնավորության հետ կապված հարցերին, գնահատում է այդ ստեղծագործությանը նվիրված աշխատությունները, բանասիրական և լեզվական փաստերի համադրումով գալիս է այն եղբակացության, որ Հ. Մամիկոնյանը VIII դարի մատենագիր է։ Աշխատության մեջ մանրամասն քննվում են երկի լեզվի բառապաշարահմատային, բառակազմական և քերականական առանձնահատկությունները։ Բառապաշարը քննվում է ըստ առանձին շերտերի կամ գործառական-իմաստային դաշտերի, հատուկ ուշադրություն է դարձվում նորա-

5 Վ. Առաքելյան, Գրիգոր Նարեկացու լեզուն և ոճը, Ե., 1975։

բանություններին, փորձ է արվում բացահայտել նրանց առաջացման ակունքները: Դարձվածաբանական միավորները ուսումնասիրվում են ըստ ծագման, կառուցվածքի և կիրառման առանձնահատկությունների: Բացահայտվում է քննված լեզվական միավորների ոճական արժեքը:

Հատորում տեղ գտած երկու ուսումնասիրություններում էլ ընտըր-պած հեղինակների ոճը դիտվում է որպես իրենց ժամանակի գործադաշ-կան ոճերից մեկի՝ պատմագրական մատենագրության ոճի արտահայ-տություն, միաժամանակ հատուկ ուշադրություն է դարձվում հեղի-նակների լեզվառնական անհատական նախասիրությունների բացա-հայտմանը: Հ. Մամիկոնյանի և Սեբեոսի լեզվում հայտնաբերված նո-րաբանությունները, քերականական նոր երևութների կիրառություննե-րի փաստերը կարեոր նշանակություն ունեն հին գրական հայերենի ետ-դասական շրջանի հետագա ուսումնասիրության տեսակետից:

Լ. Հովսեփյան

ՍԵԲԵՈՍԻ ԼԵԶՈՒՆ ԵՎ, ՈՃԸ

ՆԵՐԱԾՈՒԹՅՈՒՆ

Սեբեոսը VII դարի հայ նշանավոր պատմիչ է: Նրա գրած Պատմությունը երկար ժամանակ համարվում էր կորած: Մեր մատենագրության մեջ նրա կենսագրության մասին ոչինչ չի ասվում: Միջնադարյան մի քանի հեղինակներ (*Ստեփանոս Ասողիկ, Մխիթար Անեցի, Կիրակոս Գանձակեցի և այլն*) նշում են միայն, որ նա գրել է Հերակլի մասին մի աշխատություն: Սեբեոսն ինքն էլ իր մասին չի գրում: Մինչև այժմ այս պատմիչի ծննդյան ու մահվան ստույգ թվականները հայտնի չեն:

Սեբեոսի Պատմությունը ընդգրկում է հայ ժողովրդի պատմությունը հնագույն դարերից մինչև 661 թվականը:

Սեբեոսը հայագիտությանն առաջին անգամ ներկայացվում է Հովհաննես Շահիաթունյան եպիսկոպոսի միջոցով, որը էջմիածնի մատենադարանում գտնում է առանց հեղինակի ու վերնագրի մի ձեռագիր²: Ուսումնասիրելով այն՝ ենթագրում է, թե իր հայտնաբերած ձեռագիրը հայ պատմիչների կողմից հիշված Սեբեոսի Պատմությունն

1 Մեր այս աշխատության կապակցությամբ հաշվի ենք առել բանասիրական գիտությունների դոկտոր, պրոֆեսոր Ա. Մարգարյանի, բանասիրական գիտությունների թեկնածու, դոցենտ Լ. Կարապետյանի և Երևանի Խ. Աբովյանի անվան հայկական պետական մանկավարժական ինստիտուտի հայոց լեզվի ամբիոնի կողմից արված այն գիտողությունները, որոնք մեր կողմից համարվել են ընդունելի:

2 Սեբեոսի Պատմությունը ուսումնասիրողները Հ. Շահիաթունյանի կողմից այդ երկի հայտնաբերման տարեթիվը նշում են 1842: Այսպես է վարվում նաև Գ. Աբգարյանը (տե՛ս Գ. Աբգարյան, Բանասիրական հետախուզումներ, «Բանքեր Մատենադարանի», № 4, 1958, էջ 61): Սակայն մի այլ աշխատության մեջ գրում է, «...դեռ 1831 թվականին ծանոթ է Եղել (իմա՝ Հ. Շահիաթունյանը— Գ. Բ.)» «Սեբեոսի Պատմությանը» (տե՛ս Գ. Վ. Աբգարյան, «Սեբեոսի Պատմությունը» և Անանունի առեղծվածը, Երևան, 1965, էջ 15):

Է Հերակլի մասին: Այդ համոզմամբ էլ ձեռագրի վրա դրում է «Սեբէ-
սի հպիսկոպոսի Պատմութիւն ի Հերակլն»:

Ներսես Շինող կաթողիկոսը 645 թվականին Դվինում հրավիրում
է մեղ հայունի եկեղեցական ժողովը: Այդ ժողովում ընդունված և մեղ
ավանդված «Կանոնք Գունաց սուրբ ժողովոյն» խորագրով փաստա-
թղթի վերջում ստորագրել են 17 մասնակիցներ (անշուշտ, հեղինակա-
վոր անձինք): Այդ ստորագրություններից ութերրոդը «Սէբէս Բագ-
րատունեաց եպիսկոպոս»-ն է³: Հենց այս անձնավորությանն էլ Հ. Շահ-
իսաբենյանը նույնացնում է Սեբէսոս պատմիչի հետ: Այսպիսով, հայ
բանասիրության մեջ մտնում է Հ. Շահիսաբենյանի կարծիքը ձեռագրի
հեղինակի⁴ ու վերնագրի⁵ կապակցությամբ:

3 Տե՛ս «Կանոնքիրը հայոց», Ձեռագրերի համեմատութեամբ խմբեց Արսէն
Ղլտնեան, Թիֆլիս, 1913, էջ 130:

4 Գ. Արգարյանը «Բանասիրական հետախուզուաներում» և հատկապես արգեն
նշված աշխատության մեջ (1965 թ.) առաջին անգամ այն միտքն է հայունում, թե
մեղ հայունի Սեբէսոսի Պատմությունը Սեբէսոսին չի պատկանում, այլ՝ դարձյալ VII
դարում ապրած պատմիչ Խոսրովին, իսկ Հերակլի մասին Սեբէսոսի գրած Պատմությունը
դեռ հայունաբերված չէ (տե՛ս ակնարկված աշխատության հատկապես «Ուսումնասի-
րության գլխավոր արդյունքները» գլուխը, էջ 205—206):

Պ. Անանյանն իր «Ո՞վ է Սեբէսոսի Պատմութեան հեղինակը» գրախոսականում
(տե՛ս «Բազմավիճակ», Վենետիկ, 1970, № 1—3) համեմատում է հատկապես Ասողիկի
այն հատվածները, որոնցում խոսվում է Հերակլի մասին: «...Համեմատութիւնը ցոյց
կու տայ՝ թէ Ասողիկի իր քաղուածքը ըրած է ճիշտ այս մեր ձեռքը եղած Սեբէսոսի
Պատմութենէն: որովհետեւ ոչ միայն Ասողիկի բոլոր պատմաները, կամ տուած տե-
ղեկութիւնները՝ կան Սեբէսոսի Պատմութեան մեջ, այլ նաև կան բառեր ու բացատրու-
թիւններ, որոնք ուղղակի առնուած են Սեբէսոսի բնագրէնն...» (անդ, էջ 12): Մի այլ
տեղ գրում է. «Ուրեմն Ասողիկի օգտագործած Սեբէսոսի Պատմութիւն Հերակլի գիրքը
և Շահիսաբենյանի ձեռքով Սեբէսոսի վերագրուած պատմական գրութիւնը՝ նոյն գիրքն
է» (անդ, էջ 15): «Ուրեմն,— գրում է Պ. Անանյանը, — վերոյիշեալ Պատմութիւնը
Խոսրովի վերագրելու փաստը՝ հիմնուած է Վարդան Բաղդշեցիի (Ժէ. դար) «առանց
կասկածի այդ անոնց նշելուն վրայի Բայց այդ նշումը, եթէ նոյն իսկ բացատրութիւն
մը ունենար (այն է՝ Խոսրովի անունը նշելուն վրայի Բայց այդ նշումը, եթէ նոյն իսկ բացատրութիւն
ընդունելու, եթէ ԺԷ. զարդէն Ասողիկի վկայութիւնը կա՝ նոյն Պատմութիւնը Սեբէսոս
եպիսկոպոսին վերագրող» (անդ, էջ 20): Պ. Անանյանը նշում՝ է նաև, որ Վարդան Բա-
ղդշեցու նշած Խոսրովի կարող է հասկացվել նաև ոչ թե պատմիչի անունը, այլ Սե-
բէսոսի Պատմության գլխավոր դեմքերից մեկը: Պ. Անանյանի կարծիքը բավական հըս-
տակ է, և համոզիչ:

5 Ի հարկե, հետագայում հայունվել են կարծիքներ այն մասին, թե Սեբէսոսի Պատ-
մությունը չէր կարող Հերակլի անունով կոչվել, որովհետեւ գրքում Հերակլի մասին

Ճիշտ է, Սեբեռոսի լեզուն դիշում է Եղիշեի, Խորենացու, Ագաթանգեղոսի լեզվի պատկերավորությանը, գեղարվեստականությանը և վեհանությանը, բայց նրա Պատմությունում էլ կան գեղարվեստորեն կատարյալ որոշ հատվածներ: Սեբեռոսի լեզվի ոճական պեսպիսությունը, նրա գեղարվեստական արտահայտչականությունը, համանիշների առատությունը, վկայում են այն մասին, որ նա եղել է կրթված հոգեվոր անձ:

Նշանակալից է Սեբեռոսի գերբ հայ պատմական գրականության

ընդամենը մի քանի գլխում է խոսվում: Ստ. Մալխասյանցը 1939 թվականին այս Պատմությունը հրատարակեց՝ վերնագրում առանց Հերակլի անոնը նշելու (տե՛ս «Սեբեռոսի և պատմութիւն», բազգատութեամբ ձեռագրաց, հանդերձ առաջարանիւ և ծանօթութեամբ ի ձեռն Ստ. Մալխասյանց, Երևան, 1939: Այսուհետեւ՝ Սեբեռոս և համապատասխան էըր): Մենք մեր ուսումնակիրությունը կատարել ենք նշված հրատարակության հիման վրա: Նշենք, որ նախապես կազմել ենք Սեբեռոսի Պատմության բնագրացին համարարրառ:

6 Այս կապակցությամբ Ստ. Մալխասյանցը դրում է (նշված հեղինակից կատարված քաղվածքները բերում ենք հայերենի արդի ուղղագրությամբ): «Սեբեռոս, ինչպես երեսում է նրա գրվածքից, դպրոցական կրուրյանից զուրկ՝ ինքնուա անձ է, երկար ընթերցանուրյամբ գրելու վարժուրյուն ձեռք բերած. ուստի նրա էպիս զասական լեզվի մեջ սպրդում են համաձայնական անհարթություններ և ստուգաբանական սխաներ, իրեն նշաններ գրաբար լեզվի բայբայման» (ընդգծումը մերն է—Գ. Բ.) (Սեբեռոս, «Առաջարան», էջ ԶԱ):

Մեզ թվում է, թե Ստ. Մալխասյանցը մի կողմից շափազանցում է, մյուս կողմից՝ հակասում փնտն իրեն: Եկեղեցական հայտնի ժողովին (645 թ.) մասնակցում է նաև Սեբեռոս և պիսկոպոսը: Այս առօທիկ Ստ. Մալխասյանցը գրում է, «Դվնա ժողովին ներկա լինելը թելադրում է կարծել, թե նու մասնակցած կլինի Դավանության թղթի հորինման, գուցե և գլխավոր խմբագրու» (անդ, էջ Զ):

Ի՞նքեւ, Ստ. Մալխասյանցը կարող է միայն ենթագրել Սակայն դա էլ բավական է, որպեսզի Սեբեռոսին համարել իր ժամանակի խիստ զարգացած մարդկանցից մեկը: Նշենք նաև, որ պատմարանները միաբերան հավաստում են, թե Սեբեռոսի նշած ժամանակարական տվյալները մեծ մասամբ ճիշտ են: Իսկ դրանք բավական շատ են: Ինքնուա, միայն «Երկար ընթերցանությամբ գրելու վարժություն ձեռք բերած» մարդու համար զժվար կլիներ պատմական անցքերի ու զեագրերի այլպիսի մանրազնին, ճշգրիտ նկարագրումը:

VII դարի գրաբարը, բնական է, անաղարտությամբ չըր կարող պահպանել Վ դարի լեզվական վիճակը: Ինչ վերաբերում է այն բանին, որ նրա լեզվում հանդիպում են «համաձայնական անհարթություններ և ստուգաբանական սխաներ», որոնց մասին խոսում է Ստ. Մալխասյանցը, դժվար է ասել՝ Սեբեռոսից են գալիս, թե՞ հետապաընդօրինակողներից: Կարծում ենք, որ դրանք ուշ շրջանի գրիշների կողմից կատարված միշամտությունների արդյունք են:

մեջ: Բավական է ասել, որ առաջին անգամ նա՛ է գրում Դվինի կարևոր ժողովի⁷, արաբների՝ դեպի Հայաստան կատարած առաջին արշավանք-ների (իբրև ականատես)՝⁸, Ասորիթի արարական կառավարիլ Մոպավիացի հետ Թեոդորոս Ոշտունու կնքած մի կարեւոր պայմանագրի⁹, Եզր կաթողիկոսի, Հոփիսիմենի տաճարի կառուցման մասին և այլն: Եվ պատահական չէ, որ Սեբեոսի երկը բարձր են գնահատել Հայ բանասիրությունը և պատմագրությունը: Այսպես, օրինակ, Ն. Ակինյանը գրում է. «...այն ստոյգ է, որ իր շօշափած նիւթերու նկատմամբ ինքն է (իմա՛ Սեբեոսը — Գ. Բ.) միակ ականակիտ աղբիւրը, յատկապէս Զ. եւ է. դարերու համար»¹⁰:

Հ. Գաթըրճյանը նշում է. «Ստոյգ է որ աս դէպքերն (այսինքն՝ Սեբեոսի Պատմությունում հիշված դեպքերը — Գ. Բ.) ըստ մեծի մասին ծանօթ էին մեզի, բայց չէ թէ ազգային ժամանակակից աղբիւրէ մը, ինչպէս է Սեբէոս, այլ աս բաներս մեծաւ մասամբ իրմէ քաղողներուն պատմութենէն, զոր օրինակ Յովհան կաթողիկոս, Կիրակոս Գանձակեցի, Թովմաս Արծրունի, եւ այլն: Ասանկով Սեբէոս իր բուն պատմական մասին համար միշտ սեպհական յարգ ու հեղինակութիւն կ'ունենայ...»¹¹:

Ավելին, Սեբեոսը երեսմն պատմում է V դարի իրադարձությունների մասին, որոնց վերաբերյալ տեղեկություն չեն տալիս և նույն դարի պատմիչները, և ուշ շրջանից՝ անգամ Դ. Փարպեցին. «Պատմելով Վահան Մամիկոնյանի գիւտավորությամբ Պերողի դեմ բարձրացըլած ապստամբության մասին,— գրում է Վ. Վարդանյանը,— Սեբեոսը հիշատակում է Գերանա դաշտում Վահանի տված մի ճակատամարտը, որին Փարպեցին ծանոթ չէր»¹²:

Պատմիչը հավաստի տեղեկություններ է հազորդում նաև VII դարում Հայերին հարեան ժողովուրդների մասին: Ուստի, «Սեբեոսի երկը մեծարժեք աղբյուր է ամբողջ Մերձավոր արևելքի պատմության հա-

7 Ե. Գ. Տեր-Մինասյան, Այսպես կոշված Պարսից ժողովը («Պատմա-բանասիրական հետազոտություններ», Երևան, 1971, էջ 45):

8 Ս. Ս. Սելիք-Բախչյան, Հայաստանը VII—IX դարերում, Երևան, 1968, էջ 33:

9 Անդ, էջ 66—67:

10 Հ. Ներսէյ Վ. Ակիննեան, Մատենագրական հետազոտութիւններ, Հ. Բ., Վիեննա, 1924, էջ 50:

11 Տե՛ս «Ելլուրապա», Վիեննա, 1852, № 21:

12 Վ. Հ. Վարդանյան, Հայ գրականությունը VII դարում, Երևան, 1970, էջ 131:

մար և լրացնում, ճշտում է բյուզանդական ու ասորական աղբյուրների տվյալները»¹³:

Խոսկեռվ *VII* դարում տեղի ունեցած քաղաքական որոշ իրադարձությունների մասին, որոնք համաշխարհային նշանակություն են ունեցել, Գ. Աբգարյանը նշում է, որ հույները, պարսիկները, լատինները և այլ ժողովուրդներ այդ իրադարձություններն իրենց մեջ ամփոփող պատմագրական երկ չեն ստեղծել: «Միակ բացառությունը, — գրում է նա, — միջազգային պատմագրության մեջ կազմում է «Սերեսոսի Պատմությունը», որի հեղինակը ժամանակակից ու ականատես է դարշրջան կազմող այդ դեպքերին և իր գրվածքով մեզ է հասցրել Անդրբովկասի, իրանի, Մերձավոր արևելքի և Բյուզանդիայի քաղաքական կյանքին վերաբերող ուշագրավ տեղեկություններ:

Այսպիսով, «Սերեսոսի Պատմության» շնորհիվ հայ մատենագրությունը գրավում է առաջնակարգ դեր *VII* դարի համընդհանուր պատմագրության ասպարեզում»¹⁴:

Սերեսոսի Պատմությունը հետաքրքրական է նաև լեզվառճական առումով: Բանն այն է, որ *V—XI* դարերը մեզ ավանդված գրականության լեզուն հին հայերենն է՝ գրաբարը¹⁵: Սակայն, զարգացման ներքին ու արտաքին գործոններով պայմանավորված, գրաբարն այդ բավական ընդարձակ ժամանակահատվածում լեզվական-որակական առումով միաձույլ ու միատարր չէր: Հիշյալ դարերի գրական լեզուն, ընդհանուր առմամբ գրաբարը լինելով հանդերձ, յուրաքանչյուր դարում փոփոխվել ու զարգացել է: Այդ փոփոխություններն արդեն *XII* դարում հանդիցնում են միջին գրական հայերենի կազմավորմանը:

Նշված դարերից յուրաքանչյուրում հայոց լեզվի ուսումնասիրումը, տվյալ ժամանակահատվածում ապրած հեղինակների լեզվական առանձնահատկությունների հետազոտությունը կնպաստի ինչպես լեզվի զարգացման առանձին շրջանների, այնպես էլ՝ *V—XI* դարերի լեզվական վիճակի առավել լրիվ ու անթերի նկարագրմանը:

Ասվածը վերաբերում է ինչպես ընդհանրապես *VII* դարի լեզվավիճակին, այնպես էլ՝ այդ ժամանակի պատմիչ Սերեսոսի լեզվին՝ մասնավորապես:

13 Հայ ժողովրդի պատմություն, առաջին մաս, Երևան, 1958, էջ 153:

14 Գ. Աբգարյան, «Սերեսոսի Պատմությունը» և Անանունի առեղծվածը, Երևան, 1965, էջ 7:

15 Այս մասին մանրամասն տե՛ս Գ. Բ. Զահորելյան, Հայոց լեզվի գրագացումը և կառուցվածքը, Երևան, 1969, էջ 36—43:

Ուսումնասիրողները մեծ ու արժեքավոր աշխատանք են կատարել Սեբեռուի Պատմության բնագրի հետազոտության, երկի պատմական արժեքի գնահատման ուղղությամբ: Սեբեռուի զուտ լեզվի ու ոճի ուսումնասիրման կապակցությամբ մեր աշխատանքն առաջին փորձն է:

Սեբեռու ետղատական շրջանի մատենագիր է: Նրա լեզուն, բնականաբար, հին գրական հայերենն է, որը շատ ընդհանուր գծեր ունի դասական հայերենի հետ: Հետևաբար, մասսամբ իրավացի է Գ. Զարբհանալյանը, որը մատնանշում է. «Սեբեռուի լեզուն մերձաւոր է մեր մատենագրութեան ուսկի դարուն հեղինակաց»¹⁶: Սակայն տվյալ արտահայտությունը քիչ բան կարող է ասել այդ մերձավորության աստիճանի ու շափում մասին: Պատմիչի լեզվի ու ոճի համակողմանի և մանրակրկիտ ուսումնասիրությամբ միայն կպարզի, թե Սեբեռուի լեզուն որքանո՞վ է մերձավոր ամեր մատենագրութեան ուսկի դարուն հեղինակաց»:

Մեր ուսումնասիրության նպատակն է եղել ներկայացնել պլիսավորապես դասական հայերենի հայտնի նորմաներից ու ձեռքից կատարված շեղումները, գտնել այն, ինչը բնորոշ է Սեբեռուի լեզվին և ինչը նոր է վկայված նրա գործում¹⁷ դասական գրաբարի համեմատությամբ, ինչը ավելի աշխույժ կիրառություն է ստանում կամ ընդհակառակը: Օրինակ, դասական գրաբարի համեմատությամբ, հնչունաբաննության մեջ ուշադրավ է բառավերջան ն-ի անկումը երդումն բառում (երդում ձևով). Օրինակ՝ «Եւ տայ նմա զմարդպանութիւն աշխարհին և զՄամիկոնեաց տէրութիւնն, և երդում առ բազում ի ծառայութիւն, և արձակէ բարեաւ յերկիր իւր» (Էջ 26):

Ե խոնարհման բայերի (Ժողովեմ, հրամայեմ) հրամայական եղանակի եղանակի թիւվը Ժողովեա՛, հրամայեա՛ լինելու փոխարեն Սեբեռու

16 Գ. Զարբիանալյան, Հայկական հին դպրութեան պատմութիւն (Դ-ԺԴ դար), Վենետիկ, 1897, էջ 440:

17 Մենք սա ընդունում ենք պայմանականորեն և վերապահությամբ: Նոր ենք համարում բառական այն միավորները, որոնք չկան «նոր բառգրիք հայկակեան լեզուի» (ՀՀ. 1—2, Վենետիկ, 1836—1837, այսուհետև՝ նշԲ) և «Առձեռն բառարան հայկակեան լեզուի» (Վենետիկ, 1865, այսուհետև՝ ԱԲ) բառարաններում, այն փաստերը, որոնք կան ԱԲ-ում, բայց չկան նշԲ-ում, ինչպես նաև հրատարակված հետևյալ համարբառաներում՝ «Հայկական համաբարբառ», № 1—7, Երևան, 1972—1974, Պ. Աստուծածառութեան, Համարբարբառ Հին և Նոր կտակարանաց, Երևանաղէմ, 1895: Մեր հետազոտության մեջ օգտագործված վիճակագրական տվյալները բերված են ըստ նշված համարբառաների:

Երկում ներկայացված է ժողովէ՝ հրամայէ՛ ձևով¹⁸. օրինակ՝ «Բայց հ'կ, ասէ, ես զիմս ժողովեմ և ի թրակէ գումարեմ. և դու զքոյդ ժողովէ և հրամայէ յԱրևելս տանելը» (էջ 49): Այստեղ արդեն նկատվում է երկրաբառների վերացում և գրաբարի խոնարհման համակարգի քայլայում:

Ինչպես դասական գրաբարում, այնպէս էլ Սեբեոսի լեզվում հանդիպում են գրության տարբերակներով որոշ բառեր: Պատմիչի երկում, այս առումով, աշքի են ընկնում հատկապես դասական և քանակական թվականները. Օրինակ՝ երանասուն հազար (էջ 9), Հ հազար (էջ 130), հաներորդ առաջներորդ (էջ 78), Ի. Երորդ (էջ 18), Ե-Երորդ առաջներորդ (էջ 15) և այլն: Սակայն թվականների գրության տարբերակների նման առատությունը հատուկ չէ դասական գրաբարին:

Մի քանեակական թվականը միշին գրական հայերենում գրվում է մէկ ձևով: Վերջինս, իբրև մի-ի գրության տարբերակ, գտնում ենք Սեբեոսի լեզվում՝ «Յովիանոս և Գաղիանոս... մնացին որբ ի մէկ հաւրէ» (էջ 18):

Հազար թվականի համար մի հազար գրության տարբերակը ժողովը բրդական մտածողության արդյունք է. օրինակ՝ «Յայնժամ ի խնդիր ելեալ ընտրեցին արս ԲՌ սպառազէնս և ետուն... մի հազար ցՍահակ Մամիկոնեան և մի հազար ի ձեռն Սմբատայ Բագրատոնւոյ» (էջ 55): «Եւ բաժանեցին ԺԲ հազար արանց, որ յորդոցն իսրայելի ի ցեղսն իւրեանց, հազար այր մի ի ցեղ մի՝ առաջնորդել նոցա յերկիրն իսրայելի» (էջ 106):

Վերջին օրինակի թվականի բաղադրիչների շարադասությունը նույնպես բնորոշ չէ դասական գրաբարին:

Նշելի է, որ Հոգնակի ուղղականում շորֆ-ին զուգահեռ զգալի հաճախականությամբ գործածվում է նաև շորս-ը (շորֆ-ի Հոգնակի հայցականը): Զորս-ի այսպիսի կիրառությունը հատուկ է միշին դրական հայերենին և հայոց լեզվի զարգացման հետագա շրջաններին:

Պատմիչի լեզվում կան կարողիկոս //կարուղիկոս¹⁹, որից էլ՝ կարողիկոսութիւն//կարուղիկոսութիւն, կորատոր//կուրատոր: Բերլած տարբերակներից Սեբեոսն ավելի շատ գործածել է կարուղիկոս-ը՝ 39 անգամ, իսկ կարողիկոս-ը՝ 3, կորատոր-ը՝ 2 անգամ, իսկ կուրատոր-ը՝ 1:

18 Տե՛ս Ա. Ա. Աբրամյան, Գրաբարի ձեռնարկ, Երևան, 1958, էջ 483:

19 ԵՀԲ-Ն (հ. 1, էջ 1032) գլխաբառ է դնում կարողիկոս և ավելացնում՝ «Որ առ մեօք ասի կարողիկոս»:

Հ. Մուրադյանը ցուց է տալիս, որ նշված ձեռքը հանդիպում են նաև միջին գրական հայերենում²⁰: Սեբեսի փաստերը, ինչպես տեսնում ենք, այս երեսութեամբ միջին գրական հայերենից տեղափոխում են շատ ավելի տուազ: Մեզ թվում է, որ կարողիկոս//կարուղիկոս, կարողիկոսութիւն//կարուղիկոսութիւն, կորառոր//կուռատոր զուգաձեռքը պարզապես խոսակցական, բարբառային լեզվի աղղեցության հետևանք են և ոչ թե լեզվի գրական նորմայում ո>ու օրինաշափ հնչունափոխություն: Այսօր էլ որոշ բարբառախոսներ գործածում են կարողիկոս, կարուղիկոսութիւն և այլ ձեռք: Բացի սրանից, այս բառերում Սեբեսի երկում հանդիպում են երկգրության դեպքեր:

Միջին գրական հայերենի համար Հ. Մուրադյանի նշած տումար, տաւմար, տօմար, տումար ձեռքից Սեբեսի գործում հանդիպում ենք միայն տումար-ին (9 անգամ). օրինակ՝ «Եւ վաղվաղակի առաքեցաւ նմա տումար գրեալ ձեռամբ թագաւորին» (էջ 102:)

Կարծում ենք՝ այսքանն էլ բավական է՝ մեր ընտրած սկզբունքի վերաբերյալ ընդհանուր կողմերով որոշ պատկերացում տալու համար:

20 Հ. Գ. Մուրադյան, Հնչունաբանություն («Ակնարկներ միջին գրական հայերենի պատմության», Ա, Երևան, 1972, էջ 85: Այսուհետեւ՝ «Ակնարկներ...»):

9185-88

ԳԼՈՒԽԱ ԱՌԱՋԻՆ

ԲԱՌԱՋԱՇԱՐԸ

Սեբեռուր գործածել է շուրջ 2570 բառ¹: ինչպես որ սպասելի էր, այդքառերը Սեբեռուի լեզվում նույն հաճախականությունը շունեն: Նրանք հավասարապես բաշխված չեն նաև ըստ գործառական ոլորտների:

Ըստ իմաստային դաշտերի Սեբեռուի բառապաշառը կարելի է բաժանել հետևյալ խմբերի.

1. Պատերազմին, զորքին ու զորավարությանը վերաբերող բառեր.—ապստամբ, ապստամբութիւն, արշաւանք, բանակ, գերի, գումարտակ, զաւրավար:

2. Հավատքին, կրոնին ու եկեղեցուն վերաբերող բառեր.—հաւատ, աստուած, աստուածասէր, խաչ, խոնկ, հեթանոս, մարդարէ, ուղղափառ, սուրբ:

3. Պետական կյանքին և պաշտոնավարությանը վերաբերող բառեր.—արքայ, արքունական, դեսպան, թագաւոր, իշխան, կայսր, պատգամաւոր, սուրբանդակ:

4. Հոգեկան աշխարհ, բնավորություն, հույզ, զգացմունք արտահայտող բառեր.—ահ, աղաղանք, աղլողորմ, ամաւթ, ամբարտաւան, անարդանք, հպարտ:

5. Մարդու, կենդանու օրգանիզմի մասեր նշող բառեր.—ազի, աղդր, ականջ, ակն, բազուկ, բերան, գարշապար, գլուխ, ժանիք, լեզու:

6. Ժամանակ նշող բառեր.—ամիս, այգ, այսաւր, առաւաւտ, գիշեր, երեկոյ, շաբաթ, ուրբաթ:

7. Բնություն, բնության երևույթներ նշող բառեր.—աղբիւր, անապատ, անտառ, արեղակն:

¹ Զենք հաշվել տարբեր աղբյուրներից Սեբեռուի կողմից կատարված մեջբերումների բառապաշարը: Զենք հաշվել նաև վերնագրերի բառերը, որովհետեւ դրանք մեծ մասամբ դրվել են Միհրդատյանի կողմից (տե՛ս Սեբեռու, «Առաջարան», էջ ՀԵ):

8. Շինություն և նրա մասեր նշող բառեր.— ապարանք, դուռն, կամուրջ, հեծան:

9. Կենդանի նշող բառեր.— այծեամն, անասուն, արծուի, արջ, խող, ձի, զուն, չորի:

10. Ուսում, դպրություն նշող բառեր.— աշակերտ, գիր, գրեմ, դպրութիւն, ընթերցասէր:

11. Ազգակցական, բարեկամական կապեր նշող բառեր.— ազգական, աներ, զուստր, եղբայր, զաւակ, թոռն, կին, հայր, մայր:

12. Մարդու առօրյա օգտագործման նյութեր և իրեր նշող բառեր.— աղ, աւղ, ճրագ, սեղան, գաւտի:

13. Սոցիալական վիճակ նշող բառեր.— աղքատ, ծառայ, մշակ:

14. Որակ, հատկություն նշող բառեր.— անմատուց, անպիտան, խախուտ, խակ, ոսկեթել, շքնաղ:

15. Բուսականություն նշող բառեր.— արմաւենի, բոյս, թուփ, ծառ, ձիթենի:

16. Բնակավայր, բնակարան ու նրա մասեր նշող բառեր.— աւան, գեւղ, գիւղաբաղաք, յատակ, սենեակ, քաղաք:

17. Տարիք նշող բառեր.— երիտասարդ, ծեր, ծերունի, մանուկ:

Ինչ խոսք, մենք Սեբեսի բառապաշարի բոլոր իմաստային դաշտերը չներկայացրինք: Հեղինակը գործածել է նաև կյանքի զանազան բնագավառներին վերաբերող բազմաթիվ այլ բառեր: Սակայն արդեն բերված բառերն իսկ թույլ են տալիս ասելու, որ հեղինակի բառապաշարի մի զգալի մասն այսօր էլ կենդանի է գրական հայերենում: Սեբեսի Պատմությունում կան նաև հնացած բառեր, որոնք այլևս չեն գործածվում՝ իրէապետ, համարակար, շազոյր, կուր, աւանիկ, երկաքանչիւր և այլն: Կան և այժմ հնաբանությունների վերածված բառեր, որոնք գործածվում են պատմության որևէ ժամանակաշրջանի նկարագրման կամ պատմական անձի կերպարի կերտման համար՝ ամ, արտախուրակ, խոյր, մատոռակուրիւն և այլն:

Սեբեսի բառապաշարում կան նաև նոր բառեր².

2 Նոր բառ չենք համարում մայրափայտեայ-ն (էջ 5), որովհետեւ թեև նշթ-ն և ԱԲ-ն չեն տալիս այն, բայց գոտնում ենք Ազաթանգեղոսի լեզվում՝ «Հրամայեաց...մայրափայտեայ...տապան գործել» (էջ 594):

Մի շարք բառերի համար նշթ-ն վկայություններ է բերում Սեբեսից ավելի ուշ ապրած հեղինակներից՝ ներմակ, տիրասիրութիւն, ազգածին, ալանակու, արինաւրութիւն, անեանե, քամբեմ, հիմնադրեմ, հիմնադրութիւն, նրէապետ, ձեռնարկ, սրբաջունջ, վտանգեցուցանեմ, փայտայրկ, զամ, կիւտապաղատ, կուրատոր, նոռզ, ողոգմեան, պատրկութիւն և այլն:

Արաշ «կրակ».— «Առաւ և Հրատն... որ մեծագոյն համարեալ էր քան դամենայն կրակ, որ կոչէր ի նոցունց Արաշ» (էջ 28):

Աւարացուցանեմ «վտարել».— «Հաճիցաւ Աստուծոյ մարդասիրութիւնն զնոսա աւարացուցանել ի քաղաքէն սրբոյ իւրմէ երուսաղէմէ» (էջ 84):

Բահիլիկ «պատերազմական զրահ».— «Պատառի վերտ և ամուր բահիլիկ և կուռ զրահին ամրութիւն արքային Քուշանաց ի նիզակէն Սըմբատայ. զի հարեալ զնա զարութեամբ դիաթաւալ յերկիր կործանէր» (էջ 68): Տվյալ բառի իմաստն այսպես է մեկնում Հր. Աճառյանը³, իսկ Ստ. Մալխասյանցը (տե՛ս Սեբեոս, էջ 187, ծան. 48) կարծում է, թե բահիլիկ բառը նշանակում է «Բահլում շինված, Բահլի, (ինչպես Դամասկոսի անունով ազնիվ սրերը կոչում էին դամասկյան նեն):»:

Բահիղակ (ենթադրվում է «գորգ» կամ նման մի բան).— «Ելեալ արտաք ի դահլիճն, նստի ի բոր և ի բահիղակ» (էջ 66):

Բացի «բաց տեղ».— «Իսկ թէողորոս Վահկունեաց տէրն կալաւ գրերդն Արփայս. և Գրիգոր որդի նորա էր փեսայ Ռշտունեաց տեառնն. Վարագ Ներսէն Դաշտկարին ամրացան ի բացտշն, և բանացան ի վերաց գանձուցն» (էջ 142):

Հատկապես -ի վերջանդով բազմաթիվ բառերի (մասնավորապես՝ տեղ, ժամանակ նշող) եղակի տրականը կազմվում է -զ հոլովակերտի օգնությամբ (տարի-տարտղ, կղզի-կղզուղ, իսկ ի նախոդիրով՝ ի տարտղ, ի կղզուղ): Ուստի, օրինաշափ է Սեբեոսի գործածած այս ձեզ: Գրաբարում կա ի բացեայ⁴ մակբայը, որը մի անգամ ևս հաստատում է, որ վերջանդ -ի-ն բացի բառում կարող է վերածվել նաև ւ-ի, իսկ ա-ից առաջ՝ ե-ի⁵:

Բնակագոյն «բնիկ».— «Երարձ սա զամենայն նախարարս և զնախնիս և զտունս բնակագոյնս յաշխարհէն Պարսից» (էջ 33):

Դրունզար «վաշտապետ».— «Տուեալ նմա զիշխանութիւնն բնիկ տանուտէրութեանն ասպետութեան, և արար զնա դրունզար զարաց իւրոց» (էջ 118):

3 Հր. Անալյան, Հայերեն արմատական բառարան, հ. 1, Երևան, 1971, էջ 394: Այսուհետեւ՝ Արմ.: Մեր աշխատությունում այս բառարանի 1-ին և 2-րդ հատորների հզումները բերվում են ըստ հետեւյալ հրատարակության՝ հ. 1-ին, Երևան, 1971, հ. 2-րդ, Երևան, 1973: Մենք օգտվել ենք նաև այս աղյուրի առաջին հրատարակությունից (Երևան, 1926—1935):

4 Տե՛ս ԱԲ, էջ 338:

5 Ավելի մանրամասն տե՛ս է. թ. Աղայան, Գրաբարի բերականություն, հ. 1, զիբը Ա, Հնչունաբանություն, Երևան, 1964, էջ 90—92:

Զանգապանակ «ծնկներն ու սրունքները ծածկող կտոր, զրահ».— «Զամենայն անաւթս մատուակացն առաքէ նմա ոսկի, և հանդերձս թագաւորականս, արոտախուրակս ոսկեղաւծս և զանգապանակ ակամբը և մարգարտովք կարգեալ» (էջ 64):

Խաչապան «եկեղեցպան, խաչն իր մոտ պահող մարդ».— «Կալան և դժայրապետն, որում անուն էր Զաքարիա, և զխաշապանն» (էջ 83):

Կանտիտատ «պալատական պաշտոնյա».— «Եւ ընկալաւ դնոսա իբրև զսիրելիս թագաւորութեանն, և զորդի նորա առաջին սպաթար զՄբատ ի մէջ ամենայն սպաթարացն, և կանտիտատ» (էջ 116):

Հաւայ (ենթագրվում է՝ «քաջագործություն»).— «Քանզի տեսանելով զիաւայս նորա շարաշարս՝ զարհուրեալ խոտորեցան սիրոք իւրեանց ի նմանէ» (էջ 43):

Մազիստրէ «իշխանական տիտղոս».— «Մանուէլ գործէր ի Կոստանդնուպալիս զգործ մազիստրէի»⁶ (էջ 139):

Նախանձարեր «նախանձը աշխարհ բերողը՝ սատանան».— «Զամենայն երկրպագու տեղիս նորոգեալ լսելով նախանձարերին, ոչ ի բարի, այլ ի բնիկ նախանձանք հայրենական հաւը նոցա Կայենի» (էջ 84):

Նախանձանք «նախանձ» (տե՛ս նախորդ նախադասությունը):

Նուանեցուցանեմ «նվաճել», «հնազանդեցնել».— «Երթայր ի կողմանս Պարթեաց... զի նուանեցուացէ ընդ ինքեան զզաւրս կողմանն այնորիկ» (էջ 59):

Նահրմար «քաղաքների ու զյուղերի վիճակագրական մատյան».— Խնդրեաց ի Խոսրովայ յարքայէն Պարսից, զի տարցեն զդիւան աշխարհին Սիւնեաց ի Դրւնայ ի Փայտակարան քաղաք, և կարգեսցէ զքաղաքն ի շահրմար Ատրպատականի» (էջ 27):

Պատգոսապան «պարսկական զորապետական տիտղոս».— «Զի թէպէտ և կազմեցին զերիվարս իւր, և հա ի ձեռս Շահենայ պատգոսապանի, այլ նուազ էր զաւըն և շկարացին ունել զդէմ» (էջ 93):

Պերոզական «պերողին պատկանող».— «Եւ զհետ սոցա հասանէին զաւըն պերոզական» (էջ 60):

Պէշոպա «առաջապահ գունդ».— «Զերծեալ մի ոմն ի հեծելոցն՝ հասեալ ի յԱրմէշ գոյժ արկանէ Խոռհմայ եթէ հասեալ է թշնամին ի վերայ քոյ, և կոտորեցին զզաւըն պէշոպա յԱղի» (էջ 94):

⁶ Ուշագրավ է այն, որ մազիստրէ բառաձեզ հին հոնարենի մազիստրոս բառի կոչականն է: Սերեսոն այն բարոնել է որպես ուղղական և թերել՝ մազիստրէի: Այստեղ մազիստրէի ձեզ սեռական է:

Սնդր.— «Մատուցանէ նմա պատարագ ոսկի և արծաթ. և ղարդարէ զնա ի սնդր և ի վակաս. պսակէ զնա ի թագ հայրենի» (էջ 9):

Բատ Հր. Աճառյանի (Արմ., հ. 6, էջ 308) այս բառն անստույգ է ու աղավաղված: Ն. Մառն այն համարում է ասորական Տուուր բառի փոխառություն, որ նշանակել է «սաղավարտ» (տե՛ս Սեբես, էջ 169, ծան. 15):

Սրբասուն «սուրբ».— «Բայց և զայս աղաշեմ զհայրական զձեր սըրբութիւնդ և որք ընդ ձեր սրբասուն եպիսկոպոսունսդ են, առաջի նոցա ընթեռնուլ զթուղթոց» (էջ 85):

Սրիան (ենթաղրվում է՝ «մանգաղ»).— «Եւ մինչդեռ սոքա ճակատեալ էին դէմ յանդիման գալ և մերձենալ առ միմեանս... ելեալ անտի բազմութեան մանկուոյ գերանդաւք և սրիանաւք անկան ի վերջոյ նոցա» (էջ 74):

Փայքար (իմաստը հայտնի չէ).— «Իսկ որք զՔաղկեդոնին՝ զՎիրոյ զԱղուանից կաթուղիկոսն, և այլ բաղում եպիսկոպոսունք ի Յունաց կողմանէ, և իշխանք, որք եկեալ էին ի ծառայութիւն Պարսից թագաւորին, որով և զփայքարն իսկ հրամայեաց տալ» (էջ 124):

Նշին (հ. 2, էջ 931) տալիս է այս բառը և հղում պայքար, որը բացարում է՝ «վեճ, կոփառ» (տե՛ս նաև ԱԲ, էջ 806): Ինչպես երեսում է, սրանք իմաստով տարրեր են և, հավանաբար, համանուններ են:

Երբ լուս տեսավ Նշին (1836—1837), Սեբեսի Պատմությունը դեռ հայտնաբերված չէր, իսկ երբ 1865 թվականին Գ. Ճելալյանը հրատարակեց լրացված ԱԲ-ն⁸, Սեբեսի Պատմությունն արդեն հրատարակված էր:

Տարբեր դարերի հեղինակների գործերի հիման վրա Գ. Ճելալյանը 5000 բառով հարստացնում է Նշինի բառացանկը: Անտարակույս, նա օգտվել է նաև Սեբեսի երկից: Սակայն ԱԲ-ն բնագրային վկայություններ չի տալիս, որպեսզի իմացվի, թե բառը ո՞ր մատենագրի լեզվում է հանդիպում: Անկասկած, այդ 5000 բառերի մեջ կան նաև այնպիսիններ, որոնք առաջին անգամ հանդիպում են հենց Սեբեսի բառապաշտում: Նկատենք, որ Հր. Աճառյանը «Արարատ» ամսագրում⁹, ապա Արմ.-ում

7 Հանդիպում են նաև զանստարագրեմ (էջ 1), ըստիպիմ (էջ 2), անկումուղի (էջ 76) բառերը, որոնք փետվում են աղավաղումներ, իսկ իմաստներն էլ՝ ենթաղրելի: Այս բառերը գիտակցաբար չենք բերում շարադրանքում:

8 Մանրամասն տե՛ս Գ. Կ. Գասպարյան, Հայ բառարանագրության պատմություն, Երևան, 1968, էջ 130:

9 ՏԵ՛ս «Արարատ», 1911, հ. 3, էջ 230—231:

Հաճախ նշում է, որ տվյալ բառը գործածված է միայն Սեբեսի լեզում։ Օրինակ, շագոյք-ի մասին գրում է. «Նագոյր բառը ուրիշ տեղ չի պատահում», իսկ կիւնիկ-ի վերաբերյալ՝ «ունի միայն Սեբ. Հրտ. Պտկ., էջ 54»¹⁰:

Ստորև բերում ենք Սեբեսի գործածած այն բառերը, որոնք կան ԱԲ-ում, բայց չկան ՆՀԲ-ում և մեր կողմից հիշված համաբարբառներում։

Անգարեմ «սեպել», «մի բանի հաշվել»։— «Եւ հեծեալ կալէք յաշխարհիդ ժե հապար, և հաց յաշխարհէն տուք, և ես ի սակն արքունի անգարեմ» (էջ 140):

Անհրամանատար «առանց հրամանատարի, առանց ղեկավարի»։— «Բայց զի մեռեալ էր երանելին Կոմիտաս կաթողիկոսն և կայր տեղին անհրամանատար՝ խորհուրդ առնէր ընդ ամենեցուն տեսանել զոմն արժանատոր» (էջ 98):

Աստուծակարծեալ «ինքն իրեն աստված համարող»։— «Ընդ զիրկըս մտեալ՝ զաւութեամբ հարկանէ նետիւ զտախտակս երկաթիս... յերկիր խարսխեալ վտարեալ նետն. և վաղվաղակի յերկիր կործանեալ զաստուածակարծեալ հսկայն» (էջ 5):

Իերդակ «փոքր բերդ»։— «Եւ երեք հարիւրքն անկեալ ընդ բերդակն որ ի մէջ զիւղաքաղաքին» (էջ 67):

Ցոցացուցանեմ «Հրդեհել»։— «Վէպ արիական... զէն Սասանական՝ յԱպրուէզն Խոսրովեան, որ բոցացոյց զառ ի ներքոյս ամենայն» (էջ 32):

Ցոնաբարայն «բռնի»։— «Եւ ապստամբեալ Մամիկոնեանն Վահան՝ հալածեաց զՊարսիկս և բռնաբարայն գրաւեաց զիշխանութիմն» (էջ 25):

Դժկոտ «դժնդակ», «դժվարին»։— «Բազումք խոցոտեալ նետիւք ի խարծն զծկոտս ի բազ և արի պատերազմողացն՝ ստուցեալ ի բաց ի կողմանցն յայնցանէ, զէմ եղին երթալ ի կողմանս հիւսիսոյ» (էջ 151):

Երդատր «տուն, տնեցիք»։— «Արդ՝ լի Երդատր ժողովեսցին ինձ անտի և նստուացին ի թրակացոց աշխարհին» (էջ 71):

Երկրորդեան «երկրորդ անգամ ամուսնացած»։— «Իսկ Երկրորդեանքն, և եթէ մին կոյս իցէ, և միւսն երկրորդական՝ հրամայէ ապաշխարել երկոցունցն ի միասին զերեամ մի» (էջ 134):

Երրորդեան «երրորդ անգամ ամուսնացած»։— «Իսկ զերրորդեանսն և զշորորդեանսն ոչ ընդունի եկեղեցի» (էջ 134):

Զրուցակարգեմ «պատմել, շարադրել»։— «Բացեալ զաւերածն վասն

10 Արժ., հ. 3, էջ 1218—1219:

սեանցն՝ ըստդիպան արձանագրին, դրոշմեալ ի վերայ վիմի. զամս և զաւորս հին թագաւորացն Հայոց և Պարթևաց յունարէն դպրութեամբ. զոր իմ գտեալ ի Միջագետս ի նորին աշակերտացն կամեցայ ձեզ զրուցակարգել» (էջ 2):

Սաղկացու (իմաստը հայտնի չէ).— «Պսակ մխիթարութեան քո ի ծաղկացու շարչարանաց նորա բոլորի» (էջ 88):

Կիւնիկ «կրկեսի հրապարակ», իսկ բուն իմաստով՝ «որսատեղ».— «Հատաւ վճիռ ի վերայ նոցա՝ մերկացուցանել և ընկենու ի կիւնիկն» (էջ 56):

Կողածք «լեռան թեք կող».— «Ելին ընդ կողածք լեռինն հավիւ հաղ» (էջ 151):

Հանդերձագին «հագուստ գնելու համար դրամ».— «Կարգեաց ոռչիկս և հանդերձագինս յարքունուստ» (էջ 47):

Հիմնատրագոյն «հավատքի մեջ ավելի հաստատ եղող».— «Մեռեալ էին հիմնատրագոյնք» (էջ 144):

Զիանեծեալ «ձիավոր զինվոր, հեծյալ».— «Եւ զբաղմութիւն ձերբակալաց ձիանեծելոց և փղահեծելոցն հրամայէր մերկացուցանել և կապել դձեսու ի վերայ ուսոց և արկանել կոխան ի ներքոյ ոտից փղացն» (էջ 41):

Զիընափիր առնեմ «զորքի համար լավ ձիեր ընտրելը».— «Յայնժամ երակլու ըստ նմին աւրինակի այլընտիր և ձիընափիր առնէ, և յարձակի ի վերայ նորա քսան հաղարաւա» (էջ 94):

Չորաբերան «ձորի այն մասը, որտեղից սկսվում է մուտքը ձորի մեջ».— «Եւ անցեալ զաւրն ամենայն զգեստովն՝ ոմանք ի թիկանց զամուրն պահէին, և ոմանք զկամրջախելն և զնորաբերանս ունէին» (էջ 52):

Ճապաղական «ցրված, ցաքուցրիվ եղած».— «Բայց արք երեք յիշխանացն, որք երթային ժողովել զգաւրն նապաղական, թէոդորոս Վահեվունի, և Խաչեան Առաւելեան, և Շապուհ Ամատունի» (էջ 109):

Ճապաղուած «ցրված, ցաքուցրիվ եղած».— «Ժողովեցին ապա և զաւրն Պարսից ի նապաղուածէ գանձուցն ոչ սակաւ իրս» (էջ 41):

Մաշկապերենան¹¹— «պարսկական թագավորական վրան».— «Եւ եղէ իբրև մտին ի մէջ բանակին և մերձ եղեն մաւտ ի մաշկապերենանն արքունի, և հրաման հասանէր ընդդէմ» (էջ 44):

Մարդասիրաբար «մարդասիրորեն».— «Այն կարի ահագին, որպէս

¹¹ Սա մաշկապարենէն «պարսկական թագավորական վրան» բառի աղավաղված ձեւն է: Սեբեռոտի գործում կա նաև մաշկապերենան, որը չկա Աթ-ում՝ «Եւ կալան զբամբիշն և զբանակն, և թագիցին զՄաշկապերենանն ամենայն» (էջ 28):

պարտ իսկ է՝ ըստ աստուածութեանն. և այս կարի խոնարհագոյն և մարդասիրաբար՝ ըստ մարդկացին բնութեանս» (էջ 127):

Միհրացեալ «պարսկական կրոնն ընդունած մարդ».— «Արդ՝ առեալ ապստամբին միհրացելոյն զզաւրս իւր... չու արարեալ գնայ հասանէ յԱտրպատական» (էջ 38):

Նիզակամուխ «նիզակ մացնող», բայց մեր բնագրում՝ կապակցվող բառի հետ՝ «նիզակամարտ».— «Հրաման ետ դարձեալ ժողովիլ... և զիշխանս նախարարացն, որք հմուտ էին և կարող զդէմ ունել՝ կրուել ի նիզակամուխ ճակատի» (էջ 53):

Նագոյր «պայտւսակ».— «Եւ ունէր ընդ անձն շագոյր մաշկեղէն ընդ ուս իւր» (էջ 63): «Մատուցեալ՝ առ յինքն զշագոյրն» (էջ 63):

Նրչեալ «շրջակայք, բոլորտիք».— «Եւ խաղաղութիւն բաղարիս Աստուծոյ և սորին շրջելիս, որպէս դէմ յանդիման պատմեն ձեզ, որպէս տեսին զայս բրիստոսասէր մարդիկդ ձեր» (էջ 85):

Զաստուածացեալ «սուտ աստված հոչակված».— «Յայնմ ժամանակի թագաւորեաց ի Բաբելոն որսորդ հսկայ Բէլն Տիտանեան, ճոխն շաստուածացեալ» (էջ 3):

Չորեկձայնեան «մի անդամից շորս ձայն հանող».— «Տայ նման զփողսն շորեկձայնեանս և պահապանս դրանն նորա ի հետևակաց արքունի» (էջ 66):

Չորրորդեան «շորրորդ անգամ ամուսնացած».— «Իսկ զերորդեանսն և զշորրորդեանսն ոչ ընդունի եկեղեցի» (էջ 134):

Պատկերանոխ «գեղեցկագեմ».— «Շամիրամ... կամեցաւ առնել ընդ նմա բարեկամութիւն... զի ոչ գտանէր յայնմ ժամանակի նման նորա այր ոք ամենենին՝ այր պատկերանոխ» (էջ 6):

Սեռնիմ «լցվել».— «Եւ եղկ իբրև հասին յաւուրս ամառնային շերմութեանն, և լցեալ սեռնեցան վայրքն բուսով դալարոյ՝ հրդեհցին զքաղաքն հուրբ» (էջ 80):

Սկյալաւէն «վիթխարի».— «Եւ կանգնէ զկապարձսն ի զետնոյ ընդ ինքեան յաւդ սկյալաւէն կամարին» (էջ 5):

Սուրակոխ «սրախողխող».— «Զի թէպէտ և այնպէս ահագին և սաստիկ էր սուրակոխ և հրակէզ աւրն դատաստանին քոյ, այլ ճարտարապետն իմաստուն... նոյն նորոգեցէ վերստին զփառս իւր ի վերայ քոյ» (էջ 88):

Վկենակալ «սպանված, կորուստ».— «Երեսուն հաղար հեծեալ վզենակալ է, ասէ, իմ ի վերայ աշխարհին Հայոց» (էջ 71):

Տարահալած «դուրս քշված».— «Ո՞րշափ ևս առաւել յերկնաւոր թա-

դաւորին յարքունիս ունիցի ոք համարձակութիւն մտանել՝ ոչ ունելով հանդերձ մաքրութեան... այլ ոչ տարահալած լեալ արտաքս մերժեսցի» (էջ 135):

Սեբեռսի գործածած, բայց ՆՀԲ-ում գոյություն շունեցող բառերի մեջ բավական շատ են փոխառությունները, որոնք համարյա շեն գործածվում հայոց լեզվում: Սրան հակառակ, հայերենի բառակազմական օրինաչափություններով կազմված, սակայն ՆՀԲ-ի կողմից չվկացված մի շաբք բառեր (նախանձանք, սրբառն, ձորաբերան, շանթեմ և այլն) նույնիւնի այսօր էլ կենսունակ են գրական հայերենի երկու տարբերակներում էլ. օրինակ՝ «Ես կանգնեցի այն բարձր պատուհանի տակին, որ տանտիրոց տղան նախանձանքից պայթի» (Ե. Զարենց, Ընտիր երկեր, էջ 458): «Ներքենում, ձորաբերանը փակող անտառները դարձել էին ցանցառ խողանակ՝ պարուրվել մրսող տիրությամբ» (Յ. Խանզադյան, Քաջարան, էջ 23): «Հիմա Զանոն ամբողջությամբ մարդկային մի ավերանք էր ներկայացնում» (Ա. Սեկոյան, Ուկե վաղերի մեջ, էջ 561): «Վերն էր դարձյալ, — երբ շանրեց օր մը մրրիկն ախերոն» (Դ. Վարուժան, Բանաստեղծություններ, էջ 310):

Ուշադրություն է դրավում նաև Սեբեռսի բառապաշտարի իմաստաբանական հարստությունը:

Յուրաքանչյուր բառ կարող է վերածվել բազմիմաստ բառի, եթե այն լայնորեն է գործածվում լեզվում կամ գոնե նրա զարգացման մի շրջանում: Սրան կարող է նպաստել բառի՝ նեղ, տեղային գործածության ոլորտից դեպի համաժողովրդական գործածության ոլորտ դուրս գալը:

Բազմիմաստությունը Սեբեռսի լեզվին մեծ ճկունություն է հազորդում, բառին տալիս է կիրառության լայն ոլորտ: Սեբեռսի երկու բազմիմաստությամբ են օժտված մեծ մասամբ բայերը և գոյականները:

Սովորաբար մեծ է բառերի այն իմաստների հաճախականությունը, որոնք ամրակայված են անհաստի կամ տվյալ լեզվով խոսող հանրության լայն խավերի գիտակցության մեջ: Երբեմն, սակայն, այս կամ այն բառն ավելի շատ երկրորդական իմաստներով է գործածվում, քանի իր բուն նշանակությամբ: Այսպես, Սեբեռսը երես(Փ) բառը գործածել է 20 անգամ, որից միայն 2-ը՝ բուն՝ «դեմք, երես» նշանակությամբ, 7-ը՝ «մակերես» իմաստով, իսկ մնացածներն էլ՝ այլ իմաստներով:

Բազմիմաստ բառի յուրաքանչյուր նոր իմաստը մյուսներից կարող է և՛ միայն խիստ նորոք երանգով տարբերվել, և՛ շատ խիստ հեռանալ

բառի սկզբնական նշանակությունից ու չկապվել նրա հետ։ Օրինակ, մանուկ բառը գրաբարում նշանակում է «փոքր», «փոքրիկ», «մանր», «մանկական», «նորածին երեխա», «զավակ», «պատանի», «երիտասարդ», «ժիր», «ծառա», «զինվոր» և այլն¹²:

Սեբեռսի լեզվում էլ այդ բառը մի դեպքում գործածվել է «տարիքով փոքրահասակ», մյուս դեպքում՝ «կտրիճ զինվոր, երիտասարդ» իմաստով։ Օրինակ՝ «Մանուկ որդի նորա փախստական գնացեալ եկն առ մեզ» (էջ 37): «Թէպէտ և բազում աւճիռս վնասուց գործեալ էր նորա ի զաւրում Պարսից, սակայն ամենայն զաւրն Պարսից ողբայր զնա փասն քաջութեան և արիութեան, և մանուկ ուժէղ և բարձրահասակ» (էջ 79): «Ասէ. «Եկ միով արամբ համարակ գիշերի, և ես արարից զկամս քո»։ Եւ յարուցեալ հասարակ գիշերի միով մանկամբ զնաց» (էջ 100): «Եւ յետ անցանելոյ ամսոց, մինչ միաբանեալ ամենացն ուսմիկ կաճառացն մանկունք քաղաքին սպանին դոստիկանս թագաւորին Պարսից» (էջ 82):

Կան բառեր, որոնք ընդհանրապես մենիմաստ են և գրաբարում, և Սեբեռսի լեզվում, ինչպես օրինակ՝ ականակապ (էջ 66), ականակուտ (էջ 9), զեղեցկադիր (էջ 120) և այլն։ Հայերենում այսպիսի բառերը համեմատաբար սակավ են։ Այլ բառեր բազմիմաստ են գրաբարում, բայց Սեբեռսի լեզվում կիրառվել են որպես մենիմաստ (այստեղ նկատի ունենք ոչ թե մեկ անգամ գործածվածները, այլ նրանք, որոնք կիրառության մեկից ավելի հաճախականութիւն ունեն, բայց մեկ իմաստով)։ օրինակ՝ մահ ամահ» (էջ 5, 15), մաքրություն» (էջ 135), պատմութիւն «պատմություն» (էջ 2, 24, 131) և այլն։

Սեբեռսը երբեմն բազմիմաստ բառը գործածում է մի այնպիսի բովանդակությամբ, ինչպիսի բովանդակությամբ արդեն իսկ գործածվել է նրա կողքին դրված բառը։ Բնագրում այդպիսի բառերը մտնում են համանիշացին կապի մեջ։ օրինակ՝ «Զի թէ և յառաջինս կանիսաւ կատարեալ՝ այլ սակայն և ի վերջինսս մինչև յափտեան կատարեսցի» (էջ 154)։ Այստեղ այլ բառը կիրառված է նույն նշանակությամբ, ինչ որ սակայն-ը։

Բազմիմաստ բառերը հաճախ ոճական երանգ են ստանուամ, երբ հեղինակը դրանք օգտագործում է իր նախասիրած իմաստով։ Այսպես, կոչեմ բայի անցյալ դերբայը ավելի հաճախ հանդիպում է կոչեցեալ տարբերակով և երբեմն միայն՝ կոչեալ։ Աստվածաշնչում կոչեցեալ-ը

12 ՏԵ՛՛ ՆՀԲ, հ. 2, էջ 206, մանուկ բառի հոդվածում։

գործածվել է 59 անգամ, իսկ կոչեալ-ը՝ 2։ Սեբեսի երկում կոչեցեալ-ը կիրառվել է 13, իսկ կոչեալ-ը՝ 2 անգամ։

Կոչեմ բայի անցյալ դերբայի զուգածներն արտահայտում են իմաստային տարբեր նրբերանգներ։ Նշված աղբյուրներում էլ կոչեալ տարբերակը միշտ գործածված է «կանչել», «հրավիրել» իմաստներով։ օրինակ՝ «կոչեալ զեպիսկոպոսապեսն... մկրտեցաւ ի նմանէ» (էջ 29)։ «Եւ կոչեալ զծառայսն՝ որոց տուեալ էր զարծաթն, զի գիտացեց թէ ո՛ զինչ շահեցաւ» (Ղուկաս, ԺԹ, 15)։ Նման օրինակներ կարելի է բերել բազմաթիվ հեղինակներից։

Կոչեցեալ տարբերակն ունի և՛ «կանչել», «հրավիրել», և՛ «կոչվել», անվանվել» իմաստները։ Դատական մատենագրության լեզվում կոչեցեալ-ի նշված իմաստների ընտրության մեջ որոշակի նախասիրություն չի երևում։ Օրինակ, Աստվածաշունչն այդ իմաստների համար կոչեցեալ-ը գործածում է զրեթե հավասարապես։ Սեբեսի լեզվում արգեն որոշակի միտում կա՝ կոչեցեալ տարբերակը «անվանվել, կոչվել» իմաստով (12 անգամ) և շատ հազվադեպ (1 անգամ) «կանչել», «հրավիրել» իմաստներով գործածելու ուղղությամբ։

Սեբեսի նոր իմաստներով կամ իմաստային նրբերանգներով է գործածել հետեւյալ բառերը։

Անուն «պաշտոն», «կոռուպմ»։— «Եւ իւր առեալ յանձն զանուն դարձավարութեան» (էջ 82)։

Առնեմ «բռնել»։— «Հայք իմ են, անդ մի՛ երթար. ապա թէ երթաս՝ ես գամ ի վերայ քոյ, և առնեմ դքեղ որ անդրէն փախչել ոչ կարես» (էջ 141)։

Արձակեմ «հեռացնել»։— «Ասէ Պարիովկն. «Հրամայեա՛ արձակել ի քէն զամբոխդ» (էջ 62)։

Գումարեմ՝

ա) «ուղարկել»։— «Բայց ե՛կ, ասէ, ես զիմս ժողովիմ և ի Թրակէ գումարեմ. և դու զքոյդ ժողովէ և հրամայէ լԱրևելս տանել» (էջ 49)։ «Իսկ զԱտատն Խոսխոռունի փութանակի հանդերձ զաւուն իւրոյ կոչէ թագաւորն ի պալատն, և մեծարէ շքով և պատուով, և տայ ինչս բազումս և գումարէ ի Թրակացիս» (էջ 51)։

բ) «նստեցնել», «տեղավորել»։— «Եւ հրամայեաց գործել նաւս թեթևս հինգ հազարս։ Եւ գումարեաց ի նոսսա արս սակաւ վասն թեթեռութեան» (էջ 147—148)։

գ) «կարգել», «նշանակել»։— «Իսկ թագաւորն երակղու գումարէ զՓի- լիպիկոս զոմն երէց ի զարձավարութիւն» (էջ 81)։

Նշենք, որ բերված քաղվածքից 5 տող հետո՝ Սեբեոսը գործածում է կարգեմ բայց «նշանակել» իմաստով. «Արդ՝ զսա (իմա՛ զՓիլիպիկոս— Գ. Բ.), բռնադատեալ Հերակղի, կարգէ զարավար և արձակէ ի կողմանս արելից գաւրու մեծաւ» (էջ 81):

Եթեկ «նեափմկինում, անցյալում, առաջնելում».— «Եւ արքայ ոչ ճգեաց զձեռն իւր որպէս երեկն և հունդն՝ ընդունել զնա և ողջունել, այլ կայր այնպէս յամառացեալ» (էջ 45):

Երբամ «Հետանալ».— «Որոյ ոչ զգացեալ զնենգութիւն նորա՝ հրամայեաց մարդկանն երբալ յինքենէ» (էջ 62):

Երկրպագու «երկրպագության արժանի».— «Ոչ յանիրաւութենէ և կամ յաւերանաց շինութիւնք երկրպագու տեղեացս այսոցիկ լինին, այլ ի ձեռն նորա ողորմութեան» (էջ 85): «Զամենայն երկրպագու տեղիս նորոգեալ լսելով՝ նախանձարերին, ոչ ի բարի, այլ ի բնիկ նախանձանք հայրենական հաւր նոցա կայենի» (էջ 84—85):

«Զաւեմ «Հաղթել».— «Իբրև մաւտ եղե (իմա՛ Արշակ արքայ— Գ. Բ.) ի Բաբելոն՝ անկանի ի վերայ նորա Անտիոքոս յանկարծակի ի ձմեռն ժամանակի՝ ի նեղ վայրի: Եւ ոչ կարեն զաւել. սպառեն զգաւրն զարկանեն և ընկենուն զնոտիոքոս ի խոնարհ և սպանսանեն» (էջ 9):

Թափեմ «սպանել», «սատկացնել».— «Հարեալ զգաւրն Պարսից անհնարին հարուածովք մաշէին ի սուր տուսերաց, զփիզսն զամենայն բափէին» (էջ 27):

Թիւ «էություն», «Հաստկություն».— «Որդին Աստուծոյ որդի մարդոյ լինէր, և զմարդկութիւն իւր խառնէր ի թիւ աստուածութեանն իւրում» (էջ 128):

Նիզակամուխ.— այս բառը ՆՀԲ-ն չունի, իսկ ԱԲ-ն (էջ 617) բացատրում է «նիզակ խոթող, նիզակով պատերազմող»: Բայց «ի նիզակամուխ ճակատի» բարուակապակցությունը, որ կա Սեբեոսի գործում, ավելի ճիշտ կլինի թարգմանել՝ նիզակամարտում. «Հրաման ետ դարձեալ ժողովել... և զիշխանս նախարարացն, որք հմուտ էին և կարող դդէմ ունել՝ կոռուել ուզմ ի նիզակամուխ նակատի» (էջ 53):

Ռատուցանեմ «Հավաստիացնել».— «Ապա բաղումք մտեալ տեսին զշարիսն, և գոյժ արլիին քաղաքին, եւ ուսուցին հրեայքն իշխանին, թէ քրիստոնեայրդ պղծեցին զտեղի աղաւթիցն» (էջ 112):

Պատառեմ «բաժանել, պառակտել, քայբայզել, պառակտվել».— «Եւ այնպէս քակեալ պատառեաց զնոսա ի Հոռոմոց նեռին արբանեակն, զի թէպէտ և բազում աղալանս և պադատանս գրեաց առ նոսա կայսրն... և ոչ կամեցան լսել նոմա» (էջ 141): «Առաքեաց Աստուած խոռվութիւն

ի մէջ բանակացն որդուցն իսմայելի, և պատառեցաւ միաբանութիւն նոցա» (էջ 155):

Վերջ «հոտելից».— «Ելեալ անտի բազմութեան մանկտւոյ գերանդաւք և սրբանաւք անկան ի վերջոյ նոցա, և գործեցին մեծ աւմիր վնասոց» (էջ 74—75): Այս իմաստի համար դասական գրաբարին բնորոշ է զկնի, զիետ բառերի գործածումը:

Վերջին «հղոր».— «Եւ յական թաւիտիկել կալան ի վերջնոյ ծովուն մինչև ցեղոր գետոյն մեծի եւփրատայ» (էջ 108):

Տեսանիմ «Համդիւպել», «տեսակցել».— «Յետ այսորիկ գնաց թէուրոս Ռշտունեաց տէրն առ Մասկաս իշխանն իսմայելի ի Դամտակուտ և ետես գնաց մեծամեծ ընծալիւք» (էջ 146):

Յամաք «ջլապինդ», «ջղուտ», «տուկուն».— «Եւ էր սա այր անհեղեղ անձամբ և գեղեցիկ տեսլեամբ, և բարձր և լայն հասակաւ, և բուռն և ցամաք մարմնով» (էջ 56):

Փքանամ «սաստիկ բարկանալ, սաստիկ զայրանալ».— «Իբրև գնաց արքայ Կոստանդին ի Դրւնայ՝ գնաց և կաթուղիկոսն ընդ նմաւ եւ երթեալ դադարեաց ի Տայս, և այլ ոչ դարձաւ ի տեղի իւր. զի իշխանն Ռշտունեաց և այլ իշխանքն որ ընդ նմա՝ անհնարին ցասմամբ փքացեալ էին ի վերայ նորա» (էջ 146):

Օգնական «օգնություն», «օգնական զորք».— «Յայնժամ թագառորեն թուշանաց խնդրեցին իւրեանց օգնական ի Մեծին Խաքանայ արքայէ կողմանցն հիւսիսոյ» (էջ 67): Պատմիչն այս իմաստը արտահայտում է մեծ մասամբ օգնութիւն բառով:

Սեբեռսի Պատմությունում կան որոշ բառեր, որոնց իմաստի համար ՆՀԲ-ն վկայություններ է բերում ավելի ուշ շրջանի հեղինակներից: Ցերենք մի օրինակ: Այսպես, նուաստ բառը Սեբեռսի լեզվում գործածվել է նաև որպես քառարական արտօնայտություն, որը հատուկ է նամակագրական ոճին. «Մոդեստոս նուաստ երէց և տեղապահ Երուսաղէմի» (էջ 83):

ՆՀԲ-ն (Հ. 2, էջ 450) տալիս է այս իմաստը, բայց վկայություններ է բերում նարեկացոց (X դ.), Լամբրոնացոց (XII դ.):

ՓՈԽԱՌԻՑԱԼ ԲԱՌԵՐ

Պատմիչի բառապաշարում կորիսառյալ բառերը հատկապես պարսկերենից են և հունարենից:

Արաբները Հայաստանի վրա իշխել են VII դարից, բայց այդ

դարում ապրած Սեբեսի լեղվում արաբերենից միայն մեկ բառ կահայայ «օդ»¹³ (իսկ պատմիչի երկում՝ «քաջազործություն») նշանակությամբ։ Սա նշանակում է, որ փոխառության համար կարենոր պայման է նաև ժողովուրդների շփման տևողության չափը։

Պարսկերենից կատարված որոշ փոխառություններ առաջին անգամ գործածվել են Հենց Սեբեսի կողմից։ օրինակ՝ արաշ՝ <հատաշ, բահիլիկ<**bahlik և թագրիալ ձեից, անգարեմ<angārta, զանգապանակ<զենդերեն *Zangōrāna կամ պահապերեն Zangōrān և այլն¹⁴։

Ըստ Հր. Աճառյանի, զանգապանակ բառն այսպիսի հնչյունական կազմով և կառուցվածքով իրանական լեզուներում չի հանդիպում, բայց գործածվում են այդ բառի բաղադրիչ մասերը։ Սեբեսը բառը գործածել է զանգապանակ ձևով։

Ուշագրավ է Մ. Մուրադյանի հետևյալ դատողությունը. «Միջին դրական լեզուն, — գրում է նա, — վկայում է դասական հայերենին անծանոթ շուրջ 600 իրանական բառեր՝ մեծ մասամբ նոր պարսկերենից եկող, ինչպես և պահապերեն, զենդերեն հնագույն բառաձևեր, որ դրաբար մատենագրությամբ չեն ավանդվել երբեմն պատահականորեն, երբեմն բարբառային և ոչ ընտիր դիտվելով»¹⁵։ Հեղինակը ասվածի հաստատման համար բերում է 29 բառեր, որոնց մեջ նաև. «Վզեն (վսեն) «տուգանք. վարձք. վնաս».< զնդ. Վլչանա, որից՝ վզենակ, վզենկիլ «վնասվել. տուգանվել»¹⁶ (ընդունումը հեղինակինն է— Գ. Բ.)։

Ըստ Հր. Աճառյանի, վզեն-ի ռամկորեն տարբերակն է վզեն-ը, որից էլ կազմված են վզենակ «ծախս», վզենկիլ «տուգանվել, պատիժը կրել», վզենկեցուցանել «տուգանքի ևնթարկել», վզենկարար «վնասակար»¹⁷։

Հր. Աճառյանն այս բառաձևերից յուրաքանչյուրի համար նշում է աղբյուրներ։ Սակայն նա չի տալիս վզեն արմատով կազմված վզենակալ բառը, որն ունի Սեբեսը (էջ 72)։

Ուրեմն, վզեն-ը, որից էլ կազմված են վզենակ, վզենակալ, գործածվել է ավելի վաղ (VII դարում)։ Այս կապակցությամբ արդարենավացի է Հ. Գաթը բանը, որը գրում է. «...մտադրութեան արժանի

13 Տե՛ս, Հր. Աճառյան, Հայոց լեզվի պատմություն, 2-րդ մաս, Երևան, 1951, էջ 196։

14 Այս և հետագա բառերը բերում ենք ըստ Արմ.-ի։

15 Մ. Հ. Մուրադյան, Բառագիտություն («Ակնարկներ...», Ա, էջ 224)։

16 Անդ, էջ 225։

17 Արմ., հ. 6, էջ 651—652։

են այնպիսի բառերը, որոնք մինչեւ հիմայ կամ քիչ տեղ գտնուելուն համար իրենց նշանակութեան կամ ուղղագրութեան վրայ տարակոյս կար, որուն մէկ մասը կը փարատէ Սեբէոս, եւ կամ միայն վերջիններէն դործածված ըլլալով՝ արշափի հին չէին կարծուէր...»¹⁸: Հեղինակն այս կարգի բառերից թվում է հետևյալները՝ զո՞մ, նզոված, մաշկապերնան, շառաւն, տարութեր, պեշասպիկ, բոք, համահարզ, լաստել, հոռզ, երեմակ երիվար¹⁹: Վերևի շարադրանքին, ուրեմն, կարելի է ավելացնել նաև վզենակալ բառը:

Պարսկական փոխարությունները վերաբերում են կյանքի զանազան բնագավառներին, իսկ հունականները՝ մեծ մասամբ կրոնական կյանքին. օրինակ՝ արքեպիսկոպոս, եկեղեցի, կանոն, կիւրակէ, մարտիրոս և այլն: Հունարենից կան նաև այնպիսի փոխառյալ բառեր, որոնք առաջին անգամ հանդիպում են Սեբեոսի երկում՝ զո՞մ «նավակամուրջ», կիւնիկ «կրկեսի հրապարակ», իսկ բոյն իմաստով՝ «որսատնղ»²⁰, դրունգար «վաշտապետ» և այլն: Հստ Հր. Աճառյանի, վերջին երկու բառերը հայերենը վերցրել է լատիններնից, բայց հունարենի միջոցով²¹:

ԱՆԱՑՈՒՄ ԵՎ ԲԱՌԱԲԱՐԴՈՒՄ

Պատոմիշի երկում հանդիպող նախածանցները և վերջածանցները կան դասական հայերենում, բայց նրանց շուրջ 95 տոկոսը գործածվում է նաև ժամանակակից գրական արևելահայերենում:

Ածանցները, ինչպես նաև արմատական բառերը, լեզվի մեջ երկար են գյատեռամ: Ժամանակի ընթացքում լեզվի բանավոր կամ բարբառային գործածում այս կամ այն ածանցը կարող է մաշվել²², նույնիսկ՝ դուրս մնալ, եթե գործածվել է սակալվթիվ բառերի հետ: Դուրս ընկներով լեզվի գործուն բառապաշտից՝ այդ բառերն իրենց հետ տանում

18 Տե՛ս «Ելրոպա», Վիեննա, 1852, № 31:

19 Անդ:

20 Արմ., հ. 3, էջ 1218—1219:

21 Հր. Աճառյան, Հայոց լեզվի պատմություն, 2-րդ մաս, Երևան, 1951, էջ 40—42:

22 Սեբեոսի Պատմությունում հանդիպում ենք, օրինակ, -ին ածանցի մաշված ձեին առաջի բառում (առաջին թվականից, որտեղ -ն -ն ընկել է), որը բարբառյին արտահայտություն է՝ «Ճամի երրորդի եղիանոսի կայսեր, և յամս Լեռուղի առաջի Մեծի Խոսրովաց արքային Հայոց՝ փոփոխումն թափառութեանն այսորիկ լեալ» (էջ 14): Բերված օրինակում առաջի բառը չի հոլովվել, մինչդեռ թվականի վերջին բաղադրիչը միշտ էլ հոլովվում է:

են նաև ածանցը: Այսպես՝ անաւր վերջածանցով կազմվել է ուրանաւր բառը (էջ 13): Քանի որ ուրանաւր բառն արդեն գրական արևելահայերենում չի գործածվում, ուստի անաւր ածանցը ևս գոյություն չունի լեզվում:

Սրբեն իւկ եղած ածանցներով կազմված որոշ բառեր առաջին անգամ հանդիպում են Սեբեռուի Պատմությունում²³:

Նախածանցները վերջածանցների համեմատությամբ սակավ են գործածվում:

Ոստամնասիրովող գործում ան- նախածանցով կազմված միայն մեկ նոր բառ կա՝ անհրամանատար «առանց հրամանատարի» (էջ 98):

Սեբեռուի լեզվում ամենից գործուն նախածանցներն են՝ ան-արժան (էջ 145), անարի (էջ 15), տ՝ տգեղ (էջ 99), տգէտ (էջ 145), համ—՝ համագունդ (էջ 75), համադգի (էջ 242) և այլն:

Մի քանի բառերում վերջածանցը դրվում է բառի թերված ձևի վրա. օրինակ՝ կայսերական (<կայսր-կայսեր+-ական), Երանելին (եւթն—եւթան+-երին) և այլն:

Սեբեռուի Պատմությունում առաջին անգամ գործածվել են վերջածանցավոր հետևյալ բառերը՝

- | | |
|-----------------------------|-----------------------------------|
| -(ա) զոյն—բնակագոյն (էջ 33) | -աւրէն—սկայաւրէն (էջ 5) |
| -ակ—զանգապանակ (էջ 64) | -եալ—ծիահեծեալ (էջ 36) |
| -ական—ճապաղական (էջ 109) | -եակ—շրջեակ (էջ 85) |
| -անք—նախանձանք (էջ 84) | -եան—խոսրովեան (էջ 32) |
| | -ոտ—դիկոտ (էջ 151) |
| -ացու—ծաղկացու (էջ 33) | -ուած—ճապաղուած (էջ 41) |
| -աւոր—երդաւոր (էջ 77) | -ուրիւն—կիւրապաղատութիւն (էջ 104) |
| | -պան—խաշապան (էջ 63) |

Աւրէն վերջածանցի օգնությամբ, որը սովորաբար մակրայակերտ է (օրինակ՝ յանկարծաւրէն), Սեբեռուր կազմում է նաև ածական, այսինքն՝ գործածում է այն ական վերջածանցի նշանակությամբ՝ «Եւ կանգնէ զկապարճան ի գետնոյ ընդ ինքեան յաւդ սկայաւրէն կամարին» (էջ 5):

Այցի վերջածանցով բառը, խոսակցական ոճով, առանց ազգ բառի հետ համապալելու, կիրառվել է «ազգ» իմաստով. օրինակ՝ «Եւ զնաց իսմայելացին ի վերայ նոցա պատերազմաւ՝ երթալ սատակել զնոսա ինպառ» (էջ 149):

23 Այդ բառերը բերվում են նախածանցների, վերջածանցների մասին խոսելիս:

Երեխն վերջածանցով կազմված բառի հետ սովորաբար գործածվում է լեզու գոյականը: Սեբեռսի գործում՝ Երեխն-ով կազմված բառը գործածվել է և առանց նրա. հմմտ. հոռոմերեխն բառը հետևյալ օրինակում՝ «Եւ մատեաւ պատարագ հոռոմերեխն ի հոռոմ երիցուէ» (էջ 144):

Որոշ ածանցներ լեզվի զարդացման տարբեր շրջաններում տարբեր հաճախականություն ունեն, իսկ երբեմն հանդես են գալիս նույնիսկ տարբեր հիմքերով: Այս կապակցությամբ ուշագրավ է Մ. Աբեղյանի մի դիտողությունը գրաբարում—ային,—ական ածանցների գործածության հաճախականության վերաբերյալ. «Դրաբարում «ական» ածանցը, — գրում է նա, — շատ ավելի գործածական և գործուն է եղել, քան «ային»...»²⁴: Սա միանգամայն ձիշտ դիտողություն է: Այն ձիշտ է նաև Սեբեռսի լեզվի համար:

Հաճախ նույն արմատի կամ արմատական բառի վրա դրվում են մեկից ավելի ածանցներ: Սեբեռսի Պատմությունում, այս առումով, առաջին անգամ գործածվել են հետևյալ բառերը՝ հիմնաւորագոյն «հավատքի մեջ ավելի հաստատուն եղող» (էջ 144), բռնաբարայն «բռնի» (էջ 25): Վերջին բառում՝ աբար ածանցի մթագնման պատճառով ավելացվել է նաև՝ այն վերջածանցը:

Բազմածանց բառերի կերպում մեջ հեղինակի երկում գործուն են մի քանի կաղապարներ: Նշենք միայն երկուսը.

1. Արմատ+վերջածանցներ՝ փախստական (փախ+-ուստ+-ական), փախստեայ (փախ+-ուստ+-եայ):

2. Նախածանց+արմատ+վերջածանց(ներ) անարժանութիւն (ան+-արժ+-ան+-ութիւն) անաւունութիւն (ան+-աւուն+-ութիւն):

Սեբեռսի լեզվում կիրառված բայերի շուրջ մեկ երրորդը ածանցավոր է: Բայերի կազմում հանդես են գալիս երեք կարգի ածանցներ.

Սուլածանցներից (-ան²⁵, -են-, -ն-, -շ-, -նշ-, -աշ-, -անշ) ամենից շատ բայեր են կազմվել՝ ան-ով (շուրջ 85 բայեր) և -ն-ով (մոտ 20 բայեր): Մյուսներով կազմվել են մեկ տասնյակից քիչ ավելի բա-

24 Մանուկ Աբեղյան, Հայոց լեզվի տեսություն, Երևան, 1965, էջ 161: Նկատենք, որ Մ. Աբեղյանը նույն տեղում նշում է, թե եզնիկի սեղծ աղանդոց»-ում՝ ային վերջածանցով միայն մեկ բառ կա՝ «ցամաքային օձ»: Իրականում եզնիկը նույն երկում ունի նաև աստուածային բառը՝ «Հոգնորդ առաջնորդ» աստուածային հոր է» (էջ 312):

25 Ի՞արեկի, որոշ բայերում՝ ան- -ը արդեն ձուվել է արմատին և հանդես է գալիս նաև կատարյալի հիմքում: Այդպիսի բայերում, բնականաբար, այն այլևս սոսկ-ածանց չէ:

յեր: Բերենք մի քանի բնագրային վկայություններ -ան-, -են- ածանց-ներով բայերի համար՝ «Գայ հասանէ յերկիրն Արարադայ» (էջ 4): «Ոչ կամեցար արկանել զձեռն քոյ յարիւն իմ» (էջ 104): «Եւ Հայկն Աբեթայն մերձենայր և ունէր ի ձեռին իւրում զաղեղն» (էջ 5):

Բաղմապատկական ածանցներից (-ատ-, -ոտ-, -տ-) պատմիչը -ոտ-ով ունի 2 վկայություն՝ «Բաղումք խոցոտեալ նետիւք... դիմ եղին երթալ ի կողմանս հիւսիսոյ» (էջ 151), «Ներքուստ ի վեր ծակոտէին զսպառազէնս հեծելոց» (էջ 41):

Պատճառական ածանցը՝ -ոյց-ը, գործածվում է բավական հաճախ: Այս ածանցով հանդիպում են շուրջ 50 բայեր, որոնց մեջ միայն երկուսն են, որ առաջին անգամ վկայվել են Սեբեոսի Պատմության շնորհիվ՝ բոցացուցանեմ (էջ 32), Վտանգեցուցանեմ (էջ 53):

Ի գեպ, շնայած -ոյց-ը պատճառական ածանց է, բայց նրանով կազմված բառերից շատերի մեջ այսօր միշնորդավորված գործողություն չի նկատվում: Պատճառականության իմաստն ավելի ցայտուն է բայց տամ կազմապարով հարադրությամբ արտահայտված պատճառականության մեջ²⁶:

Նոր բառերի կերտման, լեզվի բառապաշարի հարստացման հիմնական միշոցներից մեկն է բառաբարդումը՝ հայոց լեզվում բառակերտման ձկուն ու արտադրողական միշոցներից մեկը:

Սեբեոսի Պատմության մեջ հատկապես հաճախ են հանդիպում իսկական և հարադրավոր բարդությունները: Բուն կրկնավոր բարդությունները մեկ տասնյակից քիչ ավելի են:

Սեբեոսի երկում հանդիպած իսկական բարդության բաղադրիչները շուրջ 90 տոկոսով միանում են -ա- հոդակապով, օրինակ՝ անտառախիտ (էջ 56), պատկերանոխ (էջ 6), սոսերամերկ (էջ 111) և այլն: Բառաբարդման այս եղանակը հայերենի զարգացման բոլոր շրջաններում էլ ամենից տարածվածն է²⁷:

Սեբեոսի Պատմությունում առաջին անգամ գործածվել են շուրջ 20 համապական-իտկական բարդություններ՝ նախանձաբեր (էջ 84), սրբազունց (էջ 85), զրուցակարգեմ (էջ 2), ձիրնտիր (էջ 94), ձորաբերան

26 Այս մասին տե՛ս Ա. Ա. Աբրահամյան, Բայը ժամանակակից հայերենում, գիրք 1, Երևան, 1962, էջ 591:

27 Ժամանակակից գրական արևելահայերենի համար տե՛ս Տ. Մ. Ավետիսյան, Ժամանակակից հայերենի բառի կառուցվածքը («Հայոց լեզվի կառուցվածք», Երևան, 1975, էջ 45):

(էջ 52), նիզակամուխ (էջ 53), պատկերանոխ (էջ 6), սուրակոխ (էջ 88), տարահալած (էջ 135), ազգածին (էջ 3), ականակուռ (էջ 9), նիմ-նադրեմ (էջ 130), հրէապետ (էջ 123), փայտայարկ (էջ 89), բարայարկ (էջ 89) և այլն:

Հեղինակի գործում իսկական բարդության ամենից տարածված կադապարներից են՝

1. Գոյական+նոդակապ+քայարմատ.— ազգածին, ականատես, ահարեկ:

2. Գոյական+նոդակապ+գոյական.— աւարամասն, բժշկապետ, գիւղարադաք, քաղաքագեղ:

3. Ածական+նոդակապ+գոյական.— բազմաքանքար, գեղեց-կարդիր:

Կցական բարդության ամենից տարածված կադապարներից են՝

1. Գոյական+գոյական.— գետեղը, լեռնոտն. «Եւ բնակեալ ի վերայ զետեզերն՝ ասպատակս սփռեցաւ բնդ արևմուտս» (էջ 67):

2. Գերանուն+գոյական.— այժմ (<այս+ժամ>), այլազգ ինչ» (էջ 45): «Այժմ համարիր ի միտս քո խորհել վասն քո այլազգ ինչ» (էջ 44):

3. Ածական+գոյական.— երագոտն, հսկայազն, յաղթանդամ:

Կրկնավլոր բարդության հիմնարկան կադապարն է գոյական+գոյական. օրինակ՝ գունդ գունդ, անդամ անդամ, փաղանգ փաղանգ. «Եւ քանդի անդամ անդամ յաւշեցին զնա, յաւշեալ ի միմեանց» (էջ 89): «Զամենեսեան միաբանեաց, արար գունդս գունդս» (էջ 51):

Կրկնավլոր բարդություններից առաջացած կցականների մեջ ամենից տարածված կադապարն է արմատ+արմատ՝ բարբառ, կսկիծ (<կհծ+կհծ>), նեղինեղել, փոփոխումն (<փոխ+փոխ+-ումն>):

Պատմիչի լեզուն հարուստ է հատկապես բայական հարադրություններով:

ԶԵՎԱԲԱՆԱԿԱՆ ԱՌԱՆՁՆԱՀԱՏԿՈՒԹՅՈՒՆՆԵՐ

Դիտողություններ հոլովման վերաբերյալ: Սեբեռսի լեզվում ի հոգվոամբ ավելի կենսունակ է և ցուցաբերում է նաև հոլովմաների պատկանող բառեր դեպի իր որորտը ձգելու միտուամ: Ինչպես հայտնի է, հոնական -աս, -ոս հնչունակապակցություններով վերջացող հատուկ անձնանունները գասական գրաբարում հոլովմում էին արտաքին թեքման և ա, և ի հորովաններով: Նշված վերջավորություններով բառերը Սեբեռսի Պատմությունում շուրջ 90 տոկոսով հոլովմում են արտաքին թեքման ի հոլովմամբ:

Եղուններ արտաքին թեքման ա հոլովման մեջ: -է-ով վերջացող մի շարք հատուկ անձնանունների պես (Գայիանէ, Հեղինէ) դասական գրաբարում Հոփիսիմէ բառը սեռական հոլովմում ունի Հոփիսիմեայ ձևը: Սեբեռսի լեզվում, սակայն, մեկական անգամ հանդիպում են Հոփիսիմէի և Հոփիսիմեայ ձևերը. օրինակ՝ «Քակեաց կաթուղիկոսն Կումիտաս զմատուում սրբոյն Հոփիսիմեայ» (էջ 89): «Երկեցաւ... կուսական մարմին սրբոյ տիկնողն Հոփիսիմէի» (էջ 89):

Դասական գրաբարի հայտնի մատենագիրներից (Եղինիկ, Կորյուն, Խորենացի, Բուզանդ, Եղիշե և քիչ ուշ շրջաննից՝ Փարպեցի) միայն Ագաթանգեղոսի Պատմության մեջ Հոփիսիմէ հատուկ անձնանունը հանդիպում է թեքված, բայց միշտ՝ Հոփիսիմեայ ձևով. օրինակ՝ «Ետես թագաւորն զգեղապանծ վայելլութիւն... նկարագրին Հոփիսիմեայ»¹:

Կեսարիա² բառի սեռական հոլովը, ինչպես -իա հիմքով բառի սեռականը, լինում է Կեսարիայ և Կեսարեայ: Հետագա դարերում հանդիպում է նաև Կեսարիոյ: Սեբեռսի լեզվում այս բառը համնդիպում է ու

¹ «Ազաթանգեղայ Պատմութիւն Հայոց», Տիմսիս, 1909, էջ 79:

² Կեսարիա, Նեոկեսարիա բառերի սեբեռսյան կիրառություններում մենք շեղում ենք դիտում այնքանով, որ զրանք ավելի ուշ շրջանում հոլովել են նաև ո հոլովիշով: Սեբեռսն այդ բառերը հոլովել է միայն ու հոլովիշով:

Հոլովիշով թեքված. օրինակ՝ «Սուրբն Ղևոնդ մեծ արքեպիսկոպոսն Կեսարու, ուր անեալ և ուսեալ էր սուրբ Գլուխորիոս» (էջ 129): «Ամենեքեան զնիկիայն խաւսեցան... և Բարսեղ Կեսարու եպիսկոպոս» (էջ 131):

Նէոկեսարիա բառի սեռականը Նէոկեսարիայ/Նէոկեսարեայ (ավելի ուշ նաև՝ Նէոկեսարիոյ) լինելու փոխարեն Սեբեոսի գործում հանդիպում է Նէոկեսարու (էջ 131):

Եեղումներ ի-ա խառը հոլովման մեջ: Երթեղի բառի եղակի գործիականը սովորաբար երթեղիկաւ է, բայց Սեբեոսը գործածել է երթեղիկով. օրինակ՝ «Ի բաց կացին ի ծառայութիւնէ նոցա, և հապճեպ երթեղիկով հնագանդեցան ի ծառայութիւն թագաւորին Յունաց» (էջ 155):

Պալատ բառը ի հոլովիշով հոլովվելու փոխարեն Սեբեոսի Պատմության մեջ թեքվել է ո հոլովիշով. օրինակ՝ «Ճանձնեալ ամենայն մհծամեծացն պալատոյն՝ հաստատեաց զնա յաթոռ թագաւորութեան իրոյ» (էջ 81): «Լուեալ պաղատանաց կնոցն և ամենայն պաղատոյն՝ հրամարեաց առնել ի վերայ նորա ողորմութիւն» (էջ 57): Նկատենք, որ դասական գրաբարում այս բառը կա նաև պալատն ձևով, որի սեռական-տրականը լինում է պալատան կամ պալատին, իսկ հոգնակին՝ պալատանց³:

Եեղումներ ո հոլովման մեջ: Ախոռ բառի եղակի բացառական հոլովը յախոռոյ է, բայց հեղինակը գործածել է՝ յախոռէ. օրինակ՝ «Հրամացէ նժոյգ տանել ընդ առաջ նորա յախոռէ արքունի՝ արքունական կազմուածով» (էջ 69):

Ողոք բառի եղակի գործիականը սովորական ողոքով-ի փոխարեն գործածվել է ողոքաւ. օրինակ՝ «Եւ ժողովեալ համարակարին զամենայն իշխանս և զղարս Հայոց, որ ի Պարսից կողմանէ՝ ողոքաւ և ևս քաղցր բանիւք յորդորեալ զամենեսեան միաբանեաց, արար գունդս գունդս» (էջ 51):

Պարապ բառի եղակի գործիականը լինելու էր պարապով: ՆշԲ-ում պարապով բառաձեւը դիտվում է նաև որպես մակրայ. օրինակ՝ «Խնդրէր՝ թէ զիարդ պարապով մատոնեսցէ զնա»⁴: Սեբեոսի երկում հանդիպում ենք պարապաւ բառաձեւին. օրինակ՝ «Ասէ. «Երթայց նախ առաջին զնա վանեցից, և ապա պարապաւ դարձեալ դնացից ի Հայս» (էջ 26):

Եեղումներ ու հոլովման մեջ: Սպաս գյականի հոգնակի գործիա-

3 Տե՛ս ԱԲ, էջ 674:

4 ՆշԲ, հ. 2, էջ 628:

կանը սպասում է, բայց պատմիչը գործածել է սպասիմ. օրինակ՝ «Ընդ նոսին լրմբանեալ և երանելի ծերումի կաթուղիկոսն Յովհան ի գերութիւն վկրեցաւ հանդերձ ամենայն. սպասիմ Կեղեցւոյն» (էջ 78): Նշենք, որ Սեբեռուն ունի նաև սպասում: Փարագեցին (էջ 38) և եղիշեն (էջ 69) ունեն սպասում:

Ուրբար գոյականը հոլովվում է ու հոլովիչով: Այս բառի՝ ի նախդրով տրականը պիտի լիներ յուրաքու: Դասական մատենագիրների, Աստվածաշնչի (ինչպես նաև Ղ. Փարպեցու) համարբառաներում այս բառածելը չկա, իսկ նշեթում⁵ կա յուրաքու: օրինակ՝ «Ի կիւրակէի և ի չորեքշաբաթու և յուրաքու»: Սեբեռուն ունի յուրաքի. օրինակ՝ «Աւրի էր տրէ ամսոյն, յաւուր ուրբարի» (էջ 110):

Տիրասպան գոյականի եղակի սեռական-տրականը տիրասպանի բառածեն է, իսկ հոգնակին՝ տիրասպանից կամ տիրասպանաց: Հոգնակի ուղղականի կամ հայցականի մասին բառարաններում ոչինչ չի նշվում, բայց որպես համանիշ բերվում է տիրասպանու: Վերջինիս համար ևս հոգնակի ուղղականի վերաբերյալ ոչ մի նշում չկա: Տիրասպան բառի հոգնակի ուղղականը լինելու էր տիրասպանք, որից էլ հոգնակի հայցականը՝ տիրասպանս, իսկ տիրասպանու բառինը՝ համապատասխանաբար՝ տիրասպանուիշ-տիրասպանու: Սեբեռունի լեզվում տիրասպան բառի հոգնակի հայցականը հանդիպում է տիրասպանունս ձևով. օրինակ՝ «Արդ՝ զի դհակաւակորդսն մեր տիրելիս արար, և ետ զմել ի գիտութիւն և յողորմութիւն առաջի ամենայն գերշաց մերոց. որ զափրասպանունս և դհրեայս, որք կարծիին շարշարանաւը սորա դարձեալ թշնամանել զայն» (էջ 84):

Խարիսխ բառը հոլովվում է -ի, -աց կամ -ից ձևով: Սեբեռունի Պատմության մեջ կա խարսխով. օրինակ՝ «Եւ գտեալ զտեղին, որ կոչի սըրբութիւն սրբութեանց՝ շինեցին զնա խարսխով շինուածով տեղի աղաւթից իւրեանց» (էջ 111):

Նաև բառը հոլովվում է -ու, -ուց և -ի, -աց ձևով: Բայց Սեբեռուն ունի ո հոլովիչով թեքված. օրինակ՝ «Եկին հասին... նաւք... հանդերձ ամենայն փոքր նատվին և ամենայն կազմուածովքն իւրեանց» (էջ 148)⁶:

5 նշեթ, հ. 2, էջ 559.

6 Ռւսումնասիրողների տվյալների համաձայն (տե՛ս Հր. Անայյան, Հայերեն արմատական բառարան, հ. 1, Երևան, 1971, էջ 593—595, Գ. Զահուկյան, Հին հայերենի հոլովման սիստեմը և նրա ծագումը, Երևան, 1959, էջ 336), գունդը, երր նշանակում է «զորք, խոսք, բազմություն», հոլովվում է -ի, -աց, կամ -ից ձևով, իսկ գունդը՝ «գունդ, գնդակ» նշանակելիս՝ -ոյ, -ի, -աւ ձևով: Բայց Սեբեռունի Պատմության մեջ

Եթե հենվենք ԱԲ-ի և ՆՀԲ-ի տվյալների վրա, ապա Սեբեռսի կողմից գործածված մի շարք բառերում ես կարելի է դիտել շեղում, սակայն դասական մատենագիրների տվյալները թույլ չեն տալիս այդ անելորինակ, պահպատճենականում ունի պահովվ ձեզ, բայց Սեբեռսն ունի պահաւիք (էջ 48):

Կորյունն ունի միայն պահաւիք (էջ 90), իսկ Ագաթանգեղոսը՝ պահաւիք (էջ 154) և պահովվ (էջ 449):

Պատիւ գոյականի հողմակի գործիականը պատուտվի-ի փոխարեն Սեբեռսն ունի պատուաւիք. օրինակ՝ «Մեծացուցանէ ահագին պատուաւիք ի ճամբար ականակապ և ի գումարտակ, և ի գահս արծաթիս» (էջ 66):

Դ. Փարպեցու լեզվում համբիպում են պատուաւիք (էջ 54) և պատուտվի (էջ 24, 116, 140), իսկ Եղիշեի երկուս՝ պատուտվի (էջ 12) և այլն:

Տեղ, ծամանակ նշող և ո հոլովիշով հոլովիշող -ի վերջահանգով մի շարք բառեր եղակի տրական հոլովում ստանում են -ջ հոլովակերտը: Ի նախդիրով և հենց այդ տրականով էլ, սովորաբար, արտահայտվում է այդպիսի բառերի ներգոյականի իմաստը: Այս կապակցությամբ Գ. Զահուկյանը գրում է. «Եղակի թվում ներգոյականը՝ ա) նման է լինուած տրականին այն բոլոր դեպքերում, երբ տրականը տարբերվում է սեռականից՝ ի միում, յառաջնում, ի նեռում, ի նորում, այլև ի աեղաջ, յայգուց, ի տարւոց, ի կղզուց»⁷: Սակայն, այս սովորական ձևի կողքին Սեբեռսի Պատմությունում կան նաև այսպիսի ոչ սովորական ձևեր՝ «Ճամենայն զպատանդսն... սատարկեցին... ուր ոչ դիպեցան ի տեղույն, այն միայն պարեցան» (էջ 155): Փոխանակ՝ ի տեղաջն: «Եւ հրաման տուեալ թագաւորն իսնդիր առնել ի գանձու տեղույն, և գտին զնիկիայն հասատս ճշմարիտս» (էջ 125): Փոխանակ՝ ի տեղուցն:

Սեբեռսի լեզվում նկատվում է միտուամ՝ մի շարք բառերի ներգոյականի իմաստը սովորական ի+տրականով արտահայտելու փոխարեն ի+հայցականով արտահայտելու ուղղությամբ. օրինակ՝ «Թողին ի բաց զբաղաքն խաղաղութեամբ՝ փակեցին զդուռն և ամրացան ի նա» (էջ 105): «Նստէր ի Բահլ Շահաստանի, յերկիրն Քուշանաց» (էջ

առաջին բառը հոլովիշում է ո հոլովիշով՝ «Դնացին միարանութեամբ հանդերձ իւրաքանչիւր զնովվ և դրաշուա (էջ 58): Կորյունի լեզվում զունդ բառը «խումբ» իմաստով գործածէլ է և զնովվ, և զնիի՝ «Յառաջադիմն Պաւոս» բովանդակ առաքելական զնովվն... եկալ հասեալ» (էջ 56): «Ամենայն լուսաճանանց զնիւն... յԱշականն ելանէին» (էջ 94):

7 Գ. Բ. Զահուկյան, նշվ. աշխ., էջ 91 (ընդգծումը հեղինակինն է—Գ. Բ.):

13): «Լինի անդ կոտորած մեծ, մինչև ի նեղ անկանել զարուն Պարսից յերկիրն Ուրհայու» (էջ 16): «Կաղմեալ ուներ յեզր ժովուն նաւս բազում թեթև» (էջ 148)⁸:

Թվականների հոլովման առանձնահատկություններ: Տառով կամ տառակապակցությամբ արտօհայտված քանակական թվականները Սեբեսուի լեզվում չեն հոլովմամ: Բացառություն է կաղմում՝ «Յահէնն Ամ-աւ (այսինքն՝ երեսուն հազարաւ— Դ. Բ.) հասեալ բանակեցաւ... ի Տիգրանակերտ աւանի» (էջ 93): Տառով և տառակապակցությամբ՝ արտահայտված դասական թվականները հոլովմամ են. օրինակ՝ «Յամին Մթ-Երորդի Շապհոյ արքային Պարսից, Ե-Երորդի ամի բարեպաշտին Կոստանդիանոսի կայսեր... թագաւորի Խոսրով» (էջ 16):

Հարադրավոր բաղադրյալ դասական թվականների հոլովման մեջ գոյություն ունեն ինչպես բո՞ւն գրաբարի, այնպես էլ՝ ավելի ուշ շրջանի օրինաշարժություններ: Այսպես, եթե բաղադրյալ թվականի բոլոր բաղադրիչները դասականակերտ ածանց են ստանում, ապա այդ բոլոր բաղադրիչներն էլ հոլովմամ են՝ «Յամին Քանեներորդի առաջներորդի արքային Խոսրովայ հրաման ետ նմա» (էջ 78): «Եղև ի ժամանակին յայնմիկ գումարել զաւրս եբակլի... յամի խաներորդի Երկրորդի թագաւորութեանն Խոսրովայ» (էջ 79):

Բաղադրյալ թվականի ածանց շստացած բաղադրիչը միշտ մնում է չհոլովմած՝ «Թագավորէ Արշակն Փոքր կոչեցեալ՝ յամի հարիւրիորդի Քան և իններորդի թագաւորութեանն Արշակայ հաւր իւրոյ» (էջ 10): «Յամին հարիւր և տասներորդի շորորդի Արշակայ արքայի Պարթևաց... զաւրաժողով լեալ» (էջ 8)⁹:

Եթե նախադասությունն սկսվում է երկու ծավալուն ժամանակի պարագաներով, երբեմն առաջինում դասական թվականը հոլովմամ է, իսկ

8 Սեբեսուի լեզվում նկատելի է նաև որոշակի անկայունություն գերանվան և գոյականի հոլովական համաձայնության հարցում. օրինակ՝ «Հրաման ետ զաւրավարի իւրոյ Շահը Վարազալ» (էջ 93)՝ փոխանակ՝ զաւրավարի իւրում, «Ահաւասիկ տեսան ածեալ ի պանդոկի յայդ» (էջ 88)՝ փոխանակ՝ ի պանդոկի յայդմիկ:

9 Ի դեպ, այսպիսի դասական թվականները բավական շատ են հանդիպում Սեբեսուի գործում, բայց դրանց վերջին բաղադրիչը միշտ էլ համապատասխան ածանց է ստանում: Տերենք մի օրինակ ևս՝ «Յամի երանասուն և հինգերորդի կենացն մեռաւ Կոստանդէս» (էջ 133):

Դեռևս Դ. Ավետիքյանը 1815 թվականին այս մասին ակնարկել է. «...պազի տեղ առցի թիվը բացարձակ կըդնեն» (տե՛ս Դ. Աւետիքեան, Քերականութիւն հայկական, Վենետիկ, 1815, էջ 335): Սեբեսուի գործում այս երեսութիւնը արդեն շատ հաճախ է հանդիպում:

երկրորդում՝ ոչ. օրինակ՝ «Յամի Խուերդի երանելոյն երակղի կայսեր, և Երկրորդ ամի Յազկերտի Պարսից արքայի միաբանեալ Հռէից ընդ հսմայելացին» (էջ 22): «Յամին Լ-Երորդի շորրորդի Սեծին Խոսրովայ, և շորրորդ ամի արքային Պարսից Արտաշրի թագաւորէ Տեղենտիանոս» (էջ 14):

Անհրաժեշտ է նշել նաև Սեբեոսի լեզվում նկատվող հոլովական գուգաձևությունը: Դեռևս դասական գրաբարում գոյություն ունեին բաղմաթիվ բառեր, որոնք հոլովական էին մի քանի տիպերով: Կային նաև գեպքեր, երբ միմնույն բառական միավորը նույն հոլովակ հանդիս էր գալիս մեկից ավելի հոլովաձևերով: Նշանակում է՝ դասական գրաբարում բառացին առանձին միավորներ դեռևս որոշակիորեն չեին խըմբավորվել ըստ հոլովատիպերի, իսկ հոլովաձևերից մեկը գործածությունից դրսում չէր մղել մյուսին: Սըլպիսի մի շարք բառեր կարելի է գտնել Սեբեոսի Պատմության մեջ¹⁰: Նկատենք, ամեացն, որ այստեղ չկա մի բառ, որի հոլովական անկայությունը նախկինում իրրե այդպիսին գոյություն ունեցած չլիներ: Սակայն, Սեբեոսի լեզվում որոշ հոլովաձևերի կիրառության առավել հաճախակիությունը վկայում է VII դարում դրանց մի մասի կենսունակության մասին: Պատմիչը որոշ զույգ հոլովաձևեր գործածել է հավասար քանակով: Այսպես, նրա երկում մեկական անգամ հանդիպում են դրաւզուց և դրաւչից բառաձևերը (հոգնակի տրական հորով): «Եւ զզաւրս աշխարհին Հայոց ընդունէին գումարել, որք ի ժամուն առ ձեռն գտեալ... ըստ գնդից, ըստ դրաւզուց իւրեանց» (էջ 38): «Տայր նմա զաւր կայսերական յաւզնականութիւն... ըստ դրաւչից իւրեանց» (էջ 37): Հաճախ նա մի հոլովաձևում գործածում է միայն նույն հոլովիշով թեքված ձեզ, իսկ մյուս բոլոր հոլովներում՝ այլ հոլովիշով հոլովածները: Այսպես, զանձ բառը հոլովակում է և՛ ու, և՛ ի հոլովիշով: Սեբեոսը հոգնակի գործիականում միշտ գործածել է զանձիք (էջ 42, 97), իսկ մնացած բոլոր հոլովներում՝ ու հոլովիշով հորովված ձեւերը (էջ 50):

Երբեմն նո՞ւյն հոլովի եղակիում նո՞ւյն բառը գործածված ենք գտնում մի հոլովիշով, հոգնակիում՝ մի այլ. օրինակ՝ «Թափեցին զմաշշապերձանն ամենայն, դեսպակն ոսկեղէն բաղմաքանքար, որ էր ակամբք պատուականաւր և մարգարտայ յօրինեալ» (էջ 28): «Զամենայն անաւթս մատուակացն առաքէ նմա ոսկի, և հանդերձս թագաւորա-

10 Դրանցից մի քանիսի մասին խոսվեց հոլովական շեղումներին վերաբերող հատվածում: Այստեղ անդրադառնում ենք դրանց՝ անհրաժեշտությունից ելնելով:

կանս, արտախուրակս ոսկեղաւծս և զանգապանակ ակամբք և մարգարովի կարգեալ» (էջ 64):

Գրաբարում կան դեպքեր, երբ բառը հոգնակի ուղղականում ունի զույգ ձեեր: Օրինակ, այն ցուցական դերանունը այդ հոլովում լինում է և այնք, և այնոքիկ: Պատմիշը այս բառը գործածել է միայն այնք ձևով. օրինակ՝ «հսկ այնք, որ էին ընդ նոսա, խնդրեցին երդումն» (էջ 64):

Հետաքրքիր է նշել, որ Սերենուր որոշ բառերի հոգնակի ուղղականի համար գործածել է կամ հոլոված միայն կարճ ձևը, կամ և կարճ, և երկար ձեերը, իսկ հոգնակի հայցականը կազմել է այդ բառերի հոգնակի ուղղականի բացառապես երկար ձեերից: Օրինակ, այն ցուցական դերանուման հոգնակի ուղղականը գործածել է միայն այնք կարճ ձևով (օրինակը բերվեց վերևում), իսկ հոգնակի հայցականը՝ միայն երկար ձևով. օրինակ՝ «Գոհանամք զԱստուծոյ ի վերայ մխիթարութեանց, ընդ որ մխիթարեաց զմեղ, որպէս զի և զուք կարող լինիշիք մխիթարել զայնոսիկ, որ յամենայն նեղութիւնս իցեն» (էջ 86): «Հարեալ զամենայն կողմանսն զայնոսիկ սրով սուսերի, առին զաւար ն զգերութիւն» (էջ 118) և այլն:

Եպիսկոպոս բառը հոգնակի. ուղղականում հանդիպում է եպիսկոպոսի (էջ 124, 131) և եպիսկոպոսունիք ձեերով (էջ 121, 133, 144), բայց հոգնակի հայցականը կազմել է միայն երկար ձեից. օրինակ՝ «Եւ ժողովեալ ամենայն եպիսկոպոսունս և իշխանս արարին քննութիւն» (էջ 98): «Ժողով արար դա, և զամենայն եպիսկոպոսունս այսր ժողովեաց» (էջ 145): Բերենք նաև մի քանի այլ օրինակներ՝

1. Հատուկ անուններ: Երակլոս բառը եղակի սեռական հոլովում հանդիպում է Երակլի/-եայ, բայց ավելի հաճախ՝ Երակլի, Խոսրով/-ը՝ Խոսրովայ/-ու, բայց ավելի հաճախ՝ Խոսրովայ, իսկ տրականում՝ Խոսրովու, Կոստաս-ը՝ Կոստասայ/-ու/-ի (յուրաքանչլուրը՝ մեկական անգամ), Հայկ-ը՝ Հայկայ/-ի (ավելի հաճախ՝ Հայկայ), Հռիփսիմէ-ն՝ Հռիփսիմեայ/-էի (մեկական անգամ), (Վրկան-ը՝ Վրկանայ/-ի (մեկական անգամ)) և այլն: Բերենք օրինակներ նշված բառերից մի քանիսի համար միայն՝ «Յամի Ժէ-երորդի Երակլի կայսեր թագաւորէ Պարսից Կաւատ որդի Խոսրովայ» (էջ 21): «Եւ հրաման տուեալ զարպացն՝ որք սպառադինեալ շուրջ զիսորանաւն Խոսրովու կացին» (էջ 45): «Ազդ լինի արքային Խոսրովու եղեալ իրքն» (էջ 70): «Ազդ եղկ Խոսրովու, եթէ գարձաւ Երակլոս» (էջ 93): «Եւ եղեւ ի մահուանն Երակլի թագաւորեաց Կոստանդին որդի նորա» (էջ 113): «Եւ թագաւորէ Երակլոս, որդի

Երակլեայ» (էջ 113); «Քակեաց կաթուզիկոսն Կոսմիտաս զմատուռ սրբոյն Հոփիսիմեայ» (էջ 89); «Երևեցաւ... կուսական մարմին սրբոյ տիկնոցն Հոփիսիմեի» (էջ 89):

2. Հասարակ գոյականներ: Եղակի սեռական հոլովում խորհուրդ բառը գործածվել է խորհրդեան/-ի/-ոյ (ավելի հաճախ՝ խորհրդեան), մահի-ը՝ մահուան/ու:

Եղակի գործիական հոլովում գետ գոյականը հանդիպում է գետով/-աւ ձեւերով, իսկ գունդ-ը՝ գնդով/աւ (մեկական անգամ), հուր-ը՝ հրով/հուրը (յուրաքանչյուրը՝ Յ-ական անգամ). օրինակ՝ «Անց զգետովն առ ի յըմբռնել զիսոսրով» (էջ 36); «Անց ընդ գետան առ Վարդանակերտաւն աւանաւ» (էջ 94); «Զբաղուած վանեցին հրով» (էջ 120); «Այրեցին զբաղաքն հուրը» (էջ 83):

Կին բառը նույն հոլովում գրաբարն ավանդել է կնաւ և կանամք ձեւերով: Սեբեռսի ստեղծագործությունում հանդիպում ենք միայն կնաւ ձկին (4 անգամ):

Հոգնակի բացառական հոլովում երեց գոյականը հանդիպում է յերիցունց/-անց, բայց ավելի հաճախ՝ յերիցանց:

3. Գերանուններ: Այս, այդ, այն դերանունները եղակի սեռական հոլովում գրաբարում կարող են ունենալ և՛ կարճ, և՛ երկար ձեւ, համապատասխանաբար՝ այսր-այսորիկ, այդր-այդորիկ, այնր-այնորիկ: Դասական գրաբարում երկու ձեւերն էլ գործածվում են: Ընդհանուր առմամբ, ավելի գործածական են երկար ձեւերը: Մեր կողմից համեմատվող աղբյուրների մեջ բացառություն են Ագաթանգեղոսը և Մ. Խորենացին, որոնք այդ ցուցական դերանվան այդր ձեն ավելի շատ են գործածել, քան այլորիկ-ը:

Սեբեռսի լեզուն նույնպես բնութագրվում է ցուցական դերանունների երկար ձեւերի կիրառական առավել հաճախականությամբ: Ավելին, նկատվում է այս դերանունների սոսկ երկար ձեւերի գործածության որոշակի հակում: Այսպես, պատմիչն այնորիկ-ը գործածել է 36 անգամ, իսկ այնր-ը՝ 1, այսորիկ-ը՝ 16, այսր-ը՝ 1, այդորիկ-ը՝ 1, այդր-ը՝ ոչ մի անգամ:

Երբ այս ցուցական դերանունները հոլովվում են երկար ձեւով (այսորիկ, այդորիկ, այնորիկ), Սեբեռսի լեզում նրանք միշտ ետադաս են, այսինքն՝ դրվում են նախադրությունից կամ գոյականից հետո և թվով ու հոլովով համածայնվում գոյականի հետ:

Սեբեռսի Պատմության մեջ դերանունների ետադաս կիրառության

կարճ (այսր, այդր, այնր) և նախաղաս գործածության երկար ձևեր (այսորիկ, այդորիկ, այնորիկ) չկան:

ՀՈԳՆԱԿԵՐԸ ՄԱՍՆԻԿՆԵՐ

Գրաբարում հոգնակիությունն արտահայտող սովորական ու շատ գործածական -ք, -ց, -ս/ վերջավորություններից բացի հանդիպում են նաև հետեւյալները.

1.—Որայ.— «Ոչ արձակեմ ի բերդորայն ամիրայս» (էջ 141):

Նախասերեռույան մատենագիրները -որայ-ը գործածում են հատկապես վան(f) բառի հոգնակին կազմելու ժամանակ՝ «ի վանորայս» (Եղիշե, 22), «վանորայս» (Խորենացի, 356), «ի վանորայս» (Փարպեցի, 13):

2.—Տի. — «Եւ ասէ ավասն այնորիկ, զի մի՛ անկցիս ի ձեռս մանկույթիմոյ և մեռանիցիս. այլ ե՛կ ի ձեռս իմ, և կեա՛ց ի սուն իմուս խաղաղութեամբ» (էջ 4):

3.—Իկ.— «Եւ թէին Տիտաննան ի վեր կարծէր զինքն քան գամհամայն ազգս մարդկան» (էջ 2):

4.—Ստան.— «Եկեալ եին ի կութս այգեստանին» (էջ 110):

Հոգնակերտ այս մասնիկները շատ սակավ են գործածվում և դըրակում են ընդամենը մի քանի հիմքերի վրա:

Դիտողություններ խոնարհման վերաբերյալ: Ի տարբերություն հոգնակարգի, Սեբեսի լեզուն ավելի հարազատուրին է մնացել բայաժամանակների ու բայաժամերի կազմության դասական գրաբարի նորմաններին հնչպես նաև՝ բայական ժամանակների բո՛ն և երկրորդական կիրառություններին:

Պատմիշի լեզվում առավել հոգնախականությամբ և գրեթե հավասար քանակով են հանդիպում անորոշ և անցյալ դերբայները: Վերջիններիս բաղդատությամբ անհամեմատ սակավ են գործածվել ապառնի (հիմնականում՝ բաղադրյալ ժամանակի բաղադրիչ) և ենթակայական դերբայները:

Անորոշ գերբայի վորխարեն երբեմն գործածվել է անցյալ դերբայ՝ «Ասենն զամանէ յերկարեալ զամս կինացն Ճկ և ունել ի ժամ մահուանն զհերս և զաշս և զլսելիս և զզաւրութիւնն մանկութեանն» (էջ 15)¹¹:

11 Հետեւյալ հախաղասության մեջ՝ «Քանզի նա է խաղաղութիւն մեր որ առնէ զամենայն, որպէս ասացեալդ է, և վերստին նորոգէ որպէս այժմիկ մարտեալ՝ ուրախ արացէ, զմեզ ի ձեռն սուրբ աղաւթից ձերոց» (էջ 85) մարտեալ-ը ձեռվ անցյալ գերբայ է, բայց ոչ մարտնչմ բայինը, որովհետեւ իմաստով չի կապվում նախաղասության

Սեբեռոսի Պատոմության մեջ կան դասակարն գրաբարի բոլոր լծորդություններով բայեր, սակայն ամենից շատ հանդիպում են ե խոնարհման բայերը (մոտ 400):

Ե, ի խոնարհմաներում մեծ թիվ են կազմում պարզ բայերը, ա խոնարհման մեջ՝ ածանցալորները, իսկ ու խոնարհման մեջ բայերի համարյակեսն ածանցավոր է, կեսը՝ պարզ:

Ա. խոնարհման բայերի անցյալ դերբայը կազմվում է կատարյալի հիմքից: Ուստի անդրանկանամ բայի անցյալ դերբայը օրինաշափորեն ընելու էր անդրանկացեալ. օրինակ՝ «Արամենակ անդրանկացեալ (անդրանիկն Հայկայ)»¹²: Սեբեռոսի լոգվում, սակայն, գտնում ենք մի վկայություն, ուր այս բայի անցյալ դերբայը կազմվել է ներկայի հիմքից: «Արդ՝ այս են անուանք աղդածինն արանց, անդրանկելոցն ի Բարելոն» (Էջ 3):

Առանձին բայերի խոնարհման մեջ հանդիպում են հետևյալ շեղումները: Տեսանեմ բայը սահմանական եղանակի անցյալ կատարյալ ժամանակի հոգնակի երրորդ դեմքում ունի տեսին ձեր, բայց Սեբեռոսի երկում մեկ անգամ հանդիպում է ավելի ուշ շրջանի ձեր՝ տեսան՝ ռոր ահաւատիկ տեսան ածեալ ի պանդոկի յայդ և դարմանել և զերիս դահնեկանս, որ ետ ի պանդոկապետն՝ ահաւատիկ դու ունիս ի ձեռս քոյ դարման առաւտ» (Էջ 88)¹³:

Ժողովեմ բայը հրամայական եղանակի եղակի թվում ժողովեա՛ ձեր փոխարքն ունի ժողովէ¹⁴, իսկ հրամայեմ բայը՝ հրամայեա՛ ձեր փոխարքն՝ հրամայէ՝ «Բայց ե՛կ, ասէ, ևս զիմս ժողովեմ և ի թրակէ դումարեմ. և դու զբոյդ ժողովէ և հրամայէ յարեկը տանել» (Էջ 49):

Տանիմ բայը երկրորդ ապառնի ժամանակի հոգնակի երրորդ դեմքում ունի տարցեն ձեր փոխարքանակ՝ տարցին, իսկ ունիմ բայը կալցին ձեր փոխարքն ունի կալցեն՝ «Կալցեն զնա և տարցեն յանդիման նորա իւ ահնեակն» (Էջ 145): «Ապստամբեալ ի բաց եկաց ի Հայոց անուանեալ վահան իշխան աշխարհին Սիւնեաց, և... խոնդրեաց ի Խոսրովայ յար-

Հության հետ, իսկ մարտեմ բայ գրաբարը չունի: Ստ. Մալխասանցը ննթադրում է, թե այս բառը կարող է աղավաղված լինել (տե՛ս Սեբեռոս, Էջ 85, էջատակի 19-րդ կետը):

12 ՆՀԲ, հ. 1, էջ 136:

13 Տեսան բայածեր պետք է հասկանալ ոչ թե «շատերը տեսնվում են», այլ «շատերը տեսնում են»:

14 Տե՛ս Ա. Ա. Արցահամյան, Գրաբարի ձեռնարկ, Երևան, 1958, էջ 483:

քայլն Պարսից, ով տարցեն զդիւան աշխարհին Սիւնեաց ի Դիւնայ ի Փայտակարան քաղաք» (էջ 27)¹⁵:

Դասական գրաբարում բայի անցյալ անկատար ժամանակի կրավորական սեռի արտահայտման համար առանձին ձև չկա: Դասական և և տդասական շրջանի գրաբարի հեղինակների գործերում և խոնարհման բայերի եղակի Յ-րդ դեմքը հազվադեպ հանդիպում է -իւր վերջավորությամբ -էր-ի փոխարեն և միշտ կրավորական սեռի իմաստով. օրինակ՝ «Որոյ անոն Փիսակ կոչիւր» (Բուզանդ, էջ 42): «Որում անոն Վարդան կոչիւր» (Անդ, էջ 88): Այս երեսութքը վաղուց ի վեր նկատված է լեզվաբանների կողմից¹⁶: Զնայած սեռատարբերակման խիստ անհրաժեշտությամբ, -իւր-ով այս արխարիկ ձեռքը լեզվում տարածում շատացան, թեև Սեբեռուն էլ երբեմն գործածում է դրանք. օրինակ՝ «Անտեսանելին տեսանիւր, անշաւշափելին շաշափիւր, անժամանակն սկսանիւր» (էջ 128): Այստեղ ուշագրավ է այն, որ բերված օրինակում սկսանիմ-ը թեև ի խոնարհման բայ է, տեսանիւր, շաշափիւր ձեռքի նմանառկությամբ ստացել է -իւր:

Ուսումնասիրվող հեղինակի գործում բերված բայական շեղումները վերաբերում են ոչ թե խոնարհման տիպերին, այլ հարացուցի այս կամ այն անդամին: Սակայն ի՞նչն է էականը այս շեղումներում: Առաջին հերթին այն, որ ունենք բայասեռային տարբերակման դասական հայերենին հաստով բայաժամանակային վերջավորությունների (-այ, -ար, -աւ, -ացք, -ան) խախտում, որոնք սեռատարբերակման ցուցի դեր էին կատարում: Իսկ սա նշանակում է, որ VII դարի հայերենն արդեն խոսակցական լեզվի ու բարբառների աղդեցությամբ զգալիորեն հեռացել էր դասական հայերենից: Սեբեռուի լեզուն, դասա-

15 Կարեմ բայը սահմանական եղանակի անցյալ կատարյալ ժամանակի եղակի Յ-րդ դեմքում ունի կարաց ձեռք, բայց Սեբեռուի լեզվում հանդիպում է կարացաւ ձեռք՝ և այնշափ սաստիկ լիներ կոտորածն, մինչև զի խաղացեալ վտակաց սաստկութիւն արեանցն առողջաներ զերկիրն ամենայն: Եւ ոչ կարացաւ զգէմ ունել, փախստական լիներ զարդ ապստամբական առաջի զարացն Յունաց (էջ 40): Մ. Գրիգորյանը, սակայն, ընդգծված բառն իրավացիորեն սրբագրում է՝ կարացեալ (տե՛ս Մեսրոպ ծ-վ Գ. Գրիգորեան, Գիտողութիւններ և սրբագրութիւններ Սեբեռուի պատմագրոց բնագրին վերայ, Վիեննա, 1973, էջ 30):

16 Վեր. Զալրիսեան, Քերականութիւն հայկակնեան լեզուի, Վիեննա, 1885, էջ 67, էջատակի ծանոթության մեջ և խոնարհման բայերի անցյալ անկատարի եղակի Յ-րդ դեմքի մասին կարդում ենք. «Կը գտնուի զրծիւր ալ, ինչպէս նաև հատանիւր, տեսանիւր, եւ այլն. բայց ընտիր չէ» (ընդգծումները հեղինակին են— Գ. Բ.): Տե՛ս նաև Ա. Ա. Արշակունյան, Գրաբարի ձեռնարկ, Երևան, 1958, էջ 129:

կան հայերենի հոլովման ու խոնարհման համակարգի ժառանգմամբ և պահպանմամբ հանդերձ, չէր կարող զերծ լինել խոսակցական, ինչպես նաև բարբառային լեզվի ազգեցությունից: «Ճիշտ է, ներկայացված փաստերը գեռ այն ճոխությունը չունեն, որպեսզի կանոնարկված ձևերի բազմության մեջ անմիջապես աշքի ընկնեն, սակայն եղած փաստերն էլ բավական են հաստատելու, որ VII դարի այս պատմիչի լեզուն արդեն բավականաշատի հեռանում է դասական մատենագիրների լեզվից, դասական հայերենի որոշ նորմաներից»:

Բայական պարզ ու բաղադրյալ ժամանակների համեմատությունը դասական գրաբարի համապատասխան ժամանակների հետ ցույց է տալիս, որ պատմիչի լեզվում ուշադրության են արժանի առավելապես առաջին և երկրորդ ապառնիները (մասամբ նաև՝ բաղադրյալ ժամանակները):

ԱՌԱՋԻՆ ԵՎ ԵՐԿՐՈՐԴ ԱՊԱՌՆԵՐՆԵՐ

Դրաբարում ապառնիության իմաստն արտահայտվում է առաջին, երկրորդ ապառնիներով, սահմանական եղանակի բաղադրյալ ապառնի ժամանակվ, բայական ժամանակների երկրորդուկան կիրառություններով: Սակայն հիմնական ծանրությունն ընկած է առաջին և երկրորդ ապառնիների վրա:

Դեռևս Մ. Սալլանիթյանը նկատել է, թե՝ «Բաղադրյալ ապառնին (խոսքը առաջին ապառնու մասին է — Գ. Բ.)»՝ «ո՞ր և իցէ բայի. սակաւ ուրեմ ի գործ ածի ևս և առ նախնիս...» (ընդգծուածը մերն է — Գ. Բ.)¹⁷: Առաջին ապառնին երկրորդի համեմատությամբ ինչ-որ շափով քիչ է գործածվում: Լեզվի դարձացման հետագա լրնթացքը տանում է նախ՝ գեպի առաջին, ապա՝ երկրորդ ապառնու աստիճանական նվազում և լեզվից վերացում:

Սեբեռոսի գործում երկրորդ ապառնիով կիրառվել է 128 բայ, իսկ առաջին ապառնիով՝ 27, այսինքն՝ 4,74 անդամ քիչ:

Հեղինակը 12 բայեր գործածել է թե՝ առաջին, թե՝ երկրորդ ապառնիով: Դրանցից միայն մեկը՝ կարճիմ-ը, ապառնիներից յուրաքանչյուրով գործածվել է մեկական անդամ, իսկ մյուսներն ավելի շատ կիրառվել են երկրորդ ապառնիով (տե՛ս աղյուսակը):

17 Մ. Սալլանբեան, Քերականութիւն գրաբառ լեզուիս Հայոց, ի Մուկով, 1827, էջ 88: *

Բայեր	Առաջին ապառնի	Երկրորդ ապառնի
Առնեմ	1	18
Ասեմ	2	10
Լինիմ	3	23
Խնջրեմ	1	5
Կամիմ	8	9
Կարեմ	2	4
Կորչչիմ	1	1
Հասանեմ	2	8
Հատանեմ	1	2
Մեռանիմ	2	7
Ունիմ	2	7
Տեսանեմ	1	4

Դասական գրաբարում առաջին ապառնու գործածության գրեթե բոլոր ոլորտներում էլ գործածվել է նաև երկրորդ ապառնին: Նույնն է վիճակը նաև Սեբեռսի լեզվում.

1. Գլխավոր նախադասուրյան հետ թէ, եթէ բառերով կապվող պայմանի երկրորդական նախադասուրյուններում. օրինակ՝ «Եւ թէ ախորժիցիք և լուիջիք ինձ, ասէ, զբարութիւնս երկրի կերիջիք» (էջ 137—138):

2. Գլխավոր նախադասուրյան հետ զի բառով կապվող նպատակի պարագա երկրորդական նախադասուրյուններում. օրինակ՝ «Դարձի՞ր անդրբն ի տեղի քո, զի մի՛ մեռանիցիս այսաւր ի ձեռաց իմոց» (էջ 4): «Եւ սկսաւ կայսրն հրաման տալ, զի ժողովեսցեն զամենեսեան և ի Թրակէ գումարեսցեն» (էջ 49):

3. Հարցական նախադասուրյան մեջ. օրինակ՝ «Իսկ զի՞նչ և առ մշակս այգույն ասիցէ տէրն» (էջ 128): «Արդ՝ զի՞նչ արացուի, ընդունի՞մք» (էջ 37):

4. Գլխավոր նախադասուրյան հետ յորժամ բառով կապվող որոշ ժամանակի պարագա երկրորդական նախադասուրյուններում: Ժամանակի պարագա երկրորդական նախադասուրյունները գլխավորի հետ մեծ մասամբ կապվում են իրեւ, յորժամ բառերով: Սրանք լայն գործածություն ունեն գրաբարում և մեծ մասամբ նախադաս են գլխավորին:

Սեբեռսի երկում առավել հաճախ հանդիպում են իրեւ-ով կապվակցվող երկրորդական նախադասուրյուններ (81 անդամ), բան յորժամ-ով (20 անդամ):

Գրաբարում թեև այս կամ այն ձևի գործածության հարցում օրինաշափություն չկա, սակայն առանձին հեղինակներ նկատելի նախապատվություն են տալիս որոշակի կառույցներին: Այսպես, Եղիկի լեզ-

վում ավելի շատ հանդիպում են յորժամ-ով կապակցվող երկրորդական նախադասություններ, իսկ Եղիշեի լեզվում՝ իրեւ-ով և այլն:

Իրեւ-ով սկսվող երկրորդական նախադասության բայը Սեբեռսի լեզվում առաջին կամ երկրորդ ապառնիով երբեք չի հանդիպում: Նույնը կարելի է ասել նաև դասական Հեղինակների լեզվի մասին, թեև այդպիսի մի օրինակ գտնում ենք Ագաթանգեղոսի լեզվում՝ «Իբրև ծերասցի նա և տեսցէ ապականեալ զմարմին իւր՝ զիորհուրդս խորագիտութեանն իւրոյ ի մէջ բերէ» (Ագաթանգեղոս, էջ 306): Այս կարգի նախադասություններում բայը մեծ մասսամբ գործածվում է ներկա, անցյալ կատարյալ, անցյալ անկատար ժամանակներով և դերայական ձևով:

Հակառակ սրան, Սեբեռսի լեզվում գլխավոր նախադասության հետ յորժամ-ով կապվող 20 երկրորդական նախադասություններից 7-ում (ասել է թե 1/3-ում) բայը դրված է առաջին կամ երկրորդ ապառնիով: Օրինակ՝ «Պատրաստ լերուք, զի յորժամ եկեսցէ նա... յանկարծակի զձեռս նորա յետո կալարուք և կապեցէ՛ք զնա» (էջ 43): «Զգոյշ կացէք, զի յորժամ եկեսցի; Մուշեղ ի դուռն խորանին իմոյ՝ ի բաց լուծէք ի միջոց նորա զկամարն և զսուսերն» (էջ 43): «Յորժամ հասանիցեն ի պարիսպ քաղաքին՝ ի վերուատ ի զիմոյ աշտարակացն զիւրեաւ ելեալ ի պարիսպն՝ անկցին ի քաղաքն» (էջ 148): «Եւ աստ էր տեսանել զարդէտս տարակուսի, զաւրէն հիւանդաց, յորժամ տագնապեսցի ցան, և հատանիցի ի խաւաից՝ այնպիսի ինչ եղեն» (էջ 150):

Չնայած սրան, դասական գրաբարի համեմատությամբ, Սեբեռսի լեզվում յորժամ-ով կապակցվող երկրորդական նախադասություններում ապառնիները քիչ են գործածվում: Պատմիչը զգալիորեն տարբերվում է V դարի Հեղինակներից, որոնց լեզվում յորժամ-ով կապակցվող ժամանակի պարագա երկրորդական նախադասություններում բայը մեծ մասսամբ դրվում է առաջին կամ երկրորդ ապառնիով: Որոշ Հեղինակներ ավելի շատ գործածում են առաջին ապառնին, ումանք՝ երկրորդը: Այսպես, Եղիշեկը 72 անգամ դրժաճել է առաջին, 12 անգամ՝ երկրորդ ապառնի, Ագաթանգեղոսը, ընդհակառակը՝ 22 անգամ երկրորդ ապառնի, 13 անգամ՝ առաջին ապառնի:

5. Առաջին և երկրորդ ապառնիների գործածությունը մի, ոչ Ժխտական մասնիկների հետ: Հայտնի է, որ մի՛ արգելական-ժխտական մասնիկը գործածվում է առաջին և երկրորդ ապառնիների հետ: Գրաբարի բայը խոնարհման հարացուցում այդ մասնիկով է կազմվում նաև արգելական հրամայականը: Այդպիսի կիրառություններ ունի նաև Սեբեռսը:

Մի՛ արգելական մասնիկը համապատասխանում է ժամանակակից հայերենի մի՛ արգելական մասնիկին՝ մի՛ գրիր, մի՛ խոսիր և այլն: Սակայն, մի՛+առաջին կամ երկրորդ պատճի գրաբարյան կաղաքարի իմաստն արդի հայերենում հաճախ կարելի է թարգմանել ոչ թե մի՛-ով, այլ ըղձական կամ պայմանական եղանակի ժխտականով (շ ժխտական մասնիկով), երբեմն էլ՝ քող եղանակավորող բայց հետ միասին. օրինակ՝ «Ումանք ընդ իւրեանս իրակ սուր ելեալ՝ զի մի՛ լիցին ձերպակալեալ» (էջ 60)¹ այսինքն՝ ուրպեսզի չերպակալվեն: «Թշնամի մի՛ մացէ ի Հայս. և եթէ գայ Հոռոմ ի վերայ ձեր՝ արծակեմ ձեղ զաւրս յաւգնականութիւն՝ որչափ և դուր կամփիցիք» (էջ 141)² այսինքն՝ զի մտնի:

Առաջին և երկրորդ ապառնիները դործածվել են նաև ոչ ժխտական մասնիկի հետ, ըստ որում առաջին ապառնին մի՛-ի հետ գործածվել է չ անգամ, ոչ-ի հետ՝ 7, իսկ երկրորդ ապառնին՝ մի՛-ի հետ՝ 30 անգամ, ոչ-ի հետ՝ 27: Ընդհանուր առմամբ, նշված մասնիկների հետ երկրորդ ապառնին 4,7 անգամ ավելի հաճախ է դործածվել, քան առաջին ապառնին:

Ի՞մարկե, սա չի նշանակում, թե նշված ուրոտներում ապառնիները պետք է կիրառության նույն հաճախականությունն ունենան կամ անպայման դրանցից որևէ մեկն է օգտագործվելու: Օրինակ, հարցական նախադասություններում մեծ մասամբ հանդես է գալիս առաջին ապառնին: Մյուս կողմից՝ քիչ շեն այն դեպքերը, երբ այդպիսի նախադասություններում բայց ասրանիներով չի դրվում. օրինակ՝ «Զի՞նչ կամիք առնել... մի՞թե զծով իբրև զցամաք համարիք՝ մարտնչել ընդ նմա» (էջ 90):

Երբեմն նույն պայմաններում բայիրից մեկը դրվում է առաջին ապառնիով, մյուսը՝ երկրորդ. օրինակ՝ «Հրաման ետ արքայ Խոսրով քանդել զամենեցունց նոցա զեկեղեցիսն և արով սատակել զնոսա, թէ ո՛չ դարձցին ի մոլորութենէն և ելանիցեն յարքայտկան պողոտայն» (էջ 124), Մրանով հանդերձ, կարելի է առանձնացնել երկրորդ ապառնու կիրառության որոշ ուրոտներ՝

1. Երբ բայը դրվում է քող եղանակավորող բայց հետ՝ «Նա դարձաւ և ասէ. «Թող տեսից, եթէ զի՞նչ բարի խորհեցի տալ ինձ արքայից արքայ» (էջ 45):

2. Երբ բայն արտահայտում է այնպիսի իմաստ, որը կարելի է թարգմանել ըղձական եղանակի բայաձեռվ և քող եղանակավորող բայով. օրինակ՝ «Աւրհնեաց և թագաւորն զեպիսկոպոսն և ասէ. «Աւ-

հնեսցէ Աստուած զքեղ» (էջ 146): «Այս լիցի ուխտ հաշտովթեան իմոյ ընդ իս և ընդ ձեղ» (էջ 140):

3. Երբ նախադասության մեջ հրամայական բայաձեկի հետ զրվում է մի բայ ու երկուսի հաղպագած իմաստն ըմբռնվում է որպես ցանկություն՝ միամնաբար մի գործ, մի բան անելու համար. օրինակ՝ «Եկայք սպանցուից զսա, և մեր եղիցի ժառանգովթիւնն» (էջ 128): «Եկայք ելցո՞ւի ի լեառն տեսառն» (էջ 87): Այսադիսի նախադասություններում հրամայական բայաձեկերն արդեն, ասես, եղանակավորող բառի դեր ունեն:

Առաջին ապառնին գլխավոր նախադասության մեջ ավելի քիչ է համեղիպում, քան երկրորդ ապառնին: Սեբեռոսի գործում գտնում ենք այդպիսի. կիրառության միայն մի վկայություն՝ «Եւ կամ ասիցէ, եթէ ես նստուցից ձեղ թագաւոր» (էջ 90):

Այս ապառնիների կերպային առանձնահատկություններն այնքան են մթագնված, որ այն ճշմարտությունը, թև ներկայի հիմքից կազմը-ված ժամանակները արտահայտում են համեմատաբար տեսական գործողություն, իսկ կատարյալի հիմքից կազմվածները՝ ոչ, պարզ ապառնիների կապակցությումք, այսօրվա ընկալմամբ, նույնիսկ դժվար է ընդունել:

ԲԱՂԱԴՐՅԱԼ ԺԱՄԱՆԱԿՆԵՐ

Բաղադրյալ ժամանակները կազմվում են ապառնի (-ոց վերջավորությամբ), անցյալ դերբայներով և եմ, լինիմ երբեմն էլ՝ ունիմ, կամ բայերով: Ամենից շատ կիրառվում է եմ+անցյալ դերբայ կառուցվածքը¹⁸:

Մեղ թվում է, թե բաղադրյալ ժամանակ պետք է համարել նաև անցյալ դերբայ+չի՛ պակասավոր բայ կառուցվածքը, որի արձանագրումը չենք գտնում գրաբարի քերականություններում: Այդպիսի մի վկայություն գտնում ենք Սեբեռոսի գործում (արտամիշի երկում այն մեջքերում է Հովհաննեսի ավեստարամից): «Եւ նոյն Յովհաննէս ասէ յա-

18 Գտանեմ բայը շատ հազվադեպ դրվում է դիմավոր ձևով, իսկ լինիմ-ը՝ դերբայական: Բայց քերականական այդ կառուցը, արդի հայերենի ըմբռնմամբ, կարող է դիտվել բաղադրյալ ժամանակի: Սեբեռոսն այս կարգի մի երկու վկայություն ունի՝ «Գտաւ լեալ ի խորհրդեանն յայնմիկ և Դաւիթ Սահառունի» (էջ 104): «Գտաւ ի խորհրդեանն յայնմիկ լեալ Վարազտիրոց» (էջ 103):

Արդի գրական արևելահայերենով չի ասվի գտնվեց եղած կամ եղած գտնվեց, այլ՝ գանվեց:

ւետարանին թէ, «Զաստուած ուրուք չի՞՛ անսեալ» (էջ 127): Այսպիսի կիրառության մի օրինակ կա նաև Եղնիկի «Եղծ աղանդոց»-ում՝ «Ի բարերար արարչէն չար ինչ չի լեալ» (Եղնիկ, 10):

Բաղադրյալ ժամանակի բաղադրիչ անցյալ դերայը դասական պրաբարում բավական հաճախ գրուամ է հոգնակի: Այս երկույթը զգալիորեն տարածված է Եղիշեի «Վասն Վարդանայ և Հայոց պատերազմին» և Մ. Խորենացու «Պատմութիւն Հայոց» գործերում, իսկ Սեբեոսի Դեղվոամ այն խիստ հազվադեպ է պատահում. օրինակ՝ «Արքն այն հայաստանեալը, որ ապատամեալ էին ի Սմբատայ և գնացեալք առ Վստամ՝ ընդ նոսա» (էջ 62):

Բաղադրյալ ժամանակի բուն կաղապարն է դերայ+օծանդակ քայ, որի անդամները միմյանց նկատմամբ ավելի շատ դրամիում վոամ են, քան մեկ կամ մի քանի անդամով հեռանոամ միմյանցից. օրինակ՝ «Անուանեալ էր զնա իւր յորդեգիրս» (էջ 57): «Էին պաշտամունք նոցա բաժանեալ ի միմեանց» (էջ 106):

Չուգադրյական բայերը բառական մեկ բարդություն են: Նրանց բաղադրյալ ժամանակներում, բնականարար, օժանդակ բայը դրվում է մի դերբայի մոտ. օրինակ՝ «Եկեալ հասեալ եմ այսպիսի զինու» (էջ 94): «Զաւրքն Քուշանաց ասպատակեալ սփոեալ էին ի վերայ երեսաց ամենայն երկրի» (էջ 66): Երբեմն, սակայն, բնագրային ոլորտով պայմանավորված, օժանդակ քայը կարող է զեղչվել. օրինակ՝ «Ի դիմի հարան նմա արք Հրեայք ի գլխաւորաց նոցունց, որոց էին սպանեալ խողս երկուս և տարեալ երեալ ի տեղի աղաւթիցն, և զարիւնն հեղեալ զորմովքն և զյաստակաւք տանն» (էջ 112)¹⁹:

Եմ+անցյալ դերբայով կազմված ժամանակներից ամենից շատ գործածվել է վաղակատար-հարակատար անցյալը, ապա՝ վաղակատար-հարակատար ներկան և ստորադասական եղանակի բաղադրյալ սպառնին: Այս ժամանակներում հանդես եկած բայերի մեծ մասը ներգործական սեռի է:

Բաղադրյալ ժամանակներ են կազմվում նաև, ինչպես արդեն ասվեց վերեւում, անցյալ դերբայի, կամ, լինիմ, ունիմ, շիմ բայերի օկնությամբ, որոնք եմ-ով կազմվածների կիրառության քանակի համեմատությամբ շնչին տոկոս են կազմում: Այդ բայերը անցյալ դերբայի հետ գրվում են Հիմնականում ներկա և անցյալ անկատար ժամանակներուվ:

19 Օժանդակ բայը կարող է զեղչվել նաև ոչ զուգադրական բայերի. բաղադրյալ ժամանակներում. օրինակ՝ «Նա ելանելոց է և ունելոց զաշխարհա» (Եղնիկ, էջ 105):

Դասական գրաբարում տվյալ կառուցվածքում օժանդակ բայի դեռով ամենից հաճախ հանդես է գալիս լինիմ բայը, իսկ Սեբեսի լեզվում՝ կամ-ը: Բերենք օրինակներ. «Մինչ ծողովեալ կային միահամուռ յոսկեզաւծ պատշգամբի միոց՝ եմուս հկաց ի մէջ նոցա» (էջ 133): «Գանձն Արեաց թագաւորութեանս բաւական համարեալ լիցի ինձ և ձեզ» (էջ 39): «Կազմեալ ունէր յեզր ծովոս նաւս բազումս թեթև» (էջ 148):

Ուսումնասիրվող գործում եմ+ոց վերջացող ապանի դերբայով կազմված ժամանակները գործածվել են ընդամենը 7 անգամ, որից 5-ը՝ սահմանական եղանակի բաղադրյալ ապառնիով՝ «վաղիւ պատելոց է զքն պատերազմ քաջաց» (էջ 40): «Տանելոց է սաստկութիւն հողմոյ զգաւորութիւնդ քո իբրև զիոնշի» (էջ 40): «Անդրէն Երբալոց ես ուստի եկիրն» (էջ 117):

ՀԱՐԱԴՐԱՎՈՐ ԲԱՅԵՐ

Սեբեսի լեզուն, փնչպես ընդհանրապես հայերենը, հարուստ է հարազրավոր բայերով²⁰, բավական է նշել, որ պատմիչի լեզվում շուրջ 45 բայեր կիրառվել են որպես հարազրավոր բայի բաղադրիչ: Դրանցից են՝ ածեմ, անկանիմ, անցանեմ, առնեմ, առնում, արկանեմ, լինիմ, հարկանեմ, ունիմ և այլն. օրինակ՝ «Եւ ոչ ինչ էած զմտաւ արքայն» (էջ 43): «Եւ յարձակեալ Անտոնի՝ ած ապտակ ի ծնաւտ նորա» (էջ 115):

Որոշ բայեր առվելի շատ հանդես են եկել որպես հարազրավոր բայի բաղադրիչ: Օրինակ, առնեմ-ը անկախ է կիրառվել 67 անգամ, իսկ որպես հարազրության բաղադրիչ՝ 183: Արկանեմ բայն անկախ է կիրառվել 6 անգամ, իսկ որպես բաղադրիչ՝ 27:

Պատմիչի երկում հարազրավոր բայերը հիմնականում կազմվել են հետեյալ կաղապարներով՝

1. Բայ+նախղիր+գոյական՝ ածեմ ի հաշտութիւն:

2. Նախղիր+գոյականի հոլովածե+բայ՝ զմտաւ ածեմ, ի խնդիր անկանիմ:

3. Գոյականի աննախնդիր հոլովածե+բայ՝ աղաւթս առնեմ, ապտակ ածեմ, աղդ առնեմ, ամբաստանութիւն առնեմ:

4. Ածական+բայ՝ փախստական անկանիմ, անքակ առնեմ:

5. Բայ+բայ (սրանք պատճառական կազմություններ են)՝ տամ բերել, տամ մտանել, տամ տանել՝ «Նոյն ժամայն խնդիր արա-

20 Հարազրավոր և զուգադիր բայերի հարցի քննության պատմությունը տե՛ս Ա. Մարգարյան, Հայերենի հարազր բայերը, Երևան, 1966, էջ 21—54, 279—293:

բից խաշին և տաց բերել առ քեզ» (էջ 99): «Ետու տանել զնոսա ի մուսու արևու և յեզր երկրի» (էջ 13):

Որոշ հարադրությունների համար ՆՀԲ-ն վկայություններ է բերում Սեբեռոսից ավելի ուշ ապրած հեղինակներից. օրինակ, լուծումն լինի-ի համար վկայություն է բերում Հովհաննես Դրասիանակերտոց (X դար)՝ «Լուծումն ինձ ի կապարանէն լիցի»²¹: Այսպէս էլ ժամ առնեմ հարադրության համար վկայություն է բերում միայն կամբընացոց (XII դար)՝ «Տե՛ս, զի ոչ ասէ, թէ տո՛ւր՝ զի բեղ ժամ առնէ»²²:

Ա. Մարգարյանը գրում է. «Հայ հին գրական լեզվի հարադրավոր բայերի զննությունը ցուց է տալիս, որ նրանց մեծագույն մասը կազմված է առնել (>առնել), լինել, առնով (>առնել), այլև՝ դնել, տալ բայերի և դրանց մեջ էլ հատկապես առաջին երկուսի միջոցով» (ընդգծումը հեղինակինն է— Գ. Բ.)²³: Այս դիտողությունը միանգամայն բնորոշ է նաև Սեբեռոսի լեզվին: Նշենք, սակայն, որ պատմիչի երկում ամենից գործածական բայը առնեմ-ն է, որով կաղմվել են շուրջ 50 հարադրավոր բայեր:

Պատմիչը հարադրավոր բայերից ամենից հաճախ գործածել է հրաման տամ-ը (մոտ 50 անգամ):

Հարադրավոր բայերի մի զգալի մասը դարձվածքի արժեք ունի: Քիչ հանգամանորեն խոսենք այն հարադրավոր բայերի մասին, որոնց մի բաղադրիչը տամ-ն է: Սեբեռոսի լեզվում տամ-ը նշված կիրառությամբ մեծ հաճախականություն ունի: Ըստ որում, այն անվան հետ շուրջ 5 անգամ ավելի շատ է գործածվել, քան բայի հետ: Ուշագրավ է, որ անվան հետ ավելի հաճախ դրվում է ետաղաս (77 անգամ, իսկ նախադաս՝ 8): Սրան հակառակ՝ տամ-ը բայի անորոշ գերբացի հետ ավելի հաճախ գործածվել է նախադաս (15 անգամ), իսկ ետաղաս՝ լոկ 2 անգամ: Բերենք օրինակներ՝

1. Անվան հետ՝

ա) նախադաս՝ «Ետ նակատ ընդ Մարսիմիանոսի» (էջ 133): «Գայ հասանէ ի դաշտն Արայի, և տայ պատերազմ ընդ Արայի» (էջ 6):

բ) ետաղաս՝ «Խոյս ետ Հայկն յերեսաց նորա» (էջ 4): «Եւ հրաման տայ խիստ սաստիւ» (էջ 25):

2. Բայի հետ՝

21 ՆՀԲ, 4. 1, էջ 895:

22 Անդ, էջ 826:

23 Ա. Մարգարյան, նշվ. աշխ., էջ 83:

ա) հախաղաս՝ «Վասն հաւատոյ գիր ետ առնել» (էջ 145): «Եւ տայ տանել մմա երդումն» (էջ 97):

բ) ետադաս՝ «Զմեղ վստահացոսին և զղաւրսն նապաղել ետուն յասպատակ լԱստրպատական» (էջ 141): «Ճնուա ածին ի վերայ մեր յանկարծակի, և հարկանել ետուն զմեղ» (էջ 141):

Տամ բայն իբրև հարադրավոր բայի բարձրադրիչ Աստվածաշնչում համեմատաբար սակավ գործածություն ունի: Այդպիսի դերով այն հանդիպում է շուրջ 50 անգամ, ըստ որում, մեծ մասամբ անորոշ գերբայի հետ բայ+անորոշ դերբայ կառուցվածքով. օրինակ՝ «Եւ հօրն իւրում ետ տանել նոյնպէս» (Մննդ., ԽԵ, 23): «Ասէ Ցուղա. Նմա լիցի այն. այլ ոի մի՛ ծաղր կացցուք՝ ես ետու տանել զուղ, եւ դու ոչ գտեր» (Անդ, ԼԲ, 23):

Աստվածաշնչում տամ բայի ետադաս գործածության ոչ մի գեղք չկա, իսկ Սեբեռու, ինչպես տեսանք վերեռում, այդպիսի կիրառության երկու վկայություն ունի: Հետագա դարերում բայ+ատամ կառուցվածքը գրական լեզվում ավելի տարածվելով, տիրապետող դարձավ: Ժամանակակից գրական հայերենում արդեն այն պատճառականություն արտահայտող վերլուծական միակ կաղապարն է՝ գրել տալ, վագել տալ և այլն: Մյուս կողմից, եթե Աստվածաշնչում տամ բայը գերազանցապես բայի հետ է հարադրվում, ապա Սեբեռուի լեզվում՝ անվան հետ:

Անվանական բաղադրիչով որոշ հարադրավոր բայեր Սեբեռուի լեզվում մեծ կիրառություն ունեն: Նրանց մեջ կան այնպիսիները, որոնցում բայը գրվում է զիխավորապես ետադաս: Օրինակ, հրաման տամ-ը գործածվել է մոտ 50 անգամ, բայց բայը միայն մի երկու դեպքում է նախադաս. օրինակ՝ «Ճաւրացն կողմանցն այնոցիկ ետ հրաման» (էջ 142): «Ոչ կարաց տալ հրաման» (էջ 45): Մնացած դեպքերում բայը միշտ ետադաս է:

Սեբեռու սոսկ մի վկայություն ունի, ուր տամ-ը գործածվել է հարադրավոր բայի հետ՝ «Կանգնեաց զպատկերն իւր, և ետ երկիր պագանել իբրև աստուծոյ» (էջ 4):

Ինչպես տեսնում ենք, Սեբեռուի լեզվում բայ+ատամ կառուցվածքով հարադրավոր բայերը համեմատաբար մեծ տարածում չունեն: Ինչ վերաբերում է այն հարցին, թե տամ բայը ժամանակակից հայերենում ի՞նչ սետի բայի հետ է հարադրվում, Ա. Ա. Աբրահամյանը գրում է. «Ուսումնասիրությունները ցուց են տալիս, որ սովորաբար ժամանակակից գրական հայերենում պատճառական-միջնորդական քերականական իմաստի արտահայտման համար տալ բայը այսօրինակ հարա-

դրությունների մեջ հիմնականում համեմես է գալիս նեղոքործական սեռի բայի հետ։ Զեղոք սեռի սկզբնաւիպ բայերը այս դեպքում տալ բայց հարազրությամբ հանդես են գալիս շատ սակավ գործածությամբ» (ընդգծումը հեղինակինն է — Գ. Բ.)²⁴։ Հարկ է նշել, որ այս գնահատականը ճիշտ է ոչ միայն ժամանակակից գրական արևելահայերենի, այլև՝ հայերենի համար ընդհանրապես։ Մասնավորապես, Սերեսուի գործում տամ բայն այսպիսի վիրառությամբ հանդիպում է 7 բայի հետ, որոնցից 4-ը ներգործական սեռի են, 1-ը՝ շեղոք (մատենել տամ) 1-ի համար էլ ՆՀԲ-ն նշում է և՛ ներգործական, և՛ կրավորական, և՛ շեղոք (եապաղել տամ)՝ իսկ 7-րդն արդեն փնքն է հարադրավոր բայ (Երկիր պագանել տամ)։ Նշենք նաև, որ ողջ Աստվածաշնչում տամ բայը դրվել է ընդումենը 4 շեղոք սեռի բայի հետ։ օրինակ՝ «Եւ ու ետուն բարձրանալ եղանակն ամբարտաւանութեան» (Ա. Մակ., Բ. 49)։ «Եթէ ամենայն որ արձակէ զերին իւր առանց բանի պոռնկութեան, նա տայ նմա շնալ» (Մատթ., Ե, 32)։

Եթե նկատի շառնենք այն հարադրավոր բայերը, որոնք այնպիսի դարձվածքի արժեք ունեն, որի արտահայտած իմաստը հնարավոր չէ արտահայտել մեկ բայով, կարելի է ասել, որ պատմիչի լեզվում եղած գրեթե բոլոր հարադրավոր բայերն ել ունեն փրենց ոչ հարադրավոր բայազույգը։ Սակայն Սերեսուի լեզվում կան նաև հարադրություններ, որոնց արտահայտած իմաստը և՛ գրաբարում, և՛ պատմիչի երկում համադրական համանիշով շատ սակավ է արտահայտվում։ Բացի սրանից, միևնույն համադրական բայի իմաստը երբեմն կարող է արտահայտվել մեկից ավելի հարադրավոր բայերով։ օրինակ՝ պատասխանեմ-պատասխանի առնեմ-պատասխանի տամ։

Պատասխանեմ բայը վերը հիշատակված հեղինակների լեզվում չի հանդիպում, իսկ Սերեսուի Պատմության մեջ այն հանդիպում է ընդումենը 1 անգամ՝ «Նոքա պատասխանեալ նմա զանց արարին զնովաւ և գնացին» (էջ 112)։

Սրան հակառակ, պատասխանի առնեմ, պատասխանի տամ-ը հաճախակի են օգտագործված։ օրինակ՝ «Պատասխանի ետ թագաւորն և ասէ» (էջ 124); «Հաճոյ թուեցաւ ամեննեցուն առնել թղթոյն պատասխանի» (էջ 121)։

Կան նաև հարադրավոր բայեր, որոնց համադրական զույգը դա-

24 Ա. Ա. Աբրահամյան, Բայը ժամանակակից հայերենում, գիրք 1, Երևան, 1962, էջ 588։

25 ՆՀԲ, հ. 2, էջ 172։

սական գրաբարում շատ սովորական ու տարածված գործածովյուն տնի, բայց Սեբեռուղ նրա փոխարեն գործածում է միայն հարադրավոր ձևը: Օրինակ, ողորմիմ-ը դասական գրաբարում շատ գործածական բայերից է, ասկայն Սեբեռուի հեղինակային լեզվում այդ բայի իմաստն արտահայտվում է միայն ողորմութիւն առնեմ հարադրությամբ: օրինակ՝ «Երդմնեցուցանէ զորդի փոքր զկոստանդին՝ առնել ողորմութիւն ի վերայ ամենայն յանցաւորացն» (էջ 109): «Արար ի վերայ նորա ողորմութիւն» (էջ 91):

Այս տեսակետից պատմիչն առանձնանում է հիշատակված այլ հեղինակներից: Միայն Եղնիկի լեզվում ենք գտնում մի վկայություն առնեմ ողորմութիւն-ով՝ «Ապա առաքեալ, զի ի վերայ ամենեցուն առնել ողորմութիւն» (Եղնիկ, էջ 274):

Սեբեռուի լեզվում գոյություն ունեն նաև հարադրություններ, որոնց համադրական բայազույզը (այսինքն՝ ոչ հարադրավոր բայը) ընդհանրապես չկա նրա Պատմությունում: Այսպես, շրջափակեմ բայը V դարի գրականության մեջ սակավ է հանդիպում: Այն շունի նաև Սեբեռու, բայց դրա փոխարեն համդիպում ենք շրջափակ առնեմ հարադրությանը. օրինակ՝ «Եւ զմնացեալսն շրջափակ արարեալ՝ կամէին զամենեսեան սատակել» (էջ 95):

Սեբեռու գործածել է նաև այնպիսի հարադրավոր բայ, որի համադրական (այսինքն՝ ոչ հարադրավոր) բայազույզն ընդհանրապես չկա գրաբարում: Հետևաբար, չպիտի էլ լիներ Սեբեռուի լեզվում: Այսպես, Սեբեռու Պատմության մեջ կա ապոակ ածեն²⁶ հարադրությունը, բայց դասական գրաբարում չկա ապոակեմ բայը. օրինակ՝ «Եւ յարձակեալ Անտոնի՝ ած ապտակ ի ծնաւտ նորա» (էջ 115): Ի դեպ, այս հարադրությունը սակավ է գործածվում: Այն չի հանդիպում դասական մի շարք հեղինակների գործերում: Հարդկ է նշել նաև, որ որոշ հասկացություններ արտահայտված են ոչ թե համադրական կամ հարադրավոր բայերով, այլ նկարագրական եղանակով: Օրինակ, «Հիմանդանական» իմաստի համար Սեբեռուի լեզվում չկա հիւանդանամ բայը և ոչ էլ որևէ հարադրավոր բայ: Այս իմաստը նրա գործում արտահայտվել է հետևակալ կերպ. «Արդ՝ մինչդեռ զայր հրովարտակն և պատիւն առնել զնա կիւրապաղատ՝ յանկարծակի ենաս նմա հիւանդութիւն և մեռաւ» (էջ 117):

Հարադրավոր բայերի կիրառության այսպիսի փաստերը, կարելի է ասել, ոճական որոշ երանդ են ստանում և վկայում են ժողովրդախո-

26 Ի՞արկե, նման հարադրություններ կան նաև դասական գրաբարում:

սակցական լեզվի աղդեցությամբ Սեբեռախ երկում վերլուծական ձեւերի գործածության աշխուժացման մասին:

ԶՈՒԳԱԴՐԱԿԱՆ ԲԱՅԵՐ

Բավական լայն զորոշակություն ունեն հարադրավորների տարածեսակ հանդիսացող զուգադրական բայերը:

Սեբեռախ Պատմությունում անհամհատ հաճախ են հանդիպում երկրադրիչ զուգադրական բայերը, որոնց մեջ որպես առաջին բաղդադրիչ հանդես են գալիս զանազան բայեր՝ անցանեմ, առնում, ասպատակեմ, արշանեմ, բորբոքեմ, գամ, զնամ, գումարեմ, դառնամ, դիմեմ, ելանեմ, երամ, զետեղեմ, զերծանիմ, զուարենամ, ծողովեմ, լքանեմ և այլն. օրինակ՝ «Գայ հասան է յերկիրն Արարադայ» (էջ 4): «Դիմեալ յարձակեցան ի վերայ նորա» (էջ 78): «Չոքան ամրացան ի Զարեհաւանի» (էջ 152): «Եւ այնպէս քակեալ պատուեաց զնոսա ի Հոռոմոց նեռին արբանեալին» (էջ 141):

Երկրադրիչ զուգադրական բայերի մեջ որպես երկրորդ անդամ հանդես են եկել՝ ունիմ, պաշտենմ, հասանեմ, ասեմ, արձակեմ, աւարեմ, բաժանեմ, բանակիմ, բնակիմ, զամ, զնամ, գումարեմ, դնեմ, ելանեմ և այլն: Բերենք օրինակներ՝ «Գայ հասան է ի դաշտն Արացի» (էջ 6): «Յայնժամ զարպացն համայելի... երբեալ պաշտեն ցին զԾիգըոն» (էջ 108): «Եւ Հայկն դարձաւ ի տեղի իւր. և շոգաւ կալաւ Հայկն զերկիրն Արարադայ» (էջ 5):

Սեբեռախ լեզվում համեմատաբար սակաւ են հանդիպում այնպիսի բայերը, որոնք հանդես են գալիս և որպես առաջին, և որպես երկրորդ բաղդադրիչ: Իբրև այդպիսիք կարելի է առանձնացնել հետեւյալ բայերը՝ անցանեմ, զամ, զնամ, գումարեմ, ծողովեմ, կարգեմ, հարկանեմ, մեկնեմ, մտանեմ, ունիմ, պատուեմ, սփռեմ. օրինակ՝ «Զարպացեալ զաւըն Պարսից՝ անցեալ կալաւ զԾարսաւն քաղաք» (էջ 82): «Ելին յանկարծակի և զնացին անցին զգեստովն» (էջ 152): «Իսկ այն զաւըն... առ զաւըր և զգերութիւն, և եկն էանց ի նախճաւան» (էջ 119—120): «Եւ դարձաւ եկն անդրէն ի զաւըս Հայոց» (էջ 116):

Բոլոր բայերը չեն, որ կարող են հարադրվել և զուգադրական բայեր կազմել: Բացի սրանից, ոչ բոլոր զուգադրական բայերն են, որ հեղինակի լեզվում նույն հաճախականությունն ունեն:

Երկրադրիչ զուգադրական բայերի մեջ որպես առաջին բաղդրիչ ամենից հաճախ հանդես է եկել երամ բայեր: Նրանով կազմվել է

շուրջ 40 զուգադրական բայ²⁷: Այս առումով աչքի ընկնող երկրորդ բայը զամ-ն է, որով կազմվել է մոտ 20 զուգադրական բայ. օրինակ՝ «Եւ երեալ դադարեաց ի Տայս» (էջ 146): «Դիմեալ գայ Բէլ արքայ ի վերայ քո, և եկան եհաս մինչ ի առուն անդր» (էջ 4):

Իբրև զուգադրական բայի առաջին բաղադրիչ լայնորեն գործածվում են նաև դիմեմ, գումարեմ, առնում, դառնամ, տանիմ, չուեմ, ապա՝ հարկանեմ, յառնեմ, ելանեմ բայերը:

Սեբեռսի լեզվում երկբաղադրիչ զուգադրական բայերի մեջ որպես երկրորդ բաղադրիչ գլխավորապես գործածվել է զնամ-ը, որը հանդես է եկել շուրջ 35 զուգադրական բայերում, ապա՝ հասանեմ-ը՝ մոտ 15 զուգադրական բայերում. օրինակ՝ «Գումարէ և այլ զարս բաղումս յաւգնականութիւն իւր, և դիմեալ գնայ ի վերայ աղդին քուզանաց» (էջ 67): «Ցուեցին սմենայն զարքն ի տեղուցէն յայնմանէ, և երեալ հասան է ի ն յամուրս աշխարհին իւրեանց» (էջ 63—64):

Երկբաղադրիչ զուգադրական բայերում իբրև երկրորդ բաղադրիչ համեմատաբար հաճախ են գործածվել նաև անցանեմ, դադարեմ, ծողովեմ, նստիմ, պաշարեմ, սատակեմ բայերը:

Դարսական գրաբարում նշված դիրքով զգացի հաճախականություն ունի կամ բայը, որը Սեբեռսի լեզվում հանդիպում է ընդամենը 5 անգամ. օրինակ՝ «Խնդրեցին երդումն և պայման և եկին կացին առաջի Սմբատայ» (էջ 64): «Բայց Ե՛ր կա՞ց ուր և հրամայեցից քեզ» (էջ 104):

Պատմիչի լեզվում երկբաղադրիչ կառուցվածքի զուգադրական բայերի առաջին բաղադրիչը ամենից հաճախ (շուրջ 60 տոկոսով) դրվել է անցյալ դերբայով: Այսպիսի զուգադրական բայերում երկրորդ բաղադրիչը գրեթե միշտ դիմավոր բայ է:

Սեբեռսի երկում հանդիպող երկբաղադրիչ զուգադրական բայերի շուրջ 40 տոկոսի մեջ երկու բաղադրիչներն էլ դիմավոր բայեր են՝ դըր-

27 «Գնալ» իմաստը զասական հալեբնում և Սեբեռսի լեզվում արտահայտվում է հատկապես զնամ, երբամ համանիշ բառերով: Վիճակագրությունը ցուց է տախո, որ զասական հայերենում ավելի հաճախ գործածվում է երբամ բայը. օրինակ, Կորյունը զնամ-ը կիրառել է 6 անգամ, երբամ-ը՝ 7, եղնիկը՝ զնամ-ը՝ 22 անգամ, երբամ-ը՝ 23, Ազաթանգեղոսը՝ զնամ-ը՝ 43 անգամ, երբամ-ը՝ 53, Բուղանդը՝ երբամ-ը՝ 162 անգամ, զնամ-ը՝ 124:

Սեբեռսի լեզվում պատկերը հակառակն է՝ զնամ-ը հանդիպում է 252 անգամ, իսկ երբամ-ը՝ 118: Հայտնի է, սակայն, որ լեզվի զարգացման հետագա շրջաններում (կոնկրետ՝ գրական արևելահայերենում) անհամեմատ շատ է գործածվում զնամ բայը, ինչպես որ Սեբեռսի լեզվում է: Նկատենք, որ արևմտահայերենում առավել շատ գործածականը երբամ բայն է:

ված նույն ժամանակով, դեմքով ու թվով. օրինակ՝ «Կապէ զնա՛ Արշակ արքայ ոտիւք և ձեռաւք, և առնու գնայ յարկելս» (էջ 28): «Ետուն նմա ինչս և արձակեցին անդրէն ի տեղի իւր, և եկն դադարեաց ի Տայս» (էջ 153):

Երեւն զուգադրական բայն ունենում է հարադրավոր բայ + զուգադրական բայ կառուցվածքը. օրինակ՝ «Արդ՝ առեալ ապստամբին միհրացելոյն զգաւրս իւր, զփիզս և զամենայն զգանծս թագաւորական, չու արարեալ գնայ հասանէ յԱտրպատական» (էջ 38):

Հնդհանուր առմամբ, զուգադրական բայերի բաղադրիչներն անմիջապէս հաջորդում են միմյանց: Զուգադրական բայերի բաղադրիչների հեռացումը բավական հազվադեպ է. օրինակ՝ «Ի մէջ երկուց ճակատուցն մարտ եղեալ ընդ միմեանոս կոռւէին» (էջ 68):

Եռարադադրիչ զուգադրական բայերը սակավ են հանդիպում. օրինակ՝ «Չուեաց խաղաց գնաց Հայկն ի Բաբելոնէ կնաւն և որդուվքն և ամենայն աղխիւն հանդերձ» (էջ 3):

Որոշ իմաստներ կարող են արտահայտվել և՛ երկրադադրիչ, և՛ եռարադադրիչ կառուցվածքի զուգադրական բայերով. Ստորև իրեւ ապացուց բերում ենք «Գնաց» իմաստը, բանի որ այն հետաքրքրում է մեզ նաև այլ կողմերով.

1. Երկրադադրիչ կառուցվածքով՝ «Ապա խաղաց գնայ Արշակ ի Բաբելոն» (էջ 9):

Ուշագրավ է, որ Կորյունի, Բուղանդի, Ազաթանգեղութիւն լեզվում գնամ բայի մոտ բացարձակ գերակշուռաթյամբ դրվում է խաղամ բայը. օրինակ՝ «Խաղայր գնայր ի հինգերորդ ամի Վուամշապհոյ արքային Հայոց» (Կորյուն, 46): «Խաղայր գնայր ամենայն դօրօքն հանդերձ» (Ազաթանգեղու, էջ 404):

Սեբեռոսի լեզվում երկրադադրիչ կառուցվածքում մեծ մասամբ հանդիպում է շումը բայը. օրինակ՝ «Եւ ինքն շումաց գնաց անտի ևս ի հիւսիսակողմն» (էջ 3): «Չուեաց գնաց երակլու ծի հազարաւ» (էջ 93):

2. Եռարադադրիչ կառուցվածքով՝ «Չուեաց խաղաց գնաց Հայկն ի Բաբելոնէ կնաւն և որդուվքն» (էջ 3):

Սեբեռոսի լեզվում նշված երկու կառուցվածքներում էլ գնամ բայը միշտ վերջադաս է: Դա հիմնականում օրինաշափ է նաև V դարի մատենագրության լեզվի համար: Նշված սկզբունքի խախտումը խիստ հազվադեպ է, օրինակ՝ «Եւ յետ հանգստեան սրբոյն ներսիսի գնաց շոգաւ ի գաւառն Կորդուաց» (Բուղանդ, էջ 185):

Նախադասության մտքի շարունակության մեջ Սեբեռոսի թե՛ երկ-

բաղադրիչ, թե՛ եռաբաղադրիչ կառուցվածքներին հաջորդող առաջին իսկ բայց գերազանցապես երբամ-ն է՝ որպատ հատկապես անցյալ կատարյալ ժամանակով. օրինակ՝ «Եւ ինքն շումաց զնաց անտի ևս ի հիստիսակողմն և շոգաւ բնակեցաւ ի բարձրաւանդ դաշտավայրի միոջ» (էջ 3): «Զի շումաց խաղաց զնաց Հայկն ի Բաբելոնէ կնաւն և որդուվքն և ամենայն աղխիմ հանդերձ, և շոգաւ բնակեցաւ յերկիրն Արարադայց» (էջ 3):

Սեբեռոսի Պատմության հարադրավոր և զուգադիր բայերի քննությունը ցույց է տալիս, որ այդ բայերը յուրօրինակ թարմություն ու հնչեղություն են հաղորդում պատմիչի լեզվին ու ոճին և ծառայում են որպես միջոց՝ գանաղան իմաստային նորերանգներ արտահայտելու համար:

Սեբեռոսի Պատմությունում հանդիպող հարադրավոր և զուգադիր բայերի կաղապարներն անծանոթ չեն դասական գրաբարին: Նրանք գործածական են ողջ հին գրական հայերենում: Սա նշանակում է, թե քերականական կաղապարները մի անգամից ո՞չ ծնվում են, ո՞չ էլ արագ կերպով դուրս գալիս լեզվից: Սրանով հանդերձ, Սեբեռոսի լեզուն հետաքրքրություն է ներկայացնում արդեն իսկ եղած կաղապարներով նոր հարադրություններ կազմելու, ինչպես նաև այն հայեցակետից, թե այլ հեղինակների համեմատությամբ Սեբեռոսը հարադրավոր ու զուգադրական բայերի ինչպիսի՝ կաղապարների է նախապատվություն առաջիս:

ՆԱԽԳԲԻ ՈՒ ՆԱԽԱԴՐՈՒԹՅԱՆ ԴՈՐԾԱՆՈՒԹՅՈՒՆԸ

Սեբեռոսի լեզվում ներկայացված են այն նախդիրները, որոնք համդիպում են գասական գրաբարում՝ առ, զ, ընդ, ըստ, ի(լ), ց:

Պատմիչի երկում ամենից շատ լիրառվող նախդիրը զ-ն է, ապա՝ ի-ն, իսկ ամենից սակառ հանդիպում են ըստ և ց նախդիրները:

Ցուրաքանչյուր նախդիր օգտագործվում է մի քանի հոլովի հետ (հատկապես՝ եղակի թվի հետ): Այս առումով ց-ն գործածության սահմանափակ ոլորտ ունի:

Նախդիրներն ամենից շատ հանդիպում են հայցական հոլովով: Բնական է, որ իմաստային զանազան նորերանգներ են արտահայտվել առավելապես հենց այդ հոլովով: Բացառություն է զ նախդիրը, որը հայցական հոլովի հետ թեև մեծ հաճախականություն ունի (շուրջ 2320

անգամ, իսկ տրական, բացառական, գործիական հոլովների հետ միասին վերցրած՝ մոտ 95 անգամ), սակայն արտահայտել է ընդամենը որոշյալության, ժամանակի տևողության, գործիական հոլովի իմաստներ, գարձել է հարադրավոր բայի և դարձվածքի բաղադրիչ:

Նախդրի դիրքային գործածությունը բաղմազան է Սեբեոսի լեզվում: Սրանով հանդերձ, հարավոր է նշել, որ ամենից տիպականը, ամենից հաճախականը նախդրի՝ առևմիջապես բառի վրա դրվելն է. օրինակ՝ «հջին ընդ այն արքի վայրի ի բերդէն» (էջ 118):

Սեբեոսի երկում կան միենույն բառից առաջ ի նախդրի կրկնման փաստեր: Նշենք, որ այդպիսի փաստեր կան նաև դասական հայերենում, բայց Սեբեոսի լեզվում դրանք զգալի հաճախականություն ունեն: Նախդրի այսօրինակ գործածության հանդիպում ենք տրական, հայցական, բացառական հոլովների հետ. օրինակ՝ «Եկին ի յՈրդսպու, և ոչ նմա ինչ կարացին առնել» (էջ 118): «Ճանապարհ կալեալ գնացին յամուրն ի յերկրին Գեղմայ» (էջ 60):

Թեև տակավ, բայց հանդիպում են նախդրի անկման դեպքեր. օրինակ՝ «Այս չորս, յարուցեալ Հարաւոյ կողմանը՝ իսմայելեան թագաւորութիւնն. որպէս հրեշտակապեսն մեկնեաց» (էջ 114): «Պատեցին զբաղաքն երեք կուսէ» (էջ 94): Եթե թվականն ուղղի ձևով կապակցվում է բացառական հոլովով դրված որևէ բառի հետ, ապա բացառական հոլովի նախդրը դրվում է թվականից առաջ: Բերենք մի վկայություն ՆՀԲ-ից (Տ. 1, էջ 630): «Որք էին յերեմ աշխարհէ»:

Սեբեոսի լեզվում նախդրների օգնությամբ արտահայտվել են շուրջ 40 իմաստներ, որոնց մեջ մեծ տեղ են զրավում «տեղ» նշող բաղմաշան իմաստները՝ «գեպի մի տեղ», «մի բանի շուրջը», «մի բանի մոտ», «տեղ, որտեղ կատարվում է գործողությունը» և այլն:

Որոշ իմաստներ արտահայտվում են տարբեր կաղապարներով. օրինակ՝ «մեկի օրոք», «մեկի ժամանակ» կամ ընդհանրապես «գործողության կատարման ժամանակ» իմաստն արտահայտվում է.

1. Առ+գործիական հոլովով. օրինակ՝ «Նիկիոյ ժողովն առ կոստանդիանոսի եղեւ» (էջ 124):

2. Ընդ+հայցական հոլովով. օրինակ՝ «Յաւոր կիւրակէի ընդ առաւատաւ՝ ճշեցին իսմայելացին ի բերդին» (էջ 119):

3. Ըստ+բացառական հոլովով. օրինակ՝ «Եւ եղեւ ըստ ատւոց ինչ յետ անցանելոյ պատերազմին այնորիկ մեծի... խաւսել ակսաւ արքայն և ասէ» (էջ 42):

4. Ի+տրական հոլովով. օրինակ՝ «Ե ժամուն յայնմիկ հանդիպեցան անդ» (էջ 35):

5. Ի+հայցական հոլովով. օրինակ՝ «Ոչ սակաւ ինչ լինէր ուրախութիւն յաւուր յայնմիկ ի մտանել նոցա յերուսաղէմ» (էջ 101):

Առաջին հայցըրից կարծես ավելի շատ են այն իմաստները, որոնք արտահայտության մեջից ավելի կաղապարներ ունեն, և հազվագեց են նախդիր+հոլովածե մեկական կաղապարով արտահայտվածները։ Այսպիսի տպավորություն է ստեղծվում, որովհետև որոշ իմաստներ ու դրանք արտահայտող նախդրավոր կապակցություններ կիրառման մեծ հաճախականություն ունեն և ավելի շատ են հանդիպում բնագրում։ Նախդրավոր կառուցվածքով արտահայտված վերը նշված շուրջ 40 իմաստների մոտ 50 տոկոսն արտահայտվել է մեկական կաղապարով։ օրինակ՝

1. Ընդ+սեռական հոլով կաղապարով արտահայտվել է «փոխարեն» իմաստը. «Որ ոչն կարէր տալ՝ առնուին ընդ միոյ դրամի մարդ մի» (էջ 150):

2. Ըստ+բացառական հոլով կաղապարով ունենք «հաջորդականություն» իմաստը. օրինակ՝ «Եկին մի ըստ միոչէ յերկիրս Հայոց» (էջ 29) և այլն։

Թվում է, թե գրաբարում տրական հոլովի իմաստն արտահայտվում է մեծ մասամբ ց+հայցական հոլով կաղապարով։ Սակայն Սերեսոսի լեզվով վերջանովով տրականով արտահայտված տրականը շուրջ 6 անգամ ավելի է, քան նախդիր+հոլովածե կաղապարով արտահայտվածները։ Դժվար է ասել՝ ինչո՞ւ նույն իմաստի արտահայտման համար լեզվում հանդես է գալիս մերթ բո՞ւն տրականը, մերթ՝ նախդիր+հոլովածե կաղապարը։ Այսօրվա ընթերցողը դրանք ըմբռնում է լոկ իբրև տրական։ Իմաստային կամ ոճական ի՞նչ տարբերություն կարող է լինել հետևյալ նախադասությունների միջև, որոնցում տրական հոլովի իմաստն արտահայտված է մերթ բուն տրականով, մերթ՝ նախդիր+հայցական հոլով կառուցվածքով։ «Սկսան տալ ցեստացիսն ի պասեքն խոյս հինգ հազար եւ զուարակս հինգ հարիւր» (Մնացորդաց Բ, լե, 9) և «Ետուի զետացտցն վասն զատկին ոչխարս հինգ հազար եւ որթ հինգ հարիւր» (Ա նզր., Ա, 9)։ «Եւ տացես զնա ցեղիազար քահանայ» (Թիւք., Ժթ, 3) և «Եւ զկէս նոցա առնուցուս, եւ տացես նդիազարու քահանայի զպտուղսն Տեառն» (Թիւք., Ա, 29):

Ուշագրավ է, որ ի+հայցական հոլով կառուցվածքով արտահայտված ուղևորման հայցականը երբեմն ուղեկցվում է դէպ, ուղիղ, ուղ-

դորդ թարերից որևէ մեկով կամ երկուսով միասին։ Այդ եղանակով ավելի է կոնկրետացվում գործողության ուղղությունը։ օրինակ՝ «Ճանապարհ կալեալ ընդ կողմանս հիւսիսոյ՝ և դեպի ուղիղ ի Կարնոյ քաղաք» (էջ 93)։ «Կոչէ առ փնքն ի Վրկանէ զբուն ձեռական զարսն իւր զհամաշխարհիկ և գնայ ուղղորդ յարեելս» (էջ 66)։

Բնդիմանուր առամամբ «մասին» իմաստն արտահայտվում է զ+բացառական հոլով կաղապարով (Հատկապես ասեմ, նառեմ, վկայեմ, ամբաստանեմ, ամբաստանութիւն առնեմ և մի քանի այլ ասացական բայերի մոտ)։ օրինակ՝ «Ասեն զամանէ յերկարեալ զամս կենացն Ճկ» (էջ 15)։ «Վկայեցին զնմանէ առաջի ամենայն բազմութեանն» (էջ 93) և այլն։

Ուշադրության է արժանի «մասին» իմաստի արտահայտումը ի+հայցական հոլով կաղապարով, որը հաճախ է հանդիպում Սերեսոի լեզվում, իսկ դասական գրաբարի շրջանի հեղինակների երկերում՝ համեմատաբար սակաւ։ օրինակ՝ «Ասացից զվէսպ ի կործանիչն և յապականողն Խուրով» (էջ 32)։ «Բայց ես նախ առաջին զվէսպ յահեղն արքայ և յարի այրն սկսայց ասել» (էջ 2)։

Բուռն հարկանեմ հարադրության հետ զործածվում է զ+բացառական հոլով։ Սերեսոի լեզվում ավելի շատ հանդիպում է ի+հայցական հոլով, քան՝ զ+բացառական։ օրինակ՝ «Բուռն հարկանէր յագին և ի կնդակն ազգեր միոյ ոտին նորա, և թափեալ զկճղակսն՝ մնայր ի ձեռին նորա» (էջ 57)։ «Եւ անդէն բուռն հարեալ զխոշափողիցն՝ խեղդէր զառեածն և սպանանէր» (էջ 57)։

Հայտնի է, որ բացառական հոլովի իմաստի համար գրաբարում, որոշ բայերի մոտ, հաճախ ի+բացառական հոլովի փոխարեն դրվում է զ+բացառական հոլով։ օրինակ՝ «Եւ ետ ածեալ զԱրշակ արքայ Հայոց զառաջեւ փրով, և զայլ մարդիկն ի բաց հրամայեաց կացուցանել։ և զձեռանէ առեալ՝ շրջէր ճեմելով» (Բուզանդ, էջ 141)։ Բայց Սերեսոի Պատմությունում զ+բացառական հոլով կաղապարով կա նաև հետեւյալ վկայությունը, որը հատուվ չէ դասական գրաբարին։ օրինակ՝ «Ած զուր և երեր զգետոյն և արկ ի գործ զամենայն վայրտն առապար» (էջ 120)։

Ուսումնասիրողները նշում են, որ զ նախդիրը դրվում է միայն հայցական հոլովի վրա։ Թերևս բացառություն է Ա. Բագրատունին, որը

վկայություն է բերում՝ նաև գործիական հոլովով. «Յորքան աւուրբք եղե», «խօսել ցմէջաւուրբք»²⁸:

Սեբեռսի լեզվում գտնում ենք մի վկայություն ց+բացառական հոլովով՝ «Եւ դատուցանէ նմա սահմանո... մինչև ցեղը ծովուն մեծի արևմտից. ցհիւսիսոյ կողմանէ ի լեառն մեծ Կովկաս» (էջ 9):

Այսպիսի փաստերը խիստ հաղվադեպ են հանդիպում: Դրանք կարող են և կասկածելի լինել:

«Տակ» («մի բանի տակ», «մեկի իշխանության տակ») իմաստը սովորաբար արտահայտվում է ընդ+գործիական հոլով կառուցվածքով: Սեբեռսի գործում հանդիպում ենք մի վկայության ըստ+տրական հոլովով, որ սովորական չէ. օրինակ՝ «Արշակ արքայ հնազանդեցոյց ի ծառայութիւն զԱսորեստանեայս, որ ըստ Անտիոքայ, և զբարելացիս և զՊարսիկս և զՄարս» (էջ 8)⁹ թարգմանենք՝ «Արշակ արքան ծառայության հնազանդեցոյց ասորեստանցիներին, որոնք գտնվում էին Անտիոքուի իշխանության տակ, և բարելացիներին, և պարսիկներին, և մարսին»:

Մի շաբաթ լեզվաբաններ, խոսելով ց նախդրի հաղորդած «մինչև իմաստի մասին, նշում են, թե հաճախ կամ երբեմ ց+հայցական հոլով կաղապարի հետ զուգահեռաբար գործածվում է նաև մինչև բառը: Փաստերը ցուց են տարիս, որ ց+հայցական հոլով կարող է գործածվել նաև մինչ բառի հետ՝ արտահայտելով նույն իմաստը (իհարկե, առաջինի համեմատությամբ սակավ հաճախականությամբ). օրինակ՝ «Կալցուք ուխտ խաղաղութեան ի մէջ մեր մինչ ցման երկոցունց» (էջ 37):

Նախդիրները գրաբարում քիչ ենց բայց կիրառության մեծ հաճախականություն ունեն, իսկ նախադրություններն ընդհակառակը՝ համեմատաբար շատ են, բայց գործածության սակավ հաճախականություն ունեն:

Սեբեռսի լեզվում ամենից շատ կիրառվել է ի վերայ նախադրությունը (շուրջ 275 անգամ), ապա՝ վասն, հանդերձ, ի մէջ նախադրությունները, իսկ մյուսները՝ ավելի սակավ:

Պատմիչի լեզվում կան նախադրության ու նրա խնդրի շարադառություն իսկախտման, երկրադադրիչ նախադրությունների (ի վերայ, ի ձեռն) բաղադրիչների միմյանցից հեռացման, նախադրության պահան-

28 Ա. Բագրատունի, Հայերէն քերականութիւն ի պէտս զարգացելոց, Վենետիկ, 1852, էջ 104:

շաժ խնդրի բացակայության ու նախադրության խնդրի՝ նախադրության պահանջած հոլովով շղթվելու դեպքի և այլն:

Նախադրությունը նախադաս է իր խնդրին: Բայց ահա նախադրության ետադաս կիրառության, ինչպես նաև՝ նախադրության և նրա խնդրի հեռացման մի օրինակ՝ «Եւ Երակլոս հասեալ բարեակեցաւ առ դրւս մերձ Տիգրոն քաղաքի» (էջ 95)՝ փոխանակ՝ մերձ առ դրւս Տիգրոն քաղաքի:

Ի ձեռն նախադրության բաղադրիչների միջև սովորաբար այլ բառ չի մտնում: Բայց Սեբեռոսի Պատմությունում այդպիսի դեպք կա՝ «Եթէ ոչ մեռցի այրն այն՝ ի նորա ձեռն կորմշելոց է ամենայն երկիր Հոռվածայցուցուց տէրութեանդ» (էջ 46):

Գրաբարի քերականները նախադրության մեջ են վերցնում նաև հանդերձ բառը: Սակայն այն գործածվում է և՛ նախադաս, և՛ ետադաս, իսկ Ագաթանգեղոսի լեզվում նույնիսկ ավելի շատ ետադաս է: Կիրառված 86 դեպքերից 60-ում հանդերձ բառը ետադաս է, իսկ 26-ում՝ նախադաս:

Աստվածաշնչում հանդերձ-ը հանդիպում է 22 անգամ, որից 13 անգամը՝ նախադաս, 9 անգամը՝ ետադաս:

Կորյունի լեզվում հանդերձ-ի գործածության 32 դեպքերից 28-ում նախադաս է, 4-ում՝ ետադաս:

Եղինիկի լեզվում հանդիպում է 6 անգամ, որից 4-ը՝ նախադաս, իսկ 2-ը՝ ետադաս:

Սեբեռոսը նույնպես նախընտրում է հանդերձ-ի նախադաս գործածությունը: Նրա երկում հանդերձ բառը գործածվել է 62 անգամ, որից 54-ը՝ նախադաս, իսկ 8 անգամ միայն՝ ետադաս:

Հանդերձ նախադրությունը պահանջում է գործիական հոլովով կապի խնդիր: Այս ընդհանուր սկզբունքը, սակայն, խախտված է Սեբեռոսի հետեւյալ նախադասության մեջ. «Հանդերձ Հ հազար արանց ընտրելոց գիտաւորաց յամենայն սահմանացն իւրոց՝ գնաց ի Հոռմ» (էջ 130): Այստեղ նշված նախադրությունը գործածվել է տրական հոլովով դրված գոյականի հետ:

Գրաբարի քերականություններում նշվում է, որ մերձ նախադրության մոտ դրվում է ի կամ առ նախադրով հայցական հոլով: Սեբեռոսի երկում գտնում ենք նաև առ+տրական հոլովով. օրինակ՝ «Յայնմ ժամանակի արկ ի միտս իւր կաթուղիկոսն Հայոց ներսէս շինել իւր բնակութիւն մերձ առ սուրբ եկեղեցեացն որ ի վաղարշապատ քաղաքին» (էջ 120):

«Մինչև» իմաստը («մինչև մի տեղ», «մինչև մի ժամանակ», «մինչև մի բանի մոտ») արտահայտվում է՝ որոշ նախադրությունների մոտ նախդիր + հայցական նոլով կաղապարով. օրինակ՝ «Մինչև յերիս առուրս յերկարեալ պատերազմն» (Էջ 114): Սեբեռսի լեզվում մի անգամ միայն մերձ և մինչև նախադրությունները հանդիպում են կողք կողքի. օրինակ՝ «Ոչ ուրեք կարաց զետեղել, այլ գնացին փախստական մինչև մերձ ի ծովեղերն» (Էջ 146):

Բերված փաստերը, այսպիսով, վկայում են այն մասին, որ Սեբեռսի լեզվում կան դասական հայերենի նախդիրների ու նախադրությունների կիրառության կանոնների շեղումներ:

ՈՃԸ

Սեբեռսի Պատմոթյունն ուսումնասիրողներն առավել կամ մվագ շափով խոսել են նաև նրա ոճի մասին։ Դեռևս Սեբեռսի Պատմոթյան առաջին հրատարակիչը՝ Թ. Միհրդատյանը, գրել է. «Արդարեւ ո՛չ համարիմ շափաղանց ջատագով՝ յորջորջել զՍա (նկատի ունի Սեբեռսի Պատմոթյունը — Գ. Բ.) Մատեան Ոսկեղէն ազգային հնութեան վասն հայրենախօս ոճոյն. և արժան վարկանկիմ զայս երկրորդ դասել յետ Քերթողահօրն ցանկալի դպրութեան»¹:

Բոլոր հետազոտողներն էլ Սեբեռսի ոճը համարել են դասական գրաբարի հեղինակների լեզվական ոճից նահանջ; Իհարկե, սա ճիշտ է, եթե նկատի ենք առնում հատկապես այնպիսի հեղինավների պերճ լեզուն, ինչպիսիք են Եղիշեն, Խորենացին, Ագաթանգեղոսը, որոնց ստեղծագործությունների շատ հատվածներ գեղարվեստական խոսքի արժեկ ունեն։ Սակայն, չի կարելի մոռանալ, որ VII դարի պատմագրության մեջ դասական շրջանի հեղինակների ստեղծագործությունների վեհ ուն արդեն համարյա բացակայում է, և այդ ժամանակաշրջանի պատմագրությունն արդեն նկատելիորեն հակվում է դեպի գործառական-պատմագրական ոճը:

Հետազոտողները նշում են, որ Սեբեռսի ոճի վրա նկատելիորեն ազդել է Աստվածաշնչի և Հատկապես Բուզանդի «Հայոց պատմության» լեզուն. «Բայց իւր (իմա՝ Սեբեռսի— Գ. Բ.) ոճին վրայ ամէնէն աւելի ազդեցութիւն թողուցած է Փ. Բիգանդ, — գրում է Ն. Ակինյանդ։ Հայ պատմական գրականութեան այս անդրանիկ մատեանը կ'երեւայ թէ Սեբեռս կրած է իւր բարձին տակ» (ընդգծումը հեղինակինն է— Գ. Բ.)²:

Բայց Հ. Գաթըրճյանի «Ասոր (իմա՝ Սեբեռսի— Գ. Բ.) բանասիրա-

¹ Պատմութիւն Սեբեռսի եպիսկոպոսի ի Հերակլն, ի Կոստանդնուպոլիս, 1851, էջ 2:
² Հ. Ներսէս վ. Ակիննեան, Մատենագրական հետազոտութիւններ, հ. Բ, Վիեննա, 1924, էջ 61.

կան ոճին կամ կարգաբանութեան վրայ ընդհանուր դիտողութիւն՝ մ' ընկելու ըլլանք, իր ժամանակի լեզուին ձիշդ պատկերը կը տեսնենք»³:

Անկարսկած, VII դարի լեզվի պատկերը պետք է արտացոլված լիներ Սեբեռուի Պատմությունում, սակայն նա իր ժամանակի զարգացած, բարձրաստիճան հոգևորականներից մեկը լինելով՝ չէր կարող լավ չխմանալ Աստվածաշունչը և հայ պատմագիրներին: Նոր լեզվի վրա զգալի է այդ աղբյուրների լեզվի ու ոճի ազդեցությունը: Կարծում ենք, որ հենց այս հանգամանքն էլ պատմիչի լեզուն հիմնականում պահել է դասական գրաբարի ընդհանուր ֆոնի վրա: Այն, որ «Սեբեռուի լեզուն մերձաւոր է մեր մատենագրութեան ուսկի դարուն հեղինակաց. դեռ կը պահէ այն նոոիրական հնութեան ոճն և պարզութիւնը», մեր կարծիքով VII դարի բուն լեզվական վիճակը չի արտացոլում, այլ մեծ մասամբ արդյունք է Սեբեռուի լեզվի կրած ազդեցության և մասամբ գորքայնության: Մյուս կողմից՝ Սեբեռուը որքան էլ ձգտեր հարազատ մնալ V դարի հայերենի ավանդուցիներին, VII դարի լեզվական վիճակն ու լեզվամտածողությունը, այնուամենայնիվ, կիսանգարեին նրան:

Ըստ Վ. Վարդանյանի, երբ Սեբեռուն «... անդրադառնում է կրոնադավանաբանական խնդիրներին, դառնում է երկարաբան, մանում է ձանձրալի մանրամասնուրիցների մեջ, որը թուլացնում է շարադրանքի թափին ու ճկունությունը: Ալիշանն իր ուսումնասիրության մեջ այս մասին հակառակ կարծիք է հայտնում՝ թե Սեբեռու պատմական անցքերը շատ մանրամասնաբար է ներկայացնում, իսկ եկեղեցական պատմուրյան վրայից անցնում է բռուցիկ կերպով» (ընդգծումը մերն է — Գ. Բ.)⁴:

Ալիշանն այդպիսի կարծիք չի հայտնել: Հեղինակը ն. Ակինյանի հայտնած կարծիքը վերագրում է Ղ. Ալիշանին: Ահա թե ինչ է գրում ն. Ակինյանը. «Որչափ մանր կը նկարէ Սեբիս քաղաքական անցքերու պատկերը, այնչափ թուուցիկ կ'անցնի եկեղեցական դեպքերու վրայէն, յաճախ լրութեան իսկ տալով»⁵:

Վ. Վարդանյանն իրականում հարկադրվելով ն. Ակինյանին՝ նախ Սեբեռուն ինչ-որ շափով կտրում է իր ժամանակից ու բարձրաստիճան

3 ՏԵ՛ս «Եվրոպա», Վիեննա, 1852, № 31: Ասենք նաև, որ Հ. Գաթը բայց անվերապահուեն ընդունում է նաև ն. Ակինյանը (տե՛ս Հ. Ներսէս Վ. Ակինեան, նշվ. աշխ., էջ 55):

4 Գ. Զարբինանալեան, նշվ. աշխ., էջ 440:

5 Վ. Հ. Վարդանյան, նշվ. աշխ., էջ 126:

6 Հ. Ներսէս Վ. Ակինեան, նշվ. աշխ., էջ 44:

Հոգեւորական լինելու հանգամանքից, երկրորդ՝ Ակինյանն այն մտքին չէ, թե Սեբեռուը եկեղեցական հազար ու մի մանր-մուսնր հարցերի մասին էլ պիտի գրեթ: Նա կարծում է, թե պատմիչը լուելյայն շպիտի անցներ եկեղեցական այնքիսի դեպքերի ու դեմքերի կողքով, որոնք սերտորեն առնչվում են ընդհանրապես հայ ժողովրդի պատմոթյան հետ և նրա կարևոր օղակներից են:

Խոսելով Սեբեռուի լեզվի երբեմն գեղարվեստականությամբ համեմված լինելու մասին՝ Վ. Վարդանյանը զերագնահատում է պատմիչին, երբ գրում է, թե Սեբեռուը. «Հաճախ գուրս է գալիս զուտ պատմությանը հատուկ պահանջների շրջանակներից և դառնում իսկական բանաստեղծ...»⁷:

ՀԱՄԱՆԻՆ ԲԱՌԵՐ

Սեբեռուի լեզուն հարուստ է համանիշներով⁸: Վիճակագրական հետազոտությունը ցույց է տալիս, որ համանիշային կիրառությամբ մակրացը շուրջ 3 անգամ քիչ է հանդես գալիս, քան ածականը կամ գոյականը: Մյուս կողմից՝ գոյականական, ածականական համանիշները գործածվում են գրեթե հավատարապես: Համեմատաբար ավելի շատ են բայական համանիշները: Ուրեմն, համանիշային կիրառության

7 Վ. Հ. Վարդանյան, նշվ. աշխ., էջ 126:

8 Բառական համանիշության վերաբերյալ ն. Պառնասյանը գրում է. «Արծար մազեր և սալիտակ մազեր կապակցություններում հանդես եկած արծար և սպիտակ բառերը բառական համանիշներ են, որովհետև արտահայտում են առարկայական նույն հատկանիշը և տարբերվելով իրենց հիմնական ձևովներով՝ ունեն նույն բերականական հատկանիշները. արծար բառը այս կիրառություններում ձեռք է բերել սպիտակ ածականին հատուկ բերականական հատկանիշներ: Այսինքն՝ բառական համանիշներ կարող են համարվել նույն խոսի մասին պատկանող կամ նույն խոսի մասի ներականական հատկանիշներ ձեռք բերած բառերը» (ընդգործմները հեղինակին են— Գ. Բ.) (տե՛ս ն. Ա. Պառնասյան, Քերականական համանիշները ժամանակակից հայերենում (գոկտորական գիտերացիա), Երևան, 1971, էջ 27):

Մեզ թվում է, թե բառական համանիշների առանձնացման հիմքում պետք է դրվի բնագրից գուրս բառի բառական իմաստը: Աւստի, մենք համանիշները դիտում ենք երկու պլանով՝
ա) Համանիշներ, որոնք նույն խոսի մասի ներականական հատկանիշներն ունեն բնագրից դուրս: Սրանք բուն համանիշներն են, իսկ նրանց առանձնացման հիմքը ընդհանուապես համանիշների առանձնացման սկզբունքն է:
բ) Համանիշներ (համանիշային կազի մի անդամը կամ երկուան էլ), որոնք առաջանաւում են բառերի բնագրային, փոխաբերական կիրառությունների շնորհիվ: Սրանք ոչ կայուն կամ հարաբերականորեն կայուն համանիշներն են:

Հիմնական ժանրությունն ընկնում է բայի, ածականի, գոյականի, մակրացի վրա:

Սեբեռուի լեզվում համանիշային շարքերը մեծ մասամբ երկանդամ են՝ ընտիր-լավ, բրեմ-փորեմ, թեթևընթաց-երագոտն, ապա՝ եռանդամ՝ աղաղակեմ-գոշեմ-ձեմ, լուծանեմ-քակտեմ-քակեմ, խառն-խառնամ-բոխ-խառնիճաղանճ, արկանջ-ունկն-լսելիք: Ամենից սակավը համանիշային քառանդամ կամ ավելի շարքերն են: Սակայն այդպիսի շարքերը, քանի որ բազմանդամ են, շոշափելի թվով համանիշներ են ընդգրկում իրենց մեջ. օրինակ՝ գնամ-երթամ-ընթանամ-մեկնիմ-չուեմ-սլանամ-արշաւեմ, արի-քաջ-անվեհել-առներկիսդ, ճակատեմ-պատերազմիմ-մարտնչիմ-կոռուիմ-մարտ գնեմ և այլն:

Պատմիջի լեզվում արտացոլվում են հայերենի համանիշաստեղծ բազմապիսի միջոցները: Ըստ համանիշային շարքերի անդամների կազմության հարաբերության մենք առանձնացնում ենք հետևյալ համանիշային շարքերը՝

1. Պարզ բառեր (բայեր, գոյականներ)՝ աճապարեմ-փութամ-ձեպիս: Այս կարգի որոշ բառեր երբեմն կիրառական խմստ ընդգծված տարբեր ոլորտ ունեն և ուղիղ իմաստով չեն կարող փոխարինել միմյանց. օրինակ՝ ուս-նուս (առաջինը՝ մարդու համար, երկրորդը՝ կենդանու):

2. Նույն ածանցով բաղադրված տարբեր արմատներ՝ անլուր-անխնայ-անողորմ, խնդութիւն-ուրախութիւն, արքայական-թագաւորական, պնդութիւն-ամրութիւն:

3. Նույն արմատից տարբեր ածանցներով կազմված բառեր՝ իւրական-իւրացին, հայրենական-հայրենի:

4. Նույն հոլովածել տարբեր արմատների հետ ահողակապով բառ կազմելով՝ ականակապ-ականակուու:

5. Պարզ արմատական և ածանցավոր բառեր՝ պիղծ-անսուրբ:

6. Բնիկ ու փոխառյալ բառեր՝ զոմ-կամուրջ՝ «Թնացեալ ի գիշերի ընդ ի վեհկաւատ, կալան զնա» (էջ 96), «Հասեալ ի կամուրջն Մեծամաւրի՝ ի բաց աւերեցին» (էջ 110):

7. Բարդ բառեր՝ թեթևընթաց-երագոտն:

8. Արմատ, նրա տարբերակի կրկնմամբ կազմված բառով ու այլ բառերով կազմված համանիշային շարքեր՝ կուր-կերակուր-ձաշ:

9. Պարզ և հարադրավոր բայեր՝ պաշարեմ-շրջափակ առնեմ, հրամայեմ-հրաման տամ:

10. Ժողովրդախոսակցական և գրական ռնում գործածվող որոշ բայութ՝ ծուխ-մուխ:

11. Յառ և բառակապակցուրյուն՝ Հայք (տեղանուն) — Հայաստան աշխարհ:

12. Յառ և դարձվածք՝ զինեմ-ղեն զանձամբ արկանեմ:

Համանիշությունը պատմականորեն ձևավորվող լեզվական երևույթ է, այդ իսկ պատճառով համանիշային շարքերը կայսն չեն: Որոշ բառեր լեզվի զարգացման որոշակի շրջանում կարող են մտնել համանիշային միևնույն շարքի մեջ, բայց հետո՝ դուրս մնալ: Օրինակ, գրաբարում կուր և կերակուր բառերը համանիշներ են, բայց ժամանակակից հայերենում կուր-ն արդեն անկախ չի գործածվում, և համանիշային շարքը քանդվել է:

Համանիշների դերը լեզվում շատ ավելի ցայտուն է երևում, երբ նրանք գործածվում են նույն կամ ամենիշապես իրար հաջորդող նախադասություններում: Ի գեպ, երկու դեպքում էլ երևում է Սեբեռոսի հմտությունը: Ահա օրինակներ՝ «Երկեաւ արքայ և զանզիտեաց, և ոչ կարաց տաղ հրաման» (էջ 45); «Վասն այնորիկ ուրախ լինին երկինք, և ցընծասցէ երկիր, զուարեացին փառաւք իրովք եկեղեցի և մանկունք իւր» (էջ 86); «Արքակու անորիէն զՎասպուրական համարակարն ի Հայս: Յայնժամ հրամայէ Հերակղի զաւրավարի, որ նստեր ի Հայաստան երկրի, առնուլ զզաւոս իւր և գնալ ի վերայ նոցա ի պատերազմ» (էջ 50—51):

Սեբեռոսը նախաընտրում է երկու համանիշներ կողք կողքի գործածել: օրինակ՝ «Հապճեպ ստիպով ի ձեռն թեթերնիքաց երազոտն սուրհանդակաց հրաման թագաւորին հասաւ» (էջ 81): «Սա էր այր խոնարի և հեզ, որ ոչ կամէր զոք ցասուցանել» (էջ 99): «Եւ ածեալ նմա զորիս, և բերեալ նմա դեսպակ արքունի, և առին գնացին» (էջ 48):

Համանիշային զույգերի այսպիսի գործածությունը ոչ միայն զարդարում է և ոճավորում պատմիշի լեզուն, այլև նոպաստում է իմաստի ընդգծմանն ու սաստկացմանը:

Անգնահատելի է համանիշների դերը հեղինակի լեզվի ճկունության, ոճական պեսպիսության, որևէ առարկա, իր կամ երևույթ համակողմանիորեն ներկայացնելու հարցում:

Սեբեռոսը շատ հաճախ նույն նախադասության մեջ կողք կողքի վարպետորեն գործածում է գոյական (կամ գոյականի գործառնությամբ բառ) ու բայց, որոնք իմաստային ինչ-որ ընդհանուր կողմ ունեն և

առաջին հայացքից, ասես, համանիշային կապի մեջ են մտնում՝ անգարիսիմ, քախանձանի-խնդրեմ և այլն. օրինակ՝ «Եսկ յորժամ ե՞աս զոյժ աղաղակին այսորիկ առ Խոսրով՝ ընդուտուցեալ յահէն՝ զարիուրեցաւ» (էջ 96): «Եւ եղև իբրև թագաւորեաց Հերակղոս՝ արձակեաց հրեշտակս մեծապէս գանձիւք և հրովարտակաւք առ արքայ Խոսրով՝ խնդրել զիսաղաղութիւն մեծաւ քախանձանաւք» (էջ 80):

Նման բառերի այսպիսի կիրառությունը հեղինակի ոճը դարձնում է ավելի թարմ ու ձնչեղ, փորացնուած է հաղորդված միտքը:

Խոսքի տաղտկությունը վերացնելու ոճական հիմանալի միջոցներ են նաև շարահյուսական համանիշներն իրենց բազմապիսի դրսեորումներով ու կիրառություններով: Մեր նպատակից դուրս է Սեբեոսի լեզվում դրանց մանրազնին ուսումնասիրումը:

ՀԱԿԱՆԻԾ ԲԱՌԵՐ

Հականիշը բառերը բառային կաղմում առանձնացվում են իրենց իմաստային կողմի հակադրության հիման վրա և կաղմում են փակ խմբեր: Հականիշային ամեն մի փակ խումբ կարող է վերաբերել երեւլութի, առարկայի կամ հատկանիշի մի կողմին միարյն:

Հականիշային հակադրությունը յուրահատուկ և արժեքավոր միջոց է՝ օբյեկտիվ իրականության բազմազանության, իմաստային զանազան երանգների արտահայտման, հեղինակի լեզվի անհատականացման ու ոճավորման համար:

Բերենք հականիշային հակադրության մի քանի փակ խմբեր՝

1. Ուղղություն՝ աջ-ահեակ, հիւսիս-հարաւ՝ «Եւ զաւը նորա կային յաշմէ և յահեկէ բացագոյն ի նմանէ» (էջ 62): «Եւ դղրդեալ ամենայն կողմն հիւսիսյ գայր յերկրագութիւն» (էջ 89): «Որպէս մրրիկ ի հարաւոյ ընթացի, յանապատէ գնացեալ յահեղ տեղւոշէ» (էջ 138):

2. Մակերես՝ լայն-նեղ՝ «Եւ էր սա այս... բարձր և լայն հասակաւ» (էջ 56): «Անցին ի նեղ ինչ տեղիս» (էջ 54):

3. Համ՝ բաղցր-դառն՝ «Քաղցր բանիւք յորդորեալ զամենեսեան միաբանեաց» (էջ 51): «Քամզի ոչ կարացին համբերել դառն և դժնդակ ծառայութեանն և հարկին ծանրութեանն որ ի վերայ նոցա» (էջ 150):

4. Ամրություն՝ խախուտ-ամուր՝ «Դնացին յերկիրն ամուր կորդուաց» (էջ 52): «Նորոգեաց և զիսախուտ որմոյն» (էջ 89):

Հականիշային կապի մեջ են գտնվում նաև թիւր (էջ 123)-ճշմարիտ

(էջ 125), լոյս (էջ 61)-մութ (էջ 25), կեանք (էջ 133)-մահ (էջ 5), ճըշ-մարտութիւն (էջ 27)-ստութիւն (էջ 43), մեծ (էջ 33)-փոքր (էջ 47) և այլն:

Հականիշ բառերի առանձնացման ժամանակ խիստ կարևոր է երկու հանգամանք՝

ա) Որևէ բառի հականիշը գտնելու համար պետք է ելնել տվյալ բառի բո՞ւն, հիմնական իմաստից:

բ) Հականիշ բառերից մեկը կամ երկուսն էլ կարող են մտնել համանիշային շարքերի մեջ: Եթե երկու բառեր հակադիր զույգ են կազմում և հականիշ են, ապա հականիշային հարաբերության մեջ են նաև նրանց համանիշները: Օրինակ, ունենք՝ խոնարի-հպարտ-ամբարտան-պոռոտարան, լի-սին-ունայն և այլն: Այս երկու շարքերում եթե հիմնական համարենք առաջին երկու անդամները (խոնարի-հպարտ, լի-սին), ապա հպարտ բառի համանիշները հականիշ են խոնարի բառին, իսկ սին բառի համանիշները հականիշ են լի-ին:

Սեբեռսի լեզվում առանձնացվում են հետևյալ հականիշային շարքերը՝

1. Արմատական կամ իբրև այդպիսիք դիտվող բառեր՝ մեծ (էջ 32)-փոքր (էջ 66), բարի (էջ 45)-շար (էջ 58), բարձր (էջ 120)-ցած (էջ 89) և այլն:

2. Ածանցավոր բառեր՝ բարութիւն (էջ 76)-շարութիւն (էջ 103), քաղցրութիւն (էջ 37)-դառնութիւն (էջ 144):

3. Հականիշային փակ խմբի մի անդամը ածանցավոր և, մյուսը՝ ոչ ողբ (էջ 101)-ուրախութիւն (էջ 101), պատերազմ (էջ 8)-խաղաղութիւն (էջ 13):

4. Հականիշ փակ խմբի երկու անդամն էլ բարդ բառեր են՝ արևմուտք (էջ 111)-արևելք (էջ 33), կենսաբեր (էջ 33)-մահաբեր (էջ 137):

5. Հականիշային փակ խմբի անդամներից մեկը փոխառյալ բառ է, մյուսը՝ բարացած հոլովածեական»⁹-կամաւ (էջ 144):

6. Հականիշային փակ խմբեր, որոնց անդամները բարացած հոլովածեեր են՝ ի ներքուստ (էջ 150)-ի վերուստ (էջ 153), ի դուրս (էջ 145)-ի ներքս (էջ 33):

Լեզվում անկախ, ինքնուրուցն կիրառություն ունեցող հականիշային զույգի մի անդամը երբեմն մի այլ բառում կարող է հանդես գալ

⁹ Տե՛ս Արմ., հ. 1, էջ 104:

որպես արմատ կամ հիմք. օրինակ՝ թերե-ծանրագոյն, դալար-գոսանամ և այլն՝ «Կազմեալ ունէր յեղը ժովուն նաւս բաղում թերես, զի յորժամ ծանրագոյն նաւըն հասանիցեն ի Քաղկեդովն՝ նա փութանակի հասցէ յաւզնականութիւն նոցա» (էջ 143):

Իհարկե, թերե-ծանրագոյն, դալար-գոսանամ բառերը, որպես ձեղավորված բառացին անկախ միավորներ, բառիս բուն իմաստով հականիշներ չեն: Հականիշները պետք է վերաբերեն միևնույն խոսքի մասին: Հետմաբար, վերեւում բերված զույգերի համար հականիշներ կլինեն՝ թերե-ծանր, դալար-գոս կամ թերեագոյն-ծանրագոյն, դալարանամ-գոսանամ:

Ոճական առումով, հականիշները լեզվի կարևորագույն միջոցներից են¹⁰:

Հականիշներն իրենց ոճական բուն արժեքով (ինչպես և համանիշները) առավել ցայտուն են Երևամ, երբ հանդես են գալիս հատկապես նույն նախադասության մեջ: Սա նպաստում է նյութի, նրա իմաստի ավելի հստակ ըմբռնմանը: Բերենք օրինակներ՝ «Արդ՝ միաբանութեամբ ժողովեսցին ի զուն արքունի, զի զավիդն հաստատեսցեն և զիիւն ի բաց մերժեսցեն» (էջ 123): «Ի նորին աւանդութեան վերայ հաստատեալ կամք, և ոչ խոտորիմք ի նմանէ ո՛չ յաջ և ո՛չ յահեակ» (էջ 135): «Եւ կողմն վասպուրականն զնդին էր ի ծառայութիւն Պարսից արքացին: Եւ ի նախարարացն Հայոց բազումք ի Յունաց կողմանէ և սակաւէ՝ ի Պարսից» (էջ 47): «Ի սուրբն Կոստանդիանոսէ սկսանի և մինչ ի Փոքր Թէզողոսն զանորբոց և զարբոց գործքն» (էջ 18): «Ոչ ումիմք իշխանութիւն զուրբն յանսուրբն մատակարարել» (էջ 134):

ԲԱ.Ա.ԵՐԻ ԵՎ ԱՐՏԱՀԱՅՏՈՒԹՅՈՒՆՆԵՐԻ ՕԳՏԱԴՈՒՇՄԱՆ

ՅՈՒՐԱՀԱՏԿՈՒԹՅՈՒՆ ԵՎ ՆԱԽԸՆՏՐՈՒԹՅՈՒՆ

Լեզվի զարգացման նույն շրջանի և հատկապես նման թեմայով սատեղծագործող Հեղինակների բառապաշարը շատ ընդհանրություններ է ունենում: Նկատելի ընդհանրություններ կարող են լինել նաև տարբեր

10 «Հականիշները,— գրում է Ա. Ա. Ռեֆորմատսկին,— լեզվի ոճական շատ ուժեղ միջոցներ են: Նրանք անհրաժեշտ են հակադրության հաղորդման, հոետորական և պոետիկական լեզվում հակադրության իրականացման հնարանքի համար» (տե՛ս A. A. Reформатский, Введение в языковедение, М., 1947, стр. 36).

Բայց չի կարելի հականիշների դերը սահմանափակել հոետորական և պոետիկական խոսքի ոլորտներով: Հականիշները նույնքան կիրառական են ինչպես ընդհանրապես գեղարվեստական, այնպես էլ առօրյա խոսակցական լեզվում և լեզվական առօնքում:

Չրշանների հեղինակների լեզվում։ Համեմատաբար առավել ընդհանրություններ կարելի է հայտնաբերել իրար հաջորդող կամ ժամանակով իրարից ոչ այնքան հեռացած հեղինակների լեզվում։

Հեղինակների անհատականությունը, միմյանց նկատմամբ ունեցած ընդհանրություններն ու տարբերությունները երևում են մասնավորապես այն բանից, թե ընդհանրուր բառերն ու բառակապակցություններն ինչպես են օգտագործվում նրանցից յուրաքանչյուրի կողմից։ Այս պամ այն հեղինակի ոճը որոշվում է մի շարք գործոններով։

Կոնկրետ հեղինակի ոճի մանրակրկիտ ուսումնասիրման նպատակով հետազոտողներն ուշադրություն են դարձնում այն բանին, թե տըզլյալ ստեղծագործողն ի՞նչ բառ է նախընտարում գործածել ինչ-որ որոշակի հասկացություն արտահայտելու և, այսպիսով, իմաստացին ինչպիսի երանգներ է արտահայտում։ Այսպիսի ողիով էլ որոշում են ուսումնասիրվող հեղինակի ոճի անհատականությունը։ Այս տեսանկյունից կոնկրետ հեղինակի ոճը պարզելու եղանակներից մեկը տվյալ հեղինակի լեզուն այլ ստեղծագործողների լեզվի հետ համեմատելն է։ Մենք Սեբեոսի լեզուն համեմատում ենք դասական գրաբարի հայտնի մատենագիրների, ինչպես նաև Աստվածաշնչի ու Ղ. Փարագեցու գեղիքի հետ։ Ուսումնասիրությունը բացահայտում է Սեբեոսի և համեմատվող այդ հեղինակների ու Աստվածաշնչի լեզվի ընդհանրուր գծերը, միաժամանակ բացահայտում է, որ Սեբեոսի լեզուն մի շարք կողմերով նկատելիորեն տարբերվում է նրանցից։

1. Դարձեալ, անդրէն, կրկին, վերստին մակրայների գործածությունը։ Եղնիկի, Ագաթանգեղոսի, Խորենացու, Կորյունի, Բուզանդի լեզվում բացահայտուրեն երեսում է դարձեալ մակրայի կիրառության հակում։ Այսպես՝ Եղնիկի երկում դարձեալ-ը հանդիպում է 75 անգամ, իսկ անդրէն-ը՝ 4, Կորյունի լեզվում անդրէն-ը չի հանդիպում, իսկ դարձեալ-ը գործածել է 11 անգամ։ Եղիշեի լեզվում այս կամ այն մակրացի այսպիսի բացահայտ նախընտրություն չկա։

Սեբեոսն առավել գործածել է անդրէն-ը (շուրջ 50 անգամ, իսկ դարձեալ-ը հանդիպում է ընդամենը 30 անգամ)։ օրինակ՝ «Եւ առեալ զառ և զաւար քաղաքին, դարձան անդրէն ի Տիգբոն» (էջ 73)։ «Հբաման եւ դարձեալ ժողովել զամենայն այր և ձի ի Հայաստանեայց» (էջ 53)։

Դարձեալ մակրայր դասական հայերենում (իշարկե, չնշին բացառությամբ) և Սեբեոսի լեզվում գործածվում է նաև նշված մյուս մակրայների ու մի քանի բառակապակցությունների հետ։ Սեբեոսի լեզվում հանդիպում ենք «դարձեալ անդրէն» (էջ 43), «դարձեալ վերստին»,

(էջ 54), «դարձեալ անգամ» (էջ 104), որոնցից ամենից առավել հանդիպում է «դարձեալ անդրէն»-ը:

Մակրայների շարադասության առումով հարկ է նշել, որ դարձեալ-ը սովորաբար դրվում է կապակցության սկզբում: Սակայն կան նաև հակառակ շարադասությամբ մի քանի վկայություններ՝ «Եւ արդ՝ գրէ նա անդրէն դարձեալ թուղթ երկրորդ» (էջ 39): «Ապա վերստին դարձեալ այլ զաւրս գումարեալ՝ հրամայեաց թագաւորն միայն զգուշանալ անձանց» (էջ 54):

Ընդհանուր առմամբ, կրկին, վերստին մակրայները անդրէն-ի և դարձեալ-ի համեմատ սակավ են գործածվում: Այս առումով Սեբեռոսը տարբերվում է առանձնահատկությամբ: Նրա լեզվում կրկին մակրայը չի հանդիպում, բայց վերստին-ը գործածվել է 12 անգամ: օրինակ՝ «Եւ շինեալ զերկիրն նորոգեաց վերստին» (էջ 26): «Այր բազ է նա և վերստին այլ զաւրս գումարէ ի քաջաց ազգաց արևելից» (էջ 42):

Կորյունը, Բուղանդը շունեն վերստին-ը, բայց այլ հեղինակների երկերում այս մակրայը հանդիպում է մեկ կամ մի քանի անգամ:

2. Սաստիկ, յոյժ, կարի, անհնարին, խիստ մակրայների գործածությունը: V դարի հեղինակների լեզվում նշված մակրայների կիրառության միօրինակություն չի նկատվում: Սեբեռոսի լեզվում և V դարի աղբյուրներում այդ մակրայներից ամենից քիչ գործածվում է խիստ-ը, բայց լեզվի զարգացման հետագա շրջաններում այս մակրայի կիրառական հաճախականությունը մեծանում է: Գրական արևելահայերենում կարի-ն անգործական է; իսկ անհնարին մակրայը ձեռք է բերում նոր իմաստ: Սա նշանակում է, թե լեզվական որևէ երևույթ լեզվի զարգացման մի շրջանում կարող է խիստ տարածված լինել, բայց հետագայում անհետանալ լեզվից կամ սահմանափակ գործածություն ստանալ, իսկ նրա տեղը կարող է բռնել նախորդ շրջաններում խիստ սակավ կիրառվող մի այլ երևույթ կամ բառ:

Սաստիկ, յոյժ, կարի, անհնարին մակրայների կիրառության մեջ V դարի աղբյուրներում ընդհանուր նախատիրություն չի նկատվում: Այսպես, Կորյունը նշված մակրայներից ունի միայն սաստիկ-ը: Խորենացին, Եղիշեն ամենից շատ գործածում են յոյժ-ը, Ագաթանգեղոսը՝ անհնարին-ը, Եղիշիկը՝ կարի-ն և անհնարին-ը հավասարապես:

Սեբեռոսի Պատմության մեջ նշված մակրայներից ամենից հաճախ հանդիպում է յոյժ-ը (223 անգամ, որով նա հարում է Խորենացուն, Եղիշեին, Փարպեցուն), ապա նվազող՝ հաճախականությամբ, համապատասխանաբար՝ սաստիկ, կարի, անհնարին, խիստ բառերը, որոն-

ցից մի քանիսը ևս իմաստի կամ հատկանիշի սաստկացման համար երեսն գործածվում են իրար հետ. օրինակ՝ «Թագաւորեաց ի Բարեկոն որսորդ հսկայ Բէլն Տիտանեան... որոյ հղաւր զաւրութեամբ և սաստիկ յոյժ գեղ պարանոցի իւրոյ» (էջ 3):

3. Ա. մ է ն և ա մ ե ն ա յ ն դերանունների գործածությունը: Դասական գրաբարում և Սեբեոսի լեզվում ամենայն գերանունը գործածվում է շատ հաճախ, իսկ ամէն-ը՝ խիստ տակավ: Բայց ահա ամէն-ի գործածության մի վկայություն, որ չենք գտնում մեր կողմից ուսումնասիրված տասական հեղինակների նշված գործերում՝ «Երթեալ պաշարէր զբերդն շուրջանակի զամէնն» (էջ 70): Այսուեղ ամէն-ը առնչվում է բերդին, իսկ այսպիսի կիրառությունը բնորոշ է ամենայն-ին. օրինակ՝ Զբերդս ամենայն թագաւորին Հայոց կալան» (Բուզանդ, էջ 146):

Ուշագրավ է նաև բոլորովին մակրայի և ամենայն գերանվան կիրառությունը հետեւյալ օրինակում՝ «Իսկ Վարագտիրոց ասպետ... շինեաց բոլորովին զամենայն աշխարհն Հայոց» (էջ 102):

4. Ա. մ է ն ա յ ն, բ ա զ ո ւ մ բառերի գործածությունը: Այս բառը որոշշային դերով կոզք կոզքի զրվելու, երկուսը միասին մի գոյականի վերաբերելու հաղվագեստ օրինակ է Սեբեոսի հետեւյալ վկայությունը՝ «Եւ ելեալ ի կողմն Ռէոյ ասպատակաւ, և աւար հարկանէր զամենայն զբազում աշխարհս թագաւորութեանն Պարսից» (էջ 59):

5. Ա. ո, ա ւ ա ր, կ ա պ ո ւ տ բառերի գործածությունը: Մեր ուսումնասիրած հեղինակների լեզվում աւար-ը հանդես է գալիս և որպես հարազրավոր բայի բաղադրիչ, և անկախ կիրառությամբ: Այս բառն ավելի հաճախ կիրառվում է անկախ: Առ և կապուտ բառերը խիստ հաղվագեստ են հանդիպում:

Սեբեոսն աւար բառը գործածում է թե՛ որպես հարազրավոր բայի բաղադրիչ, թե՛ անկախ: Պատմիչի լեզվին բնորոշը հետեւյալն է: Նա առ և աւար բառերը մեծ մասամբ գործածում է միմյանց հետ՝ առ և աւար ձեռվ կամ առ+աւար+կապուտ, առ+ավար+զերութիւն կաղապարներով: Բերենք օրինակներ՝ «Եւ առեալ զառ և զաւար բաղադրին, դարձան անդրէն ի Տիղբըն» (էջ 73): «Եւ առեալ զառ և զաւար զբանակին Պարսից՝ դարձան ի բանակեալն իւրեանց» (էջ 74): «Առեալ զառ և զաւար և զկապուտ՝ դնացին ի բերդն իւրեանց» (էջ 75): «Խաղացուցին առ և աւար և զերութիւն բաղում յոյժ» (էջ 146):

Աւար բառը գործածվում է նաև՝ աւար և կապուտ, աւար և զերութիւն կապակցություններով:

Բուզանդի, Եղիշեի, Խորենացու, Փարանիցու, Ագաթանգեղոսի և այլ

Հեղինակների լեզվում վերը նշված բառերի այդպիսի կապակցության կամ ընդհանրապես չենք հանդիպում, կամ՝ հազվագեղաց, Սերեսոն այս առումով բերված հեղինակներից որոշակիորեն առանձնանում է:

6. Գործ գոյականը ուղես կապակցության բաղադրիչ: Սերեսոսի լեզվում բավարկան զգալի է «գործ պատերազմի» կապակցության կիրառության հաճախականությունը. օրինակ՝ «Հասեալ ինչ իցէ գործ պատերազմի» (էջ 43); «Գործ պատերազմին տագնապէր զնոսա՝ զմիմեանս սատակելով» (էջ 156); «Ո՛չ ընդ ումեք կամեցաւ ոսնել գործ պատերազմի» (էջ 26):

Այս կապակցությամբ նկատվում է, որ Սերեսոր նմանվում է Բուզանդին:

7. Ապա յայն ժամ կապակցության գործածությունը: Այս կապակցությունը համապատասխանում է ժամանակի պարագային «նրանից հետո», «այնուհետև» իմաստով: Այն չի հանդիպում Վ դարի մի շարք հեղինակների լեզվում, բայց ունի Սերեսոր՝ «Այս լիցի ուխտ հաշտութեան իմոյ ընդ իս և ընդ ձեզ՝ որշափ ամաց և դուք կամիշիք. և ոչ առնում ի ձէնչ սակ զերեամ մի. ապա յայնծամ տաշիք երդմամբ, որշափ և դուք կամիշիք» (էջ 140):

8. Հայաստան տեղանվան արտահայտության բազմազանությունը: Վ դարի հեղինակների և Սերեսոսի լեզվում այս տեղանունը գործածվում է «Հայաստան աշխարհ», «Հայաստան երկիր», «Հայոց աշխարհ», «Հայոց երկիր», «Կողմն Հայոց», «Հայաստանիայց աշխարհ», «Հայաստանեայց երկիր» և այլ կապակցություններով: Եղիշեն, Խորենացին, Փարավեցին, Սերեսոր անհամեմատ շատ են գործածում «Հայոց աշխարհ» կապակցությունը: Ազաթանգեղոսոր և Կորյունը՝ «Հայաստան աշխարհ», իսկ Բուզանդը՝ «Հայոց երկիր»: Սերեսոսի երկում «Հայոց աշխարհը» հանդիպում է 25 անգամ, իսկ Հայք-ը՝ 24: Մեր ուսումնասիրած հեղինակներից և ոչ մեկը Հայք-ը իբրև տեղանուն այնքան չի գործածել, որքան Սերեսոր:

Սերեսոսի Պատմության մեջ նկատեցի է նաև «Հայաստանեայց աշխարհ», «Հայաստանեայց երկիր» կապակցությունների համեմատաբար հաճախակի գործածությունը՝ «Յայնժամ տիրեաց Շամիրամ ի վերայ Երկրին Հայաստանեայց» (էջ 6): «Խնդութեամբ ընկալան զնա ամենայն աշխարհն Հայաստանեայց» (էջ 98): «Այլ երկնէր յարուցանել հալածանս ի վերայ եկեղեցեացն Հայաստանեայց աշխարհին» (էջ 120—121):

Այս կապակցությունները չկան Եղիշեի, Եղնիկի, Կորյունի, Ազա-

թանգեղոսի, Բուղանդի լեզվում, իսկ Փարավեցու երկում կա միայն «Հայաստանիաց աշխարհ» (էջ 6, 131):

«Հայաստան երկիր» կապակցությունը պատրմիչը գործածել է 14 անգամ, մինչդեռ Ագաթանգեղոսի, Կորյունի լեզվում հանդիպում է 2-ական անգամ, Բուղանդի լեզվում՝ 3 անգամ, իսկ համեմատվող մյուս հեղինակները չունեն:

Հայաստան տեղանվան անկախ կիրառության մի վկայություն կա Սեբեռուի լեզվում, որին չենք հանդիպում մեր կողմից նայված և ոչ մի հեղինակի լեզվում. օրինակ՝ «Եւ ընդ կողմանս Հայաստանի արձակեր զԱշտատ զՅեզտայար» (էջ 77):

Կողմն բառը սովորաբար կապակցվում է Հայք բառի Հայոց բառաձևի հետ: Կիրառության այսպիսի օրինակներ հանդիպում են Ագաթանգեղոսի, Սեբեռուի և Կորյունի լեզվում:

9. Մարդկանց անվանակոչում: Հայտնի է, որ դասական գրաբարում «այսինչ մարդու անունն այս է» դատողությունն արտահայտվում է զանազան կառուցվածքներով, որոնք կարող են դիտվել իբրև համանիշ արտահայտություններ: Այսպիսի երեսության դիմումը է նաև Սեբեռուի լեզվում. օրինակ՝ «Եւ էր որդի մի կայսերն Մաւրեայ, անոն նորա Թէոդոս» (էջ 72): «Նստուցին իւրեանց թագաւոր զայր ոմն անոն Փոկաս կոչեցեալ» (էջ 72): «Եւ էր անուն նորա Հայկ» (էջ 4):

Ըւջագրավ է, որ այսպիսի արտահայտություններում հանդիպող որ հարաբերական դերանունը, ինչպես և դասական մատենագիրների լեզվում, Սեբեռուի երկում միշտ դրվում է տրական հոլովով¹¹: Պատմիչի լեզվում, սակայն, իբրև բացառություն, կա մի վկայություն, ուր որ հարաբերական դերանունը դրված է սեռական հոլովով՝ «Զորդի նորա, որոյ անունն էր Վարագտիրոց... կարդէր ի մատոււակութեան» (էջ 64):

10. Որոյ հարադրությունների կիրառման հախասիրության դեպքեր: Մի շարք հարադրությունների ընտրման և գործածության միջ ևս երեքում է պատրմիչի անհատականությունը: Այսպես, Աստվածաշնչում գրեթե միշտ գործածվում է պատերազմ տամ հարադրությունը, իսկ պատերազմ առնեմ-ը՝ բավական հազվադեպ: Նշված հարադրությունների կիրառման առումով Սեբեռուի լեզվում նկատելի է ժողովրդախոսական լեզվի ազդեցությունը: Նա երկու անգամ ավելի շատ է գոր-

11 Այլ կառուցվածքներում որ հարաբերական դերանունը հանդիպում է և սեռանով, և տրականով. օրինակ՝ «Որոյ անունն կոչէր Անանիաս» (Կորյուն, էջ 60): «Որում անուն Թէոդոս կոչէին» (Կորյուն, էջ 64):

ծածում՝ պատերազմ առնեմ-ը (ընդամենը 6 անգամ, իսկ պատերազմ տամ-ը՝ 3). օրինակ «Եւ արարեալ պատերազմ՝ հարկանէր զնոսս սրով սուսերի» (էջ 78): «Թագաւորէ Մաքսիմիանոս՝ ամս ժի, և տայ պատերազմ ընդ Շապհոյ» (էջ 16):

Արկանեմ բայց հետ Սեբեռուը նախընտրում է գործածել անձն բառը՝ զանձամբ արկանեմ ձեռվ՝ «Եւ ոչ ոք արկանէր ի նոցանէն զէն զանձամբ իւրով» (էջ 75): Սրան հակառակ, Աստվածաշնչում արկանեմ-ի մոտ դրվում է իւր գերանունը. օրինակ՝ «Եւ ոմն երիտասարդ զ՞ետ երթայր նորա՝ արկեալ զիւեւ կտաւ մի ի մերկուց» (Մարկ., ԺԴ, 51):

Սեբեռոսի ոճին բնորոշ է «Ճանապարհ ընկնել», «Ճանապարհվել» համկացությունը. նաևապարի ունիմ հարադրությամբ արտահայտելը, որը նույնպես վկայում է պատմիչի լեղվի վրա ժողովրդախոսակցական լեղվի ունեցած աղդեցության մասին: Նշված կապակցությունը չի հանդիպում դասական շրջանի շատ մատենադիրների լեղվում¹². օրինակ՝ «Եւ կալեալ նաևապարի գնաց ի Մեղիտինէ» (էջ 27): «Ճանապարի կալեալ յԱտրպատական՝ լաստեցին վերլիրն ամենայն» (էջ 35):

Խորիմ բայց և զմտաւ ածեմ, ի միտ արկանեմ հարադրավոր բայրը համանիշներ են¹³: Սեբեռոսի լեղվում առավել տարածված է խորիմ-ը, որով նա նմանվում է եղնիկին, Ագաթանգեղոսին, Փարպեցուն և Խորենացուն¹⁴:

Նշված հարադրավոր բայերից Սեբեռոսն ամենից շատ գործածել է ի միտ արկանեմ-ը: Այս հարադրությունը չկա Խորենացու, Եղիշեի ու Ագաթանգեղոսի լեղվում, իսկ Մյուսների լեղվում հանդիպում է մեկ կամ երկու անդամ: Մյուս հեղինակները (բացառությամբ Բուզանդի) համեմատաբար ավելի հաճախ գործածում են զմտաւ ածեմ-ը: Նրանց մեջ առանձնանում է հատկապես Խորենացին, որի լեղվում տվյալ հարադրավոր բայց հանդիպում է շուրջ 40 անգամ:

Իհարկե, կան նաև այնպիսի հարադրավոր բայեր, որոնք այլ հեղինակների լեղվում ավելի հաճախ են գործածվել, քան Սեբեռոսի երկում:

12 ՆՀԲ-ն (չ. 2, էջ 169) նաևապարի բարի հոդվածում նաևապարի ունիմ-ով ոչ մի օրինակ չի բերում: Բայց որպես կապակցություն նշում է ունել զնանապարի և հղում ունիմ բայց: Սակայն այստեղ չենք գտնում ունել զնանապարի-ը: Այս հարադրությունը չկա Աստվածաշնչում:

13 Ի միտ արկանեմ-ն ունի նաև «մտարերել» իմաստը:

14 Գասական հեղինակներից միայն Եղիշեի լեղվում խորիմ-ը հանդիպում է 1 անգամ, իսկ զմտաւ ածեմ-ը⁶:

Սեբեռսի կողմից մի շարք բառերի հատկապես այսպիսի կիրառությունների զննումը մի անգամ ևս հաստատում է այն, որ բառը, որքան էլ բանաստեղծական լինի ու հնչեղ, առաջին հերթին պետք է կիրառվի, չմնա զուտ իբրև բառարանային միավոր՝ արձանադրված լոկ բառարանում։ Վերջին հաշվով, բառի կյանքը պայմանավորված է կիրառությամբ։ Խիստ կարեռ հանգամանք է և այն, թե ո՞վ է գործածում բառը, որտե՛ղ և ինչպես։ Հենց վերջինս էլ իր հերթին օգնում է՝ որոշակիորեն ուրվագծելու ստեղծագործողի, հեղինակի ոճը։ Այստեղից էլ ահա, պատահական չէ, որ բազմաթիվ բառերի սերեսոյան կիրառություններով առավել հստակ են երեսը դասական գրաբարի հեղինակների համեմատությամբ այս պատմիչի լեզվառնական առանձնահատկությունները։ Ասվածը հաստատելու համար դիմենք ևս մի քանի փաստերի։ Այսպես, Սեբեռսի երկում կան բառեր, որոնք մեծ մասամբ կապակցվում են նույն բառի հետ։ Այդ բառերը, անշոշտ, կան նաև Ն դարի այլ աղբյուրների լեզվում։ օրինակ՝ բարտք բառը հեղինակի լեզվում հանդիպում է միայն ծերութիւն բառի հետ՝ «Եւ ապա զինի սակաւ ինչ աւուրց ննջեաց ի բարտք ծերութեան իւրում» (էջ 29); «Յայնժամ կատարեալ երանելոյն երակլի զիեանս իւր բարտք ծերութեամբ» (էջ 109):

Աստվածաշնչում բարտք բառը միշտ գործածվում է բարտք առնեմ կապակցությամբ։ օրինակ՝ «Յամենայնի կարօղ եմ այնու որ զօրացցցն զիս. բայց բարտք արարէ՛ զի կցորդ եղերուք ինձ ի նեղութեանս» (Փիլիպ., Դ, 14):

Կան բառեր, որոնք մեծ մասամբ գործածվում են որոշ բառերի հետ։ Այսպիսիները համեմատաբար շատ են և վկայում են բառերի ընտրման և նրանց օգտագործման հարցում Սեբեռսի լեզվի յուրահատկության մասին։ Այսպէս, անշարժ բառը գործածվել է 4 անգամ, որից մեկը միայն՝ կամ բայց հետ, իտկ մյուսները՝ մեամ-ով. օրինակ՝ «Զտեղի կալան և անշարժ մնացին» (էջ 55); «Անշարժ մնալ մինչև յակիտեան» (էջ 126); «Յոր հիմնացեալ անշարժ կամք մինչև ցայժմ» (էջ 131):

Դասական գրաբարում անշարժ բառը մեծ մասամբ հանդիպում է կամ, եմ բայերի հետ. օրինակ՝ «կան անշարժ» (Եղիկ, էջ 188), «անշարժ են» (Ագաթանգեղոս, էջ 39); Սեբեռսը նախընտրում է գործածել «անշարժ մնամ»-ը, իսկ Աստվածաշնչում միայն մի վկայություն կա՝ «անշարժ մնայր» (Գործք, իէ, 41):

Պատմիչը բազմութիւն բառը գործածել է 61 անգամ, որից 22-ը՝

զաւրիք բառի հետ, օրինակ՝ «Ընկղմեցան բազմութիւն զաւրացն ի խորս ծովուն» (էջ 149): «Եւ ելեալ ընդ պահակն ծորայ զաւրակ բազմութեան՝ գնացին յաւզնականութիւն թագաւորին Յունաց» (էջ 69): «Հարին և կործանեցին զբազմութիւն զաւրացն Պարսից» (էջ 26):

Սեբեռոսը բազմութիւն բառը մեծ մասամբ գործածում է Հոգնակի գոյականների հետ, իսկ դասական աղբյուրների լեզվում այն կապակցվում է ինչպես եղակի, այնպես էլ Հոգնակի գոյականների հետ:

Դոհուրին բառը հանդիպում է 3 անգամ, որից 2-ը՝ մեծապէս մակրացի հետ՝ «Յայնժամ առաքէ առ նա թագաւորն հրովարտակ մեծապէս գոհուրեամբ» (էջ 64): «Գրէր առ նա հրովարտակ մեծապէս գոհուրեամբ» (էջ 68):

Սեբեռոսի լեզվում խնդուրին բառը հանդիպում է՝

ա) Ընդունիմ բայցի հետ. օրինակ՝ «Իսկ նա խնդուրեամբ ընկալաւ զնոսա» (էջ 58): «Իսկ նորա տեսեալ խնդուրեամբ ընկալաւ զնա» (էջ 69):

բ) Աչր բառի գործիրական հոլովի հնտ. օրինակ՝ «Որք եկեցեն ի ծառայութիւն՝ սիրով ընկալ» (էջ 77): «Իսկ նա սիրով ընկալաւ զնա» (էջ 71):

գ) Ուրախ լինիմ հարադրության հետ. Դասական գրաբարում խընդուրին, ուրախուրին բառերից անհամեմատ շատ գործածվողը ուրախուրին-ն է: Ագաթանգեղոսի լեզվում այս բառը հանդիպում է շուրջ 80 անգամ, մինչդեռ խնդուրին-ը՝ 10: Աստվածաշնչում ուրախուրին բառի հարցուրավոր վկացությունների դիմաց խնդուրին-ը հանդիպում է ընդամենը 45 անգամ:

Սեբեռոսի լեզվում խնդուրին բառն ավելի է կենսունակություն ստանում: Այն հանդիպում է 10 անգամ, իսկ ուրախուրին-ը՝ 6: Ուշադրութ է այն, որ խնդուրին բառը ավելի հաճախ գործածվում է ուրախ լինիմ հարադրության հետ: Այդպիսի կիրառության շենք հանդիպում V դարի մի շարք Հեղինակների և Աստվածաշնչի լեզվում՝ «Իսկ զաւոն թէպէտ և ընդ բանսն խոռվեցան, սակայն խնդուրեամբ ուրախ եղեն ի վերայ գալստեան նորա» (էջ 92): Այստեղ խնդուրեամբ-ը առավել ակնբախ է գարձնում ուրախ լինելու հոգեվիճակը:

Աստվածաշնչում խնդուրին և ուրախուրին բառերը շատ հաճախ գործածվել են կողք կողքի:

Հնազանդիմ բայցը Սեբեռոսի երկում գործածվել է 24 անգամ, որից 19-ը՝ ծառայուրին բառի հետ. օրինակ՝ «Իսկ Մուշեղ Մամիկոնէից տէրն ապստամբեալ ի Յունաց կողմանէն՝ հնազանդեցաւ ի ծառայու-

թիւն հսմայելի» (էջ 152): «Եւ թագաւորեաց Արշակ Մեծ... որում ամենայն աղօք արևելից և հիւսիսոյ հնազանդեցան ի ծառայութիւն» (էջ 8):

Վ դարի մի շարք դասական հեղինակների լեզվոամ հնազանդիմ-ի հետ «ի ծառայութիւն»-ի կիրառության այսպիսի ճոխություն չենք դրտնում: Եղնիկը և Կորյոնը ընդհանրապես այդպիսի կապակցություն չունեն, իսկ Ագաթանգեղոսի «Հայոց պատմություն»-ում հնազանդիմ բարի 15 կիրառություններից միայն մեկի մոտ է դրվել «ի ծառայութիւն»: օրինակ՝ «Ինձ հնազանդեցին ի ծառայութիւն» (Ագաթանգեղոս, էջ 26):

Նախ մակբայն, ասես, առաջին հերթին ենթադրել է առալիս ապա-ի զուգադրում: Սեբեոսի լեզվոամ, սակայն, նախ-ին երբեմն է միայն զուգադրվում ապա-ն. օրինակ՝ «Կնքեաց նախ իւրով մատանեան, և ապա մեր» (էջ 145): Պատմիչի լեզվում ուշադրության է արժանի այս մակբայի հետ առաջին բառի կիրառվելը, որը բավական հաճախ է հանդիպում՝ «Բայց ես նախ առաջին դվէսի յահեղն արքայ և յարի այրն սկսայց ասել» (էջ 2): «Երթայց նախ առաջին զնա վանեցից» (էջ 26):

Վ դարի մատենագրության մեջ այսպիսի կապակցություն շատ սակավ է հանդիպում:

Ե՛վ դասական գրաբարում, և Սեբեոսի Պատմության մեջ յետ նախադրության հետ ցուցական դերանուններից մեծ մասամբ գործածվում են այս, այդ, այն-ը: Նկատենք, սակայն, եթե Վ դարի մատենագրության լեզվում յետ նախադրության հետ հազվադեպ է հանդիպում նա դերանվան գործածությունը, ապա Սեբեոսի երկում այն գործածվել է դգալի հաճախականությամբ (շուրջ 10 անգամ). օրինակ՝ «Յետ նորա թագաւորէ նորին որդի Արշակ» (էջ 11). «Յետ նորա (թագաւորէ—Գ. Բ.) որդի նորա Արտաշեր՝ ամս լԱ» (էջ 11):

Սա, դա դերանուններն այսպիսի կիրառությամբ չեն հանդիպում:

Ուշագրավ է և այն, որ փախստական առնեմ հարադրավոր բայն ամենից շատ հանդիպում է հալածական տանիմ հարադրության հետ. օրինակ՝ «Զմնացեալսն փախստական արարեալ հալածական տանին» (էջ 25): «Հարին զզաւըն Պարսից, և փախստական արարեալ հալածական տանին» (էջ 63):

Սեբեոսի լեզվում կան բառեր, որոնք մեծ մասամբ կիրառվում են որևէ որոշիչավոր: Օրինակ, կոտորած բառը հանդիպում է այնպիսի որոշիչներով, ինչպիսիք են՝ «ինի անդ կոտորած մեծ» (էջ 16): «Սաստիկ կոտորած լինէր» (էջ 25): «Զարարշար լինէր կոտորածն» (էջ 52): «Ան-

հնարին լինէր կոտորածն» (էջ 76): «Անհուն կոտորածով զմիմեանս սատակէին» (էջ 156):

Այլ հեղինակների լեզվոամ այսպիսի լընդգծմած միտուամ չի նկատվում: Այսպես, Աստվածաշնչում, ըստ համաբարբառի, կոտորած բառը հանդիպում է ընդամենը 3 անգամ, որից մեկը միայն որոշիլով՝ «Այլ եզրեանց իբրև երկայնագոյն լինէր նոցա մարտ պատերազմի, եւ բազում կոտորածի ի միջի լինէին» (Բ Մակ., ԺԲ, 36):

Դրաբարուամ շուրջ բառը շատ գործածական չէ: Եզնիկը շունի, Փարպեցին, Կորյունը և Եղիշեն գործածել են մեկական անգամ, Խորենացին՝ 2, Ազաթանգեղոսը՝ 4: Սեբեոսի լեզվոամ այն հանդես է եկել 5 անգամ և միշտ որևէ որոշչի դեր կատարող բառի հետ կամ շուրջ և պատիւ բառերը, իբրև համանիշներ, կիրառվել են կողք կողքի. օրինակ՝ «Ո՛չ մեծարէր զնա աստուածաւէն շխով» (էջ 4): «Իսկ զԱւատոն Խոռիսուումի փոփթանակի հանդերձ զաւրուն իւրոյ կոչէ թագաւորն ի պալատն, և մեծարէ շխով և պատուվ» (էջ 51): «Երթեալ մեծաւ շխով և փառաւք յանդիման եղեւ թագաւորին» (էջ 69): «Առեալ զպարգևն՝ դարձաւ մեծաւ շխով ի տուն իւր» (էջ 102):

Սեբեոսի ոճին հատուկ է «Հրդեհել», «այրել», «վառել» իմաստներն արտահայտելու համար բորբոքեմ, այրեմ, հրեինեմ, բոցացուցանեմ, վառեմ, հուր բառերը միմյանց հետ գործածելը. օրինակ՝ «Պատեցին զքաղաքն երեք կուսէ, և բորբոքեցին զնա հուր և այրեցին զզաւրացն բազմութիւնս» (էջ 94): «Վառեսցին հրով, բորբոքեսցին հիմունք լերանց նորա» (էջ 154): «Հրդեհեցին զքաղաքն հուր» (էջ 80): «Հրդեհեալ բոցացոյց զառ ի ներքոյս ամենայն» (էջ 32): «Բորբոքեաց հրեինեալ զծով և զցամաք» (էջ 114): «Եւ ըմբոնեալ զնա քարշեցին զոտանէ ի մէջ քաղաքին, և այրեցին հրով» (էջ 115):

Կան նաև զեպքեր, երբ խոսակցական ոճով այրեմ բառի հետ գործածվում է հուր հարկանեմ հարազրավոր բայր «վառել, այրել, Հրդեհել» իմաստով՝ «Զեկեղեցի սրբոյն Գրիգորի... հարին հուր և այրեցին» (էջ 27):

«Ավար առնել», «թալանել» իմաստը արտահայտելու համար Սեբեոսն առնում, հարկանեմ, ծողովեմ, խաղացուցանեմ, վարեմ բայերի հետ գործածում է աւար գոյականը կամ առ և աւար կապակցությունը: Վերջիններիս հետ երբեմն հանգես են գալիս նաև կապուա, գերի, գերութիւն «գերի» իմաստով (վերացականը թանձրացականի փոխարեն) գոյականները:

Առնում բայրի հետ դրմել է՝ աւար, աւար և գերութիւն, աւար և կա-

պուտ, առ և աւար, առ և աւար և կապուտ, առ և գերի և աւար՝ «Կամհցաւ առնով աւար զզալուացն բազմութեան» (էջ 142); «Առեալ զաւար և զգերուրին» (էջ 118); «Առեալ զաւար և զկապուտ և դարձան անդրէն» (էջ 111); «Եւ առեալ զաւ և զաւար զբանակին Պարսից՝ դարձան ի բանակետղն իւրեանց» (էջ 74); «Առեալ զաւ և զաւար և զկապուտ՝ զնացին ի բերդն իւրեանց» (էջ 75); «Առեալ զամհնայն առ և գերի և զաւար՝ դարձան յերկիրն իւրեանց» (էջ 35):

Ժողովեմ բայի հետ կապակցվել է միայն «աւար և գերուրին». օրինակ՝ «Հարին ասպատակաւ զամհնայն երկիրն, և ժողովեալ զաւար և զգերուրին բազում յոյժ» (էջ 110):

Խաղացուցանեմ բայի հետ կապակցվել է միայն «առ և աւար և գերուրին»՝ «Խաղացուցին առ և աւար և գերուրին բազում յոյժ» (էջ 146):

Վարեմ բայի հետ կապակցվել է լոկ աւար՝ «Դոքա զամհնայն գանձս թագաւորութեան աւար՝ վարեցին» (էջ 42):

Բերվածներից ամենից հաճախ հանդիպում են առնում և հարկանեմ (աւար հարկանեմ) բայերը:

Եղնիկը, Ագաթանգեղոսը, Յուզանդը նույնպես հաճախ առնում բայը գործածում են առնում աւար կապակցությամբ: Սեբեոսի առանձնահատկությունն այն է, որ «աւար առնում» և «ասարի հարկանեմ» հարաբերություններն անհամեմատ շատ է գործածել, քան դասական գրաբարի մյուս հեղինակները: Եթե նշված դասականները սիրում են գործածել «աւար առնում»-ը և շատ հազվադեպ՝ «աւար հարկանեմ»-ը, ասլա Սեբեոսը նախընտրում է «աւար առնում»-ի հետ գործածել կապուտ, գերի, գերուրին, երեսմն էլ՝ առ և աւար և թվարկված բառերից որևէ մեկը, ինչպես նաև՝ ժողովեմ, խաղացուցանեմ, վարեմ և այլն: Այսպիսի բան չկա դասական գրաբարի վերը նշված հեղինակների լեզվում:

ԺՈՂՈՎՐԴԱԽՈՍԱԿԱՆ ԼԵԶՎԻՆ ԲԱՌՈՐԾ ԲԱՌԵՐ ԵՎ ԱՐՏԱՀԱՅՏՈՒԹՅՈՒՆՆԵՐ

Սեբեոսի լեզվում գոյություն ունեն հիմնականում ժողովրախոսակցական լեզվին բնորոշ որոշ բառեր ու արտահայտություններ. օրինակ՝

Առաջի՝ «Եւ անդէն կարգեաց ի կարգն առաջի յամին հինգերորդի թագաւորութեան իւրոյ» (էջ 116):

Արեւ: ժողովրախոսակցական լեզվի տիպիկ օրինակ է արեւ բառը

«կյանք» իմաստով գործածելը. օրինակ՝ «Գնացին ընդիմ նորա և պատահեալ ի սահմանս Աստրպատական աշխարհին՝ հանին զգանձն, և համարակարին զարեն պարգև շնորհեցին» (էջ 50): Այս նախաղասության մեջ «զարեն պարգև շնորհեցին» նշանակում է «կյանքը բաշխեցին նրան», «խնայեցին նրա կյանքը»: Այսպիսի արտահայտությունն այսօր էլ կարելի է գտնել խոսակցական լեզվում և բարբառներում: Հ. Թումանյանն ունի՝ «Սասունցի Դավթին արև խնդրեցեմ» (Հ. Թումանյան, Երկիր, հ. 2, էջ 112):

Գեղ՝ «Արար... կուր մի ի Վանանդ: ի յՈւթմսու գեղ» (էջ 30):

Խախուտ՝ «Վերացոյց և զփայտայարկս սրբոյ կաթուղիմէին. նորոգեաց և զխախուտ որմոյն» (էջ 89):

Խակ՝ «Եւ ոչ ինչ էած զմտաւ արքայն, եթէ զի՞նչ իցէ բանն այն. քանզի մանուկ տղայ էր և խակ» (էջ 43):

Կտրեմ՝ «Եւ կալեալ զՄարտինէ՝ կտրէ զլեզու նորա և ապա սպանանէ զնա հանդերձ երկու որդուով նորա» (էջ 113):

Մուխ՝ «Արկին մուխ շուրջանակի, մերժեցին ծխովն և նետածգութեամբն դպահարպանս պարսպին» (էջ 110):

Ագաթանգեղոսը, Կորյունը, Եղիշելը, Եղիշեն ու Խորենացին գործածում են միայն ծովս բառը, իսկ Փարպեցին միայն մեկ անգամ՝ մուխ (էջ 129):

Շատ: Հանդիպում է Ագաթանգեղոսի, Եղիշելի, Կորյունի և ուրիշների լեզվում: Ամենից հաճախ գործածված ենք գտնում Փարպեցու (29 անգամ), սպա՝ Խորենացու լեզվում (16 անգամ):

Սեբեոսի Պատմության մեջ շատ բառը հանդիպում է մի քանի անգամ՝ «Այնչափ ձեզ շատ լիցի» (էջ 39): «Շատ լիցի քեզ ունել զերկիրդ մեր» (էջ 107): «Շատ և ոչ է իրաւացի առնել ի տեղուցս յայսմիկ այդպիսի ինչ» (էջ 115):

Վստահ եմ / լիճիմ՝ «Եւ առնու լնդ իւր արս երկու հազարս ի սպառպինաց՝ յազատաց և յանազատաց, զորս գիտէր արժանիս պատոյ, և վստահ էր հեծելութեամբ» (էջ 43—44):

Վստահ բառը մեկական անգամ հանդիպում է նաև Եղիշելի և Փարպեցու լեզվում, իսկ Ագաթանգեղոսը, Բուզանդը, Խորենացին ու Եղիշեն այս բառը չեն գործածել:

«Ականջը գցէլ», «ականջին հասցնել» դարձվածքները «լուր տալ», «լուր հասցնել մեկին» իմաստներով խիստ գործածական են արդի հայերենում. օրինակ՝ «Նրա ականջին հասցրին, որ իր աները՝ Գեղեռնն է օժանդակել Աստոմին» (Դ. Դեմիրճյան, Վարդանանք, էջ 202): Դարձ-

վածաբանական այս արտահայտությունը գտնում ենք նաև Սեբեռոսի լեզվում՝ «Եւ բանք խորհրդոց նոցա ոչ ունէր զմիաբանութիւն իրին յինքեանս հաստատեալ, այլ ոմանք ի նոցանէ շողմոգութեամբ հասուցին զբանս խորհրդեանն յունկն թագաւորին» (էջ 56):

Պատմիշի երկում հանդիպում ենք նաև մի այլ դարձվածքի՝ «սիրտը կասկած ընկնել», որ կա արդի գրական հայերենում. օրինակ՝ «Անկաւ կասկած ի սիրտ նորա, սկսաւ պատրաստել և կազմել զինքն յարձակումն» (էջ 44):

ԻՄԱՍՏԱՐԱՆԱԿԱՆ ԱՌԱՆՁՆԱՀԱՏԿՈՒԹՅՈՒՆՆԵՐ

Դասական գրաբարում արտահայտված որոշ իմաստներ Սեբեռոսը ներկայացնում է արտահայտության այլ պլաններով: Մասնավորապես՝ «թագավորեցնել», «թագավոր գարձնել» իմաստը դասական գրաբարում ամենից հաճախ արտահայտվում է բազատեցուցանեմ բայով: V դարի մեր կողմից նշված աղբյուրներից միայն Եղիշիկի լեզվում է, որ քագաւոր առնենմ-ի գործածության 4 օրինակ կա՝ «Որ ոք ի նոցանէ վաղ հասցէ՝ զնա քագաւոր արարից» (Եղիշիկ, էջ 114):

Սեբեռոսի լեզուն այս կապակցությամբ առանձնանում է նրանով, որ նա հաճախ ժողովրդական ոճով գործածում է նաև քագաւոր նըստուցանեմ-ը (10 անգամ), որ չի հանդիպում նախորդ և ոչ մի հեղինակի լեզվում՝ «Ես զթէողոս զորդին Մարկայ նստուցի քագաւոր» (էջ 80): «Եւ նստուցանէ քագաւոր զկոստաս զորդի Կոստանդնի» (էջ 113):

«Տեղեկություն ստացվել» իմաստը սովորաբար արտահայտվում է լուր լինիմ-ով. օրինակ՝ «Եւ իբրև միջամտիս եղև ի ստեմանա Աստրատական գաւառի՝ ապա ուրեմն լուր եղև Խոն Վեհանայ» (էջ 95): Սեբեռոսը գործածում է նաև լուր հասանել արտահայտությունը, որ չի հանդիպում դասական գրաբարի բազմաթիվ հեղինակների լեզվում. օրինակ՝ «Լուր եհաս ի լսելիս արքային բանն, հրաման ետ կապել զնա ոտիք և ձեռաւք» (էջ 71):

Լուր(ը) հասանել կապակցությունը գործածական է նաև ժամանակակից գրական հայերենում. օրինակ՝ «Եեղ վաղոց լուրեր էին հասնում, թե ահազին բազմություն քուրդերի, Շեյխ-Զալալեդդինի և Շեյխ իբադուլլահի գլխավորությամբ, դիմում են դեպի Բայազեղ» (Բաֆֆի, Զալալեդդին, էջ 93):

«Խոնարհվել», «երկրպագել» իմաստը դասական և հտղասական շրջանի հայերենում արտահայտվում է գլխավորապես խոնարհիմ կամ

Երկիր պազանեմ բայով։ Պատմիչի լեզվում աշքի է ընկնում նշված իմաստը բավական հաճախ նկարագրական եղանակով արտահայտվելը՝ «Նորա համբուրեալ զձեռն նորա՝ անկաւ ի վերայ երեսաց իւրոց» (էջ 60): «Անկաւ ի վերայ երեսաց իւրոց և ասէ» (էջ 148): Հետաքրքիր է նաև հետեւյալ վկայությունը՝ «Իշեալ յերիմարէն երկիր պազանէր ի վերայ երեսաց իւրոց երբն անգամ» (էջ 62): Այստեղ «եւթն անգամ», «ի վերայ երեսաց իւրոց» արտահայտությունները ժողովրդախոսակցական լեզվի երանգ, համ ու հոտ են հաղորդում շարադրանքին, իսկ «երկիր պազանեմ»-ի մոտ սովորաբար «ի վերայ երեսաց իւրոց» չի դրվում։

«Այսինչ մարդը կամ թագավորը թագավորեց այսքան տարի» իմաստը սովորաբար արտահայտվում է այսպես՝ «Ապա քազարէ Պարսից Վռամ ամս ԺԱ» (էջ 19): Սեբեռոսը նույն միտքը արտահայտում է նաև հետեւյալ կերպ՝ «Յայնժամ կատարեալ երանելույն երակլի զկեանս իւր բարուր ծերութեամբ. և էին ատւե՛ իւրոյ քազարութեանն ամբ և» (էջ 109):

ԲԱՅԱԿԱՆ ԺԱՄԱՆԱԿՆԵՐԻ ՈՃԱԿԱՆ ԿՐՈԱՌՈՒԹՅՈՒՆԸ

Բայական ժամանակների ոճական կիրառություն ասելով մենք նկատի ունենք այն երկույթը, երբ բայական որևէ ժամանակաձև գործածվում է մի ուրիշ ժամանակի իմաստով, որի համար թեև լեզվում կա արտահայտության համապատասխան եղանակ։ Բայական ժամանակների այսպիսի կիրառությունը գտնիս է շատ հնուց¹⁵:

Սեբեռոսի լեզվում այդպիսի կիրառությամբ հանդես են գալիս առաջին հերթին սահմանական եղանակի ներկա և անցյալ անկատար ժամանակի բայերը։

Ա. Ներկա ժամանակն արտահայտում է խոսքի պահին կատարվող գործողություն, իսկ երկրորդական կիրառությամբ այն արտահայտում է հետեւյալ իմաստները՝

ա) Անցյալ կատարյալի իմաստ¹⁶. օրինակ՝ «Արայն ոչ զպատարագն

15 Բայական ժամանակների երկրորդական կիրառությունների երևույթը նկատվել և նկարագրվել է տարբեր ժամանակների հետազոտողների կողմից։ Այս ուղղությամբ կատարված վերջին աշխատանքներից հետաքրքիր է լ. Շ. Հովհաննիսյանի թեկնածուական դիսերտացիան՝ «Դասական գրաբարի բայական ժամանակների կիրառությունը», Երևան, 1972:

16 Այս իմաստն արտահայտվել է ներկա, անցյալ անկատար ժամանակների բայաձեռքով, անցյալ դերբայով։ Մանով հանդերձ, Սեբեռոսի լեզվում անցյալ կատարյալի ժամանակաձևն ավելի շատ է գործածվել, քան մյուս ժամանակներինը միասին վերցրած։

Նորա ընկալաւ և ոչ յանձն առնու երթալ ի նինուէ առ Շամիրամ» (էջ 6):

Ուշադրություն դարձնենք հետևյալ նախադասովթյանը՝ «Կապմու փախստական գնաց ի Հայք առ Հայր իւր աղդ առնել նմա և ասէ. «Դիմեալ գայ թէլ արքայ ի վերայ քո, և եկն եհաս մինչ ի տուն անդր. և ես կնաւ իմով և որդովք ահաւասիկ գամ փախստական» (էջ 4): Այստեղ, փաստորեն, Կաղմոսը եկել է հոր մոտ և պատմում է տհսածը կամ լսածը, բայց գործածված է ներկայի ժամանակաձև:

բ) Ըղձական եղանակի ապանու իմաստ՝ «Բայց պատրա՛ստ լիշիք, զի այր քաջ է նա, և մի՞ թէ կամ ինքն մեռանի, կամ զիս սպանանէր եւ թէ ինքն իսկ մեռանի՝ ես պատասխանի տաց կայսեր վասն նորա» (էջ 43):

գ) Պայմանական կամ հարկադրական եղանակի ապանու իմաստ՝ «Եւ կամ ասիցէ, եթէ ես նստուցից ձեղ թագաւոր. արացէ զո՞վ և կամ մեսցի, և մեք ընդունիմք» (էջ 90): «Պատերազմ լինի զկնի երից ամսոց, և անկանին բազումք ի պատերազմին» (էջ 63):

դ) Հարատե գործողություն, որը կարելի է դիտել որպես վիճակ՝ «Եկեալ բնակեցաւ առ ոտամբ երկուց լերանցն որ հային հանդէպ մեծի դաշտին Արացի» (էջ 7):

բ) Անցյալ անկատար ժամանակը ցուց է տալիս ներկայի համեմատությամբ անցյալի որևէ կետից սկսված, դեռ անավարտ գործողություն: Այս ժամանակի գլխավոր՝ հատկանիշը անավարտությունն էր երկրորդական կիրառությամբ այն արտահայտել է՝

ա) Անցյալ կատարյալի իմաստ (սա երկրորդական կիրառության հիմնական դրսեռումն է): «Նորա իսկ և իսկ հասեալ ի Դուխն քաղաք, կեցեալ սակաւ ինչ աւուրս՝ մեռանէր» (էջ 60):

բ) Ըղձական անցյալ ապանու իմաստ՝ «Թէ Աստուած արծանի առնէր՝ ընդ ձեղ համարէի թէ ընդ Քիստոսի ի տեղանոյ և ի նորին ձեռացն վայելեցաց» (էջ 145):

գ) Անցյալ վաղակատարի իմաստ՝ «Եւ էր լեալ Փիլիսլիկոսս այս փեսայ կայսերն Մատրկայ, և բազում ժամանակաւ արարեալ զարավարութիւն՝ գործէր զմարտից յաղթութիւն (այսինքն՝ արել էր, կատարել էր— Գ. Բ.)» (էջ 81):

դ) Ապագայում կատարվելիք գործողություն՝ «Եւ յուղարկէ գնա ի Մըծանայ ընդ յարեմուսս զաւրու մեծաւ... որում ոչ ոք կարէր զդէմ ունել պատերազմաւ» (էջ 9): Այսինքն՝ «...որին ոչ ոք չէր կարող (կամ չէր կարողանա) դիմադրել պատերազմով»:

ե) Մի կատարելի գործողություն, որը տեղի չի ունեցել՝ «Մինչ

կամեին զնուած սրով՝ սատակել՝ եկն այրն և եկաց յանդիման» (էջ 112), իսկ սա արդյունք է ժամանակի պարագա երկրորդական նախադասության մեջ մինչ կամ մինչև բառերի գոյության, գլխավոր և երկրորդական նախադասությունների իմաստային փոխհարաբերության:

զ) Սիածամաճակյա կատարվող գործողություն (ավելի ճիշտ կլինի նաև ասել՝ անցյալ անկատարի ցուց տված տեսական ու շարունակվող գործողության մեջ կատարված ու վերջացած մի այլ գործողություն): «Եւ կատարեաց որպէս խաւեցաւն առ այնմ ժամանակաւն, մինչ սիրէրն զիսրացէլ» (էջ 106):

Գ. Պարզ ապաները և բաղադրյալ ժամանակները Սեբեոսի լեզվում երկրորդական կիրառություններով գրեթե չեն գործածվում: Կամի նախադասություն, ուր ապանին գործածված է ստորագասատկան անցրակի փոխարեն՝ «Եւ ոչ ինչ էած զմտաւ արքայն, եթէ զի՞նչ իցէ բանն այն. քանզի մանուկ տղայ էր և խակ» (էջ 43):

Երկրորդ ապանու երկրորդական կիրառության համար բերենք Հետելալ նախադասությունը՝ «Այլ ես ո՛չ երկեայց ի ժողովելոց երիցանցդ Հոռվմայեցւոյդ, որ եկալ են ի վերայ իմ» (էջ 38): Ընդդժմած բառն ավելի ճիշտ կլինի թարգմանել՝ չեմ վախենում:

Ինչ վերաբերում է բաղադրյալ ժամանակներին, ապա ուշագրավ է վաղակատար-հարակատար անցյալի երկրորդական կիրառությամբ ըղձական ապանու իմաստ արտահայտվելը՝ «Եւ արդ՝ դիմեալ գայ ի վերայ իմ կորուսանել զայնչափ վաստակս ձեր. զի թէ Խոսրով յաղբեալ էր՝ երկոքին դոքա միաբանեալ բարձեն զձեղ ի միջոյ» (էջ 38): Փորձենք թարգմանել՝ «....որովհետեւ եթե Խոսրովը հաղրի, դրանք միաբանելով կվերացնեն ձեզ մեջտեղից»:

Դեռևս դաստկան գրաբարում յամելում բայն առանձնանում էր յուրահատուկ կիրառությամբ: Ըստ Վ. Զալիսյանի, յամելում բայն անորոշ գերբարյի հետ ցուց է տալիս գործողության կրկնում: Այս ոճը համարվում է երբայական: «Այս երբայական ոճը,— գրում է Վ. Զալիսյանը, — սուրբ Գրոց մէջ յաճախ է. որուն տեղ հայերէն ձեւով կայ ըստած՝ կրկնէր լինէր զօրաժողով: Կրկնեցաւ եկն յԱղեքսանդրիա» (ընդգծումը հեղինակին է — Գ. Բ.)¹⁷:

Սեբեոսի լեզվում նույնպես գործածվել է յամելում բայը: Ուշագրավ է այն, որ թէ՛ Վ. Զալիսյանը, թէ՛ Վ. Առաքելյանը նշում են, որ

17 Վ. Զալիսյան, նշվ. աշխ., էջ 398—399, Վարագ Առաքելյան, Գրաբարի հատքնադիր, Երևան, 1946, էջ 31:

յաւելում բայն այսպիսի գործածություն ունի միայն անորոշ դերբացի՝ հետ։ Սեբեռսի Պատմությունում այն գործածվել է դիմավոր բայի՝ երկրորդ ապանու հետ։ օրինակ՝ «Ի սոյնս յաւելեալ կարգեցից թիւ. որպէս զէս ամին Խոռեմայ ի կէս ամին Կաւատայ յաւել ևս ասացից ամ մի» (էջ 22):

ԻՄԱՍՏԻ ՍԱՍՏԿԱՅՈՒՄ

Ոճական այս հնարանքից հաջողությամբ է օգտվել Սեբեռսը։ Շատ հաճախ, հոգեկան վիճակի առավել ճիշտ արտացոլման նպատակով, աղերս, բախանձանք, պաղատանք, աղաշանք և այլ բառերից առաջ, որոնց բովանդակության մեջ արդեն իսկ կա իմաստի սաստկացում, Սեբեռսը գործածում է որևէ որոշիչ՝ «Յայնժամ մեծաւ աղերսի խնդրեալ զնուա ծենթակուրի յարքայէն Պարթևաց, «զի բարձէ ի միջոյ. ապա թէ ոչ՝ լուծցի ուխտ խաղաղութեանն՝ որ ի միջի մերում» (էջ 13): «Մեծաւ աղաշանաւ և արտասուալից պաղատանաւ խնդրեցին ողորմութիւն» (էջ 143):

Այսպես նաև մեծապէս բառից առաջ պատմիշը դնում է «Եւ առաւել» կապակցությունը՝ «Մանաւանդ իբրև տեսանէր զփախուստ նոցա ի կայսերէն՝ ևս առաւել մեծապէս սիրով կամէր կորզել առ ինքն» (էջ 49):

Իմաստի սաստկացման առումով հետաքրքիր են նաև հետեւալ նախադասությունները՝ «Եւ սպան զնա սատակմանը շարաշար մահուամբ» (էջ 152): «Բայց թագաւորութիւն նորա էր ի Տիգրոն, և ամենքին միաբան պատուէին զնա միաբանութեամբ» (էջ 100):

Տղայ բառի հետ, որը նշանակում է նաև «տարիքով փոքրահասակ», «պարզամիտ», «տհաս», պատմիշը դիպով կերպով գործածում է մանուկ, խալ բառերը՝ «Եւ ոչ ինչ էած զմտաւ արքայն, եթէ զի՞նչ իցէ բանն այն. քանզի մանուկ տղայ էր և խակ» (էջ 43):

Խալ բառն այսպիսի գործածություն ունի նաև այսօր, ժամանակակից գրական հայերենում. օրինակ՝ «Նազոն...Առաքելին էլ իր հետ տանում էր այն վայրերը, որ դեռ խալ պատանի, նա գյուղի հանդապահի հետ որս էր արել» (Հ. Քոչար, Սպիտակ գիրքը, էջ 106):

Սեբեռսը հաճախ բայի մոտ զնում է նույն արմատից կաղմված մի գոյական և ածական՝ «Եղի պատերազմ ի դաշտին եղելվարդայ. Հարին զզաւրն Պարսից և կործանեցին կործանմամբ մեծաւ» (էջ 74):

Հարկանեմ բայը «Չարդել», «կոտորել» իմաստով գործածելիս.

իմաստի սաստկացման նպատակով, հեղինակը մեծ մասամբ ընտրում և նշված բայի հետ գործածում է խորտակեմ, կործանեմ բայերը և մեծ ածականը. օրինակ՝ «Հապճեպ զարութեամբ եհար զնա և խորտակեաց և գնաց ընդ Մղուկս» (էջ 93): «Հարին ղջոյնն և խորտակեցին կործանմամբ մեծաւ, և փախստական վարեցին առաջի իւրեանց» (էջ 54): Հարին զաւըն Յունաց և խորտակեցին կործանմամբ մեծաւ» (էջ 78):

Դիտենք հետևյալ նախադասությունը՝ «Ոչ արձակեմ ի բերդորայն ամիրայս, և ոչ տաճիկ սպայ՝ ի բազմաց մինչ ցմի հեծեալ» (էջ 141): Սեբեոսն այստեղ հակադրում է բազում և մի հականիշները՝ ասվածին յուրօրինակ ուժ հաղորդելով, որը նպաստում է իմաստի սաստկացմանը:

ԱՎԵԼԱԳՐՈՒԹՅՈՒՆ

Ոստամնասիրվող երկում ավելադրությունը դրսեորվում է հիմնականում երկու կերպ՝ բառական ավելադրություն և բառակապակցական (ավելի հաճախ՝ բառական ավելադրություն): Նախադասության ավելադրի կիրառությունը Սեբեոսի լեզվում հազվադեպ է:

Սեբեոսի Պատմությունում ավելադրական միավորները հանդես են գալիս՝ ա) որպես իմաստի սաստկացման, ընդգծման և այլ երանգների հազորդման հնարանք, բ) որպես զուտ իրբե զարդ, լեզվի ոճավորման միջոց, գ) որպես պարզապես անհաջող կիրառություն և հեղինակի ոճի համար ավելորդ բեռ:

Դեռևս դասական գրաբարում առանձնապես հարդի էր գոյականի (անկախ նրա հոլովից) համանիշը սեռական հոլովով նույն գոյականի մոտ զնելը: Այս ոճն առկա է նաև VII դարում: Օրինակ, Սեբեոսը բառի հետ զնում է համբաւ բառը, սուր-ի հետ՝ սուսեր-ը և այլն. օրինակ՝ «Իբրև լուան զլուր համբաւ նորա՝ ժողովեցան և գնացին» (էջ 66), «Իբրև լուաւ արքայն Խոսրով զլուր համբաւյն այնորիկ՝ ժողովեալ գումարեաց զամենայն բազմութիւն զաւըն իւրոց» (էջ 73):

Այսպիսի ավելադրությունն այնքան է հարազատ դասական գրաբարին, որ առանց ոճական այս հնարանքի դժվար է պատկերացնել V դարի գրաբարը, և այն կարող է համարվել ուսկեդարյան հայերենիտ տարրերակիշ հատկանիշներից մեկը: Սեբեոսն այս երեսույթն անազարտությամբ ու կիրառական զգալի հաճախականությամբ պահելով՝ իր աշխատանքը համեմել է դասական գրաբարի երանգով:

Գերազանցապես հանդիպում են բառական-անվանական այն ավելացրությունները, որոնք դրված են նույն հոլովով ու թվով, որով դրվել է տվյալ իմաստն արտահայտող բուն բառը։ Այսպիսի կիրառությունները կորցնում են Սեբեսի ոճի հակիրճությունը և ծանրաբեռնում այն. օրինակ՝ «Բակ նոքա և ամենայն զարն իբրև ոչ կարացին ընդդիմանալ արքունի հրամանին» ետուն զնա ի ձեռս նոցա. զոր կալեալ կապեցին զնա և տարան յանդիման թագաւորին» (էջ 139): Այստեղ «զոր»-ն արդեն ամեն բան ասում է և, հետևաբար, նա դերանունն ավելացրություն է։

Բայական ավելադությունը դրվում է նույն դեմքով, թվով, ժամանակով ու եղանակով, ինչով որ դրված է լինում բուն բայը՝ «Ած ջուր և եթեր զգետոյն և արկ ի գործ զամենայն վայրսն առապար» (էջ 20):

Երբեմն թվում է, թե ավելադրությունների գործածությամբ սաստկացվում է բառի իմաստը, բայց՝ ոչ. օրինակ՝ «Իսկ Պերովի արքային Պարսից, թէպէտ և կամեցաւ վերստին զաւրս գումարել ի վերայ աշխարհիս Հայոց, ո՛չ եղեւ նմա պարապ. զի Համբաւը թշնամիացն ստիպէին զնա ի կողմանցն Քուշանաց և յայնմ մարզէ» (էջ 26): Բերված քաղվածքում «կողմանցն Քուշանաց»-ին ոչինչ չի ավելացնում «յամմ մարզէ» արտահայտությունը: Մի օրինակ ևս՝ «Անդրէն ուխտ խաղաղութեան մերոյ, ասէ, հաստատուն կացցէ ի միջի մերում, զի երդուեալ եմ առ նոսա, զի նորա մի՛ մեռցին. այլ ետու տանել զնոսա ի մուտս արեու և յեզր երկրի, ի տեղին յայն, ուր արեգակն ի մայրն մտանէ» (էջ 13): Այստեղ, եթք արդեն կա «ի մուտս արեու» «արեւմուտք» իմաստով, «յեզր երկրի, ի տեղի յայն, ուր արեգակն ի մայրն մտանէ» մասն ավելադրություն է¹⁸:

Հետևյալ նախադասության մեջ՝ «Անազան ուրեմն և աւա յետ աւուց ինչ անցելոց աղդ լինէր ամենայն զաւրացն» (էջ 62) ավելադրություն է կա՞մ «անազան ուրեմն», կա՞մ «յետ աւուց ինչ անցելոց» մասը: Այսպիսի գործածությունը բավական հազվադեպ է:

Սեբեսը հաճույքով է դիմում «Եւ եղեւ»-ին (շուրջ 55 անգամ), որը ըստ Վ. Զալբյանի, երբայական ոճ է՝ «Եւ եղեւ ի են. ամի թագաւորութեան նոսրովայ... ապստամբեաց Վարդան» (էջ 26): «Եւ եղեւ ի նուազել

18 Այստեղ, փաստորեն, ունենք և բառակապակցական, և նախադասության (որոշիչ երկրորդական նախադասության) ավելադիր կիրառություն:

ժամանակաց տէրութեանն Արշակունեաց ի Հայաստան աշխարհի...
տիրէ ի վերայ սորա ազգն Կարքեղովմայեցի իշխանութեանն» (էջ 23):

Դասական գրաբարի ոչ բոլոր գործերում է, որ «Եւ եղե»-ն այսպիս-
սի առատ գործածություն ունի: Սերեսոն այս դեպքում ազդվել է Աստ-
վածաշնչից:

ԹՎԱՐԿՈՒՄ

Թվարկումը պատմիչի լեզվի ոճավորման էական միջոցներից է՝
«Եւ թէ ես յաղթեցից՝ երդուեալ ի մեծ աստուածն Արամազդ, և յԱրե-
գակն աւեր և ի կուտին, ի Հուր և ի Զուր, ի Միհր և յամենայն աստուածս,
իթէ ձեզ տուեալ լիցի իմ զՀայոց թագաւորութիւնն» (էջ 38): «Էկաւէն
և թիկունա փրեսանց արարին զամուրս աշխարհին Մարաց, զանտառս
խորանու, զվիհս, զլիմուս, և զխորանու դժնդակս... զժիր և զբաջ-
ազգացն զաւորդիւնս» (էջ 150): Վերջին նախադասության մեջ պարզ
երեսմ է, որ թշնամուն դիմագրավելու համար ոչ մի բանի առջև կանգ-
շեն առել և պաշտպանմել են՝ դիրքերն ամրացնելով ինչով որ հնարա-
վոր է եղել: Այս եղանակով տեղ հասցված միտքը, անկասկած, ավելի
տպավորիշ է:

Թվարկումը տեղի է ունենում տարբեր կերպ: Թվարկվող անդամ-
ները կարող են կապվել եւ շաղկապով. օրինակ՝ «Եւ եղե յետ մահուանն
Հայկայ առ Արամենակ զորդիս իւր և զբստերս իւր և զարս նոցա, և
զբորս հեթանեսին և զարս նոցա, զուստերս և զդստերս նոցա և զամե-
նայն արդիս իւր, և չոգաւ բնակեցաւ անդին յառաջնումն գաւառին» (էջ 5):

Թվարկման ժամանակ երբեմն հանդես են զալիս նաև դասական
թվականները. օրինակ՝ «Եւ այսորիկ են նախարարք և զաւրք, որ գնա-
ցին միաբանութեամբ հանդերձ իւրաքանչիւր զնդովք և դրաւշու ի դուռն
թագաւորին Պարսից Խոսրովու, յամի վեցերորդի թագաւորութեանն
նորա. Առաջին՝ Գագիկ Մամիկոնեան... Երկրորդն՝ Պապ Բագրատունի...
Երրորդն՝ Խոսրով Վահեունեաց տէր. շորորդն՝ Վարդան Արծրունի.
Էինզերորդն՝ Մամակ Մամիկոնեան. Վեցերորդն՝ Ստեփանոս Սիւնի.
Երեներորդն՝ Կոտիտ Ամատունեաց տէր, և այլք ընդ նոսա ի նախա-
րարաց» (էջ 58):

Թվարկումը, սակայն, կարող է ձանձրուցի պատճառել, եթե հեղի-
նակը հմտորեն չօգտվի նրանից: Դա առանձնապես նկատելի է, երբ

թվարկման շարքը շատ երկար է. օրինակ՝ «Եւ բազումք յառաքելոցն ընկալան զձեռնադրութիւն եպիսկոպոսութեան, որպէս զՅուստիանոս և զԵնանկիլտոս ի Հոռմ, և զԱնանիաս յԱղեքսանդրիա, և զՆմատն Կղէով-պեանց յԵրոսադէմ, գԴիոնէսիոս Արիսպազցի յԱթէնս և զմես ևս Դիոնէսիոս ի Կորթնոս, և զմիա Տիմոքէս յԵփեսոս, և զՏիտոս ի Կրետէս, և զՊատիկարայոս ի Զմիւնիա Ասիացւոց, և զԵտիփա, որ է Պետրոս՝ յԱնտիք, և Երանիոս Գալիեացի աշակերտ Պաւլիկարայուսի յԵկեղեցւոցն Լաւոդիկեցւոց։ Եւ այլ ևս անքի բազմութիւն սխանշելի Եպիսկոպոսաց և քահանայից և հոգեկիր ճարտասանից, Փիլիսոփայից և սխանշելի մանկանց եկեղեցւոյ, որք զՃշմարիտ հաւատու եկեղեցւոյ ըստ առաքելական ծայնին գրով դրոշմեցին յիւրաքանչիւր եկեղեցիս» (էջ 129):

ՈՃԻ ԱՅԼ ԱՌԱՆՉԱԾԱՏԿՈՒԹՅՈՒՆՆԵՐ

Սեբեոսը երբեմն նկարագրում է իրար արագ հաջորդող իրադարձությունները. Վերջիններիս դինամիկ զարգացումը մեծ մասամբ պայմանավորված է հեղինակի կողմից մատուցվող նյութով, նրա ներկայացման համար հատկապես հաջող ընտրված բայցերով ու գործողությունների սրբնթաց զարգացմամբ ու փոփոխմամբ, քան այն բանով, թե բայի ո՞ր ժամանակով կամ եղանակով է նկարագրվում գործողությունը։ Բերենք մի հատված, ուր սրբնթաց ու փոփոխմամբ գործողությունները զարգանում են և անցյալ անկատարով, և անցյալ կատարյալով, և գերբայական ձևով՝ «Եւ արձակեալ ի վերայ նորա արջ։ Եւ եղէ՝ իրու գիմեաց ի վերայ արջն՝ նա աղաղակեաց մեծածայն և ընթացաւ ի վերայ արջոյն, և զարկեալ բուամբ զՃակատն, և անդէն սատակէր զնա ի տեղուցն։

Երկրորդ անգամ արձակեցին ի վերայ նորա ցուլ։ Իսկ նորա բուռն հարեալ զեղջերացն ցլուն... և զաղաղակ հզաւրին... և յաւգնեալ ցուլն ի մարտին՝ գելոյր զպարանոցն և խորտակէր զերկոսին եղջիւրսն ի վերայ գլխոյն։ Բոլանայր ցուլն և յետս գնալով ի փախուստ դառնայր։ Իսկ նորա զհետ ընթացեալ՝ բուռն հարկանէր յագին և ի կճղակն աղդեր միոյ տոին նորա, և թափեալ զկճղակսն՝ մնայր ի ձեռին նորա։ Եւ ցուլն գնայր ի նմանէ փախստական, միով ոտամբն բոկ։

Դարձեալ երրորդ անգամ արձակեցին ի վերայ նորա առևէ։ Եւ եղէ՝ ի վերայ նորա յարձակել առիւծուն՝ այնպիսի փմն յաջողեալ նմա ի

տեառնէ, բուռն հարեալ յականց առիծուն՝ հեծաւ ի վերայ նորա: Եւ անդէն բուռն հարեալ զիոչափողիցն՝ խեղդէր զառեւծն և սպանանէր: Անդ աղաղակ բազում ամբոխին զերկիրն լնուին, և խնդրէին ի վերայ նորա ողորմութիւն ի թագաւորէն» (էջ 57):

Վ դարի գրաբարում սովորական է ու տարածված վերացական գոյականը թանձրացականի փոխարեն գործածելը: Այս երկույթը կա նաև Սեբեռուի լեզվում, բայց ոչ այն հաճախականությամբ, ինչ Վ դարի հեղինակների լեզվում՝ «Հաստատեաց զմիտս իւր ի վերայ բանիցն ստուքեան» (էջ 43): «Արկ ի գործ զիորամանկուրին իւրոյ շարուքեան» (էջ 121); «Եւ անդէն առաջի արկեալ զիւրեանց շարուքեան խորհուրդ, լնուլ կամեցեալ զերուսաղէմ ծայր ի ծայրէ արեամբ» (էջ 111):

Սեբեռու դիմում է նաև երկխոսությանը, որը ֆունկցիոնալ-պատմագրական ոճում բավական հազվադեպ երկույթ է: Ստորև բերվող հատվածում լավագույն ձեռվ երկում են ժողովրդական, կենդանի խոսքին հատուկ մի շարք առանձնահատկություններ՝ հակիրճություն, պարզություն, անմիջականություն, շարահյուսական պարզ կառուցվածք և այլն՝ «Պատասխանի ետ թագաւորն և ասէ. «Քահանա՞յ ես»: Ասէ եպիսկոպոսն. «Եթէ կամի Աստուած և ձեր փառք»: Ասէ թագաւորն. «Եւ զի՞նչ ես դու, որ ես՝ քո թագաւոր, և դո՞ք կաթուղիկոս և հայր մեր. և դու ոչ արժանի համարիս զիս ընդ քեզ հազորդութեանն, և ոչ զդա»: Ասէ եպիսկոպոսն. «Ես այր մեղաւոր եմ և անարժան, շեմ արժանի ընդ ձեզ հազորդութեան, բայց թէ Աստուած արժանի առնէք՝ ընդ ձեզ համարէի թէ ընդ Քրիստոսի ի սեղանոյ և ի նորին ձեռացն վայելեցայց»: Ասէ թագաւորն. «Թո՞ղ զայդ և զայս ասս: ինձ, եթէ դա Հայոց կաթուղիկո՞ս է, թէ ոչ»: Ասէ եպիսկոպոսն. «Այնպէս որպէս զսուրբն Գրիգոր»: Ասէ թագաւորն. «Ունի՞ս զդա կաթուղիկոս»: Ասէ «Այո՞»: Ասէ թագաւորն. «Հաղորդի՞ս ընդ զմա»: Ասէ. «Այնպէս՝ որպէս ընդ սրբոյն Գրիգորի»: Ասէ թագաւորն. «Իսկ այսաւը վասն է՞ր Հաղորդեցար»: Ասէ. «Բարերար թագաւոր, մեք զձեզ մինչ ի յորմս նկարեալ տեսանէաք՝ գողումն ունէր զմեզ, թող թէ ահաւասիկ դէմ յանդիման տեսանեմք, և բերան ի բերան խաւսիմք: Մեք-մարդիկ եմք տգէտ և տիմար, ո՞չ լեզու գիտեմք և ոչ դպրութիւն, բայց եթէ նախ ուսանիմք՝ և ի վերայ հասանիմք. այլ զբարերար հրամանսդ սրուժել ո՞վ իշխէ» (էջ 145):

Սեբեռու ոճի համար կարեոր նշանակություն ունի հատկապես հա-

մեմատությունը¹⁹: Առանց համեմատության մարդկային խոսքը շատ շոր կլիներ և, իմաստային նրբերանգների արտահայտման տեսակետից, շատ լավ կորցրած: Համեմատությունը մարդկային լեզվի համարեր աղն է, որից շահել է նաև Սեբեոսի լեզոն: Բերենք օրինակներ՝ «Ամեներեան սոքա սպառազէնք, ընտիրք պատերազմողք, վառեալք քաջութեամբ՝ իրեւ զնուր, որ ո՛չ զանգիտեն և ոչ զթիկունս դարձուցանէին» (էջ 38): «Վահրամն եկն եհաս փութանակի իրեւ զնոյանալ արծույ» (էջ 36):

Համեմատության հիմքը համեմատվող և համեմատելի անդամների միջև եղած նմանությունն է: Այդ նմանությունը կարող է լինել ներքին (մարդկային հոգաշխարհին, հոգեվիճակին վերաբերող) կամ արտաքին (մարդու, առարկայի, երևուցի արտաքինին, ձևին, տեսքին վերաբերող):

Սեբեոսը համեմատության համար դործածում է հատկապես իրեւ, քան, որպէս, այնպէս, ի նմանութիւն, նման, զարէն և այլ բառեր, որոնցից առավել շատ կիրառել է առաջին երեքը. օրինակ՝ «Ընկալաւ զնոսա իրեւ զսիրելիս բազատրութեանն» (էջ 116): «Դա է որդի թագաւորին՝ Մարդկայ, Թէոդոս, և արացես ի վերայ դորա ողորմութիւն, որպէս և հայր դորա ի վերայ քոյ» (էջ 73): «Ել ի նաև և էանց ընդ ծովն, և հապճեպ զնացեալ ի նմանութիւն բաշնոյ՝ եկն եհաս փութանակի ի Տայս» (էջ 117): «Եւ ահա զազանն երկրորդ նման արջոյ» (էջ 114): «Եւ աստ էր տեսանել զաղէտս տարակուտի, զարէն հիւանդաց, յորժամ տագնապեսցի ցաւն, և հատանիցի ի խաւայց՝ այնպիսի ինչ եղեն» (էջ 150):

Համեմատությունը հաճախ կառուցվում է ոչ թե պարզ նախադասության սահմաններում, այլ բարդ ստորագասականի, որի մեջ որպէս բառը գերազանցապես կատարում է հարաբերական բառի պաշտոն. օրինակ՝ «Ասէ. «(Հաղորդիմ— Գ. Բ.) այնպէս՝ որպէս ընդ սրբոյն Գրի-

19 Համեմատությունները կարող են կաղմվել տարբեր սկզբունքներով և ուղիներով, սակայն ոչ ամեմատության ճիշտ կառուցման համար,— գրում է Բ. Վ. Տոմաշևսկին, — անհրաժեշտ են հետևյալ տարբերը՝ առաջին՝ ի՞նչ է համեմատվում, երկրորդ՝ ինչ են և երրորդ՝ ինչ հատկանիշի հիման վրա է համեմատվում» (ընդգծումը հեղինակին է— Բ. Վ.) (տե՛ս Բ. Վ. Տոմաշևսկий, Стилистика и стихосложение, П., 1959, стр. 208—209).

Սա համեմատության կառուցման իդեալուկան վիճակն է, եթե կան համեմատության համար անհրաժեշտ անդամները:

գորի» (էջ 145): «Այնպէս արարեց՝ որպէս վայել է քո իմաստութեանդ» (էջ 146):

Համեմատության համար հետաքրքիր է հետևյալ օրինակը՝ «Իսկ միջնորդն միոյ ուրուք ու է. զի յերկոցունցն զմիութիւնն. որպէս յԱբրահամէ և ի Սառայէ իսահակ ծնեալ միաբանութեամբ: Այսպէս և Քրիստոս ի Հոգոյ սրբոյ և ի Մարիամայ ծնեալ մի բնութիւն» (էջ 127): Այստեղ համեմատությունն իրականացել է նախադասությունների զուգադրությամբ, ուր «որպէս յԱբրահամէ և ի Սառայէ իսահակ ծնեալ միաբանութեամբ» մասը համեմատության եղր է և՛ նախորդ, և՛ հաջորդ նախադասությունների համար:

Երբեմն գրողը կամ խոսողը ինչ-որ անցքերի կամ երևութների մասին պատմելով, նկատում է, որ թույլ է տվել ժամանակազրական, տրամաբանական հաջորդականության խախտում, բաց է թողել կարևոր պահեր: Նման դեպքերում «մոռացված» առվելիքը խոսքի մեջ մտցնելու համար գործածում են որոշ դարձվածքներ, կապակցություններ: Օրինակ, ժողովրդախոսակցական լեզվում գործածվում է՝ «Հա, շմոռանամ ասել, որ սրանից առաջ այսինչ բանը տեղի ունեցաւ» և ներկայացվում է ասելիքը: Նման դեպքում Սեբեռոսը առավելապես դիմում է համեմատության օգնությանը, ուր համեմատության երկու անդամներն իրար հետ կապվում են քան նախադրությամբ՝ «Սպանեալ զՍուրէնն մարզպան յանկարծաւրէն ի Դուին քաղաքի՝ առին զաւար բազում և գնացին ի ծառաբութիւն Յունաց:

Յայնժամ յառաջ քան զայս ապատամբեալ ի բաց եկաց ի Հայոց անուանեալ Վահան իշխան աշխարհին Սիւնեաց» (էջ 26—27):

Սեբեռոսը գործածում է նաև նկարագրության փոխաբերական միջոցներ: Սակայն բառի փոխաբերական գործածության դեպքերը չունեն կիրառական այն հաճախականությունը, ինչ համեմատությունները, համանիշ բառերը և այլն: Փոխաբերական կիրառությունների մեջ համեմատաբար մեծ տեղ են գրավում անձնավորումները, առաջ՝ պարունակվածը պարունակողի միջոցով արտահայտելու հնարանքը: Բերենք անձնավորման օրինակներ՝ «Եբաց ծովն զբերան իւր, և եկով զնոսա. և ոչ մնաց ի նոցանէ և ոչ մի» (էջ 149): «Զամենեսին եկեր հուռ ահազին» (էջ 94): «Եւ եկաց իսաշն տէրունական յաստուածակերտ քաղաքին մինչեւ ցմեսանգամ առածն երուսաղէմի յորդոցն իսմայլի, և ապա գնաց փախստական ի քաղաքն թագաւորանիստ հանդերձ ամենայն սպասիվ եկեղեցւոյն» (էջ 101—102):

Սեբեռոսի լեզվին բավական բնորոշ է պաղատ «պալատ» բառը ու

թե բառիս բուն իմաստով՝ «պալատ», «ապարանք», «ճարտարապետական կառուց» գործածելը, այլ նաև փոխաբերաբար՝ «պալատական», «պալատականներ» բովանդակությամբ կիրառելը. օրինակ՝ «Զոր առեալ արքայի ուրախ եղեւ ինքն և ամենայն պաղատն և արձակեաց անդրէն շնորհակալութիւն մեծ» (էջ 119): «Եւ նա զարմացեալ ընդ զաւրութիւն և ընդ պնդութիւն առնն և լուեալ պաղատանաց կնոշն և ամենայն պաղատոյն՝ հրամայեաց առնել ի վերայ նորա ողորմութիւն» (էջ 57):

Պաղատ բառի գործածությունն այս օրինակներում կարելի է գիտել որպես պարունակվածը պարունակողով արտահայտելու միջոց: Այդպիսի մի օրինակ է նաև հետևյալը՝ «Յայնժամ զարքն արքային Պարսից նստէր ի Կեսարիա Պաղեստինացւոց, և զարտավարն նոցա... խաւսէր ընդ Երուսաղէմի, զի կամաւք հնազանդեսցին ի ծառայութիւն» (էջ 82): Ուշադրություն է գրավում նաև հետևյալ նախադասությունը՝ «Թափեցին ի նոսա զկապարես իւրեանց» (էջ 75), այսինքն՝ նետերը:

Սեբեռսի լեզվում զգալի հաճախականությամբ հանդիպում է ամբողջը մասով արտահայտելու եղանակը. օրինակ՝ «Եւ նստաւ արքայ Կոստանդին ի Կարնոյ քաղաքի աւուրս ինչ» (էջ 142): Այստեղ, իհարկե, «Կոստանդին արքայ»-ով պետք է հատկանալ և՛ իրեն, և՛ նրա հետ եղած զորքի ամբողջ բաղմությունը:

Փոխարերությունը հաճախ լեզվին մեծ գեղարվեստական արտահայտչականություն է հաղորդում: Փոխարերաբար գործածված սոսկ մեկ բառով կարելի է արտահայտել որևէ միտք, բայց այնքան տպավորիչը ու խոր, այնքան ամբողջացնող, որ մի այլ բառով կամ նույնիսկ ամբողջական նկարագրությամբ մենք երբեք չենք ստանա այն, ինչ փոխարերությամբ ենք ստանում: Սա առանձնապես ակնհայտ է դառնում կենդանական աշխարհ նշող բառերի փոխարերական կիրառության մեջ՝ օրինարկ՝ «Անդ թագաւորն Խոսրով կայր ի մեծ վտանգի, և տեսանէր զմահ առաջի աշաց. զի զերծեալ էր ի բերանոյ առիւծու և անկեալ ի բերան²⁰ թշնամեաց, ուստի փախուստ ու գոյր» (էջ 37):

Այսպիսի բնութագրուամների մեջ հատկապես ընդգծված ձեռվ բացահայտվում է, շոշափելի դառնում հեղինակի ներքին վերաբերմունքը նկարագրվածի նկատմամբ. օրինարկ՝ «Ելլ ոչ դադարեաց վիշապն այն ապստամբ» (էջ 120): «Եւ սկսան զմնացեալ մարդիկ զարս ժողովել, և

20 Այստեղ բերան բառը նույնպես փոխարերաբար է գործածված:

գունդս գունդս կազմել, և թերեւ կարասցեն զերծանել ի ժանեաց վիշապին և դառնաշունչ գաղանէն» (էջ 151):

Բերված քաղվածքներում պատմիլը Մառերի նկատմամբ իսմայելական թագավորության վայրագությունը շեշտված ձևով ներկայացնելու համար գործածել է վիշապ բառը: Դեռ ավելին՝ իր վերաբերմունքն անմնացորդ կերպով արտահայտելու նպատակով վիշապին հարադրել է նաև գազան բառը և նույնիսկ մակդիրով՝ «դառնաշունչ գաղան», որն իր հերթին փոխարերություն է: Նրանց մի մասը (մասնավորապես՝ մարդու գաղանաբարո արարքները վիշապի միջոցով արտահայտելը և այլն) ժողովրդական մտածողության հիմք ունի:

Հարցական նախադասությունները սակավ են հանդիպում Սերեսով Պատմության մեջ: Եղածների մեջ զգալի թիվ են կազմում հոետորական հարցական նախադասությունները: Նրանք որևէ երկույթի նկատմամբ խոսողի վերաբերմունքի, մտորումների, դգացմունքի ավելի վառ արտահայտման լավագույն միջոցներից են. օրինակ՝ «Բայց աստուածութիւնն, որ յամենայն տեղուց է, և զինչ կամի զամենայն լինել կամ առնել ո՞չ կարէ, աստուածութիւնն զի՞նչ է» (էջ 125): «Երակլոս ցարդ յինէն փախստական գնայր. արդ եկեալ հասեալ եմ այսպիսի դինու, և նա յինէն ո՞չ փախսցէ» (էջ 94): «Ընդէ՞ր և ոչ դուք մեռարուք ի տեղուց պատերազմին, քան եթէ գալ առ իս. արդեօֆ զեռուրով մեռեա՞լ կարծէիք» (էջ 96):

Հոետորական հարցով արտահայտված միտքը (ինչպես բերված նախադասություններում, այնպիս էլ ցանկացածդ հոետորական հարցական նախադասությունում) կարելի է արտահայտել նաև պարզ պատմողական նախադասությամբ: Սակայն հենց որ փորձում ենք հոետորական հարցը փոխակերպել պարզ պատմողական նախադասության, անմիջապես տեսնում ենք, թե ի՞նչ է կորցնում լեզուն արտահայտչականության, գեղարվեստականության առումով²¹:

21 Այստեղից էլ իրավացի է Գ. Բ. Զահուկյանը (թեև չի գործածում «հոետորական հարց» կամ «ճարտասանական հարց» տերմինները, բայց նրա կողմից բերվող օրինակներից պարզ երևում է, որ խոսքը հենց հոետորական հարցի մասին է), որը խոսելով հարցական նախադասություններով հաստատումը և ժխտումը արտահայտելու հարավորության մասին՝ զրում է. «Եվ այս բոլորն այն պատճառով, որ մարդկային խոսքը, բացի անմիջական հաղորդակցման և իմացական կարիքները բավարարելուց, ձեռք է բերում գեղագիտական հաճույքը պատճառելու և, սրա հետ կապված, ուժեղ ներգործելու: գործառություն, որ երբեմն իմացականը մղում է երկրորդ պլանը» (տե՛ս Գ. Բ. Զահուկյան, ժամանակակից հայերենի տեսության հիմունքները», Երևան, 1974, էջ 359):

Հոետորական հարցական նախադասությամբ հնարավոր է արտահայտել տարբեր իմաստներ, բայց հիմնականում՝ հաստատում, ծըլստում, հեղինականություն:

Հոետորական հարցական նախադասության իմաստը դրակա՞ն, թե ժխտական ըմբռնելու հարցը կախված է այն բանից, թե հեղինակն իո՞մտքի զարգացման ի՞նչ հանգույցում է գործածել այն, ինչպիսի՞ն նախադասովթյուններ են նախորդում ու հաջորդում հոետորական հարցին և իմաստային ինչպիսի՞ կապ է ստեղծվում նրանց միջև։ Երբեմն հոետորական հարցն իր ներքին բովանդակությամբ, լեզվական միջավայրով նպաստում է հակադրության կառուցմանը, որը յուրովի կարող է բնութագրել այս կամ այն հերոսին, բացահայտել նրա էության որոշ կողմեր։ Օրինակ, Խոսրով արքան պատմում է՝ «Եցէ՞ ոք արդեաւք լեալ թագաւորաց աշխարհի, որ կարող է ըմբռնել զմեւ այլ թագաւոր զթշնամի իւր, զաւերիչ թագաւորութեան իւրոյ, և ոչ սպանցէ զնա և զընշեսցէ զամենայն արու յաշխարհէ նորա, այլ առնիցէ զնա յորդեգիրս...։ Այսպիսի պարգևս շնորհեաց ինձ Մարիկ թագաւոր հայր իմ» (էջ 42):

Ինչպես տեսնում ենք, «իցէ՞.... լեալ» հարցին կարելի է միայն ժխտական պատամխան տալ, որը բխում է հատվածի ընդհանուր բովանդակությունից։ Մյուս կողմից՝ ստեղծվում է յուրատեսակ հակադրություն, որովհետեւ բերված մեղադրանքների համար Մորիկը սպանելու էր նաև վերեռում բերված շարադրանքի հեղինակին, բայց չի սպանում։ Մրանով մասսամբ բնութագրվում է նաև Մորիկն իրու անձ, նրա բնավորությունը, արտահայտվում նրա վերաբերմունքը տվյալ անհատի նկատմամբ։

Երբեմն մի շարք ճարտասանական նախադասություններ, իրար հետ մեկ ընդհանուր մտքի թելով կապված, հաջորդում են միմյանց։ Այս եղանակով խոսքն ստանում է առանձնահատուկ ոճական երանդավորում, առավել ընդգծվում է խոսողի հաստատական կամ ժխտական վերաբերմունքը, հանդիմանությունը կամ հեղնանքը և այլն մեկի նկատմամբ։ Օրինակ՝ «Ո՞չ ապաքէն սպառեցի զծոյնս։ Եւ դու ասես վստահանալ յԱստուածն քոյ. վասն է՞ր ոչ փրկեցին զկեսարիա և զերուաղէմ և Աղեքսանդրիա մեծ ի ձեռած իմոց։ Միթէ և այժմ ո՞չ զիտես, եթէ զծով և զցամաք ինձ հնազանդեցուցի. իսկ արդ՝ միայն զկոստանդնուպալի՞ս ոչ կարացից բրել» (էջ 91):

Հաճախ բուն հարցական և ճարտասանական նախադասությունները գործածվում են կողք կողքի՝ «Ինքն նստեալ ի վերայ նաւու՝ կայր ի մէջ ծովուն և խաւէր ընդ նոսա այսպէս։ «Զի՞նչ կամիք առնել, կամ

է՞ր եկիք ի տեղիս յայս. մի՞թէ զծով իբրև ղցամաք համարիք՝ մարտըն-չել ընդ նմա» (էջ 90): «Մինչեւ յե՞րբ ոչ յագեսցի արեամբ. միթէ ո՞չ կա-րէին Հոռոմք սպանանել զնա և բառնալ զտէրութիմն Պարսից» (էջ 91): Հոհոտորական հարցը կարող է ուղղված լինել խոսողին, որով արտահայտ-վում է հեղինակի իսկ տարակուսանքը, ղարմանքը, ասելիքն ավելորդ համարելու միտումը և այլն՝ «իսկ արդ՝ զի՞նչ ևս զԱտատ Խոռիսոռունուց ասացից և զմիւսանգամ զապստամբութիւնն: Էր սա պատրիկ մեծ» (էջ 70):

Հոհոտորական հարցը կարող է հիմնավորել, պատճառաբանել իրեն նախորդող նախադասությամբ (կամ նախադասություններով) արտա-հայտված միտքը. օրինակ՝ «Արդարև անքնին են դատաստանք նորա, և առանց զննելոյ են ճանապարհք նորա: Զի՞ ո՞վ ժանեաւ զմիտս տեսան, կամ ո՞ խորհրդակից եղեւ նմա, կամ ո՞վ ետ նմա փոխ և հատուցանէ նմա, զի ի նմանէ են և նովաւ և ի նմա ամենայն» (էջ 84):

Ուսումնասիրվող երկի հոետորական նախադասություններում կի-րառության զգալի հաճախականություն ունի ո՞րշափ բառը՝ «իսկ արդ՝ զի եհան զմեղ Աստուած ի ծառայութենէ խաւարային իշխանութեանն և արժանի արար երկնաքաղաքացի թագաւորութեանդ, ո՞րշափ ևս առաւել քան զառաւել արժան է մեղ վայելել ի խաղաղութեան» (էջ 126): «իսկ եթէ նոցա այնպէս զողջախորհութիւնն համբուրեալ, ո՞րշափ ևս առաւել երկիւղիւ արժան իցէ և մեղ զառաքելականն կատարել դձայն» (էջ 135):

Տեղինակի լեզվում ոճական խիստ տարածված հնարանք է կրկնու-թյունը: Սեբեռոսի երկում հիմնականում հանդիպում են ա) նույն բառի կրկնություն, բ) նույն բառի բառաձևերի կրկնություն, գ) թե՛ բառի, թե՛ նրա բառաձևերի միաժամանակյա կրկնություն, դ) նույն կառուց-վածքով ու բավանդակությամբ բառակապակցությունների կրկնություն, ե) հաճախ գրեթե նույն բառերով կազմված նախադասությունների կրկնություն: Սեբեռոսն ամենից հաճախ կիրառում է բառական կրկնությունը:

Ոճական այս հնարանքի ճիշտ օգտագործումը լեզվին հաղորդում է թարմություն, նպատակի ու ասելիքի ընդգծվածություն, երեմն է՝ հուզականության շեշտում և այլն:

Հաճախ կրկնությունն անհրաժեշտություն է, երբ նախապես տըր-վում է նրա նախադրյալը՝ «իսառնեցան քնդ միմեանս, և բաժանեցան ի շորս մասունս: Մասն մի այն՝ որ ի Հնդկաց կողմանէն. մասն մի այն՝ որ ունին զԱսորեստանն և զկողմանս հիւսիսոյ. մասն մի այն՝ որ

յԵղիպտոս և ի կողմանս թետալացւոց, մասն մի ի կողմանս Տաճկաց» (էջ 155): Բերված քաղվագրում «մասն մի»-ի կրկնման համար նախադրյալ է ծառայում նախաղասության սկզբում գրված «բաժանեցան ի չորս մասունս» արտահայտությունը:

Երբեմն կրկնվում է ենթակա-գոյականը, իսկ բայերն արտահայտվում են համանիշներով: Նման դեպքերում, ասես, յուրովի կրկնվում է նույն միտքը, որն ավելի է ուժեղացնում հաղորդված իմաստը՝ «Եւ սաստկացաւ պատերազմն ի վերայ երեսաց երկրի, և խմբեցաւ պատերազմն յոյժ» (էջ 27):

Կրկնությունը հաճախ բարեհնչունություն է առաջացնում և ոճականություն արդարացվում է նաև մասսամբ որպես ակիտերացիա. օրինակ՝ «Շամիրամ.... կամեցաւ առնել ընդ նմա բարեկամութիւն.... զի ո՞չ գտանէր յայնմ ժամանակի նման նորա այր ոք ամենեին՝ այր պատկերացուս» (էջ 6):

Ակիտերացիայի և իմաստի ընդգծման լավ հնարանք է նույն արմատից կազմված բառերը (գոյականներ, բայեր) կամ բառն ու նրա՝ Ժխտական ածանցով ածանցված ձեզ նախադասության մեջ, մի հատվածում իրար մոտ կրկնելը. օրինակ՝ «Հայր գիտութիւնց և Աստուած ամենայն միխրաբուրեանց, որ միխրաբեաց զմեկ միխրաբուրեամբ բազմաւ» (էջ 84): «Անտեսանելին ոչ երկը, այլ ի տեսանելումն տեսանէին զանտեսաննելին. զի ի տեսանելումն՝ հայրենի բնութիւնն աստուածային և մայրենի բնութիւնն մարդկային» (էջ 127): «Զի անմարմինն մարմնանայր, և անտեսանելին տեսանիւր, անշաշափելին շաշափիւր, պնդամանակն ակսանիւր, որդին Աստուծոյ որդի մարդոյ լինէր» (էջ 128):

Ուշադրության է արժանի Սեբեոսի հետևյալ վկայությունը՝ «Նոքազարհուրեալ խաւսեցան ընդ նոսա, նախ՝ ի խաղաղութիւն, ասացին ոչ ունել պատերազմ, այլ թողով զբերդն և երբալ խաղաղութեամբ» (էջ 75): Սեբեոսը սովորաբար գործածուած է «ի խաղաղութիւն»: առանց այսպիսի լրացուցիչ բացատրությունների՝ «Զի ոչ ուստեք գոյր նոցա ակնկալութիւն փրկութեան՝ խասեցան ի խաղաղութիւն» (էջ 77):

Երբեմն որոշ բառեր կրկնվում են, երբ պատմիչը մի անգամ ասվածը ձգտում է հաստատել, հիմնավորել մի օժանդակ աղբյուրի վկայակոչման և մեկնաբանման պատճառով. օրինակ՝ «Նոցին ի հիւսիսոյ կողմանէ, ի մեծ և յահագին անալպատէ, ուրանաւը Մովսէս և որդիքն իսրայելի բնակեալ էին, զոր ասաց մարգարէն, եթէ. «Որպէս մրրիկ ի

Հարաւոյ ընթասցի, յանապատէ գնացեալ յահեղ տեղւոցէ», այն է անապատն մեծ և ահազին» (էջ 138):

Որոշ բառերի կրկնումը հաճախ լեզվին կարող է հանդիսավորություն հաղորդել, որով, ըստ հեղինակի, հնարավոր է լինում արժանին մատուցել արժանավորին. Օրինակ՝ «Երանելի սրբոյն Գրիգորի կնքեալ մատանեալ իւրով և մատանեալ երանելոյն Սահակայ Հայոց կաթողիկոսի, զոր նա ոչ համարձակեցաւ բանալ; Եւ կնքեալ իւրով ևս մատանեալ, որ արժանի իսկ էր կնքել զայսպիսի մարզարիտ երից հաւատարմաց երրորդ մատանեալ իւրով» (էջ 89):

Կրկնությունը գեղեցիկ միջոց է, բայց միշտ չէ, որ գեղեցկացնում է հեղինակի ոճը: Քիչ շեն փաստերը, երբ այն պատմիչի լեզուն դարձնում է միապաղաղ, ձանձրալի: Այս նկատելի է հատկապես նա դերանվան կրկնության ժամանակ: Վերջին դեպքում երբեմն նույնիսկ ինչ-որ չափով դժվար է լինում մի անգամից որոշել, թե նա դերանվամբ հեղինակն ո՞ւմ նկատի ունի. Օրինակ՝ «Իսկ նորա տեսեալ խնդութեամբ ընկալաւ զնա, և ձգեաց առ նա զձեռն իւր. և նորա համբուրեալ զձեռն նորա՝ անկաւ ի վերայ երեսաց իւրոց» (էջ 69): «Եւ եղեւ մինչդեռ երթային նորա՝ ի դիմի հարաւ սոցա մի ոմն ի փուշտիպանաց արքայի» և ըմբռնեալ (տպված է՝ ըմբռեալ — Գ. Բ.) զնա՝ առին գնացին ընդ իւրեանս. և սպառնացաւ նմա Մուշել երդմամբ, զի եթէ ոչ պատմեսցէ նմա զեղեալն վասն նորա խորհուրդ՝ մեռցի» (էջ 45):

Հեղինակը ոճական տաղտկությունից կարող էր ազատվել զանազան միջոցներով: Բերենք մի վկայություն, ուր այդ հաշողվում է անել նրան՝ «Զի՞նչ է նոցա միաբանութիւնն այն և խորհուրդն. կամ զի՞ իսկ իշխեցին համարձակարար արձակել առ քեզ զայսպիսի բանս» (էջ 115):

Հայտնի է, որ իշխեմ բայն ունի նաև «համարձակվել» իմաստը (այդ իմաստով էլ գործածված է բերված նախադասության մեջ): Գրաբարում կա նաև համարձակիմ բայր: Սակայն, հեղինակը համարձակարար մակրայի մոտ չի դնում համարձակեցան բայաձեր՝ որպեսզի ոճը շծանրանա: Պատմիչը հմտորեն խուսափել է դրանից և գործածել է իշխեմ բայր համարձակիմ բայրի իմաստով: Դրանից Սեբեոսի ոճը միայն շահել է:

Սեբեոսի ոճն առավել սառը, ճապաղ է դառնում առանձնապես այն ժամանակ, երբ մի փոքրիկ հատվածում կրկնվում են միանման կամ նույն կապակցությունները, նախադասությունները, արտահայտությունները: Այս առումով կարելի է նշել Սեբեոսի Պատմության հատկապես

Ֆրբեմնի Ա., թ դպրություններ կոչված հատվածները: Բերենք տաղառով ոճի օրինակներ՝ «Եւ Մագիստրոս էր իշխան զաւրուն որ յայնմ կողմանէ և սիրելի ամենայն զաւրացն: Եւ Սմբատ էր իշխան զաւրու Թրակացոց իշխանացն» (էջ 139): «Իբրև գնացին նորա յերկիրն որ կոչի կոմշ.... Հասին ի գետն, որ կոչի Խելկեանդ» (էջ 62): «Յամի չորրորդի Կոստանդեայ և յերրորդի ամի Արշակայ թագաւորեաց Պարսից Որամազդ որդի Շապհոյ ամս Դ: Կոստանդիաս և Կոստաս՝ Դ: Որամազդ՝ դպաւչինն:

Յամի Զ-երրորդի Արշակայ արքային Հայոց թագաւորէ ի վերայ Պարսից Շապուհ որդի Որամազդայ՝ ամս Հ: Կոստանդիաս և Կոստաս՝ Է-երրորդն: Արշակ՝ Զ-երրորդն: Շապուհ՝ զառաջինն» (էջ 17):

Կրկնությունների մի մասն այստեղ արդարացվում է մատուցվող նյութի բովանդակությամբ: Բայց զրանք ինչպիսի պատճառ էլ որ ունենան, այնուամենայնիվ, Սեբեոսի ոճին ձկունություն չեն հաղորդում:

Որոշ զեպքերում Սեբեոսի լեզվում կրկնությունը ազդեցության արդյունք է: Բերենք Եւ շաղկապի կրկնման օրինակներ, որոնք Աստվածաշնչի ոճի ազդեցության հետևանք են՝ «Եւ Հայկն դարձաւ ի տեղի իւր. և շոգաւ կալաւ Հայկն զերկիրն Արարադայ, և բնակեցաւ անդրէն ազգաւ իւրով մինչև ցայժմ» (էջ 5): «Սա ծնաւ զԲագամ և զԲագարատ. և Բագարատ ծնաւ զԲիւրատն. և Բիւրատ ծնաւ զԱսպատ» (էջ 6):

Հանդիպում է նաև ոճական աստիճանավորման եղանակը, որն իմաստային երանգների և հերոսի հոգեկան վիճակի արտահայտման միջոցներից մեկն է՝ «Անդ թագաւորն Խոսրով կայր ի մեծ վտանգի, և տեսանէր զմահ առաջի աշաց. զի զերծեալ էր ի բերանոյ առփւծու և անկեալ ի բերան թշնամեաց, ուստի փախուստ ոչ գոյր» (էջ 37): Այստեղ շատ հաջող կերպով ներկայացված է Խոսրովի հոգեվիճակը: Տըլյալ աստիճանավորման մեջ լոելյայն ունենք համեմատություն՝ թշնամին առավել վատթար է, քան ահեղ առյուծը (իհարկե, առյուծ բառն իր հերթին գործածված է փոխարերաբար՝ ակնարկելով մի այլ թշնամու):

Ոճավորման համար պակաս արժեք չեն ներկայացնում նաև հակադրությունները: Ահա մի քանի օրինակներ՝ «Տեսոն Աստուծոյ մերում արդարութիւն, և մեր ամաւթ երեսաց» (էջ 87): «Եւ Յովհանն ընդ նոսս հաղորդեալ միաւորեցաւ, բայց Մովսէս ամենակին ոչ լինէր ի նոսս հուս» (էջ 55): «Ասպատակ արարեալ Շահենայ՝ արշաւեաց ի կողմանս արևմբարից և գնացեալ ի Կեսարիա Կապադովիկացւոց. իսկ բնակիչք քաղաքին քրիստոնեայք ելին ի քաղաքէն և գնացին. բայց Հրեայքն ընդ առաջ երթեալ հնազանդեցան ի ծառայութիւն» (էջ 79):

Հետեւալ հակադրությամբ Սեբեռսն արտահայտել է իր հեղնական վերաբերմունքը՝ «Աստուածոց պատուական և ամենայն երկրի տէր և թագաւոր և ծնունդ մեծի Արամազդայ Խոսրով՝ առ Երակլէս անմիտ և անպիտան ծառայդ մեր» (էջ 91):

ՍԵԲԵՌՍԻ ՎԵՐԱԲԵՐՄՈՒՆՔՆ ԻՐ ՕԳՏԱԳՈՐԾԱԾ ՍԿԶԲՆԱՂԲՅՈՒՐՆԵՐԻ
ԼԵԶՎԻ ՆԿԱՏՄԱՄԲ

Սեբեռսն իր Պատմությունը գրելիս օգտվել է Մ. Խորենացուց, Ստ. Տարոնացուց, Աստվածաշնչից և այլ աղբյուրներից: Նա գրեթե միշտ շատ ազատ է վարպել բնագրերի նկատմամբ: Նա ավելի հարազատ է մնացել Աստվածաշնչի լեզվին, որից հաճախ քաղվածքներ է բերում: Օրինակ, Սեբեռսը 87-րդ էջում Աստվածաշնչից բերում է հետեւալ քաղվածքը՝ «Միսիթարեցէք, միսիթարեցէք զժողովուրդ իմ, ասէ Աստուած. քահանայքդ խասեցարո՛ւք ի սիրտ Երուսաղէմի եւ միսիթարեցէք զդա, զի լի եղեւ տառապանաւք»: Սա բառացի մեջբերում է եսայի մարգարեւությունից (գլխ. 40, № 1):

Նույնիսկ 325 թվականին Նիկիայում ընդունված «Հայվատքի հանգանակը» Սեբեռսի երկում բերված է բառերի հավելումով ու որոշ փոփոխությամբ: Ավելին, այլ տեղերում նկատվում է նաև շփոթ: Օրինակ, պատմիչը գրում է՝ «Մեկ զՊաւզոսին ասասցուք. «Ո՞րպէս մեծացան գործք քո, տէր. զամենայն իմաստութեամբ արարեր» (էջ 34): Այս տողերը, սակայն, Պողոս առաքյալինը չեն, այլ Սաղմոսների գրքինը՝ «Որպէս զի՞ մեծ են գործք քո, Տէր, զամենայն ինչ իմաստութեամբ արարեր» (Գիրք սաղմոսաց, ձ՛ֆ, 24):

Հայկի և Բելի առասպելն առաջին անգամ գրի է առել Մ. Խորենացին: Սեբեռսը ևս անդրադարձել է այդ առասպելին: Առասպելի շարադրման տրամաբանական հաջորդականությունը երկու պատմիչների լեզվում էլ համարյա նույնն է, բայց Սեբեռսն ունի երկխոսության մի հատված, որը չկա Խորենացու «Հայոց պատմություն» գործում: Բերենք այդ հատվածը՝ «Զտեղի կալաւ Հայկն և ասէ ցնա. «Զի՞ պնդեալ դաս զհետ իմ. դարձի՛ր անդրէն ի տեղի քո, զի մի՞ մեռանիցիս այսաւը ի ձեռաց իմոց. քանզի ոչ վրիալի նետ իմ իմիք»: Պատասխանի ետ Բէլ, և ասէ. «Վասն այնորիկ, զի մի՞ անկցիս ի ձեռս մանկուոյ իմոյ և մեռանիցիս. այլ ե՛կ ի ձեռս իմ, և կեա՛ց ի տան իմում խաղաղութեամբ, ունելով ի գործս զմանկունս ի տան իմոյ զորսականս»:

Պատասխանի ետ նմա Հայկն և ասէ. «Շո՛ւն ես դու և յերամակէ

շանց՝ դու և ժողովուրդ քո: Եւ վասն այնորիկ թափեցից իսկ այսաւը ի քեզ զկապարձն իմ» (էջ 4):

Խորենացու ոճն ավելի կուռ է, մշակված, գրական, իսկ Սեբեոսի ոճը թողնում է զրուցապատումի տպավորություն: Սեբեոսը, սակայն, շարադրանքի գեղարվեստականության մեջ երբեմն ինչ-որ չափով, ասես, մրցում է Խորենացու հետ՝

Խորենացի

Սեբեոս

«Զայս իմացեալ աղեղնաւորին Հայկայ՝ յառաջ վարէ զինքն, մօտ հասանէ յարքայն, լի քարշէ զլայնալիձն, դիպեցուցանէ զերքթեսեանն կրծից տախտակին, և շեշտ ընդ մէջ թիկանցն թափանցիկ լեալ՝ յերկիր հարստի սլաքն. և այսպէս ճոխացեալն Տիտանեան կործանի յերկիր զարկուցեալ, և փշէ զոգին: Իսկ ամբոխն տեսեալ զայսպիսի ահագին գործքաջութեան՝ փախեան իւրաքանչիւր դէպ երեսաց իւրոց» (էջ 36—37):

«Եւ Հայկն Սբեթայն մերձեան նայր և ունէր ի ձեռին իւրում զաղեղն, որպէս հեծան հզաւը մայրափայտեայ: Եւ Հայկին զտեղի կալեալ ընդդէմ նորա աղեղամբ: Եւ կանգնէ զկապարձն ի գետնոյ ընդ ինքեան յաւզ սկայաւրէն կամարին, և ընդ գիրկս մտեալ՝ զաւրութեամբ հարկանէ նետիւ զտախտակս երկաթիս, և ընդ պլողնձի վահանն ի թափ անցուցանէ ընդ մաեղէն արձանն, յերկիր խարսխեալ վտարեալ նետն. և վաղվաղակի յերկիր կործանեալ զաստուածակարծեալ հսկայն. և զաւրք նորա փախստական լինէին» (էջ 5):

Խորենացու բնագրում նույնիսկ Հայկին բնութագրող որոշ մակդիրներ ու բառեր՝ «կորովածիդ հաստաղեղն», «գեղապատշաճ և անձնեայ, քաջագանգուլ», խայտակն և հաստաբազուկ» և այլն չկան Սեբեոսի Պատմության մեջ:

Սեբեոսը նույն ձևով է վարվում նաև Արա Գեղեցիկին ու Շամիրամին վերաբերող լեզենդի հետ: Խորենացու կողմից Շամիրամին տրը-ված «կաթուն Շամիրամ» (էջ 52), «վաւաշն այն և բորբորիտոնն Շամիրամ» (էջ 48) և այլ բնութագրումներ չենք գտնում Սեբեոսի երկում: Ամբողջ առասպելի մեջ, լեզվական առումով, երկու պատմիչների շառագրանքում մի երկու տեղ միայն շատ թե քիչ նույնություն կա:

1. Պատմիչի լեզվում թեև շատ կողմերով պահպանվում են դասական գրաբարի ձևաբանական, շարաջյուսական ու ոճական առանձնահատկությունները, բայց նրանում կան նաև զգալի շեղումներ: Նա մի կողմից հենվում է դասական գրաբարի, մյուս կողմից՝ ժողովրդախոսակցական լեզվի իրողությունների վրա:

2. Պատմիչը գործածել է շուրջ 2570 բառ, որոնց մի մասն առաջին անգամ կիրառվել է հենց Սեբեոսի կողմից:

3. Զգալի թվով բառեր հեղինակի կողմից կիրառվել են նաև նոր իմաստներով:

4. Հանդիպում են ժողովրդախոսակցական լեզվին բնորոշ բառեր, իսկ մի քանիսը բարբառային բառեր են:

5. Ակնառու է քանակական և դասական թվականների գրության ստարբերակների առատությունը, որը հատուկ չէ դասական գրաբարին:

6. Հոլովվող, խոնարհվող բառերի հարացուցներում առկա շեղումները վերաբերում են ոչ թե ողջ հարացուցներին, այլ՝ հարացուցների այս կամ այն անդամին:

7. Հեղինակի կողմից նախդիրներն առավելապես գործածվել են եզակի հայցական հոլովի հետ: Նկատելի են նախդրի ու նախադրության յուրօրինակ կիրառության դեպքեր:

8. Պատմիչը, լեզվական առումով, գրեթե ազատ է վարվում իր կողմից օգտագործված սկզբնադրյուրների նկատմամբ:

9. Պատմիչի ոճն առավելապես գործառական-պատմագրական է, բայց կան նաև այլ ոճերի տարրեր:

10. Ոճական առումով Սեբեոսի լեզուն առանձնանում է պատկերավորման, արտահայտչական միջոցների վարպետ կիրառմամբ, ինչպես նաև բառապաշտարի յուրօրինակ ընտրությամբ:

11. Սեբեոսի Պատմությունը մեծ արժեք է ներկայացնում ոչ միայն իբրև պատմական հավաստի աղբյուր, այլև՝ լեզվառնական առումով:

ՕԳՏԱԳՈՐԾՎԱԾ ԱՂԲՅՈՒԲԵՐ

- «Ազաթանգեղայ Պատմութիւն Հայոց», աշխատութեամբ Դ. Տեր-Մկրտչեան և Ստ. Կառնայիանց, Տիգիս, 1909:
- «Գիրք Աստուածաշունչը Հին և Նոր կտակարանաց» ըստ Ֆիարան վաղեմի գրչադրաց մերոց և յոյն բնագրաց, Վենետիկ, 1860:
- «Եղնկայ Կողբացոյ Բագրեանդայ եպիսկոպոսի Եղծ աղանդոց», Վենետիկ, 1826:
- «Եղիշէի Վասն Վարդանայ և Հայոց պատերազմին», ի լոյս աժեալ բազմատութեամբ ձեռագրաց աշխատութեամբ ե. Տեր-Մինասիան, Երևան, 1957:
- Կորին, Վարք Մաշտոցի, բնագիրը ձեռագրական այլ բնթերցվածքներով, թարգմանությամբ, առաջարանով և ծանոթագրություններով ի ձեռն պրոֆ. դոկտ. Մանուկ Արեղյանի, Երևան, 1941:
- «Ղազարայ Փարպեցոյ Պատմութիւն Հայոց և Թուղթ առ Վահան Մամիկոնեան», Տիգիս, 1904:
- «Մովսիսի Խորենացոյ Պատմութիւն Հայոց», աշխատութեամբ Մ. Աբեղեան և Ս. Յարութիւնեան, Տիգիս, 1913:
- «Պատմութիւն Սերէսի Եպիսկոպոսի ի Հերակլն», ի Կոստանդնուպոլիս, 1851:
- «Սերէսի Եպիսկոպոսի Պատմութիւն», շորորդ տապագրութիւն, բազմատութեամբ ձեռագրաց, Հանդերձ առաջարանիւ և ծանոթութեամբ ի ձեռն Ստ. Մալխասիանց, Երևան, 1939:
- «Փատուսի Բուլանդացոյ Պատմութիւն Հայոց», Ս. Պետերբուրգ, 1883:
- Ա. Սելյոյան, Ռսկե վազերի մէջ, Երևան, 1958:
- Դ. Գեմիրեյան, Երկերի ժողովածու, հ. 4, Երևան, 1957:
- Վ. Վարուժան, Բանաստեղծություններ, Երևան, 1955:
- Ե. Զարենց, Ընտիր երկեր, Երևան, 1954:
- Հ. Քումանյան, Երկեր, հ. Երկրորդ, Երևան, 1958:
- Հ. Քոչար, Սպիտակ գիրքը, Երևան, 1965:
- Ս. Խանզադյան, Քաջարան, Երևան, 1965:
- Քաֆֆի, Երկերի ժողովածու, հ. 3, Երևան, 1955, հ. 5, Երևան, 1956:

**ՀՈՎՀԱՆՆԵՍ ՄԱՄԻԿՈՆՅԱՆԻ
«ՏԱՐՈՆԻ ՊԱՏՄՈՒԹՅՅԱՆ» ԼԵԶՈՒՆ ԵՎ ՈՃՐ**

Ն Ե Ր Ա Շ Ո Ւ Թ Յ Ո Ւ Ն

Ինչպես ամեն մի լեզվի, այնպես էլ հայերենի ընդհանուր պատմական քննության, նրա այս կամ այն հատվածի կոնկրետ ուսումնասիրության դեպքում պետք է առաջնորդվել որոշակի շրջաբաժանմամբ։ Հայոց լեզվի զարգացման պատմական ընթացքը մի շարք հայագետների կողմից ենթարկվել է առանձին շրջաբաժանման։ Մեր օրերում հայ լեզվաբանության մեջ գիտական ընդունելություն է գտնել և ուղենքային է համարվում Գ. Զահուկյանի կողմից կատարված հայոց լեզվի զարգացման պատմության ամբողջական շրջանաբաժանումը, որը հիմնվում է հայոց լեզվի և նրանով հաղորդակցվող հանրության պատմության ձիւտ ըմբռնման, ինչպես նաև այդ նույն լեզվի ընձեռած փաստերի և սրանց մշակմանը նվիրված աշխատությունների տվյալների վրա¹։

Այս շրջանաբաժանման մեջ ութերրորդ դարի հայերենը հաջորդող երեք դարերի հետ միասին բնութագրվում է իբրև հին հայերենի նախամիջին ենթաշրջանի լեզվական վիճակ։ Այս ենթաշրջանը նույնպես ունենալով գրական և խոսակցական տարրերակներ, այնուամենայնիվ համակարգային լեզվավիճակների շղթայի օղակ է դառնում հին հայերենի դասական, ետքասական ենթաշրջանների և միջին հայերենի շրջանի համար։

Լեզվի պատմության առանձնահատկությունների քննությունը ցիկարող ամբողջական լինել, եթե գրական և խոսակցական տարրերակների առանձնահատկությունների, սրանց միջև կատարված և կատարվող տեղաշարժերի հետ միասին հաշվի շառնվեն նաև գործառական ոճերի և ընդհանուր լեզվի փոխհարաբերությունները։

Այս տեսակետից, ինչպես դասական գրաբարի ենթաշրջանում, այնպես էլ հայոց լեզվի հաջորդ ենթաշրջաններում անհրաժեշտ է գրա-

1 Գ. Զահուկյան, Հայոց լեզվի զարգացման փուլերը, Երևան, 1964։

կան և խոսակցական (այլև՝ բարբառային) տարբերությունների կողմանը համարավոր գոյության տեղ հատկացնել ոճական ուղղությունների և ֆունկցիոնալ ոճերի համար:

Գ. Զահուկյանը հայոց լեզվի պատմության խնդիրների մեջ որոշակի տեղ է հատկացնում նաև ոճերին. «Ունական տարբեր սիստեմների պատմությունը ևս պետք է մտնի Հայոց լեզվի պատմության շըրջանակների մեջ՝ ավելի պարզ դարձնելով զրական լեզվի փոփոխությունների կամ խոսակցական հիմքից հեռանալու կոնկրետ պատմությունը»²:

Ա. Այտընյանը «Քննական քերականություն» աշխատության մեջ, հայերենի վերլուծության ուրուն հալեցակետով ցուց է տալիս, որ դասական գրաբարը ընդամենը հիսուն տարում գրական լեզվի օրինաշափությունների կողքին ի հայտ է բերում մի շարք այլ առանձնահատկություններ: Ա. Այտընյանին առավել ևս հետաքրքրում էր հին հայերենի դասական վիճակի մեջ եղած «քերականական մասնավորությունների» և նրանց հետագա զարգացման քննությունը, որին և նվիրված է նշված աշխատության «Նախաշավիղը»: Ա. Այտընյանը գտնում էր, որ «մեկ կողմանէ դպրաց դատու մը տկար եղեգներուն յեցած աղնուագոյն լեզուն իւր գոյութիւնը հաստատ բռնել կը ջանար, միւս կողմանէ ժողովրդական բազմութիւնն իւր ցածրագոյն բարբառը՝ նորանոր փոփոխութիւններով ու աղաւազութիւններովը մէկտեղ կը շարունակէր»³:

Եթե մի այնպիսի համակարգի ներսում, ինչպիսին որ է դասական գրաբարը, բացահայտվում են խոսակցական և գրական ենթահամակարգերի տարբերություններ, ոճերի բազմազանություններ⁴, ապա լեզվահամակարգի շուրջ երեքհարյուրամյա զարգացումը, բնականաբար, կարող էր խորացնել հնչյունական, բառային-բառակազմական, քերականական երեսութների, ինչպես նաև ֆունկցիոնալ ոճերի տարբերությունները:

Ութերորդ դարի հայերենը դասական գրաբարի զարգացման հե-

2 Գ. Զահուկյան, նշվ. աշխ., էջ 28:

3 Ա. Այտընյան, Քննական քերականություն աշխարհաբար կամ արդի հայերեն լեզվի, Վիեննա, 1866, Նախաշավիղ, էջ 48:

4 Ա. Այտընյան, նշվ. աշխ., էջ 3—334, Հ. Գարբենյան, Մաշտոցյան լեզուն, ՀԱ, Վենետիկ, 1913, էջ 719—723, Գ. Գալեմյարյան, Ասկեղարյան և ոչոսկեղարյան հայերենը, ՀԱ, Վենետիկ, 1893, էջ 257—272, Խ. Բյուգանդացի, Կորյուն վարդապետ և նորին թարգմանությունք, Տիգիս, 1900, Խ. Ալիբենյան, Դասական հայերենը և Վիեննայի Միհթարյան դպրոցը, Վիեննա, 1932, էջ 49—55, Հ. Անառյան, Հայոց լեզվի պատմություն, հ. 2, Երևան, 1951, էջ 76—94:

տագա դրսեորումներից է, աշքի է ընկնում ոչ միայն գրական և խոսակցական ենթահամակարգերի, այլև առանձին ֆունկցիոնալ ոճերի տարբերություններով, որոնք հիմնականում բխում են ժամանակի խոսակցական (թերևս նաև բարբառային) ոլորտներից, ֆունկցիոնալ ոճերի առանձնահատկություններից, հիմնավորվում են այս դարից ավանդված և մեզ հասած մատենագրական երկերի համապատասխան իրողություններով։ Ավելացնենք նաև, որ ֆունկցիոնալ ոճերի գոյացման մեջ նշանակալից է մատենագրական երկերի հեղինակների ոճական անհատականության դերը։ Այս տեսակետից ութերորդ դարից մատենագրության մեջ առանձնահատուկ տեղ է գրավում Հովհաննես Մամիկոնյանի «Տարոնի պատմություն» երկը։

Բովանդակության տեսակետից Հ. Մամիկոնյանի «Տարոնի պատմությունը» ժողովրդական զրուցների, վիպական պատմությունների ժողովածու է։ Ինչպես նշում է Մ. Աբեղյանը, «Մի կողմ թողնելով ՎարդՊատրիկի կողմ՝ Մարիամի մասին պատմածը և վերջին երկու հատվածները՝ Ծիծառնա խաչի և Տիրանի մասին, որոնք առանձին զրուցներ են, մնացածն, ինչ որ պատմում է Հովհան Մամիկոնյանն իբրև «Տարոնի պատերազմ», կամ երկրորդ հին վեպի մնացորդներ են, կամ տեղական զրուցներ, որոնք խմբված են եղել «Պարսից պատերազմի» շուրջը և կապված են եղել այդ պատերազմը վարող հերոսներից՝ մեկի անվան հետ։ Անշուշտ, որոշ տեղերում երևում են նաև խմբագրողի հավելումները, ինչպես են՝ խոտաճարակների աղոթքը (էջ 16), գլուխների վերջում (էջ 28, 29, 43, 49) տրված տեղեկությունները և Կարապետի վանքի մասին, վանահայրերի հաջորդությունը, այլև շատ տեղերում ավելացրած կրօնական բովանդակությամբ կտորներ։ Բայց ամբողջն ընդհանրապես ժողովրդական է»⁵։

Միանգամայն գիտական և ընդունելի համարելով Մ. Աբեղյանի վերոհիշյալ տեսակետը, իբրև հավելում կարելի է նշել նաև այն, որ պատմության բուն մասը՝ իրոք ժողովրդական զրուցներն ու պատմությունները (ի հակադրություն մյուսների), պարունակում են բառապաշտարի այնպիսի նորակազմություններ և նոր իմաստային կիրառություններ, աշքի են ընկնում ձևաբանական և շարահյուսական այնպիսի

5 Մ. Աբեղյան, Երկեր, Հ. Գ, Երևան, 1968, էջ 455 (Տե՛ս նաև Յովհան Մամիկոնեան, Պատմութիւն Տարօնոյ, աշխատությամբ և առաջարանով պատմական գիտությունների թիկնածու Աշ. Աբրահամյանի, Երևան, 1941, էջ ԽХV—ХХІХ, Հայ ժողովրդի պատմություն, Երևան, 1975, էջ 331)։

առանձնահատկություններով, որոնք բխում են ժամանակի հայերեն ժողովրդախոսակցական լեզվից ու ոճերից:

«Տարոնի պատմության» շարադրանքը ընթանում է մերթ պատմագրական ոճի երկերին բնորոշ, մերթ հեղինակի ոճին յուրահատուկ միջոցներով ու եղանակներով, որոնք հետապնդում են որոշակի գործառական նպատակներ:

Այս «Պատմության» լեզուն արժեքավոր տվյալներ կարող է մատուցել հայերենի պատմական բարբառագիտությանը: Այս նպատակով կարելի է ուսումնասիրել պատմության մեջ նկատվող հնչյունական այն տարրերությունները, որոնք դրսերզվում են կամ հնչյունական ամփոփումների, կամ կրկնակ ձևերի տեսքով, եթե դրանք չեն բացարձում «Պատմության» հետագա գրչագրական աղավաղումներով: Բառային, քերականական առանձնահատկությունները նույնպես արժեքավոր են բարբառագիտական ուսումնասիրությունների համար:

Եթե լեզվի զարգացման պատմությունը ընդհանրապես ինչ-որ շափով կապվում է նաև այդ նույն լեզվի գրական ոճերի պատմության հետ, ապա Հ. Մամիկոնյանի լեզվառնի ուսումնասիրությունը նույնպես նպաստում է հայոց լեզվի պատմական ոճագիտության ստեղծմանը:

Հայ բանասիրության մեջ այս հեղինակի և նրա «Պատմության» մասին եղած աշխատանքները հիմնականում կատարվել են երեք ուղղություններով: Դրանք վերաբերում են Հ. Մամիկոնյանի անձնավորության, նրա պատմության գաղափարական բովանդակության բացահայտումներին, ինչպես նաև «Տարոնի պատմության» լեզվի որոշ կողմերին:

Ա. Առաջին խմբի մեջ մտնում են բանասիրական այն աշխատանքները, որոնք կատարվել են Գ. Խալաթյանի, Գ. Զարբհանալյանի, Ա. Զամինյանի, Մ. Աբեղյանի, Լեոյի և ուրիշների կողմից:

Գ. Խալաթյանի աշխատությունն աշքի է ընկնում հետևյալ երկու կողմերով՝ ա) Հ. Մամիկոնյանի և նրան զուղահեռ նշվող Զ. Գլակի ժամանակագրական մերձեցումը (VII դար), բ) Զ. Գլակին հատկացվող «Պատմության» մասերի համեմատությունը նախորդ շրջանի որոշ մատենագիրների հետ: Երկրորդ դեպքում ուսումնասիրությունը կապվում է Հ. Մամիկոնյանի հետ այնքանով, որքանով որ Հ. Մամիկոնյանը նույնացվում է Զ. Գլակի հետ⁶:

6 Գ. Խալաթյան, Զենոր Գլակ (Համեմատական ուսումնասիրություն), Վիեննա, 1893:

Մ. Աբեղյանը զբաղվել է այս երկի գրության ժամանակի, հիմնական աղբյուրների, նպատակների ու խնդիրների և այլն հարցերով՝ կապված հայ ժողովրդական բանահյուսությանը նվիրված ուսումնասիրությունների և «Հայոց հին գրականության սկատմություն» աշխատության շարադրման հետ⁷:

Հայ բանասիրության մեջ առաջին անդամ Մ. Աբեղյանն է, որ հայ վիպական բանահյուսության ժամանակագրական տարրեր նստվածքներից, զաղափարական-բովանդակային պատումներից առանձնացնում է այս «Պատմությունը»՝ վերջինս գնահատելով որպես հայոց հին վիպական ստեղծագործության՝ «Պարսից պատերազմի» վերապրուկային նորություն։ Մ. Աբեղյանը հանգում է այն եզրակացության, որ «Տարոնի պատմությունը» հայ ժողովրդական վիպասանության տեղայնացված երեսցի՝ է, և որ Հ. Մամիկոնյանն այդ գործում ունի միայն շարադրողի կամ խմբագրողի դեր։ «Այս վեպն իսկական ժողովրդական մի պատմված է, իսկական պատմվածքներ, որոնք գրեթե ամբողջովին ավանդական բանահյուսությունից են ծագում, ուստի և ունին իրենց մեջ ժողովրդական վիպական ոճի հատկություններն ու մոտիվները»⁸։

Մ. Աբեղյանը քննում է հետեւյալ կարևոր հարցերը. ա) Հ. Մամիկոնյան անունով մատենագրի գոյությունը և վերջինիս ժամանակը (VIII դար և դեռ ավելի ետ), բ) նրա «Պատմությունը» իբրև վիպական զրուցների ժողովածու, գ) այդ «Պատմությունը» որպես հայ ժողովրդի հին վեպի տեղայնացված տարրերակ և այլն։

Այսուհետեւ, Մ. Աբեղյանը «Տարոնի պատմության» ժողովրդական ծագման առումով, վիպական հենքի վերաբերյալ նշում է այսպիսի փաստեր՝ 1) ժողովրդական զրուցն ու հորինումները իբրև աղբյուր ունենալը, 2) այդ զրուցների՝ վիպական հերոսներից որևէ մեկի կամ մի բանիսի հետ կապվելը և նրանց շուրջ պտտվելը, 3) ժողովրդական զրուցներին բնորոշ լեզվամիջուցների, բառային ստուգաբանությունների արտահայտվածությունը, 4) վիպական հերոսների արյունակցական հաջորդականությունը, վիպական գծերով օժտվածությունը, 5) Հ. Մամիկոնյանի կողմից կատարված խմբագրական աշխատանքի անհետողականությունը (ժամանակահախտառում, հերոսների մի մասի շափից ավելի ընդարձակ, մյուս մասի սեղմ բնութագիր, որոշ դեպքերի, իրադարձությունների լայն կամ նեղ արտացոլում և այլն)։

7 Մ. Աբեղյան, Երկեր, ՀՀ. Ա. և Գ., Երևան, 1966 և 1968, էջ 324 և 447—472.

8 Մ. Աբեղյան, Երկեր, Հ. Գ., էջ 454։

Մ. Աբեղյանը «Տարոնի պատմությունը» գնահատում է նաև որպես իր ժամանակաշրջանի քաղաքական և տնտեսական պայքարի դրսելորման արտահայտություն. «Ինչքան էլ կրոնական տարրը բավականին շշշտված է այս վեպի մեջ, բայց և այնպես էականը ոչ թե այդ է, այլ քաղաքական և տնտեսական կողմը և պատերազմը դրա համար: Դա մեր երկրորդ հին վեպի մնացորդն է, որ ձեռփոխված է հետագա դարերի պատմական աղղեցությամբ: «Պարսից պատերազմը» սրա մեջ կորցրել է իր ընդհանուր աղքային բովանդակությունը և դարձել է Տարոնի տեղական վեպ»⁹:

Հայ ժողովրդի հոգևոր մշակույթի արժեքավոր երևույթ հանդիսացող այս «Պատմության» (հատկապես Զենոր Գլակի անունով հայտնի առաջին մասի) պատմաբանասիրական կարևորագույն և հանդուցային խնդիրները լուսաբանելու և գրական-մշակութային կապերի համեմատաբար լայն ֆոնի վրա ներկայացնելու փորձ է զ. Այլազյանի բոլորովին վերջերս լույս տեսած աշխատությունը¹⁰: Այս աշխատության կարևորագույն խնդիրները հետեւյալներն են. 1) արժեքավորել «Պատմության» հետ առնչվող բանամիտրական մինչ այս հայտնի վերլուծությունները, 2) բացահայտել և բնութագրել «Պատմության» պատմագիտական, թե ժողովրդական-բանահյուսական նմուշ լինելու հանգամանքը, 3) քննության առնել «Պատմության» առաջին մասը՝ գաղափարական-թեմատիկ բովանդակության և երկու մասերի տիպային, գրական-ոճական (ոչ՝ լեզվաօճարանական) տեսանկյուններից, որոնք էլ, ըստ էռթյան, կարգում են հեղինակի այս ուսումնասիրության հիմնական երեք բաժինները: Հետագա վերլուծությունը նվիրված է «Պատմության» նախնական բնագրի վերականգնման, ինչպես և IV—VII դդ. հայ գրականության մեջ «Տարոնի պատմության» ունեցած նշանակության բացահայտման հարցերին: Ինչպես նշվում է տարբեր առիթներով, աշխատության հեղինակը ունեցել է հետեւյալ նպատակը. «Տարոնի պատմության» տեքստի տրամաբանական-իմաստային վերլուծության օգնությամբ հիմնավորելու հուշարձանի, հատկապես նրա առաջին մասի, բովանդակության հավաստությունը¹¹, ինչպես տեսնում ենք, հեղինակի նպատակադրումից դուրս է եղել «Տարոնի պատմության» լեզվական քննությունը: Պետք է, սակայն, նշել, որ «Տարոնի պատմության»

9 Մ. Աբեղյան, Երկեր, հ. Ա, էջ 471:

10 Կ. Բ. Անազյան, «История Тарона» и армянская литература IV—VII веков (Историко-филологическое исследование), Ереван, 1976.

11 նույն տեղում, էջ 7:

երկրորդ մասը, որը մեզ է ավանդվել Հովհաննես Մամիկոնյանի անունով (ի հակագրովթյուն Զենոր Գլակի անունով հայտնի առաջին մասի) երեսն է բերում լեզվագոճական միանգամայն առանձնահատուկ ու ինքնատիկ նյութ՝ բառապաշարային, քերականական և հեղինակային կամ ֆունկցիոնալ-ոճական զգալի տարրերովթյուններով։ Սրանք հիմնական գծերով արտացոլում են հին հայերենի նախամիջին ենթաշրջանի (հատկապես VIII դարի հայերենի) լեզվալիճակը։

Եթե Գ. Խալաթյանի, Մ. Աբեղյանի և Դ. Այվազյանի ուսումնասիրովթյունները հարցադրումների և սրանց հիմնավորումների տեսակնետից ունեն հետազոտական ինքնուրույնություն, ապա բանասիրական մյուս աշխատանքները մնում են որպես առաջ քաշված և վերլուծված հարցերի սահմաններում կատարված դիտարկումներ։

Բ. «Տարոնի պատմության» թարգմանության և բնագրային հրատարակությանը նվիրված աշխատանքներում հեղինակները կամ սովորաբար պաշտպանում են ընդհանուր և հայտնի տեսակետներ և հաճախ դրանցով առաջնորդվում (օրինակ՝ Վ. Լանգլուսան, վենետիկցիները), կամ, ինքնուրույն ուսումնասիրովթյան տվյալներից ելնելով, կատարում են կարեր բանասիրական ճշգրտումներ, առաջ քաշում նոր հարցադրումներ (օրինակ՝ Ա. Գ. Աբրահամյանը)¹²։

Ա. Աբրահամյանի աշխատանքը առանձին գիրք է բռնում նախորդ բանասիրների ուսումնասիրովթյունների շրջանակում։

ՀՍՍՀ Պետական ձեռագրատան (Մատենադարանի)՝ «Տարոնի պատմության» հետ առնչվող, առանձին, հայտնի ձեռագրերի, մինչ այդ հրատարակված համարյա բոլոր բնագրերի մանրակրկիտ քննությունը, վերջիններիս խորազնին համադրումը Ա. Աբրահամյանի համար հիմք են հանդիսանում հանգելու նոր մեկնաբանությունների և եղբակացությունների։

Ինչպես հայ մյուս մատենագիրների գործերի, այնպես էլ Հ. Մամիկոնյանի «Տարոնի պատմության» ձեռագրերի համադրովթյամբ բնագրային հրատարակությունները պարունակում են արժեքավոր տվյալ-

¹² Jean Mamigonian, Continuation de l'histoire de Daron, traduite pour la première fois de l'arménien, par Jean-Raphael Emine (*Տես, Collection des historiens anciens et modernes de l'Arménie*, par V. Langlois, t. premier, Paris, MDCCCLXVII, էջ 359—382), Յովհաննես Մամիկոնենի հպիսկոպոսի Պատմութիւն Տարօնոյ, Վենետիկ, 1832, Յովհան Մամիկոնեան, Պատմութիւն Տարօնոյ, աշխատությամբ և առաջարանով պատմական դիտովթյունների թեկնածու Ա. Աբրահամյանի, Երևան, 1941։

ներ հայոց լեզվի պատմության և հարակից խնդիրների ամբողջական ուսումնասիրությունների համար: Ա. Արքահամյանի կողմից Հ. Մամիկոնյանի «Տարոնի պատմության» բնագրի հրատարակությունը նոր մտորումների է մղում բանասերներին և լեզվի պատմաբաններին:

Ա. Արքահամյանի ուսումնասիրության ամենակարևոր եզրակացություններից մեկն այն է, որ «Հովհան Մամիկոնյանը ո՞չ թե VII դարի հեղինակ է, ինչպես ենթադրել են ոմանք նրա հիշատակարանի նորամուտ հատվածի հիման վրա, և ո՞չ էլ IX դարի հեղինակ, ինչպես ենթադրել են մի քանի քննագատ բանասերներ, այլ VIII դարի»¹³:

Գ. Ա. Այտբընյանը Հ. Մամիկոնյանի «Պատմության» լեզվի փաստերով ցուց է տալիս նաև, որ հայերենի գասական գրաբարյան ձևերն ու համակարգալին օրինաշափությունները բարեշրջվում էին դեպի աշխարհաբարը՝ «նախնյաց ռամկորենը»¹⁴: Ա. Այտբընյանն իր լեզվական վերլուծությունների արդյունքները վերագրում է VII դարին, քանի որ Հ. Մամիկոնյանին նա համարում է այդ դարի հեղինակ: Ա. Այտբընյանը «Տարոնի պատմության» լեզվի փոփոխությունները դասական գրաբարի համեմատությամբ համարում է հետեւյալները. 1) գրական լեզվի ենթահամակարգ են ներթափանցում նոր բառեր, 2) մինչ այդ հայտնի որոշ բառեր դրսերվում են նոր իմաստային կիրառություններով՝ կապված ժողովրդական մտածողության որոշ առանձնահատկությունների հետ, 3) տեղի են ունենում բառերի արտահայտության պըանի որոշ փոփոխություններ՝ զուգաձեռում, ամփոփում կամ սղում, 4) փոփոխություններ են նկատվում նաև անվանական և դերանվանական հոլովաձերի մեջ՝ ձեաիմաստային ոլորտների լայնացումով, 5) դրսերվում են բայերի և շենքվող որոշ խոսքի մասերի փոփոխություններ՝ նոր բայաձերի առկայություն, խոնարհման տիպերի պարզեցում, ընդհանրացում, 6) նկատվում են բառերի ստուգաբանության փորձեր՝ գերազանց-

13 Յովհան Մամիկոնեան, Պատմութիւն Տարօնոյ..., Երևան, 1941, էջ XXIX: Նկատի ունենալով այն հանգամանքները, որ նախ՝ Ա. Արքահամյանի կազմած բննականհամեմատական բնագրի լեզվական տվյալները միակերպ չեն, ամենահին ձեռագիրը (Մատենագրաբանի ձեռագիր № 1912, ավանդված՝ 1220 թ.), ինչպես նաև այս պատմության վենետիկան (1832 թ.) հրատարակությունը աշքի են ընկնում ավելի միակերպ լեզվական տվյալներով, երկրորդ՝ բանասերները (օրինակ՝ Հ. Աճառյան, Մ. Արելյան և ուրիշներ) վենետիկան հրատարակության են նախքնարություն տալիս, մենք էլ լեզվառածական վերլուծությունների համար հիմք են բնդունել վենետիկան հրատարակությունը և բառային-բերականական համարարառան էլ կազմել ենք ըստ այս հրատարակության:

14 Ա. Այտբընյան, նշվ. աշխ., էջ 124—130:

շապես ժողովրդական ստուգաբանություններ, 7) կան շարահյուսական տեղաշարժեր՝ կապված ոչ միայն ժամանակի ժողովրդախոսակցական լեզվի, այլև հեղինակի խոսքի, լեզվամտածողության պարզեցման, սեղմության հետ:

Հ. Մամիկոնյանի լեզվի նման իրողություններին անդրադարձել է նաև Ս. Ղազարյանն իր աշխատության մեջ՝ նպատակ ունենալով ցուց տալ «Հին հայերենի կրած փոփոխությունները V—X դարերում»¹⁵:

Այս ամենով հանդերձ, ոճագիտական տեսակետից Հ. Մամիկոնյանի երկի լեզվի առանձնակի քննություն մինչև օրս գեռ չի կատարված: Ակներեւ է, որ առանձին հեղինակների լեզվի և ոճի ուսումնասիրությունը կարող է որոշակի նպաստ մատուցել լեզվի պատմության տվյալ շրջանի առանձնահատկությունների, նրա դարգացման միտումների բացահայտմանը:

Հ. Մամիկոնյանի «Տարոնի պատմության» լեզվառնական առանձնահատկությունների քննությանը նվիրված ներկա աշխատանքում առաջնորդվել ենք հետևյալ սկզբունքով:

Լեզվական և ոճական իրողությունների, սրանց առանձնահատկությունների քննությունը կատարել ենք պատմական հայեցակետից, որի դեպքում կիրառվել է համեմատության և համադրության եղանակը: Այլ կերպ ասած՝ իբրև հին հայերենի նախամիջին ենթաշրջանի կոնկրետ լեզվավիճակի վկայություն, այս «Պատմության» լեզվառնական իրողությունները ուսումնասիրության ընթացքում համարյա միշտ համեմատվել են հին հայերենի դասական գրաբարի ենթաշրջանի իրողությունների հետ, ընդ որում նկատված տարբերությունները համագրվել են միմյանց հետ և դրվել համապատասխան եղանակացությունների հիմքում: Բոլոր դեպքերում նկատի ենք ունեցել պատմական արժեք ներկայացնող երկերի ուսումնասիրության այն մոտեցումը, ըստ որի՝ «Լեզվի որ շրջանով էլ որ զբաղվելու լինենք, աղբյուրների լեզվի մեջ պետք է տարբերել դեպի խոր հնություն զնացող շերտերը, մեր ժամանակին մոտիկ կանգնած շերտերից»¹⁶: Վերոհիշյալ եղանակով կատարված աշխատանքը հիմնական նպատակն է եղել բացահայտել Հ. Մամիկոնյանի «Տարոնի պատմության» լեզվական նկարագրը, ինչպես նաև ֆունկցիոնալ-ոճական արժեքը՝ ոչ միայն հին հայերենի նախամիջին ենթաշրջանի, այլև ընդհանուր հայերենի ասումով:

15 Տես, Ս. Ղազարյան, Միջին հայերեն, գիրք Ա, Երևան, 1960, էջ 52—64:

16 Բ. Ա. Լարին, Лекции по истории русского литературного языка (Х—середина XVIII в.), М., 1975, էջ 145:

Նկատի ունենալով այն հանգամանքը, որ «Տարոնի պատմությունը» հայ Հին մատենագրության կարևոր երկերից է, և որպես այդպիսին՝ հետաքրքրական աղբյուր ութերորդ դարի հայերենի պատմական գոյավիճակի մասին, կարծում ենք, որ ներկա ուսումնասիրությունը կարող է հետաքրքրական նյութ ընձեռել հայերենի ընդհանուր պատմության, մասնավորապես ութերորդ դարի հայերեն լեզվալիճակի ուսումնասիրության, ինչպես նաև հայերենի ֆունկցիոնալ ոճերի հետագա սիստեմատիկ քննության համար:

Բ Ա Ռ Ա Պ Ա Շ Ա Ր Ը

Հ. Մամիկոնյանի «Տարոնի պատմության» լեզուն աշքի է ընկնում հարուստ բառապաշտով։ «Տարոնի պատմության» բառապաշտություններով տարբերվում է ոչ միայն հին հայերենի նախորդ ևնթաշրջանների, այլև ութերորդ դարի մյուս երկերի բառապաշտովց։ Հ. Մամիկոնյանի բառապաշտություններով կապվում է ժողովրդախոսակցական լեզվի և նրա ոճերի հետ։ Այս պատմության լեզուն համեմատաբար ավելի շատ ժողովրդախոսակցական բառեր և ոճեր է պարունակում, քան ութերորդ դարից ավանդված և մեղ հասած մյուս երկեր։

«Տարոնի պատմության» բառապաշտություն ժամանակ մեր ուշագրության կենտրոնում են հետեւյալ հարցերը։ Նախ՝ բացահայտվում են բառապաշտի աղբյուրները և զանազանվում հիմնական շերտերը։ Երկրորդ՝ ընդհանուր բառապաշտություններում քննվում են նորակազմ բառերի բառակազմական միջոցներն ու եղանակները, որոնք դրսնորվում են գերազանցապես հայերենի զարգացման ներքին գործոնների ազդեցության պայմաններում։ Երրորդ՝ առանձին ուշագրություն է հատկացվում նոր բառերի և իմաստային կիրառությունների հանգամանալից քննությանը՝ հիմնվելով հայերենի բառաքննության և բառարանագրության ընձեռած տվյալների և ընդհանրապես մինչև այժմ այս ուղղությամբ ձեռք բերված նվաճումների վրա։ Չորրորդ՝ ըստ ծագումնային, ֆունկցիոնալ-ոճական և կառուցվածքային առանձնահատկությունների ուսումնասիրվում են դարձվածային միավորները, որոնք բառապաշտություն մի մասն են կազմում։

«Տարոնի պատմության» բառապաշարի ատաղձը կազմում է հին հայերենի դասական գրաբարի շերտը, որը համալրվում է մի շաբթ նոր և նորակազմ բառերով։ Դասական գրաբարից եկող բառապաշարային որոշ միավորներ այս երկի մեջ կիրառվում են նոր իմաստներով, իմաստային նրբերանգներով։

Այս «Պատմության» բառապաշարի հարստությունը բաժանվում է երեք խմբերի, որոնք անմիջականորեն բխում են երեք աղբյուրներից։ Դրանք հետևյալներն են՝ 1) գրաբարի բառապաշարից վերցված և իմաստային ոչ մի փոփոխության շենթարկված, 2) գրաբարի բառապաշարից վերցված և իմաստային որոշ փոփոխության ենթարկված և 3) ժամանակի ժողովրդախոսակցական լեզվից ներթափանցած, հեղինակի բառաստեղծմամբ կամ ինքնուրուց կիրառությամբ դրսելոված բառեր և բառաձեր։

Այս «Պատմության» բառապաշարի ուրույն առանձնահատկությունները և իմաստային կիրառությունները կազմում են վերջին երկու կարգի աղբյուրների հետ։

«Տարոնի պատմության» բառապաշարի նորակազմությունները և իմաստային կիրառությունները համալրում են հայերենի ընդհանուր բառապաշարի իմաստային և ոճանրբերանգային հարստությունը, լայնացնում այդ նույն բառապաշարի հաղորդակցական, գործառական-ոճական տարրողունակությունը։

«Տարոնի պատմությունը», թեև ժողովրդական զրուցների սահմաններում, մի որոշակի ժամանակահատվածի պատմական հուշարձան է հայ ժողովրդի հասարակական-քաղաքական, ուազմապետական, իրավական, հոգևոր-մշակութային, կրոնական-եկեղեցական կյանքի մասին, մյուս կողմից՝ այն կարևոր վկայարան է տվյալ ժամանակաշրջանի ժողովրդի մտածողության և հոգեբանության, նիստուկացի, շրջապատող բնության, մարդկային բազմազան հարաբերությունների մասին։

Բառապաշարի տարբեր միավորները ծագելով վերոհիշյալ երեք կարեռագույն աղբյուրներից՝ կողք կողքի կազմում են մի համակարգային միասնություն, որը սակայն գործառական տեսակետից միատարր չէ։ «Տարոնի պատմության» բառապաշարը խմբավորում ենք բառապաշարային հետևյալ շերտերի կամ գործառական-իմաստային դաշտերի մեջ։

1). Հտսարակական-քաղաքական, ռազմապետական, իրավական կյանքի հասկացովի յուններ արտահայտող բառերից են հետևյալները՝ աղատք (*<աղատաց>*), աթոռ (*«թագավորություն»* իմաստով), աղեղ, ամուր (*«ամրոց»* իմաստով), ամրոց, այրուձի, աշտարակ, աշտենաւոր, ապստամբել, ապստամբովին, առաջնորդ, ատպար, ատպարապետ, արքայ, արքունի, աւագ, աւարամաս, բանակել, բնակետդ, բանտ, բերդ, գաւառապետ, գերել, գերի, գիխատել, գող (*գոյական*), գործաւորք, գունդ, դաստակերտ, դատաստան, դատավարտել, դարան, դարանակալ, դարապաս, դեսպան, դռնապան, դրօշ, դրու (*«արքունիք»* իմաստով), զենով, զենք, զրուցատար, զրուցարար, զօրք (*նաև՝ զօր*), զօրաժողով, զօրավար, զօրապետ, զօրովին, թագաւոր, թագաւորութիւն, թագաւորաբնակ, թիկնապահ, թշնամի, ժողովուրդ, իշխան, իշխանորդի, իշխանութիւն, իշխել, խաղացուցանել, ծառայ, ծառայութիւն, կոտորել, կոտորած, հարկ, հարկապահանց, հարկատու, հեծեալ(ք), հիմնարկութիւն, հրաման, հակատել, մարդպան, մարդպանութիւն, մարտ (*«կորիվ»* իմաստով), մեղաւոր, մեղադրել, յաղթութիւն, նախճիր, որդեգիր, որդեգրութիւն, որոգայթ, պանդխտութիւն, պաշտօնեայ, պատերազմ, պատգամաւոր, պատրիկ, պարիսպ, ուազմ, սաղաւարտ, սպարապետ, սլաք, սուր, տէր, տէզ, տուրք, փախուստ, փանդանել, փրկութիւն, օրէնք, օրինադրեալ և այլն:

2) Կրոնապաշտամունքային բառերից են հետևյալները՝ աստուած, աստուածային, աստուածապաշտութիւն, աղաշանք, աղաշել, աղօթել, անիծի, անէծք, անհաւատալի, անմահական, անոխակալ, անսասանելի, անօրէն, ապաստանիչ, աջ (*«սուրբ ձեռք»* իմաստով), ատրուշան, արարած, աւետաւոր, աւետիք, բարեպաշտ, բարեպաշտօն, գերեզման, դժոխք, դիւրարած, դեւ, դրախտ, եկեղեցպան, եղեկել, եպիսկոպոս, երդում, երկրպագեցուցանել, թողութիւն, ժամհար, խաչ, խաչադրօշ, խոտաճարակ, խոտակրօնութիւն, խունկ, կաթողիկոս//կաթողիկոս, կաթողիկէ//կաթողիկէ, կախարդ(ք), կախարդասրբ, կախարդութիւն, կնկուղ, կնկղաւոր, կրակատուն, կրօնաւոր, հայրապետութիւն, հայրապետ, հաւատամք, հաւատացեալ, հրեշտակ, հօտ (*«Հոգմոր միասնություն»* իմաստով), ձայնարկու, ձեռնադրել, ճզնաւոր, ճզնութիւն, մասունք, մարգարէ, մարգարտապսակ, մարտիրոս, մարտիրոսական, մեղք, նախաստեղծ, նախավկայ, նահատակութիւն, նշաւակ, նշխարդ, նուիրակ, ոխակալ, ողբալ, ողի, պաշտամունք, պատժապարտութիւն, պատարագ, պենտակոսէ, սատանայ, սուրբ, սրբաւէր, վանականութիւն, վանորայք, վկայարան, տաճար, տապանատուն.

ուխտ, փափաքումն, փարախ («Հոգեոր միասնություն» իմաստով), քահանայ, քրիստոնեայ, Քրիստոս, օքնութիւն, օգնականութիւն և այլն:

3) Իբրև մշակութային բառեր հանդես են եկել հետեւալները՝ աշակերտ, գիր, գրել, գրող, գուսան, դպիր, դպրութիւն, ընթեռնուլ, ընթերցող, ժամանակագրութիւն, իմաստուն, իմաստութիւն, մշակութիւն, նշանագիր, շարագրութիւն, չէր, պատճեան, պատմութիւն և այլն:

4) Բնության եղանուցների նկարագրության ժամանակ հեղինակը կիրառում է այսպիսի բառեր՝ ալիք (<ալիօք>), աղբեր, այգի, ամառն, ամպ, անապատ, անդաստան, անտառ, անտառաբուր, առաւտ, արեվելք, արօտ, գետ, գետավիժութիւն, գահավիժել, գիշեր, գիլ (<գլօր>), դաշտ, դաշտաձեւ, երեկոյ, երիկոն, երկիր, երկինք զառիվեր, լեռնաբըլուր, լեռն, խոպան, ծով, կաղամախիք (-անտառ), հարաւ, հարաւկողմն (-տեղ), հեղեղատ, հիւսիս, հիւսիսական, ձոր, ճանապարհ, շարժ (<երկրաշարժ> իմաստով), ջուր, ջրառատ, ստորոտ, ցամաք, փայտ, քարայր, քարագլուխ (<տեղ> իմաստով) և այլն:

5) Կենդանիների անուններից ունենք հետեւալները՝ աղուէս, անգեղք, արծուի, արջ, առեւծ, բուէճք, գայլ, եղջերու, երիվար, կուզ, մուկն, նապաստակ, շոմ, զորի, ուղտ և այլն:

6) Մարդուն, նրա մարմնի մասերին վերաբերող բառերից են հետեւալները՝ ակն, աջ (<ձեռք> իմաստով), արբունք, արին, արինոտ, արինաթաթախ, բազուկ, բարձ, բերան, գագաթ (<գլուխ> իմաստով), գէշ, գիրկ, գլուխ, դի(ն), դիակ, թլփատ, թէկն, թիկնախառն, լեզու, լեարդ, ծեր, ծերոնի, ծերութիւն, կառափն, կուրծք, հասակ, հեր, հիւանդ, ձեռն, ճակատ, մարմին, միտք, ողն, ուկր, ոտն, շիլ, շան, սիրտ, վերք, ունկն, փոր, քիթ, քրտինք և այլն:

7) Մարդկային զգացմունքներ, վերաբերմունք, հարաբերություններ արտահայտող բառերից են հետեւալները՝ ամաշել, ամօթ, անամօթիլ, գանել, գոգչիլ, ընկեր, թքակոծել, լկումն, լրբութիւն, խաբեռութիւն, իսաղաղաբնակ, ինամատար, համբուրել, հեշտութիւն, ճիշ, ճշուլ, մահ, մարդասիրութիւն, մարմնական, մեծաբանել, մեռանել, մերձենալ, միաբանել, միխթարութիւն, նախանձ, նպիսանձել, նեղանալլինեկնալ, նեղութիւն, շարաբարոյ, շարութիւն, սէր, վախճան, տարակուսանք, տառապանք, ցանկութիւն, ցաւ, ցասումն և այլն:

8) Իբրև գրամական, տարածական, ժամանակալիքն շատի անվանումներ կիրավում են հետեւալ բառերը՝ ամ, ամիս, գրամ, դահեկան, ժամ, կանգուն, վաղ, տարի, օր:

9) Աղքակցական կապ արտահայտող բառերից են հետեւալները՝

աղդ, աղզական, աղզատոհմ, աղխ, եղբայր, եղբորորդի, զաւակ, ժառանգ, ժառանգութիւն, Հայր, Հորեղբայր, որդի, պապ, տիկին, ցեղ, քեռորդի և այլն:

10) Առօրյա խոսակցության մեջ Հանդիպող բառերից են Հետևյալները՝ աղբ, աղաղակ, աղաղակել, արժանահաս, աւելախօս, բարեխօս, բարերարութիւն, բարկութիւն, գիշահոտ, դեհ («Կողմ» իմաստով), զրոյց, խեղդել, ձիագող, ձորամուտք, մօրաթաթախ, մօրահեղձ, շատախօս, շատակեաց, շատակեր, պարսաքար, բաղաքացի, քարապաշտ և այլն:

11) Եվ վերջապես, իբրև առտնին իրեր, Հարաբերություններ արտահայտող բառեր Հանդես են եկել Հետևյալները՝ արօր, բեռ, բժշկել, բժշկութիւն, գինի, դանակ, Հանդերձ («զգեստ, հագուստ» իմաստով), ճաշ, ճաշակել, ճենճ (<Ճենճերաց>), մախաղ, մահիճ, մատանի, մուրճ, շամփուր, պահարան, պսակ, չահ, սապոն, սպասք, սոնապան, օթևան և այլն:

Անհրաժեշտ ենք Համարում նշել, որ այս խմբավորումները կարելի է վերախմբավորել ավելի կոնկրետ իմաստային փնջերի մեջ, սակայն մի բան պարզ է, որ այս խմբավորումները նույնպես ճիշտ են արտացոլում հեղինակի բառապաշտարի շերտերը:

2. ԲԱՌԱԿԱԾՄԱԿԱՆ ՄԻՋՈՑՆԵՐԸ ԵՎ ԵՂԱՆԱԿԱՆԵՐԸ

Ելնելով լեզվի բառապաշտարի Հնարավորություններից, մարդկացին Հաղորդակցման գործընթացում բառակազմական ճանապարհով նույնական տառեղծվում են նորակազմ բառեր և բառաձեռեր:

Հայոց լեզվի բառապաշտարի Հարստացման ներքին գործոնը զրուելով է բառակազմական՝ Հիմնականում բառաբարդման և ածանցման երևույթներով:

Ներքին՝ բառակազմական գործոնին Հակագրվում է արտաքին գործոններից մեկը՝ փոխառությունը: Եթեկու դեպքում էլ լեզուն ձգտում է արտահայտել մտածողության նոր որակներ:

«Տարոնի պատմության» բառապաշտարի մեջ նույնպես նկատվում են բառակազմության և փոխառության երևույթներ:

Հ. Մամիկոնյանի պատմության բառապաշտարի բառակազմական միջոցների և եղանակների քննության դեպքում Հիմնական ուշադրությունը Հատկացվում է պատմության մեջ Հանդես եկած նորա-

կազմ բառերին, թեև չեն անտեսվում հայերենի նախորդ փուլերից բխող բառային միավորները:

«Տարոնի պատմության» հեղինակը օգտագործել է այնպիսի նորակազմ բառեր, որոնք կազմվում են հայերենի բառակազմական ներքին օրենքներով՝ անկախ դրանց ժամանակի խոսակցական լեզվի կամ հեղինակի լեզվի արդյունք լինելուց: Այսպիսիք են, օրինակի համար, ամելախօս, բարձրաբուն, դիարած, ձիատարե, մօրաբարախ, մօրահեղձ, պատերազմազլուխ, փոխատու և այլն:

Մյուս կողմից, այս պատմության մեջ կիրառված նոր բառերը հիմնականում փոխառություններ են, որոնք նախապիս անցել են հայոց լեզվի ընդհանուր բառապաշտին, այնուհետև՝ գործածվել այս երկի մեջ: Այսպիսին են հալաւ, շէր, սապոն, դիմէլեկոս գոյականները, փանդանել բայը և սրանից կազմված Փանդիկ տեղանունը, ինչպես նաև Ռահան, Համամ անձնանունները:

Նախ խոսենք բառաբարդման երկույթների մասին:

Ինչպիս գիտենք, հայերենում բառաբարդման ճանապարհով գոյանում են երկու տիպի՝ անխսկրկան և իսկական բարդություններ, որոնք իրենց հերթին վերախմբավորելի են բառակազմական որոշ առանձնահատկությունների հիման վրա: Հ. Մամիկոնյանի պատմության բառապաշտը արտացոլում է հայերենի համապատասխան իրողությունները: Բառային միավորները հանդես են գալիս բազմազան դրսերումներով, ոնքն ոչ միայն հեղինակային, այլ նաև պատմագրության գործառական ոճի յուրահատկություններ՝ կապված պատմության նյութի շարդրանքի հետ:

Սնիսկական բարդությունների բառակազմական, իմաստային, շարահյուսական էական առանձնահատկությունների հիման վրա հայլեզվաբանության մեջ արդեն ավանդական է դարձել տարբերակել կրկնավոր, հարադրական, բաղհյուսական և կցական բարդություններ¹:

«Տարոնի պատմության» մեջ բառաբարդման այս երկույթներից ավելի լայն կիրառություն ունեն հարադրական բարդությունները, որոնց կողքին կրկնավորները և կցականները պակաս, իսկ բաղհյուսականները աննշան դրսերումներ ունեն:

Հ. Մամիկոնյանի մոտ հանդիպում են կրկնավոր բարդության ընդամենը երեք օրինակ, որոնք կազմվում են մի դեպքում թվականի՝ մի

1 Մ. Աբեղյան, Հայոց լեզվի տեսություն, Երևան, 1964, էջ 168—169, Գ. Սևակ, Ժամանակակից հայոց լեզվի դասընթաց, Երևան, 1954, էջ 159—170:

մի, մյուս դեպքում մակրայների՝ գլշ զէշ, սակաւ սակաւ, հիման վրա. «...և զիշխանան մի մի կոչել տայր, և զգուխսն կտրէր» (27): «Զոր տեսեալ զօրաց, զրոհ տուեալ, մի մի հասանէին» (40): «...և ի նոյն տեղւոցն ակսաւ մի մի ունել զնոսա» (48): «...սակայն այսօր չպրծնուս ի ձեռաց քաջ արանց, որ գլշ զէշ պատառեն զձեղ սուսերք մեր» (35): «...և քանզի նուրբ էր մուտ քաղաքին, սակաւ սակաւ կարէին մտանել ի ներքս» (22):

Հ. Մամիկոնյանի լեզվում հարադրավոր բայերը բավական տարածված են: Իբրև հարադրավոր բայաբաղադրիչ հանդես են գալիս առնել, անցանել, գալ, գնալ, ելանել, լինել, պրծնով և նման միավորները, իսկ որպես հարադրավոր այլ կարգի բաղադրիչ կիրառվում են գոյականը, մակրայր, նախադրությունը, մասսամբ՝ ածականը:

Վերոհիշյալ կարգի հարադրավոր բայերը պարունակում են մեկ բառի արժեք ունեցող իմաստային, ոճական յուրահատկություններ, դրանց մի մասն ունի դարձվածային-ոճական իմաստներ և այսուհանդերձ հակադրվում է հարադրավոր բայերի մյուս մասին՝ սովորական հարադրավոր բայերին: Իմաստային այսպիսի հակադրությունը բնորոշ է համարվում հայերենի ժամանակակից փուլին ընդհանրապես: «Հայոց լեզվի հարուստ բառագանձի ու հատկապես նրա բայական կազմի մեջ ուրույն տեղ գրավելով՝ հարադրավոր բայերն ունեն ոչ միայն դարձվածարանական, այլև իմաստաբանական ու ոճաբանական մեծ արժեքու նշանակություն, որը պայմանավորված է նրանց ձևաբանական յուրահատուկ կառուցվածքով և այն իմաստով, որ արտահայտում են հարադրին ու բայական բաղադրիչը միասին, իբրև բառացին մի միություննետ որում, եթե իրենց ձևաբանական ընդհանրությունը, այսինքն՝ հարադրիբայ կառուցվածքով հարադրավոր բայերը չեն տարբերվում իրարից, առաջ իմաստային-իմաստաբանական տեսակետից, ընդհակառակն, էական տարբերություններ են երեսն հանում միմյանց նկատմամբ և մեղ ներկայանում են կամ իբրև դարձվածային հարադրավոր բայեր, կամ իբրև ոչ այդպիսիք²:

Ինչպես նկատելի է, հայերենի հարադրավոր բայերի դասակարգումը կատարվում է միակ ու էական՝ դարձվածային կամ ոչ-դարձվածային իմաստային տարբերակիշ հատկանիշի հիման վրա, արդյունքում ունենալով բուն հարադրավոր բայեր և դարձվածային հարադրավոր բայեր:

2 Ա. Մարգարյան, Արդի հայերենի հարադիր բայերը, Երևան, 1966, էջ 226:

Այս տեսակետից, Հ. Մամիկոնյանի բառապաշարի բուն հարադրավոր բայերի մի մասը (Հմմտ. աղօրս առնել—աղորել, սուգ առնել—սզալ և այլն) կարելի է ուսումնասիրել առանձին, իսկ մյուս մասը՝ դարձվածային հարադրավոր բայերը (Հմմտ. ընդ զինի մտանել—արբել, հարբել, հասանել ի թիկունս—օգնության հասնել, օգնել և այլն) առանձին³: «Տարոնի պատմության» մեջ կիրառված հարադրավոր բայերը լինելով պատմագրական երկի բառապաշարային միավորներ, ունեն ոչ միայն համապատասխան բառաքրականական, շարժչուսական տարբերություններ, այլև՝ ոճական գործառույթներ:

Գործառական-ոճական տեսակետից բայական միավորները ընդհանրապես ունենում են իմաստային ակնառու տարբերություններ կամ մտնում են բառիմաստային առանձին դաշտերի մեջ (Հմմտ. շարժման բայեր, եղելության բայեր, զուգընքաց գործողության բայեր, ցանկության բայեր, մտածական բայեր, վիճակային բայեր և այլն): Սրանք կարող են հիմք դառնալ խոսքի շարադրանքի ոճական երանգավորումների, հաղորդակցական որոշակի նպատակների իրագործումների համար:

Հ. Մամիկոնյանի բառապաշարի հարադրավոր բայերի բայական բաղադրիչները ցույց են տալիս հիմնականում երեք իմաստ. 1) գործողության՝ առնել, առնով, գործել, դնել, խոստանալ և այլն, 2) լինելության կամ վիճակային՝ հիմնականում լինել բայը, 3) շարժման՝ ելանել, մտանել, պրծնով և այլն, որոնք ունենում են որոշակի ոճական գործառույթներ:

Անդրադառնանք Հ. Մամիկոնյանի պատմության բնագրում երեք կարգի իմաստային խմբեր կազմող հարադրավոր բայերի կազմությանը և կիրառությանը:

1) Առաջին խմբի՝ «անել» իմաստն ունեցող հարադրավոր բայերի դեպքում իբրև հարադիր բաղադրիչներ հանդիս են գալիս գոյականը, մակրացը, նախագրությունը՝ նվազող հաճախականությամբ:

ա) Այս պատմության մեջ մեծ շափերի է հասնում հարադիր+առնել բայ կաղապարն ունեցող հարադրավոր բայերի խումբը: Հարադիրը՝ կոնկրետ դեպքում մեծ մասամբ գոյական է, մասամբ՝ մյուս

³ Այստեղ քննվում են առաջին խմբի մեջ մտնող հարադրավոր բայերը՝ կապված սրանց բառակաղմական միջոցների և եղանակների նույնության հետ, որ հնարավոր է, որ մասամբ օգտագործվեն նաև երկրորդ խմբի միավորները՝ նկատի ունենալով վերջիններիս բառակաղմական (արտահայտության պլանի) ընդհանրությունը և ոչ թե իմաստային (բովանդակության պլանի) համընկումը:

խոսքի մասերից որևէից մեկը։ Այսպիսի բայերից են՝ աղօքս առնել, անտես առնել, յանձն առնել, բանս առնել, գետավէծ առնել, զանց առնել, իշեանս առնել, ի մէջ առնել, ի բուն առնել, խոյս առնել, ծաղր առնել, հանդէս առնել, ճաշ առնել, մերկ առնել, մօրահեղձ առնել, պատրաստի առնել, սէր առնել, փախստական առնել և այլն։ Օրինակ՝ «Իսկ նորա հրամայեալ սպասաւորացն ճաշ առնել իւրոց կրօնաւորացն...» (11); «Բայց ի թիկոնս նմա եհաս Վարազ իշխանն Պալունեաց, և առաջի եղեալ զզօրսն՝ գետավէծ առնեին» (48) և այլն։

բ) Հարադիր+տալ. բոյլ տալ, տեղի տալ, տալ ի ձեռս, տալ պատախանի, հրաման տալ, նշան տալ, խրատ տալ, զրոյց տալ, տալ բանից նիշ, տալ բանից նշան, տալ պատուէր, խոյս տալ, ձայն տալ։ Օրինակ՝ «Աղաչէր բազում անգամ զկրօնաւորսն, զի բոյլ տացեն մտանել յեկեղեցին» (9); «Ե դուռն կոչեաց զնոսա, և ետ խրատ՝ թէ յորժամ ի ձեղ հային, դուք միաբան ի քաղաքն դարձէք» (22); «Զի՞նչ է այդ, զրոյց տուր ինձ» (24) և այլն։

գ) Հարադիր+բառնալ. բառնալ զգլովի, ձայն բառնալ։ Օրինակ՝ «...ի սակաւ ժամու բարձին զզուիս նորա...» (24); «...եթէ կարի սաստկացան ի վերայ նորա, ձայն բարձեալ ասէ...» (40):

դ) Հարադիր+գործել. դարան գործել, մեղս գործել։ Օրինակ՝ «Իսկ նա իսորչեցաւ մահու դարան գործել նմա, և արձակեաց կոչել առ ինքն Մուշեղ...» (14); «...և ի ներքս նենդութեամբ դարան մահու գործեալ՝ ի ձեռս գալ զօրացն» (22); «...և բազում մեղս գործեալ իցեն և առատաձեռնին ի մեղաւոր ընչից իւրեանց սրբոյ Կարապետին...» (19):

ե) Հարադիր+դնել. առաջի դնել, դնել ի մտի, ի վերայ դնել, դնել ի միջի։ Օրինակ՝ «...և յորդորեալ զզօրսն ի պատերազմի, առաջի եղեալ զնոսա ի փախուստ...» (13); «Եւ արդ, որդեակ, դի զայս ի մտի բում, զի եթէ ի վերայ քրիստոնէից մեռանիս...» (21):

զ) Հարադիր+խոստանալ. բարիս խոստանալ, շարիս խոստանալ։ Օրինակ՝ «Սա բազում անգամ բարիս խոստանայ, և բազում անգամ շարիս, բայց խնդրէ զնշխարս Մուշեղայ իշխանին...» (43):

է) Հարադիր+ձգել. ձգել զձեռն, ի բաց ձգել։ Օրինակ՝ «Եւ նորա ձգեալ զձեռն իւր ի սուրբ՝ որ առաջի կայր...» (25); «Եւ աճապարեալ ի բաց ձգեաց զաջոյ ոտնն սոնապանօք հանդերձ...» (51):

ը) Հարադիր+առնուլ. կասկած առնով, առնով բանից նշան, ի մէջ առնով։ Օրինակ՝ «...սկսան կասկած առնով, և կամէին յետս դառնալ» (22); «...մինչև էտ բանից նշան զզօրսն կոչելոյ» (27); «Եւ ի վերայ

շրջեալ, զմեւս թեւն վահանալ բոլորեալ, ի մէջ առեալ ղզօրսն Պարսից, կոտորեցին մինչև յերեկոյն» (42):

2) Երկրորդ խմբի՝ «լինել» իմաստ ունեցող հարադրավոր բայերի դեպքում որպես հարադիր բաղադրիչներ հանդես են գալիս հիմնականում գոյականը, մակրայը, նախադրությունը, որոնցից մեծ թվով կիրառվում է մակրայը: Եթե առաջին խմբում որպես հարադիր բաղադրիչ գերակշռում էր գոյականի, ապա այստեղ՝ մակրայի կիրառությունը:

ա) Հարադիր+լինել կաղապարով ունենք հետեւալ բաղադրությունները՝ ազդ լինել, գիշերագնաց լինել, ծողով լինել, ի մօտս լինել, ընք առաջ լինել, չի լինել, ուրախ լինել, նշանակ լինել, լուս լինել: Օրինակ՝ «...մի առնէր յիս զցասումն բարկութեան քո, զի մի եղեց նշանակ աշխարհի...» (10); «Եւ իբրև ազդ եղեւ առ թագաւորն Խոսրով, և խնդաց յոյժ...» (14); «Եւ նորա գիշերագնաց եղեալ գնաց ի վերայ նոցա...» (31):

բ) Հարադիր+կալ. ի կալ առաջի, առաջի կայ (<կալ), յոտն կալ: Օրինակ՝ «Այս՝ աղալեմք, եթէ մեղք մեծամեծ իցեն, ի կալ առաջի սրբոյ եկեղեցոյս...» (18); «Եւ գայս ասացեալ միաբան՝ յոտս կացին և զնշան խաչին դարձուցանէին...» (50):

3) Երրորդ՝ շարժման իմաստ ունեցող հարադրավոր բայերի դեպքում իբրև հարադիր բաղադրիչ հանդես են գալիս մակրայը, գոյականը, որոնք կարող են ուղեկցվել նախդիրներով: Մակրայը դարձյալ գերակշռում է:

ա) Հարադիր+ելանել. յառաջ ելանել, ընդդէմ ելանել, ելանել ի վերայ, եգր ելանել, ի գլուխ ելանել, ընդ միջոցն ելանել: Օրինակ՝ «Եւ ել շահիւք ի վերայ զօրացն Պարսից...» (34); «...զի այնշափ կուտեցան ի վերայ, որ և տեղի չգտանէին՝ որ եգր ելանէին» (41); «Եւ ի մուտս եղեւ արեն, մնացին ի պարսից շորեթհարեւր, որը ընդ միջոցն ելեալ փախեան...» (42): «Եւ ի գլուխ ել աղօթքն Մանդնոսի...» (57):

բ) Հարադիր+գնալ. ընդ առաջ գնալ, գնալ ի վերայ, ի վայր գնալ: Օրինակ՝ «Իսկ Վահանայ ընդ առաջ գնացեալ նոցա, իշոյց զնոսա...» (27): «Իսկ նորա ժողովեալ տասն հազար այր, գնաց ի վերայ նորա յԱնդակն...» (34): «...և հնարս իմացեալ, ընդ Մարկուց փողն ի վայր գնացին յեզր Արածանոյ...» (47):

գ) Հարադիր+գալ. ի ձեռս գալ, ընդ առաջ գալ, գալ ի վերայ, ընդդէմ գալ, գալ ի գլուխ, ի շուրջ գալ: Օրինակ՝ «...և ի ներքս նենգութեամբ դարան մահու գործեալ՝ ի ձեռս գալ զօրացն» (22): «Իսկ Վահան փութով ընդ առաջ եկեալ զօրացն, աւետիս տայր...» (22): «...Զի Յոյնք են ի գալ

ի վերայ մեր, ասէ...» (27): «Եւ արք բերդին ընդդէմ եկեալ, քարամբ և զլօր յանխնայ կոտորեցին զնոսա...» (27):

գ) Հարապիր+մտանել. մտանել ի ներքս//մտանել ի ներս, զիետ մտանել: Օրինակ՝ «...և քանդի նուրբ էր մուտ քաղաքին, սակաւ սակաւ կարէին մտանել ի ներքս» (22): «...և ներս մտեալ՝ սկսաւ կոտորել, և ի մօրսն լնուլ...» (22):

հ) Հարապիր+անցանել. ընդ առաջ անցանել, ի դուրս անցանել: Օրինակ՝ «Քանդի որդի նորս Սմբատ ընդ առաջ անցեալ, կտրեաց շորեք հաղար երիվարս...» (38):

Մրանցից բացի, Հ. Մամիկոնյանի երկի մեջ են գտել հարադրավոր բայերի եղակի կիրառություններ. «...և ամենայն խստութեամբ տուեալ պատասխանի, և ի լոյս ածեալ զմահու դարանն, թքակոծեցին զնա...» (14): «...և զբիթսն կտրեալ ի շարի արկանէին և բերէին առ Սմբատ» (36): «Եւ Սմբատ ձայնս արձակեալ, ասէր...» (35): «Չոր տեսեալ դարանակալացն՝ յարեան ի վերայ, և կալան զնոսա» (27) և այլն:

Զուգագրական բայերը նույնպես դասական գրաբարում գործուն լեզվական իրողություններ էին: Ա. Այտընյանը այսպիսի կազմության բայերը բաժանում է հիմնականում երեք տիպի՝ նկատի ունենալով զուգադրվող բաղադրիչների թերման (խոնարհման, դերբայակաղմմության) բնույթին ու եղանակները, ընդ որում այսպիսի բաղադրությունները համարում է զրաբարի պերճության մի մասը⁴:

Հ. Մամիկոնյանի բառապաշարի զուգագրական բայերը նույնպես սովորաբար գոյանում են երկու բայի զուգագրումից՝ շարահյուսական փոխկապակցումով և համատեղումով արտահայտելով համեմատաբար կտրուկ և սլացիկ ընթացք ունեցող գործողություն: Այսպիսի միավորները գտնվում են իմաստային սերտ հարաբերակցության մեջ, լայնացնում և ուժեղացնում են վիպական պատումի մեջ առնվող գործողությունների ընթացքը: Այս տեսակետից, պատմության մեջ կիրառվող զուգագրական բայերը ոճական արժեք են ստանում: Այսպես, օրինակ,

4 Հմմտ. Վ. Զալբյսեան, Թերականութիւն հայկագեան լեզուի, հանդերձ փոփոխմամբը և յաւելուածովք, աշխատասիրեալ ի Հ. Արտենէ Վ. Այտընյան, Վիեննա, 1885, էջ 399։ Իստ այս աշխատության՝ զուգագրական բայերի բաղադրիչները խոսքի մեջ ենթարկվում են թերման, ընդ որում մի գեպրում խոնարհվում են երկու բաղադրիչները՝ դիմեաց եկն ի վերայ, խաղաց ելանէ ի ներքուստ ի վեր, մյուս գեպրում՝ առաջին բաղադրիչը, խակ երկրորդը առնվում է անորոշ գերբայով՝ դիմեաց զալ ի վերայ, խաղաց ելաննել ի ներքուստ ի վեր, մի այլ գեպրում առաջին բաղադրիչը գրվում է անցյալ զերբայով՝ և կիրառվում իմաստով մերձավոր մի այլ դիմավոր բայաձեկ հետ՝ դիմեալ եկն ի վերայ, խաղացեալ ելանէ ի ներքս (տես նույն տեղում, էջ 433—434):

եթե համեմատելու լինենք զուգադրական բայերով դրսեորված «...և յետ ութ աւուրն եկն ենաս Վախտանգն ի դաշտն անդր...» նախադասությունը իր երկու՝ սովորական բայերով կիրառելի տարբերակների հետ (Հմտտ. «...և յետ ութ աւուրն եկն Վախտանգն ի դաշտն անդր...» և «...և յետ ութ աւուրն ենաս Վախտանգն ի դաշտն անդր...»), ապա նկատելի կդառնա զուգադրական բայով արտահայտված իմաստային-ոճական տարբերությունները մյուսների համեմատությամբ:

Նկատելի է, որ այս պատմության զուգադրական բայերի մեջ անցողական բայերի մասնակցությունը ավելի շատ է, քան մյուս բայերինը:

Հ. Մամիկոնյանի պատմության մեջ այսպիսի բայերը հանդիս են գալիս զանազան եղանակներով՝ խոնարհվող և դերբայական ձևերի տարբեր կարգի զուգադրումներով։ Այսուամենայնիվ, համապատասխան միավորները խմբավորում ենք նկատի ունենալով բայական բաղադրիչների հանդիպման դեպքերը։

ա) Առաջին խումբը կազմում են առնով և այլ բայով զուգադրված հարադրությունները, ինչպես՝ առնով-տանել, առնով-գնալ. «Իսկ զորդին Վախտանգայ և զկինն առեալ տարան յԱյծից բերդն...» (36): ...զքաղաքն աւերեաց, և կրակատունսն այրեաց, և զսուրբ խաչն գերեաց, և առեալ գնաց ի պարսիկն» (54):

բ) Գալ և այլ բայերով զուգադրություն, ինչպես՝ գալ-հասանել, գալ-մտանել. «...և յետ ութ աւուրն եկն ենաս Վախտանգն ի դաշտն անդր...» (34): «...և ինքն եկն եմծատ առ Վահան ի վրանն...» (27):

գ) Ելանել և այլ բայով զուգադրություն, ինչպես՝ ելանել-անցանել, ելանել-գնալ. «...ի բաց կաց, զի ի պատերազմօղ արսն ելանեմ անցանեմ» (38): «Եւ ելեալ գնաց ժողովել զզօրսն...» (47):

դ) Երբալ և այլ բայով զուգադրություն, ինչպես՝ երբալ-իշանել, երբալ-մտանել. «...երբեալ մտին ի ծոր մի, և թագեան ննջեցին խոյս առեալ մինչեւ ի միւս աւուրն հասարակն» (42): «...և երբեալ էջ ի Հաշտեանսս...» (44):

Հանդիպում են զուգադրական բայերի մենակաղապար բաղադրության եղակի օրինակներ, ինչպես՝ անցանել-գնալ, հասանել-կտրել, տանել-ածել. «...և ընդ Հայոց զօրսն հպարտացան բնակել Յոյնքն, անցին գնացին աւուր միոյ ճանապարհ ի դաստակերտն և անդ իշին» (13): «...որք զկրօնաւորսն կոտորեցին, անցեալ գնացին յԱստղօն ամրոցն...» (21): «Եւ տարեալ ածեալ գնոսա ի դաշտին...» (32):

Հ. Մամիկոնյանի «Տարոնի պատմության» մեջ պատճառական հա-

բաղիր բայերը նախորդ երկու տիպի բայերի համեմատությամբ քիչ են գործածվում: Այսպիսի բայերը հիմնականում հետեւալներն են՝ ածել տալ, արկանել տալ, այրել տալ, արածել տալ, գրել տալ, դնել տալ, տալ զենով, բողով տալ, հանել տալ, կտրել տալ, շինել տալ, տանել տալ, կոչել տալ, տալ մօտիլ. «Եւ բարկացեալ Վաշղեան, ետ ածել զշամամ...»(57): «...և ետ գրել բանից նիշ և ողջոյն, թէ երից աւուրց ել ի բլուրդ...»(25): «...և կոչեաց ի ծառայիցն Միհրանայ տասն այր հաւատարիմ, և ետ տանել զթուղթն առ Վաշիր...» (25): «Սուրէն բերեալ ետ զհարեւր հազար դահեկանսն և զուղտսն և զձիսն առաջի, և ասէ ցիշսնն...» (38) և այլն:

Հ. Մամիկոնյանի բառապաշարի մեջ չեն հանդիպում բաղդյուսական բարդության կիրառություններ, եթե հաշվի շառնենք մեկ-երկու թվականական այն. կազմությունները, որոնք զերծ են ֆունկցիոնալ-ոճական երանգներից:

Հայերենում սովորաբար կցական բարդությունները կազմվում են կրկնավոր, հարազրական, բաղդյուսական բարդություններից՝ հիմնված իմաստային, կառուցվածքային փոփոխությունների, ինչպես նաև արտասանական սերտաճումների վրա: Այսպիս, օրինակ, հարազրական բարդություններից առաջացած կցականների գեպքում տեղի է ունենում բաղադրիչների սերտ կցում, արտասանական փոփոխություն՝ միասնական շեշտի առաջացում (Հմմտ. ակն ածել, յանձն առնով, ձայն արկանել→ակնածու, յանձնառու, ձայնարկու և այլն):

Այստեղ իբրև կցական բարդություններ մեծ մասամբ կիրառվում են թվական անուն բաղադրիչներ ունեցող կազմությունները, մասամբ՝ այլ կարգի միավորները, որոնք ընդհանուր առմամբ հանդիս էին եկել հայոց լեզվի նախորդ ենթաշրջաններում:

Զնայած որ միայն թվական անուն բաղադրիչներով կազմված կցական բարդությունները այստեղ ունեն համեմատաբար լայն կիրառություններ, կազմության տեսակետից էլ նույնական են դասական գրաբարի համապատասխան եղանակների հետ, թեև հնարավոր է, որ նաև այդպիսի բաղադրություններ լինեն իրենց գրությամբ միայն, այնուամենայնիվ այսպիսի կազմությունները չենք անտեսում: Այսպիսի թվականներից են՝ իննասունեռութ, ուրսուներեք, ուրուտասն, բանեերուդ, բանեիներուդ, բանեութ և այլն: Օրինակ՝ «...զի հայր էր վանացն, և ընդ ձեռամբ փրսով ունէր երեքհարեւր իննասունեռութ կրօնաւորս...» (29): «...և նստաւ յաթոռ նորա Դաւիթ ամս երիս, որ է բանեերուդ ի սրբոյ Գրիգորէ...» (49):

Հանդիպում են նաև անշաղկապ թվականական կազմությամբ կցական բարդությունների կիրառություններ՝ այս պատմության հրատարակության բնագրում ունենալով միաձույլ գրություն, ինչպես՝ երեքհարեւ, երեքհազար, իննիարեւ, չորեքհազար, ուրինարեւ և այլն. «...քանզի զօրք իշխանին Պալունեաց թագուցեալ էին ի բլուրն ի փոքր ամրոցին ի Մեծամօրին, որք երեքհարեւ, ի ներքս Անդակայ...» (39); «Իսկ Սմբատ զՎահան կողմնապահ էր թողեալ ի գիշերին չորեքհազարւն...» (46):

Եղակի դեպքում ունենք կցական բարդությանը զուգահեռ հարադրական՝ անջատական կազմությամբ հանդես եկած թվականի կիրառություն. «Կիրեղ (եկաց հայր վանացն.—Վ. Հ.) ամս բան և երկու» (8):

Հ. Մամիկոնյանի «Տարոնի պատմության» բառասլաշարի իսկական բարդությունները սովորաբար կազմվում են այնպիսի բաղադրիչներով, որոնք ըստ էության առանձին բառեր են, բառարմատներ կամ առանձին արմատներ: Անկախ բաղադրիչների շարահյուսական փոխհարաբերությունից, բարդության առաջին բաղադրիչները սովորաբար զըրվում են ուղղականով, մյուս բաղադրիչին միանում են ա հոգակապով կամ առանց հոգակապի, այլև շեշտափոխության ժամանակ կրում են որոշակի հնչյունափոխություն կամ զերծ են մնում դրանից⁵:

Մ. Արեղյանը հայոց լեզվի բառակազմական համակարգում առանձնացնում է իսկական բարդությունների մի քանի տիպեր: «Տարոնի պատմության» բառապաշարի բարդությունները ներկայացնում ենք նույնարիսի խմբավորումներով. այս դեպքում նույնպես նկատվում են բարդության մասնակից բաղադրիչների կրած հնչյունական փոփոխությունները, ձևաբանական (կամ խոսքիմասային) պատկանելությունը, ինչպես նաև շարահյուսական զանազան փոխհարաբերությունները:

Նախ՝ այս պատմության նորակազմ բառերից մի քանիսը, լինելով իսկական բարդության նմուշներ, նույնպես ունեն հայոց լեզվին ընդհանրապես բնորոշ հնչյունափոխություններ. բոնաթեղ (<բուն-ատեղ>), դիարած (<դէ-արած>), զրուցատար (<զրոյց-ա-տար>), զրուցար (<զրոյց-արար>), խսակրօնուրին (<խիստ-ա-կրօնուրին>), մարգարտապակ (<մարգարիտ-ա-պակ>), զետավիմուրին (<զետ-ա-վիմ-ուրին>), զիշահոտ (<զէշ-ա-հոտ>) և այլն: Օրինակ՝ «Եւ իբրև

5 Մ. Արեղյան, նշվ. աշխ., էջ 189:

վճարեցին ի կոտորելոյ զայնչափ բաղմութիւն, երկերիր այր համարով թողեալ զրուցատարս այլոցն վասն առն՝ զոր տեսին ի գիշերին...» (34): «...կամ ի վիշտս կամ ի ցանկութիւն շարեաց կամ ի լկումն կամ ի գետավիժութիւն կամ ի գաղանացն բեկումն...» (18):

Երկրորդ՝ իսկական բարդությունների բաղադրիչների խոսքիմասային պատկանելության հատկանիշով այս պատմության մեջ կիրառված (Հիմնականում նորակազմ, մասամբ՝ նախկինում վկայված) համապատասխան միավորները խմբավորվում են հետեւյալ կերպ:

ա) Միայն գոյական անոն բաղադրիչներով կազմված իսկական բարդություններից են հետեւյալները, ընդ որում առաջին անգամ այս պատմության մեջ հանդիպող մի քանի նույնատիպ տեղանուններն էլ միասին. Աստղաբերդ, բռնատեղ, գաւառապետ, Հայրաբուր//Հայրբուր, ձիազող, Մատրավան, մարգարտապսակ, պատերազմազլուխ, Սրեմավայր, Վարազաբլուր, Տարագլուխ և այլն: Օրինակ՝ «...և ետ զենուկ ի վերայ ձեռինն և սրոյն, զի իշցէ արիւնն և թուլացուսցէ զբնատեղն» (41): «...թէ արժան է ձեզ մարգարտապսակն զմարզպանին գողանալ...» (26): «...և յինքեանս առեալ զպատերազմն, սկսան կոտորել զպատերազմազլուխսն» (42):

բ) Գոյականով և բայարմատով կամ բայարնով բաղադրված բարդություններից են հետեւյալները, ընդ որում՝ միմիայն նորակազմ (մասամբ՝ տեղանուններ), ինչպես՝ այծարած, գետավիժութիւն, զրուցատար, զրուցարար, Համամաշէն, Զիւնկերտ, մօրաբարախ, մօրահեղձ, ձիատար(f), բարակոփ, բարապաշտ: Օրինակ՝ «...լինել զրուցատարս սքանչելեացն՝ որ հանդիպեցաւ ի կրօնաւորացն նոցա» (53): «Իսկ ոմանք փախստեայ լեալ, անցանէին հանդէպ մօրաբարախ յօձ բաղաբի» (58):

գ) Երրորդ խմբի մեջ մտնում են այնպիսի բարդությունները, որոնք կազմվում են ածականով և գոյականով, մակրայով և բայարմատով կամ բայարնով, ինչպես՝ ամելախօս, բարձաբուն, փոխատու: Օրինակ՝ «Առ ի՞նչ դարձայք ի պատերազմ, ով աւելախօս» (32): «...և ընդ տասն առնն ժամահար մի, և ընդ երկուսն խաշադրոց բարձաբուն...» (50):

Իսկական բարդությունների այլ կարգի միավորներ էլ կան, որոնք հիմնականում կիրառված ենք գտնում հնագույն մատենագրական երկերում, ուստի և դրանց շենք անդրադառնում (Հմմտ. միաբան, միանաշակ և այլն):

Եվ երրորդ՝ այս պատմության բառապաշտարի իսկական բարդությունների բաղադրիչների շարահյուսական փոխհարաբերությունը նույ-

Նական է դասական գրաբարի համապատասխան երեւյթների հետ։ Այսպես, գոյականական կազմություն ունեցող բարդությունների դեպքում նկատվում է բաղադրիչների հատկացուցիչ-հատկացալային շարահյուսական փոխհարաբերության գերավշող դրսերում (Հմմտ. գաւառապետ, ծիագող, Վարազաբլուր, Տարազլով): Գոյականով և բայարմատով կամ բայաբնով կազմված բարդությունների մեջ առկա է բաղադրիչների խնդրացին կամ պարագայական փոխհարաբերություն (Հմմտ. այծարած, գրուցատար, գրուցարար, մօրաբարախ, մօրանեղա, ծիատարք): Այն բարդությունները, որոնք գոյանում են ածական անուն և գոյական անուն խոսքի մասերով, ունեն բաղադրիչների որոշիչ-որոշյալային փոխհարաբերություն (Հմմտ. բարձրաբուն), իսկ մակրայով և որևէ բայարմատով կամ բայաբնով կազմված բարդությունների դեպքում գոյանում է բաղադրիչների պարագայական շարահյուսական փոխհարաբերություն (Հմմտ. աւելախօս, փոխառու):

Մի քանի խոսք ածանցման մասին:

Եթե ընդհանուր դիտողություն նկատելի է, որ Հ. Մամիկոնյանի պատմության բառապաշարի մեջ բառակազմական միջոցի արժեք ունեցող ածանցները հին հայերենի դասական և ետղասական գրաբարի հնիթաշրջաններում գործող համապատասխան օրինաշափությունների սահմաններից չեն անցնում։

Այս պատմության մեջ կիրառվում են հետևյալ ածանցները՝ -ակ, -ական, -անք, -ատ, -արան, -աւոր, -եայ, -եղէն, -եստ, -իկ, -իք, -ոտ, -ոտի, -որդ, -ուրին, -ումն, -ունի, -ուստ, -ստան և այլն։ Օրինակ՝ նետեակ, տափարակ, հալածական, փախստական, հալածանք, տառապանք, նեղեղատ, վկայարան, կտակարան, աւետատր, նենգատր, պաշտօնեայ, ի բացեայ, մազեղէն (<մազեղինօք>), պանեստ, փոքրիկ, աւետիք (<աւետիս>), աներախտիք (<աներախտիս>), ստորոտ, օտարոտի; առաջնորդ, հակառակորդ, վաճականութիւն, օգնականութիւն, մոռացումն, փափախումն, բազուտ (<բազստեան>), փախուտ (այլև՝ փախստեայ, փախստեայք, փախստէից), բուրաստան և այլն։

* * *

Հ. Մամիկոնյանի «Տարոնի պատմության» բառապաշարի որոշ միավորներ պարունակում են հնչյունների սղման դեպքեր, որոնք հիմնականում ժողովրդախոսակցական լեզվի ազդեցությամբ զրական լեզվի մեջ ներթափանցած երեւյթներ են։ Հանդիպում են դեպքեր, երբ հնչյունական սղում պարունակող տվյալ բառը մի այլ դեպքում հանդիս

է գալիս առանց հնչյունական սղման, որի հետկամքով, բնականաբար, առաջանում է բառային զուգահեռ ձևերի կիրառություն: Այսպիսի զուգահեռ ձևերի կիրառությունները, հավանաբար, հեղինակի բառագործածության անհետեղականության արդյունք են. ժողովրդական լեզվի մեջ, վերջինիս բառապաշտի մեջ մտցնում են որոշակի փոփոխություններ:

Հնչյունների սղման երևոյթը նկատվում է բառակազմության, հոլովակազմության և խոնարհման շրջանակներում, ինչպես նաև հանդես է գալիս որպես բարբառային արտասանության դրսերում:

Այսպես, հնչյունի սղման օրինակ է իսկական բարդության մեջ ահոդակապի բացիլողումը: Օրինակ՝ «Խսկ եկեղեցպանն և մի ոմն կրօնաւորացն գնացեալ առաջի սրբոյն սեղանոյն, ասեն...» (11): «Աղաշեաց իշխանն Ծիծառնիկ՝ եթէ հնարեա և գողացիր զիսալն զի եկեղեցպանն քո աղգական է» (54):

Հայերենում բառաբարդման եղանակով կազմված տեղանունների մեջ սովորաբար դրվում է ահոդակապը (Հմմտ. Տիգրահակերտ, Երվանդաշատ և այլն): «Տարոնի պատմության» մեջ կան այնպիսի տեղանուններ, որոնք չեն պահպանում այդ հոդակապը: Օրինակ՝ «Եւ շինէ զաւերեալն Զինկերտ քաղաք մեծ» (30): «Եւ մարզպան կայ թաղեալ ի գուռն կաթուղիկէին և Զինկերտ Տարօնոյ ի Պորպ քաղաքի» (58): «Ներսէս Հայոց կաթողիկոս, որ ի Տայոց էր ծննդեամբ, այն որ զկալարշկերտոյ սուրբ Աստուածածինն շինեաց...» (55):

Դասական գրաբարի իրեար փոխադարձ դերանվան ե, իսկ Ողական տեղանվան մեջ ահանապերները ընկել են (Հմմտ. իրեար—իրար, Ողական—Ողկան): Օրինակ՝ «...և ի մէջ առեալ զզօրսն Պարսից և խմբացաւ պատերազմ ընդ իրարս, մինչև զի ոչ զոյր հնար ճանաշել զմիմեանս...» (50): «Խսկ ոմանք յՈղկանայ ելեալ զնացին որսոյ պատճառանօք երկերիւր և յիսուն այր» (40) և այլն:

Բարբառային արտասանության հետևանքով մի քանի անձնանունների մեջ նույնպիս ստացվում է հնչյունների սղում: Օրինակ՝ «Խսկ իշխանն Արշուց կողմանն Գորգ Շատախօս (փիս. Գէորգ), որ կոչեաց զանուն գաւառին իւրում Շատախ վասն աւելի անուան իւրում...» (54): «Ի նույն ամին վախճանեցաւ երանելին Թողիկ (փիս. Թէոդոսիկ <Թէոդորոս-իկ>), հայրն վանացն Գլակայ...» (29):

6 Ա. Արցահամյան, Գրաբարի ձեռնարկ, Երևան, 1964, էջ 455—457:

Երբեմն նկատվում է բառավերջի ֆ, և բաղաձայնների սղում (Հմմտ. ի ներս, ի կողմ, փխ.՝ ի ներքս, ի կողմն): Օրինակ՝ «...զուք միաբան ի քաղաքն դարձէք և ի ներս մտեալ՝ զյաղթութեան փողն հնչեցուցէք...» (22): «...և ի վախճանիլն իւր ետ տանել գինքն ի վանսն իննակնեան, և կայ ի կողմ արևելից երեք քայլ հեռազոյն յեկեղեցւոյն» (12):

Մի քանի բառեր թեք հոլովածերում ունեն ա, ի (թեք հոլովներում՝ և) ձայնավորների անկում: Օրինակ՝ «...և զառնալն առ Միջրան տէր Մշու, Գալհրայ, Խութայ, Շատխոյ, և Սասնոյ» (15): «Բայց զանոյշ գինին Ասորց և Սալնայ և զՄոխրայ այս երկու տարի է, որ ցինէն կրտրեալ էին...» (38): «Իբրև խմբեցաւ պատերազմն յեղերս Արածանյ, առ անտառովն...» (50):

Մի քանի հատուկ անուններ գործածվում են զուգահեռ ձևերով: Օրինակ՝ «...և կայ թաղեալ ի նոյն տեղուցն, զոր Հայրելու կոշեն...» (29): «Եւ ի սոյն աւուրն վախճանեցաւ երանելին Ստեփանոս, և կայ առ այլ հարսն ի Հայրաբլուրն» (43): «Կոմիտաս (եկաց հայր վանացն.— Վ. Հ.) ամս ութ» (8): «Սա ի ժամանակս Կոմիտասայ Հայոց կաթողիկոսի գնաց առ նա...» (8): «...և կոշեաց զանուն նորա Գարհար...» (30): «...որ և շինեաց զՊորպ քաղաք և զամուկն զՔահար» (30):

3. ՆՈՐ ԲԱՌԵՐ ԵՎ ԻՄԱՍՏԱՅԻՆ ԿԻՐԱՌՈՒԹՅՈՒՆՆԵՐ

Հ. Մամիկոնյանը «Ճարոնի պատմությունը» զրել է մի այնպիսի ժամանակաշրջանում, երբ գրաբարն իբրև գրավոր լեզու գործուն էր: Ա. Այտընյանը Հ. Մամիկոնյանի պատմության լեզվի մասին այսպիսի ընդհանուր բնութագրություն է տալիս. «Այս նշանաւոր պատմագրէն չաղատուած՝ հարկ է վերջապէս իւր մէկ էական նկարագիրն ալ աշքէ շկորացնել՝ գրաբարը չէ թէ նախամեծար եղած է իրեն, այլ իրօք գրաբար մատենագրելու դիտաւորութիւնն այնպէս որոշ է՝ որ բացայայտ ռամկական կարծածները խեղիած է գործածել, նաեւ այնպիսիներն որոնք իրմէ գէք հարիւր տարի յառաջ ծանօթ և գործածական էին: Զոր օրինակ կը զգուշանայ եւր յոզնակիէն՝ որ առաջիններն անխիզն գործածեր էին, կխորշի ամէն բառէն փոխանակ՝ ամենայն, որ գիտենք թէ արդեն իւր նախնեացը ծանօթ էր. ած զերբացէն՝ որ իրեն անլուր չէր: Այս ամենքն հազիւ մէկ տեղ կը սպրդին իւր գրչէն (Ա. Այտընյանը տողատակին բերում է համապատասխան օրինակները.— Վ. Հ.),

որ ըսել է թէ ժամանակի աշխարհիկ լեզուն չի ներկայանար մեզի այս
մատենագրուրեան մեջ (ըսդգումները մերն են.— (Վ. Հ.)⁷:

Ա. Այտընյանի միանգամացն ճիշտ դիտողությունից բխում է հե-
տևյալը. եթե Հ. Մամիկոնյանը գրաբարի բառապաշարին (և ոչ միայն
բառապաշարին) քիչ հետամուտ եղած լիներ, ապա այսօր մեզ հասած
կլինեին ժամանակի ժողովրդախոսակցական լեզվից ավելի շատ տըլ-
յալներ: Այնուհանդերձ այս պատմության լեզվի մեջ տեղ են գտել ժա-
մանակի «աշխարհիկ լեզվի» միավորներ, որոնք կազմում են հեղինակի
բառապաշարի առանձնահատկությունները:

«Տարոնի պատմության» լեզուն հայ բանասիրության մեջ համար-
վում է դասական գրաբարից բավական հեռացած, ժամանակի խոսակ-
ցական լեզվի տարբեր շերտերից ահազին տարրեր պահպանած, որո-
շակի ոճական յուրահատկություններով հանդես եկած իրողություն: Այս
պատմության լեզուն համեմատաբար լավ է ուսումնասիրված «Նոր
բառդիրը հայկապյան լեզվի» աշխատության հեղինակների կողմից: Ոչ
պակաս ուշադրություն են հատկացրել նրան նաև մեծանուն լեզվաբան-
ներ Ա. Այտընյանը, Հ. Հյուրշմանը, Հ. Աճառյանը:

Նշի՞ հեղինակները այս պատմության բառապաշարին և հատկա-
պես վերջինիս նորակազմություններին անդրադառնում են հայոց լեզվի
բառապաշարի պամբողջականացման և իմաստային վերլուծության
ժամանակ:

Նշի՞ հեղինակները հաճախ բառահոդված են առանձնացնում այս
պատմության տվյալների հիման վրա, ինչպես օրինակ՝ անլախու,
բարձրաբուն, բռնատեղ, դիարած, գրուցատար, գրուցարա, թլիատ,
իշխանորդի, խստակրօնութիւն, կնկղատոր, ձեռնատեղ, մարգարտապը-
սակ, մօրաբարձի, մօրահեղձ, պատերազմազլուխ, բարագլուխ բա-
ռերի դեպքում:

Մի բանի բառեր նշի՞ պատմության հիշատակվում են և Հ. Մամիկոնյանի, և
հետագա հեղինակների անուններով: Սրանց ժամանակագրությանը հե-
տևելիս պարզվում է, որ դրանցից մի քանիսը նախապես կիրառվել է
Հ. Մամիկոնյանի մոտ, ապա նոր՝ ուրիշների: Այսպես, նշի՞ հեղինակ-
ները այծարած բառի դեպքում հիշատակում են հետագա հեղինակների,
այնուհետեւ Հ. Մամիկոնյանին, թեև ճիշտ հակառակն էր սպասելի: Փո-
խատու բառի ժամանակ նշվում են երեք ետին վկայություններ, իսկ
մինչ այդ շի հիշատակվում այս պատմությունը, Քարակոփի բառի դեպ-

7 Ա. Այտընյան, նշվ. աշխ., էջ 128—129:

քում թվարկվում են նախ հետագա հեղինակներ (Հմմտ. Հովհաննես կաթողիկոսը, Գրիգոր Մագիստրոսը), այնուհետև Հ. Մամիկոնյանը: Նշից հեղինակները երբեմն տալիս են Հ. Մամիկոնյանի լեզվի բառապաշտի միավորը Զենոր (Զենոր Գլակ) անվան հղումով: Մօտենալ բառը բերվում է միայն Գ. Նարեկացու վկայությամբ, այնինչ այս բառը նախապես հանդիպում է «Տարոնի պատմության» մեջ:

Որոշ բառեր դուրս են մնում Նշից բառացանկերից, թեև մյուս՝ Ալոձեռն բառարան հայկագնյան լեզվի՝ աշխատության մեջ դրանք լրացվում են. այսպիսի բառերից են հետևյալները՝ բագուած, ձեռացկոծ, ձիատարք, ձիագողք և այլն:

Ինչպես արդեն գիտենք, Ա. Այտրնյանը դասական գրաբարի և նրա հետագա փուլերի բառաքերականական, իմաստային, ինչպես նաև ոճական վերլուծությունների ճանապարհին անդրադառնում է նաև այս հեղինակի երկի լեզվական իրողությունների առանձնահատկություններին:

Ա. Այտրնյանը Հ. Մամիկոնյանի պատմության բառապաշտի մեջ գտնում է այնպիսի բառեր, որոնք չեն կիրառվում մինչ այս հայտնի մատենագրական երկերում: Դրանք հետևյալներն են՝ հալաւ, շէր, սապոն, պապ⁽⁸⁾: Այնուհետև խոսում է այնպիսի բառերի և բառաձերի մասին, որոնք իրեն ժողովրդախոսակցական լեզվի տարրեր բավական նուր էին կիրառվում դարական գրաբարում, այնինչ այստեղ ունեն համեմատաբար մեծ թվով գործածություններ: Ա. Այտրնյանի լեզվաքննությունից պարզվում է, որ դասական գրաբարին զուղընթաց գոյություն տնեցած խոսակցական լեզվի տարրերը առավել ներթափանցուն են գառնում հետագա դարերում: Այս տեսակետը հետագայում ընդունելություն է գտնում լեզվաբանության մեջ⁽⁹⁾:

Հ. Աճառյանը «Տարոնի պատմության» լեզվի բառապաշտի առանձնահատկությունները գնահատում է հայերենի բարեհրչության առումով և հատկապես աշխարհաբարի սկզբնավորման մեջ ունեցած դերի ու նշանակության տեսակետից⁽¹⁰⁾: Այս «Պատմության» լեզվի նոր բառերը Հ. Աճառյանի կողմից հիմնականում ստուգաբարանված են, թեև մինչև այժմ մնում են մեկ-երկու չստուգաբարանված բառեր⁽¹¹⁾: Քիչ չեն

8 Ա. Այտրնյան, նշվ. աշխ., էջ 124—125:

9 Հմմտ. Ս. Ղազարյան, Հայոց լեզվի համառոտ պատմություն, Երևան, 1954, էջ 217—221:

10 Հ. Աճառյան, Հայոց լեզվի պատմություն, հ. 2, Երևան, 1951, էջ 228—229:

Նույնի՛ Հայոց անձնանունների բառարան, հ. Գ, Երևան, 1945, էջ 551:

11 Հ. Աճառյան, Հայերեն արմատական բառարան, հ. 1—7, Երևան, 1926—1935:

նաև Հ. Աճառյանի կողմից ներկայացված այն նորակազմ բառերը, որոնք հարստացնում են հայերենի ընդհանուր բառապաշարը:

Անդրագանձնք «Տարոնի պատմության» բառապաշարի նոր բառերին և նոր իմաստային կիրառություններին առանձին-առանձին, ինչպես նաև այն հարցին, թե հեղինակի բառապաշարի նորակազմությունները հայոց լեզվի պատմության ընթացքում ինչպիսի արժեք են ձեռք բերում:

1) Հալաւ բառը նախապես հիշատակվում է ՆՀԲ-ի հեղինակների կողմից՝ վկայակոչելով միմիայն Հ. Մամիկոնյանին: Ա. Այտընյանը նույնպես այս բառը համարում է «Տարոնի պատմության» ռնորանոր բառերից»: Հալաւ բառի իմաստը բացահայտվում է բնագրում, ուր այն հոմանիշ է հանդերձ (զգեստ) բարին՝ «...և դարձեալ զսապոնի զինսն վաթսուն հազար դաշեկան, որ զքո զօրացն դիշահու հալաւն և զարիւնաթաթախ հանդերձան լուանալ տուաք և ագաք» (37):

Ստ. Մալխասյանցի «Հայերեն բացատրական բառարանում» այս բառը նշվում է իբրև բարբառային միավոր: Եվ իրոք, այն գոյություն ունի միայն բարբառներում. այս հեղինակի լեզվի մեջ կիրառվում է իբրև ժողովրդախոսակցական լեզվի բառային միավոր:

2) Հ. Աճառյանի ստուգաբառանությամբ պապ բառը լինելով համանուն միավոր՝ այս պատմության մեջ արտահայտում է «Հոր հայր» իմաստը և կապ չունի այլ՝ «Հայրապետ, կաթողիկոս» իմաստի հետ: Օրինակ՝ «...և ինքն յուղարկեաց զերիվարն նոցա ի Մուշ աւան՝ առ որդին իւր, որ կոչէր ըստ պապ անուան՝ Վահան Կամսարական...» (34): Հ. Աճառյանը պապ բառի «Հոր հայր» իմաստով կիրառության դեպքում վկայակոչում է նախ Փիլոն Եբրայեցուն, ապա՝ Հ. Մամիկոնյանին և ուրիշների: Իսկ ՆՀԲ-ի հեղինակները թվարկում են չորս հեղինակներ, որոնցից չորսորդը՝ Հ. Մամիկոնյանն է (ՆՀԲ, 2, 599):

Մյուս կողմից, ինչպես արդեն նշեցինք, Ա. Այտընյանն այն համարում է Հ. Մամիկոնյանի բառապաշարի «նորանոր» բառերից: Այս հակասում է ՆՀԲ-ի և Հ. Աճառյանի կողմից Փ. Եբրայեցու մոտ հենց «Հոր հայր» իմաստով նախնական կիրառության մատնանշմանը: Ընդունելի համարելով ՆՀԲ-ի հեղինակների և Հ. Աճառյանի ճիշտ տեսակետները այս առումով, պապ բառը չենք ընդունում որպես «Տարոնի պատմության» բառապաշարի նոր բառ կամ բառապաշարի նորություն:

3) Սապոն բառը փոխառյալ է, ընդ որով բառարանագիրների վկայությամբ և ժամանակագրական տեսանկյունից առաջին անգամ Հ. Մամիկոնյանի երկի մեջ է ավանդվում: Օրինակ՝ «...և դարձեալ զսա-

պոնի գինսն վաթսուն հազար դահեկան, որ զքո զօրաց զիշահոտ հալաւն և զարիւնաթաթախ հանդերձսն լոււնալ տուաք և ագար» (37), ՆՀԲ-ի հեղինակները, Հ. Աճառյանը հիշատակում են նախ՝ «Տարոնի պատմության», ապա նոր՝ Մաղաքիա աբեղայի (ԺԴ դար) և ուրիշների անունները (ՆՀԲ, 2, 694—695, Արմ., 96):

4) Փանդանել բայց նույնպես Հ. Մամիկոնյանի բառապաշարի նորություններից է: Հ. Աճառյանը բացատրում է, որ այս բառը նշանակում է «ցըրվել, թշնամին հալածելով ասդին անդին փախցնել» (ՀԱ, 122, Արմ., 1146): Օրինակ՝ «Եւ ի մէջ առեալ զզօրսն Պարսից, և սկսն փանդանել զի իշխան Պալունեաց կտրեաց երկու իշխանս, և եհան զնուա մինչև ի Հաշտեանս» (52):

Բառի ստուգաբանությունը վերջնականապես հայտնի չէ. ամենայն հավանականությամբ փանդանել բայց գոյացել է փոխառյալ միավորի հիման վրա: Այս բառի փանդ- արմատից ունենք նաև Փանդիկ տեղանունը՝ ուղիղ և Փանդիկաւ թէք ձեռբով, ինչպես օրինակ՝ «Եւ փախուցեալ ընդ երեսս դաշտին փախստեայք լինէին, և անուանեցաւ տեղին այն Փանդիկ» (52): «Վասն զալոյն վարդուհրայ, և մեռանելոյն ի Փանդիկաւ յիսուն հազար արսն յեզր Արածանոյ» (49):

5) Հ. Աճառյանը դիմէսլեկոս բառի համար իրեն նախնական վկայություն հիշատակում է Հ. Մամիկոնյանի «Տարոնի պատմությունը»՝ այնուհետև վկայակոչում է ուրիշների: Օրինակ՝ «Եսկ նա ուխտ սիրոյ դնէր ի միջի, ոչ միայն մարզպան Հայոց և պարսից համարեալ, այլև դիմէսլեկոս առնել բովանդակ Հռովմոց» (56): Հ. Աճառյանը ավելացնում է նաև այն, որ բառի ուղիղ ձեզ պետք է եղած լիներ դիմէսլեկոս, որի առաջին ե ձայնավորը տարնմանությամբ փոխվում է ի ձայնավորի, իսկ երկրորդը՝ է ձայնավորի (Արմ., 501): Այս տեսակետից Հ. Մամիկոնյանի պատմության մէջ առաջին անդամ հանդիպող դիմէսլեկոս բառը գրսկորվում է ե>ի, ե>է հնչունափոխություններով:

6) Դասական գրաբարում կային թլիփ բառը և սրանից կազմված ու կիրառված թլիփատել, թլիփատիշ, թլիփատութին և այլն բառաձեերը, որոնք կազմվել են ատ արմատի և -իշ, -ուրին ածանցների հետ բազգրվելով. -ատ(ել) բայարմատը հանդես է եկել իր բուն՝ բայական իմաստով:

Հ. Մամիկոնյանի պատմության մէջ կիրառվում է թլիփ-ի հնչունափոխված թլիփ-տարբերակից և -ատ բառակազմական ածանցից գոյացած բառաձեկ՝ թլիփատ: Օրինակ՝ «Եւ հրամայեա, նա զամենեցուն

զքիթսն կտրել և զրլիքատսն, և արկանել ի մախաղ» (23): «Եւ զորս ի ցամաքն սպանին, զքիթսն, և զրլիքատսն կտրէին և պահէին» (23):

Հ. Աճառյանը, նկատի ունենալով Հ. Մամիկոնյանի պատմության այս իրողությունը, գրում է. «Հետինները սխալ ստուգաբանելով բառ ենթադրել են «ծածուկ անդամ» ԱԲ կամ «ծածուկ անդամի կաշին» (ըստ արդի Հայկաբանների)» (Արմ., 1243—1244): Այս բառի բլիփ արմատական ճիշտ և նախնական իմաստը նշանակում է «օձիքի կամ գրպանի եղերքին՝ ամրության կամ գարդի համար կարված երիգ»: Թլիփ արմատից բլիքատ նորակազմությունը, անկասկած, առաջանում է բլիքատել, բլիքատիչ, բլիքատորին և նման ձևերի հիման վրա՝ առայսակազմական ածանցը վերածելով արմատի տարրի:

7) Հ. Մամիկոնյանի պատմության մեջ հանդիպում է նաև շէր նոր բառը: Նշի-ի հեղինակները, Հ. Աճառյանը այս բառի համար իբրև եղակի վկայություն հիշատակում են միայն Հ. Մամիկոնյանին: Բառի իմաստը բացահայտվում է բնագրում, որը նշանակում է «երգ, ժողովրդական բանաստեղծություն, ժողովրդական երգ»¹²: Օրինակ՝ «Որ և յետոյ ի հոտել դիականցն յորդնել շէր հանեալ ասէին. «Կերան գազանք զմարմինս դիականցն Վարագայ եւ գիրացան...» (42):

Այս կապակցությամբ Հ. Աճառյանը այսպիսի դիտողություն ունի. «Համեմատությունը ճիշտ և փոխառությունը ստուգ կարելի է համարել միայն այն ժամանակ, երբ ընդունինք, թե Մամիկոնյանի սույն հատվածը ավելի ուշ գործ է կամ հետո ավելացրած» (Արմ., 334): Այս դիտողությունն ունի իր պատճառները: Հ. Աճառյանը այն բանաստեղծության մատենագիր (Հմմտ. Արմ., Երևան, 1971 թ., էջ 44): Հ. Աճառյանը արաբական փոխառությունների հարցում այն կարծիքին էր, թե արաբների տիրապետության սկզբնական շրջանում հայերենի՝ արաբերենից փոխառած բառերի քանակը ընդհանրապես «աննշան» է եղել (Հմմտ. ՀՀՊ, 2, 173): Իսկ այս պատմության բառապաշարի մեջ, ինչպես տեսնում ենք, առկա են այդպիսի փոխառյալ բառեր, որոնք նախապես գործածական են եղել ժամանակի խոսակցական լեզվի մեջ:

Դասական գրաբարի բառապաշարի որոշ միավորներ այս պատմության մեջ հանդես են գալիս ոչ միայն իրենց նախապես գործածական են եղել ժամանակի խոսակցական լեզվի մեջ:

12 Այս բառը, ինչպես ստուգաբանում է Հ. Աճառյանը, փոխառյալ է արաբ. Տի՛ր կամ Տի՛ր «երգ, բանաստեղծություն» ձևից: Հավանաբար, արաբ. Տի՛ր ձեզ տվել է նախապես հայ. շեյր, ապա՝ շէր:

այլև նոր իմաստային կիրառություններով: Այդպիսի բառերից են հետևյալները:

1) ՆՀԲ-ի հեղինակները, Հ. Աճառյանը ցից բառի համար նշում են երկու իմաստ՝ «արածայր փայտ» և «ցցուն, ցցյալ (որուէ բան)» (ՆՀԲ, 923—924, Արմ., 1073): Բառի իմաստային կիրառություններից երկրորդի գեպքում հեղինակները վկայակոչում են Հ. Մամիկոնյանին (այլև՝ «Գիրք վաստակոցը»՝ իբրև ետին վկայություն): Վերոհիշյալ իմաստներից երկրորդը արտահայտվում է «Տարոնի պատմության» հետեւյալ օրինակում. «...Եւ կտրեաց զքիթսն, և ցուցանէր աշացն, և պատառեալ զիրոն, ետ ծառային հանել զլեարդն և դնել ի բերանն, և հարեալ զդանակն ի փորն և ետ թողով ի ցից» (25): Ըստ Հ. Հյուգմանի ցից բառը փոխառյալ է ասոր. ՏԵՇԱ «աեպ» ձեից¹³:

2) Խիստ բառի համար Ա. Այտբնյանը Հ. Մամիկոնյանի Պատմության մեջ գտնում է բոլորովին մի նոր իմաստային կիրառություն, որը բնորոշ է համարում «ռամկորենին»¹⁴: Օրինակ՝ «...Եւ խիստ վաստակեցաւ Սմբատ յաւուրն յայնմիկ, բայց ի թիկունս եհաս նմա վարազ իշխան Պալունեաց...» (40): Ըստ ՆՀԲ-ի հեղինակների տվյալների հայերենում այս բառը ընդհանրապես կիրառվում էր երեք՝ «կարծր, պինդ, կուռ», այլև՝ «գժվարին, ծանր» և «խիստ, խստագույնս» իմաստներով (ՆՀԲ, 945): Հ. Աճառյանը խիստ բառի համար իբրև մի այլ կամ չորրորդ իմաստ ավելացնում է «Հույժ շատ» նոր իմաստը՝ ենելով «Տարոնի պատմության» բնագրի ընձեռած տվյալներից (Արմ., 498):

Մյուս կողմից, խիստ բառարմատից բառաբարդման և ածանցման ձանապարհով գոյացած խստակրօնութիւն բառի գեպքում ՆՀԲ-ի հեղինակները նշում են միայն Հ. Մամիկոնյանի «Տարոնի պատմությունը» (ՆՀԲ, 987):

Այս բառի «Հույժ, շատ» իմաստը գործուն և կենսունակ է ժամանակակից հայերենում:

3) Ա. Այտբնյանը «Տարոնի պատմության» բառապաշտի որոշ միավորների նոր իմաստային կիրառությունների առումով գրում է. «Հետնագոյն ռամկորենին հատուկ նշանակութիւններ սովորական (են) եղած՝ որ հնոց քովը շատ ցանցառ էին, կան նաեւ որոշ նշանակութիւններ, որոնց մեջ նշանաւոր է այլ շաղկապը, որուն առաջին անգամ հոս կը հանդիպինք. «Դուք զտաճարսն այլ յայրել էք ի տալ» (26)¹⁵:

¹³ H. Häbschmann, Armenische Grammatik, b. 2, Leipzig 1897, էջ 310.

¹⁴ Ա. Այտբնյան, նշվ. աշխ., էջ 181—183:

¹⁵ Ա. Այտբնյան, նշվ., աշխ., էջ 126—127:

հնչպես նկատելի է, այլ շաղկապը կիրառվում է այնպիսի իմաստով, որ հավասարարժեք է դառնում ժամանակակից գրական հայերենի էլ-ին: Այս իմաստով այլ-ը նախապես կիրառված ենք գտնում Հ. Մամիկոնյանի երկի մեջ:

4) Այս երկի բառապաշարի մեջ հանդես են գալիս դասական գրաբարից ավանդված կողմն, կոյս («կողմ» իմաստով) բառերը և սրանց հավասարարժեք դեմ բառը, որոնք բնագրային կիրառությունների մեջ նյութի շարադրանքին հաղորդում են ոճական-նրբերանգային տարրերություններ: Օրինակ՝ «Եւ երթեալ ի վերայ լերինն, ընդ երիս դեմս դարան գործեալ, և զդպիրն և զնուիրակն առաքեաց առ Վաշիր անդ» (26): «Իսկ Սմբատ զՎահան կողմնապահ էր թողեալ ի գիշերի շորեք հաղարաւ, և երկու հազար ի դարանի կացուցեալ ընդ երկուս դեմս» (16): Բերված օրինակներում դեմ բառը իմաստային կիրառության այս եղանակով փոխարինում է դասական գրաբարի կողմն, կոյս կանոնական ձևերին:

5) Հ. Մամիկոնյանի երկի բառապաշարի մեջ կարել բայց հաճախ կիրառվում է «անջատել, հանել, առանձնացնել» նշանակություններով¹⁶: Բերենք հետեւյալ օրինակները. «Իսկ Սմբատայ կարեաց ի գիշերին երկու հազար այր հեծելոց» (34): «Քանզի որդի նորա Սմբատ ընդ մեջ անցեալ, կարեաց շորեք հազար երիվարս. և անցանէր յայնկոյս Արածանոյ» (31):

6) Հ. Մամիկոնյանն երբեմն օգտագործում է յուլարկել բայց «ուղարկել» նշանակությամբ, թեև, ինչպես նշում է նաև Ա. Արքահամյանը, «գրաբարի համար նման դեպքում ավելի գործածական է առանել բայց, սակայն սրա գործածությունը ևս բացառված չէ»¹⁷: Ունենք հետեւյալ օրինակները. «... և ինքն յուլարկեաց զերիվարսն նոցա ի Մուշ աւան՝ առ որդին իւր, որ կոչէր ըստ պապ անուանն՝ Վահան Կամսարական, զի զհետեակս քաղաքին հեծեալս արասցէ, և յուլարկեացէ փութով» (34):

7) «Տարոնի պատմության» լեզվի բառապաշարի իմաստային նոր կիրառությունների հետաքրքրական փաստերից է նաև այն, որ գրաբարի զի շաղկապի նշանակությամբ, թեև փոքր-ինչ պակաս, բայց հանդես է զալիս որ հարաբերական դերանունը¹⁸: Հիշենք հետեւյալ բնութա-

16 Ա. Այտքենյան, նշվ. աշխ., էջ 124: Ա. Արքահամյան, Գրաբարի ձեռնարկ, էջ 456:

17 Ա. Արքահամյան, նշվ. աշխ., էջ 456:

18 Նույն տեղում:

գրական օրինակը. «Կամ եկ՝ զի պատերազմիմք, և կամ հնագանդեաց և ուռու հարկս» (34):

Այսպիսով, «Տարոնի պատմությունը» աչքի է ընկնում նաև գրաբարի բառապաշարային միավորների նոր իմաստացին կիրառություններով, որոնք հարստացնում են այս երկի լեզուն:

Հ. Մամիկոնյանի բառապաշարի մեջ աշքի են ընկնում որոշ նորակաղմություններ: «Պատմության» շարադրանքի մեջ հանդես եկած նորակադմ բառերը գոյանում են հայերենի բառակաղմական ընդհանուր օրինաշափություններով և արդյունք են կամ հեղինակային լեզվի՝ հեղինակային բառաստեղծման և ինքնուրույն կիրառության, կամ ժամանակի ժողովրդախոսակցական լեզվի բառապաշարային որոշակի հնարավորությունների հեղինակային օգտագործման:

Այս «Պատմության» բառապաշարի նորակաղմությունները հետեւ մշալներն են. այծարած, ամելախօս, բարձրաբուն, բոնասեղ, դիարած, զրուցատար, զրուցարար, թիկնախառն, թիւկոծել, իշխանորդի, խնտակրօնորին, ծայրատել, կնկղատր, ձեռնատեղ, ձիազող, մարզարտապսակ, միանաշակ, մօրաբարախ, մօրանեղձ, պատերազմագուխ, փոխատու, բարազուխ և այլն: Օրինակ՝ «...և ետ զենով ի վերայ ձեռինն և սրոյն, զի իշցէ արիւնն և թուլացուացէ զբնատեղն» (41): «Եւ բարկացեալ վաշդեան, ետ ածել զշամամ, ծայրատել զոտս և զձեռս նորա» (50): «...Մմբատայ ողի առեալ, ածեալ զուրն և եհար զուսն, և թիկնախառն ի վայր ընկէց զգուխ աւագի նոցա» (47): «...ինքն աստի, և քաղաքացիին անտի բառասոն այր մօրանեղձ արարին» (22): «...անցանէին հանդէպ մօրաբարախ օձ քաղաքի» (58):

Վերոհիշյալ նորակաղմ բառերը «Տարոնի պատմության» մեջ ունեն ժողովրդախոսակցական լեզվին բնորոշ իմաստացին կիրառություններ, հարստացրել են հեղինակի երկի լեզուն: Այսպես, բնագրում դիարած և այծարած բառերը գործածվելով միկնույն նախադասության մեջ ստեղծում են բառախաղային հակագրություն, ինչպիս՝ «Եւ կացեալ աւուրս տարսն, խնդիր արար Սուրէն եղբօրորդւոյ իւրոյ՝ թէ ո՞ւր է: Իսկ նոքացուցին բերդն՝ թէ անդ է. և նա ասէ. «Անդ այծարած է թէ դիարած»: Եւ ծիծաղեալ Մմբատայ ընդ աղի բանսն Սուրենայ, առաքեաց և ետ բերել զկինն և զորդին առաջի իւր» (37): Մյուս կողմից, մօրանեղձ և

մօրաբարախի, ձեռնատեղ և բոնատեղ նորակազմ բառերը նյութի շարադրանքը օժառում են հոմանիշային-ոճական բազմազանությամբ¹⁹:

Հ. Մամիկոնյանի բառապաշարի նորակազմ բառերի կենսունակությունը հայոց լեզվի պատմության առումով կարելի է որոշել բառարանագրական հիշատակումներից՝ ժամանակակից հայերենի բառարաններում սրանց տեղ գտնելու կամ շգտնելու հիմունքով:

Այս տեսակետից, պարզվում է, որ Հ. Մամիկոնյանի բառապաշարի նորակազմ բառերի մի մասը չի կորցրել իր բառիմաստային կենսունակությունը և հայերենի ժամանակակից փուլում ունի կիրառական ակտիվություն։ Այդպիսի բառերից են, օրինակ, աւելախօս, բարձրաբուն, բոնատեղ, գրուցատար, իշխանորդի, ձիազող, մարգարտապասակ, ծայրատել, խստակրօնութիւն և այլն միավորները։ Բառերի մի այլ մասը, եթե ժամանակակից գրական հայերենում ոչ կենսունակ կամ պակաս կենսունակ կարող են թվալ, ապա գեղարվեստական խոսքի մոգական ուժով դրանք կարող են վերակենդանության շռնչ առնել և դառնալ գրական լեզվի բառապաշարի կենսունակ միավորներից։ Այդպիսի բառերից թերեւ կարելի լինի նշել հետեւալները՝ մօրանեղձ, մօրաբարախ, կնկդատը, միանաշակ և այլն։ Այսպիս, Ստ. Մալխասյանցի բառարանում «մեռած բառեր կամ նշանակություններ» ունեցողներ են համարվում թքակոծել, խստակրօնութիւն, ծորամուտ, միանաշակ, մօրանեղձ միավորները։ Իսկ «Ժամանակակից հայոց լեզվի բացատրական բառարանում» հիշյալ բառերից, օրինակի համար, թքակոծել, խստակրօնութիւն բառերը քերվում են իբրև հայերենի արդի փուլի գործածական միավորներ։

Այսպիսով, Հ. Մամիկոնյանի «Տարոնի պատմության» բառապաշարի նորակազմ բառերը ճնշող մեծամասնությամբ դարերի ընթացքում չեն կորցրել իրենց բառիմաստային կենսունակությունը և հասել են մինչև հայերենի ժամանակակից փուլը և մտել վերջինիս ընդհանուր բառափոնդի մեջ։ Կան նաև այնպիսի բառային միավորներ, որոնք նախորդների համեմատությամբ ոչ կենսունակ կամ պակաս կենսունակ են։ «Տարոնի պատմության» նորակազմ բառերից մի քանիսն այժմ ունեն կամ արտահայտում են այլ բառային իմաստներ՝ կապված լեզվի պատմության ընթացքում կրած իմաստային փոփոխությունների հետ։

19 Հստ Նշթ-ի և Ստ. Մալխասյանցի «Հայերեն բացատրական բառարանի» ձեռնատեղ բառն ունի «Ճնորքի ափ» իմաստը, իսկ այստեղ «սրի կոթ» իմաստով է գործածվում։ Հստ «Ժամանակակից հայոց լեզվի բացատրական բառարանի» այն իմաստափոխալելով նշանակում է «բռնակ» ընդհանրապես։

Հ. Մամիկոնյանը իր երկի շարադրանքի ընթացքում գործածում է մի շարք տեղանուններ, որոնք նույնպես բառապաշարային նորություն են: Պատմության հեղինակը հաճախ բացատրում է իր գործածած տեղանունների իմաստը, որոնք հիմնականում կեղծ՝ ժողովրդական ստուգաբանություններ են և արտացոլում են հեղինակի որոշ մոտեցումը, վերաբերմունքը այդ տեղանունների բնիմաստների (չեղուոյնի) մեկնության հարցում: Մյուս կողմից, չի բացառվում այն հանգամանքը, որ Հ. Մամիկոնյանը կարող էր օգտագործած լինել ժողովրդի շուրջերին տարածված այդ տեղանունների այդպիսի բացատրություն-ստուգաբանությունը:

Այդպիսի տեղանուններից են հետևյալները՝ Առաջ, Առինչ, Աստղաբերդ, Թմբրաձոր, Համամաշէն, Հանդիսեանի, Հոնրնկէց, Մահու ագարակ, Մահու բլուր, Մոկկունի, Յետսանկ, Ներքինանկնիս, Մրեմաձոր, Վայրանկանիս և այլն: Օրինակ՝ «Եւ իբրև վճարեցաւ պատերազմն հրամայեաց ծածկել զնոսա ի ծորս և ի հեղեղատ և կոչեցաւ բլուրն Մահու բլուր» (36): «...էջար գտէդն ի թիկունս նորա, և անցոյց ընդ ողն երիվարին և ասէ. «Այժմ անկանիս»: Եւ կոչեցաւ անուն տեղոյն ներքինանկնիս» (52): «...և բազմաց կորուստ եղեւ այն օր, և շորեքհազար գլուխ համարով ընկեցին ընդ քարն, որ կոչեցաւ Հոնրնկէց» (46):

Նշված հատուկ անունների մեջ նկատվում են ժողովրդախոսակցական լեզվին բնորոշ առանձնահատկություններ՝ հնչյունների սղում, հնչյունափոխություն, տարբերակային կիրառություններ և այլն:

Այսպիսով, Հ. Մամիկոնյանի «Տարոնի պատմության» բառապաշարի առանձնահատկություններից մեկն էլ նոր բառերի և դասական գրաբարի հնթաշշանում արդեն տեղ գտած բառային միավորների իմաստային նոր կիրառությունն է, որն արտացոլում է ժամանակի ժողովրդախոսակցական լեզվի և նրա ոճերի իրողությունների մի մասը միայն: Բառային նորակազմությունները և նոր հատուկ անունները ամբողջացնում են «Տարոնի պատմության» բառապաշարը:

4. ԳԱՐՉՎԱԾՍՅԻՆ ՄԻԱՎՈՐՆԵՐԸ

Լեզվի բառային միավորները խոսքի մեջ հանդիս են գալիս որոշակի իմաստներով: Բառային միավորները բառակապակցական փոխհարթերության մեջ երբեմն վերափառավորվում են և ստանում դարձվածային իմաստ: Բառային միավորները խոսքի մեջ «դարձվածային միասնություն են ստանում այն գեպքում, երբ բառակապակցության բաղադրիչները

կորցրել են իրենց առանձին, անկախ բառային իմաստները և բառակապակցական միասնության մեջ ստանում են նոր իմաստ, որն այլևս հավասար չէ բաղադրիչների առանձին բառիմաստների գումարին»²⁰:

Հայոց լեզուն բավական հարուստ է դարձվածային միավորներով, Հին Հայերենի, ինչպես նաև հետագա փուլերի բառապաշտը աշքի է ընկնում դարձվածային միավորների առատությամբ²¹:

Դարձվածային միավորները արժեքավոր են խոսքի այլաբանական, փոխարերական, շրջասացական և այլ կարգի ոճավորումների տեսակետից: Հանդես գալով ոճական զանազան եղանակներով՝ սովորական բառերի և բառակապակցությունների հետ միասին դարձվածային միավորները դառնում են գրականության լեզվի, հեղինակային ոճի դրսեորման ինքնատիպ ու յօւրահատուկ միջոցներ:

Դարձվածային միավորները սովորաբար բնութագրվում են ձեւական և իմաստային հատկանիշներով: Որպես դարձվածային միավորների ձեւական կամ արտահայտության պլանի հատկանիշներ նշվում են դարձվածային բաղադրիչների բաղմանդամությունը, անտեղափոխելիությունը (կայուն շարադասություն), անփոխարինելիությունը (տվյալ բաղադրիչի փոխարինումը ուրիշով կարող է հանգեցնել դարձվածային իմաստի խաթարման), կապակցական սեղմությունը (որոշ քերականական երեւութների բացթողում) և այլն: Խոկ իբրև իմաստային կամ բովանդակության պլանի հատկանիշներ առանձնացվում են այդ նույն բաղադրիչների իմաստային սերտությունը, բաղադրիչների առանձնակի իմաստների մթագնումը սրանց վերականատավորման ձևնապարհին՝ դարձվածային իմաստի գոյացման հետևանքով և այլն²²:

20 Ш. Балլи, Французская стилистика, М., 1961, էջ 97:

21 Ժամանակակից Հայերենի դարձվածային միավորները համեմատարար լավ են ուսումնասիրված, այնինչ հին Հայերենի և միջին Հայերենի բառապաշտի այս մասը մինչև այժմ մնում է շհետազոտված (Տիև, Մ. Արելյան, Հայոց լեզվի տեսություն, Երևան, 1964, Գ. Սևակ, Ժամանակակից Հայոց լեզվի դասընթաց, Երևան, 1955, Ա. Մուրվալյան, Հայոց լեզվի դարձվածարանություն և բայակագմություն, Երևան, 1959 Ա. Մարգարյան, Արդի հայերենի հարագիր բայերը, Երևան, 1966, Ա. Առաքիլյան, Հոմանիշները ժամանակակից Հայերենում, Երևան, 1971, Պ. Բելիցյան, Ժամանակակից Հայերենի դարձվածարանություն, 1971, Երևան, Կ. Գևորգյան, Հայերենի դարձվածարանում, Երևան, 1969, Ա. Սուբիայան, Վ. Գալստյան, Հայոց լեզվի դարձվածարանական բառարան, Երևան, 1975):

22 Հմմտ. Ш. Балլи, նշվ. աշխ., 100—102; В. Виноградов, Русский язык (грамматическое учение о слове), М., 1972, էջ 23—30, В. Н. Телия, Фразология (տե՛ս), «Теоретические проблемы советского языкоznания», М., 1972, էջ 257—277), И. М. Шанский, Лексикология современного русского языка, М., 1972, էջ 196—215.

իբրև ֆունկցիոնալ-ոճական հատկանիշներ կարելի է նշել դարձվածային միավորների հաղորդակցական ընդհանուր ճանաչողականությունը, ոճական խտացումը, հաղորդման մեջ ֆունկցիոնալ կողմնորոշվածություն առաջացնելու ունակությունը և այլն:

Շ. Բալլին դարձվածային միավորների համար իբրև իմաստային ամենաընդհանուր հատկանիշ առանձնացնում է «դարձվածի փոխարեն մի սովորական բառ դնելու հնարավորությունը կամ անհնարինությունը», որն էլ անվանում է «բառ-նույնականացնող»²³:

Վ. Վինոգրադովը, նկատի ունենալով ուսւերենի դարձվածային միավորների ձևային և իմաստային ընդհանուր կողմերն ու տարբերությունները, առանձնացնում է երեք ենթատեսակ՝ դարձվածային սերտաճում, դարձվածային միասնություն և դարձվածային կապակցություն, որին ն. Շանսկին ավելացնում է շորրորդ ենթատեսակը՝ դարձվածային արտահայտությունը:

Հ. Մամիկոնյանի «Տարոնի պատմության» դարձվածային միավորների քննության ժամանակ առաջնորդվում ենք Հետկյալ գործնական սահմանումով. դարձվածային միավորը մեկից ավելի բառերի հարագրական կամ կապակցական այնպիսի բաղադրություն է, որն աշքի է ընկնում բաղադրիչների իմաստային սերտությամբ, մթագնումով, վերականգնումով, այդ նույն բաղադրիչների բազմանդամությամբ, անփոխարինելիությամբ, միասնությամբ, ինչպես նաև ֆունկցիոնալ-ոճական նպատակամղվածությամբ:

Հ. Մամիկոնյանի բառապաշարի դարձվածային միավորների ուսումնասիրության ժամանակ հիմնական ուշադրությունը հատկացվում է դրանց ծագումնային, ֆունկցիոնալ-ոճական, կառուցվածքային՝ բառային բաղադրիչների կազմի, կաղապարների առանձնահատկություններին:

1) Անդրադառնանք դարձվածային միավորների ծագման հարցին, այսինքն՝ ինչպիսի աղբյուրներից են գալիս դարձվածային միավորները և ինչպիսի տարբերություններ ունեն միմյանցից:

Մնալով տվյալ լեզվի սահմաններում, ընդհանրապես, հնարավոր է ցույց տալ այս կամ այն դարձվածային միավորի գոյացումը լեզվի ժամանակային (անցյալի, ժամանակակից), տարածքային (բարբառային, խոսվածքային), ինչպես նաև սոցիալական-ֆունկցիոնալ (գրական, ժողովրդախոսակցական) շերտերից: Իսկ դուրս գալով տվյալ լեզվի շրջա-

23 Ռ. Բալլս, նշվ. աշխ., էջ 100:

նակներից կարելի է մատնանշել դարձվածային միավորների առաջացումը փոխառության, թարգմանության կամ պատճենման ճանապարհով:

Այս տեսակետից, Հ. Մամիկոնյանի բառապաշտի դարձվածքները ծագում են հիմնականում երկու՝ հայերենի նախորդ ենթաշրջանների (հատկապես՝ դասական գրաբարի) և ժամանակի ժողովրդախոսակցական լեզվի և նրա ոճերի ակունքներից: Հայերենի բառապաշտի այդ հնարավորությունները օգտագործվել են հեղինակի կողմից:

Հ. Մամիկոնյանի «Պատմության» դարձվածային միավորները բաժանվում են երկու խմբի՝ նախկինում կիրառություն գտած դարձվածային միավորներ և առաջին անգամ այս պատմության բառապաշտի մեջ հանդիպող միավորներ:

Փոքր-ինչ սակավ են հանդիպում նախկինում կիրառություն գտած դարձվածային միավորները, որոնք մեծ մասամբ հանդիպում են Աստվածաշնչի մեջ, մասամբ՝ Ագաթանգեղոսի, Եղիշեի, Ղ. Փարպեցու երկերում:

Այսպիսի դարձվածային միավորներ են հետևյալները՝ բառնալ զգլուխ (ուրումն), գնել արեամբ (ումամբ), դնել բանս ի բերան (ուրումն), ընդ զինի մտանել, դուռն դժոխոց, ի բացեայ բողով, ի զլովս ելանել, զօրածողով լինել, ի մտի կալ(ն)ով, լի լինել խնդորեամբ, խմբել պատերազմ, հասանել ի բիկունս, մտանել ի պատերազմ, նստել յարռ (ուրումն), տալ ի ծեռս (ումեմն) և այլն:

Սակայն միշտ չէ, որ հեղինակի բառապաշտի տվյալ դարձվածային միավորը, թեև դասական գրաբարում նախապես կիրառություն գտած, «Տարոնի պատմության» շարադրանքի մեջ հանդես է գալիս նույնպիսի իմաստով, ինչպիսին որ ունեցել է դասական գրաբարում: Այս առումով նկատելի են որոշ տարբերություններ, որոնց հիման վրա դարձվածները միավորում ենք երկու ենթախմբի մեջ:

Առաջին ենթախմբի մեջ մտնում են այն դարձվածային միավորները, որոնք Հ. Մամիկոնյանի մոտ կիրառվում են այնպիսի ձևամմաստային դրսելորումներով, ինչպիսիք որ էին դասական գրաբարի ենթաշրջանում կամ հետագայում: Այդպիսին են հետևյալ միավորները՝ բառնալ զգլուխ (ուրումն), գնել բանս ի բերան (ուրումն), դուռն դժոխոց, ընդ զինի մտանել, ի զլովս ելանել, ի մտի կալ(ն)ով, ի բիկունս հասանել, խմբել պատերազմ, մտանել ի պատերազմ, նստել յարռ (ուրումն), տալ ի ծեռս (ումեմն), զօրածողով լինել:

Բերում ենք մի քանի բնագրային զուգահեռ օրինակներ՝ «Եւ եհար ի պարանոցի նորա երկիցս զօրութեամբ իւրով, եւ հատեալ եբարձ զգլուխ նորա...» (Սգր., Յուդ., ԺԴ, 10): «...և քանզի դեռևս կային կինդանի՝ և

ապա բարձին զգլուխս նոցա սրով» (Ազաթ., 1909, 112): «Առդ որովհետեւ տիրատեաց էք, ես բառնամ զգլուխ են ի քէն» (Մամիկ., 36): «...եւ եղ բանս ի բերանս նոցա խօսել ընդ եղբարս իւրեանց Նախանիմ...» (Սգր., Եղբ., Ը, 17): «Ակսաւ բանս ի բերան դնել մոգակտին և մոգացն, որք մատուցեալ յանդիման ասէին ցթագաւորն...» (Եղիշէ, 1957, 142): «Եղ բանս ի բերան Հայոց զօրացն Մուշեղ իշխան Մամիկոնինից և Հայոց մարզպան...» (Մամիկ., 13): «...եւ որդին Ադերայ ընդ զինի մտեալ էր եւ արքեալ ի Մոկքով...» (Սգր., Գ թագ., Ի, 16): «Իբրև ընդ զինիս մտին, Հրաման ետ թագաւորն» (Ազաթ., 30): «Ապա իբրև ընդ զինիս մտին, քաջ արքեալ լինէին թագաւորն և որ ընդ նմայն էին» (Բուլ., 1883, 45, նաև 196): «Իսկ նոցա ժողովեալ ի տաճար մի ընդ զինի մտին...» (Մամիկ., 24): «Յամին Հարիւրորդի եօթանասներորդի երկրորդի, զօրածողով լինէր Դեմետր, եւ անցանէր ի կողմանս Մարաց եւ Պարթեւացն...» (Սգր., Ա Մակ., ԺԴ, 1): «Զպատմութիւնս արանց անուանեաց ի մտի կալցի, եւ դարձուածս առակաց մտցէ» (Սգր., Սիրաք., ԼԹ, 2): «Դարձեալ զօրածողով լինէր Խոսրով արքայ ի վերայ Ցունաց երկրորդ անգամ, ի մտի կալեալ զմահն Միհրանայ քեռորդոյն իւրոյ...» (Մամիկ., 30): «...Հրամայեաց կոչել զիղապետն Նիկոնովը, ետ զօրս ի ձեռս, եւ կացոյց սպարապետ կողմանցն Հրէստանի...» (Սգր., Բ Մակ., ԺԴ, 12): «Ոչ այդպէս տէր, այլ տուր ի ձեռս իմ չորեք Հազար այր, որ գնամք ի վերայ ամուր բերդիցն՝ ուր մտերիմք նորա են և գանձքն. գուցէ բռնացեալ՝ ոչ տացեն ձեռն իմ, ապստամք դիս կարծելով...» (Մամիկ. 25):

Սրանց կողքին տեղ են գտել այնպիսի միավորներ, որոնք Աստվածաշնչում չեն արտահայտում դարձվածային իւմաստ և այս առումով հանդես են եկել որպես սովորական բառակարպակցություններ: Օրինակ՝ «...եւ ճակատեցան յանդիման Աղամեկայ. եւ Մովսէս եւ Ովոր ելին ի զլուխ բլրոյն» (Սգր., Ելք, Ժէ, 1): «...եւ զինի եւ արբեցութիւն մի արբցէ, եւ երկաթ մի ելցէ ի զլուխ նորա» (Սգր., Ա թագ., Ա, 11):

Նման կապակցությունները V դարի որոշ պատմիչների և Հ. Մամիկոնյանի մոտ կիրառվում են որպես դարձվածային միավորներ: Օրինակ՝ «Եւ այսպէս վճարեալ՝ Հրաման Պարսից թագաւորին ի զլուխ Ելանէր» (Փարա., 1904, 25): «Եւ ի զլուխ ել աղօք Մանգնոսի, զի Երեք Հազար այր ի միում գիշերի սատակեցան» (Մամիկ., 57):

Մտանել ի պատերազմ դարձվածային միավորը նախապես կիրառվում է Աստվածաշնչի մեջ, ընդ որում մտանել բաղադրիչը հանդես է՝ գալիս առանձին, ինչպես նաև իր Հականիշի՝ Ելանել բայցի հետ, այն է՝ մտանել և Ելանել ի պատերազմ: Հ. Մամիկոնյանի մոտ հանդիպում է

սրանցից միայն առաջին ձևով կազմված միավորը: Օրինակ՝ «Եւ եթէ առնուցու ոք կին նորոգ, մի մացէ ի պատերազմ, եւ մի անկցի ի վերաց նորա...» (Սգր., Բ օրէնք, հԴ, 5): «...եւ կարօղ եմ այսօր՝ որպէս յորժամ առաքեաց զիս Մովսէս, նոյնպէս եւ արդ կարօղ եմ մտանել և ելանել ի պատերազմ» (Սգր., Յեսու, ԺԴ, 11—12): «Իսկ քաջն Մուշեղ քաշալերեալ զզօրսն, հազիւ հաւանեցոյց մտանել ի պատերազմ» (Մամիկ., 15):

Աստվածաշնչում հանդիպում ենք մեկ դարձվածային միավորի այնպիսի տարբերակային վիրառությունների, երբ մի դեպքում անվանական բաղադրիչը հատկացուցչային կապակցություն է, որի հատկացուցիչը հանդես է եկել հոմանիշ զույգով (Հմմտ. նստել յարոռ քազատրութեան, նստել յարոռ արքայութեան), մյուս դեպքում անվանական նույն բաղադրիչը դրսեորչել է առանց այդ լրացման (Հմմտ. նստել յարոռ): Օրինակ՝ «...ի մարտ պատերազմի հարի վանեցի զնա եւ զզօրս իւր, եւ նստայ յարոռ քազատրութեան նորա» (Սգր., Ա Մակ., Ժ, 53—54); «Օրն յաւորս բարութեան յորում դարձար դու նրկիր նախնեաց քոց, եւ նստար յարոռ արքայութեան հարց քոց...» (Սգր., Ա Մակ., Ժ, 55—56); «Եւ Սոլոմոն նստար յարոռ Դաւթի՝ ամաց երկոտասանից...» (Սգր., Գ Թագ., Բ, 12):

Հ. Մամիկոնյանի պատմության մեջ հանդիպում են միայն նստել յարոռ իշխանութեան, նստել յարոռ տարբերակները: Օրինակ՝ «Եւ ետ վախճանելոյն Մուշեղայ՝ նստաւ յարոռ իշխանութեան նորա Վահան...» (Մամիկ., 28—29): «Եւ յետ սակաւ ամաց եսպան Փոկաս զՄօրիկ, և ինքն նստաւ յարոռ նորա» (Մամիկ., 14):

Դրույն դժոխոց դարձվածային միավորը, ի տարբերություն նախորդ դարձվածային միավորների, ունի միայն անվանական բաղադրիչներ: «Տարոնի պատմության» մեջ գործածվում է նույնական իմաստով, ինչպիսին որ է Աստվածաշնչում: Օրինակ՝ «...աղաչէին ի գութ գտոնալ մեծաւ ողորմութեամբ, փրկել զհաւատացեալս ի յուսոյ, զհասեալ մերձեցեալս ի դրույն դժոխոց» (Սգր., Մակ., Ե, 28): «...մանավանդ թէ մտեալ էին ի դրույն դժոխոց, փոխանակ դուռն այնը օրհասին՝ խնջոյս ուրախութեան կացուցեալ...» (Սգր., Գ Մակ., Զ, 22): «Քանզի սա է դրտն դժոխոց և կապանք մահու» (Մամիկ., 28):

Վերջին օրինակում դրտն դժոխոց դարձվածային միավորին հոմանիշ է կապանք մահու դարձվածային միավորը, որն ունի դարձյալ անվանական բաղադրիչներ: Կապանք մահու դարձվածը չի կիրառվում Աստվածաշնչում, դասական պատմիչների երկերում:

Հասանել ի թիկունս դարձվածային միավորը նախնական դրսեռում-ներ ունի Աստվածաշնչում, ուր դարձվածի բաղադրիչները երբեմն ընդմիշարկվում են այլ բառերով: Օրինակ՝ «Ի թիկունս վաղվաղակի հասանիցեն» (Մգր., Ա Մակ., Բ, 27): «Ոչ ոք էր որ ի թիկունս հասանէր» (Մգր., Եսայ., ԿԳ, 5): Հ. Մամիկոնյանի մոտ այս դարձվածային միավորի բաղադրիչները երբեք չեն ընդմիշարկվում այլևայլ բառերով, և իրեն բայց կան բաղադրիչ հանդես են գալիս հասեալ կայ, հասեալ էր կազմությունները: Օրինակ՝ «...մի երկնշիք, զի սուրբ Կարապետն մեղ ի թիկունս հասեալ կայ, և ընդ մեր՝ ինքն պատերազմի» (Մամիկ., 34): «Եւ ենա ի թիկունս օգնականութիւն աստուծոյ» (Մամիկ., 40): «Սուրբ Կարապետն ինձ ի թիկունս հասեալ էր, և ես ի ձեռաց անօրինաց մեռանէ՞ի» (Մամիկ., 41—42):

Երկրորդ խմբի մեջ մտնում են այնպիսի դարձվածային միավորները, որոնք իրենց նախնական կիրառությունների համեմատությամբ պարունակում են դարձվածային բաղադրիչների շարադասության որոշակի տարրերություններ՝ հակադրվելով նաև նախորդ հնթախմբի մեջ մտած միավորներին: Այսպիսին են արեամբ գնել, ի բացեալ բողով դարձվածային միավորները:

«Տարոնի պատմության» մեջ գնել արեամբ դարձվածային միավորը բաղադրիչների ներսում ունի բով գերանունը, իսկ Աստվածաշնչում դարձվածի մեջ կան բայական բաղադրիչների խնդրային, անվանական բաղադրիչների հատկացուցչային լրացումներ, այլև նկատելի է այն հանգամանքը, որ Հ. Մամիկոնյանի մոտ արեամբ բաղադրիչը նախադասէ, իսկ Աստվածաշնչում՝ ետագաս, բով գերանունը երկու գեպքում էլ գրվում է դարձվածային միավորից հետո: Օրինակ՝ «...զի գենար՝ եւ գնեցեր զմեղ Աստուծոյ արեամբ բով՝ յամենայն աղքաց եւ լիզուաց...» (Մգր., Յայտ., Ե, 9): «Ցիշեա զորս արեամբ բով գնեցեր և մահուամբ քով որդեգիրս արարեր...» (Մամիկ., 16):

Հ. Մամիկոնյանը մեկ անգամ գործածում է ի բացեալ բողով դարձվածային միավորը հետեւալ նախադասության մեջ՝ «Եւ իրեն մօտեցան ի տեղին, Վաշիր արս հարեւը ի բացեալ երող վասն այլ թշնամեացն...» (27): Այս դարձվածի համար իրեն նախնական կիրառություն կարելի է նշել Աստվածաշնչում հանդես եկող ի բացեալ առնել, ի բացեալ լինել դարձվածները, եթե նկատի ունենանք բայական բաղադրիչների իմաստային մերձավորությունը՝ հատկապես ոճական կիրառության տեսակետից: Օրինակ՝ «Մի ի բացեալ առնելր, զի նեղութիւնք մերձեալ են, եւ ոչ ոք է որ

օգնէ ինձ» (Սգր., Սաղ., լԴ, 22): «...ու եւս ի բացեայ եղիցում մեք ի քէն, կեցուցես զու զմեղ...» (Սգր., Սաղ., ՀԹ, 19):

Հ. Մամիկոնյանի «Տարոնի պատմության» բառապաշարի մեջ առաջին անգամ հանդիպող դարձվածային միավորները հիմնականում բխում են ժամանակի խոսակցական լեզվի և նրա ոճերի ակունքներից, իմաստային տեսակետից կապվում են ժամանակի ժողովրդական կամ աշխարհիկ լեզվամտածովության հետ:

Այս կարգի դարձվածային միավորները նույնպես աշքի են ընկնում բառապաշարի պատկերավորությամբ, այլաբանությամբ, հեղինակի պատմագրական խոսքին հաղորդում են ոճական նրբերանդային գույներ՝ կապվելով ժողովրդի կյանքի այս կամ այն դրվագի ինքնատիպ, գեղեցիկ շարադրման, նկարագրման հետ:

«Տարոնի պատմության» մեջ գործածվում են հետեւալ նոր դարձվածային միավորներ՝ ամրացուցանել զգաւառն, առաջի դնել ի փախուստ, ի բաց կ(են)ալ ի մարզպանութենէն, զալ փքացեալ ալեօֆ, զկեանս առաջի դնել, ձիոյ ազին տեսանել տալ, զմահն առաջի դնել, մտանել ի ոազմն, շուն արածել տալ, պատառել զռազմն, պսակել սրով, սուր ի վերայ դնել, տալ (զոմն) ի բլուրն, զիող պատերազմին հնչեցուցանել: Օրինակ՝ «...և թողեալ կողմնապետն Ապահունիս, և փքացեալ ալեօֆ եկն ի զլուխ Տարօնոյ» (30): «...և մտեալ ի ոազմն ցրուեաց զժողովեալսն ի վերայ զօրսն իւրոյ» (47): «...սակայն զմահն և զկեանս առաջի եղեալ, բարձեալ զմուրճն ի վեր՝ իշոյց ի վերայ գագաթանն նիխորճիշի (13): «...և սուր ի վերայ եղեալ՝ կոտորէր զնոսա...» (48) և այլն:

2) Ֆունկցիոնալ-ոճական առանձնահատկությունների տեսակետից Հ. Մամիկոնյանի բառապաշարի դարձվածային միավորները նույնպես բաղմազան են:

Դարձվածային միավորները «Տարոնի պատմության» շարադրանքի մեջ ինքնանպատակ չեն կիրառվում: Հեղինակը օգտագործում է հայերենի տարբեր շերտերից բխող և այդ շերտերով պայմանավորվող այնպիսի դարձվածային միավորներ, որոնք ունեն որոշակի հաղորդակցական նշանակություն, միասին ամբողջացնում են պատմության բառապաշարի դարձվածային ոճական հարստությունը:

Ընդհանուր առմամբ, դարձվածային միավորների ուսումնասիրության կարևորագույն հայեցակետերից մեկն էլ այն է, որ լեզվական այս կարգի միավորները քննվում են ըստ լեզվի ոճական—հուղարտահայտչական առանձնահատկությունների: Այս դեպքում բացահայտվում են հաղորդակցական գործընթացում հանդես եկող համապատասխան միա-

վորների ոճական կիրառության շրջանակները, այլև գեղագիտական հագեցվածության եղանակները և արդյունավետությունը²⁴:

Ըստ այսմ, Հ. Մամիկոնյանի բառապաշտիքի՝ դարձվածային միավորները ծառալում են որոշակի նպատակների՝ հաղորդակցական շղթայի մեջ հանդիս են գալիս ըստ կոնկրետ ֆունկցիաների: Այսպիս, դարձվածային միավորների մի մասը հանդիս է գալիս ուղղմական երթերին և համապատասխան տեսարաններին նվիրված հատվածները շարադրելիս. մյուս մասը ծառալում է եկեղեցական կյանքի դեպքերին և անցքերին անդրադառնալիս, մեկ ուրիշ մասը՝ ժողովրդի նիստուկացի, սովորույթի, մտածողության պատկերավոր նկարագրությունների ժամանակ: Ըստ այսմ էլ, «Տարոնի պատմության» բառապաշտիքի՝ դարձվածային միավորները կարելի է բաժանել հիմնական երեք գործառական-ոճական խմբերի:

ա) Մի շարք դարձվածային միավորներ արտահայտում են ուղղմական գործողություններ և վիպական հերոսներին բնութագրող հասկացությունների անվանումներ: Երբեմն հերոսների խոսքը օժտված է լինում նույնպիսի խոսքային միավորներով: Այս բնույթի դարձվածներից են հետեւյալներ՝ ամրացուցանել, զգաւառն, առաջի դնել ի փախուստ, զալ փեացեալ ալեօֆ, խմբել պատերազմ, մտանել ի պատերազմ, սուր ի վերայ դնել, ձիոյ ազին տեսանել տալ, պատառել զռազմն, զկատարած կենաց հասուցանել, զիոն պատերազմին հնչեցուցանել և այլն: Օրինակ՝ «Իսկ նա ոչ ինչ յուկաց պատասխանի, այլ սկսաւ ամրացուցանել զգաւառն» (15): «Եւ ապա ի մէջ առեալ զզօրս ի Հայոց, ամենեցուն զկատարած կենաց հասուցանէին» (58): «...իսկ քաջն Մուշեղ քաջալերեալ զզօրսն, հազիւ հաւանեցոյց մտանել ի պատերազմ» (13): «...և իրեն խթեցին զջորիսն սրով և արկին ի բանակսն, և ինքեանք զհետն մտեալ զիոն պատերազմին հնչեցուցին, և առ ձեռն սկսան կոտորել...» (45):

բ) Մի խումբ դարձվածային միավորներ արտահայտում են այնպիսի բառային և բառակապակցական համակցություններ, որոնք մտնում են հեղինակի լեզվի կրոնապաշտամունքային և եկեղեցական բառապաշտիքերի մեջ: Դրանցից են հետեւյալներ՝ զալ ի վերայ եկեղեցւյն, կապել զբերանս զազանացն, ի գլուխ ելանել, հասանել ի թիկունս, դրուն դժոխոց, ի բարեխօս սուրբ Կարապետն կոչել, ի յօգնութիւն սուրբ Կարապետն կոչել, կործանել զտեղիսն հաւատոյ և այլն: Օրինակ՝ «...որ զմահն նորա լսեցեր, և զիմ կորովովթիւնս ծանեար, զոր ինձ ետ աս-

24 Հմատ. Հ. Մ. Շահսկայ, նշանակությունը՝ 249—265:

տուած, զիա՞րդ իշխեցեր գալ ի վերայ եկեղեցւոյն աստուծոյ» (31), «...սա խնդրեաց ի սուրբ Կարապետէն, կապել զբերանս գազանացն, որք թեկանէին զլուսափերսն եկեղեցւոյն» (29):

գ) Մի այլ խումբ դարձվածային միավորներ արտահայտում են պատմության մեջ տեղ գտած առօրյա-խոսակցական, ժողովրդի նիստուկացի, ինչպես նաև մտածողության և այլ իրողություններին վերաբերող հասկացությունների անվանումներ, ինչպես՝ այծ արածել տալ, շուն արածել տալ, գտանել պարսիկս լեզուաւ, զարքուցանել զգալ, զարքուցանել զանեծ, զման առաջի դնել, զիեանս առաջի դնել, յարբունս հասանել և այլն: Օրինակ՝ «...ապա թէ ոչ, զնացէք դուք երկեանդ յԱրծրունիս այծ արածէք, և բերդին ծառայութիւն արարէք...» (37): «...սակայն զման և զիեանս առաջի եղեալ, բարձեալ զմուրճն ի վեր՝ իշոյց ի վերաց դագաթանն նիխորճիշի» (13) և այլն:

3) Սովորաբար դարձվածային միավորները կաղապարվում են ըստ բաղադրիչների խոսքիմասային պատկանելության, բաղադրիչների դարձվածային վերախմաստավորման ճանապարհին կրած շարացյուսական-շարադասական փոփոխության հաշվառման, ըստ տվյալ խոսքի մասով դրսեռոված բաղադրիչի ետաղաս կամ առաջադաս լինելու հանգամանքի²⁵:

Նույնպիսի սկզբունքով կարելի է առաջնորդվել Հ. Մամիկոնյանի «Տարոնի պատմության» դարձվածային միավորների կառուցվածքային առանձնահատկությունների քննության ժամանակ: Ըստ այսմ, ենելով Հ. Մամիկոնյանի բառապաշարի դարձվածային միավորների կառուցվածքային առանձնահատկություններից, նշում ենք հիմնականում երկու ընդհանուր և խոշոր խմբեր՝ դասակարգման հիմքում ընդունելով այն ամենաէական հատկանիշը, որ գոյական անուն բաղադրիչը մի դեպքում հաջորդում է բայական բաղադրիչին, իսկ մի այլ դեպքում՝ նախորդում: մյուս բաղադրիչները ածանցյալ են և շարացյուսավում են սրանց հետ, հարում են սրանց:

Հ. Մամիկոնյանի բառապաշարի դարձվածային միավորները կառուցվածքի տեսակետից աշքի են ընկնում բաղադրիչների ոչ-կայուն շարադասությամբ: բայական բաղադրիչը մերթ նախորդում, մերթ հաջորդում է անվանականին: Դարձվածային բաղադրիչները երբեմն ընդմիշտարկվում են այլեւայլ բառերով՝ լրացվում խնդրառական և պարագայական անդամներով:

Առաջին խումբը կազմում են բայ+գոյական բաղադրիչներով կազմ-

25 Հմատ. Հ. Մ. Շահսկայ, Աշվ. աշխ., էջ 215—226:

ված դարձվածային միավորները: Այս պատմության տվյալները ցույց են տալիս, որ բայ+գոյական ընդհանուր կաղապարի մեջ մտնող միավորները փոքր-ինչ շատ են, որոնց բայական բաղադրիչները կանոնավորապես դրվում են անդեմ և դիմավոր բայածերով, գոյական բաղադրիչները առնվում են ուղղական, հայցական, գործիական և ներգոյական հոլովներով: Բաղադրիչների միջև գոյացած շարահյուսական հարաբերությունները կանոնավոր են, դասական զրաբարի համեմատությամբ՝ օրինաշափ: Գոյական բաղադրիչները երբեմն ունենում են ն որոշյալ հոգը (հմմտ. ի բլուրն, ի ուզմն և այլն):

ա) Բայ+գոյական բաղադրության մանրակաղապարի մեջ են մըտնում հետեւյալ դարձվածային միավորները՝ ամրացնանել զգաւառն, բառնալ զգուխ, գնալ ի պատերազմ, զարբուցնել զառեւծ, գնել արեամբ (ումամբ), խմբել պատերազմ, մտանել ի պատերազմ, մտանել ուզմն, նստել յարոռ (ուրումն), պատառել զուզմն, պսակել սրով, տալ ի ձեռս (ումեմն), տալ (զոմն) ի բլուրն, հասանել ի բիկունս և այլն:

բ) Հարադիր բայ+գոյական բաղադրիչներով հանդես եկած միավորներ են հետեւյալները՝ առաջի դնել ի փախուտ, գալ ի վերայ եկեղեցոյն, դնել ի բերան (ուրումն) բանս, լի լինել խնդութեամբ, կապել զբերանս զազանացն և այլն: Այս խմբի մեջ մտնող միավորները գերազանցապես դարձվածային կապակցություն և դարձվածային արտահայտություն են: Դալ ի վերայ եկեղեցոյն դարձվածային կապակցության անվանական մասը սեռական հոլովով ունի ն հոգը:

գ) Բայ+գոյական+գոյական բաղադրությամբ հանդես է եկել եղակի կործանել զտեղիսն աստուծոյ դարձվածային կապակցությունը:

դ) Բայ+դերբայ+գոյական կաղապարի համար նույնպես ունենք եղակի օրինակ՝ գալ փեացեալ ալեօֆ, ուր դարձվածային իմաստի գոյացման մեջ նկատելի է այլարանական ոճական երանգավորում, որպիսի եղանակով արտահայտվում է պատմության հերոսներից մեկի՝ Խոսրով թագավորի, զայրուցի, մոլեգնության չափը («ալիքները»):

ե) Բայ+գոյական+նախադրություն+գոյական կաղապարը բաղադրության տեսակետից բավական ծավալուն է: Այստեղ ունենք լինել բայի և գոյականի բառակապակցական այնպիսի հարաբերություն, որն իր հերթին նախադրությամբ կապակցվելով մի այլ գոյականի հետ, վերաբերմաստավորումով ստանում է դարձվածային արժեք: Այսպիսին են լինել իշխան ի վերայ հօտի, լինել ապաստանիշ ի վերայ ժառանգութեան միավորները: Սրանք կոնկրետ անվանումով դարձվածային արտահայտություններ են:

դ) Քայանուն+գոյական+բայ կաղապարի մեջ մտնում է եղակի զկատարած կենաց հասուցանել դարձվածային միավոր:

Մյուս խումբը կազմում են գոյական+բայ բաղադրիչներով դրսեվորվող դարձվածային միավորները: Այս խմբի մեջ մտնող միավորները կառուցվածքի տեսակետից նախորդի հակառակն են: Կաղապարային հիմնական բաղադրիչները իրենց հերթին երբեմն ուղեկցվում են զանազան թերված և դերբայական բայաձևներով, նախդիրներով և նախադրություններով:

ա) Գոյական+բայ կաղապարը այս խմբի մեջ մտնող դարձվածային միավորների հիմնական տիպն է: Այստեղ ունենք հետեւյալ կարգի միավորները՝ ուզմ կարգել, զօրածողավ լինել, յարբուն հասանել, ընդ գինի մտանել, ի բարեխոս կոչել, ի յօգնութիւն կոչել, ի գլուխ ելանել, ի մտի կալ(ն)ով, գետավեծ առնել և այլն:

բ) Գոյական+հարադրավոր բայ կաղապարի մեջ մտնում են զման առաջի դնել, զկեանս առաջի դնել, սուր ի վերայ դնել դարձվածային միավորները:

գ) Գոյական+բայ+բայ կաղապարի մեջ մտնում են այծ արածել տալ, շուն արածել տալ դարձվածային միավորները, որոնք գոյանոսմ են արածել տալ պատճառական հարադիր բացի և այծ, շուն գոյականների դարձվածային հարաբերությունից:

դ) Գոյական+գոյական+հարադրավոր բայ կաղապարի մեջ առնցվում է ձիոյ ազին տեսանել տալ դարձվածային միավորը, որտեղ տեսանել տալ հարադրությունը՝ իրբ միաձույլ բաղադրիչ, հարաբերակցվել է հատկացուցչային կապակցության հետ՝ ստեղծելով դարձվածային արտահայտություն:

Վերոհիշյալ երկու մեծ կաղապարներից բացի, ըստ էության, ունենք նաև երրորդը, որը պարունակում է միայն անվանական բաղադրիչներով դարձվածային միավորներ՝ գոյացած դարձվածայիմաստային որոշակի սերտությամբ (հմմտ. դրունիք դժոխոց, կապանի մահու):

Հ. Մամիկոնյանի «Տարոնի պատմության» բառապաշտի դարձվածային միավորների ծագումնային, գործառական-ոճական և կառուցվածքային առանձնահատկությունների քննությունը հանգեցնում է հետեւյալ կոնկրետ եղբակացություններին.

1) Ծագումնային առանձնահատկությունների տեսակետից դարձվածային միավորները բաժանվում են երկու՝ հայերենի նախորդ ենթաշրջաններում կիրառված և ըստ մեր տվյալների առաջին անգամ այս պատմության լեզվի մեջ հանդիպող, դարձվածային միավորների խըմ-

բերի: Այս միավորների մի մասը գործածություն ունի հայերենի նախորդ ենթաշրջաններում, այսինքն՝ հին հայերենի բառապաշարի որոշ դարձվածացին միավորներ այս հեղինակի մոտ գործածվում են ուստի իմաստներով: Սրանցից բացի կան այնպիսի նախնական կիրառություններ ունեցող միավորներ, որոնք ունեն հետևյալ նրբությունները: Մի դեպքում, նախնական կիրառությունը սովորական բառակապահցություն է, արտահայտում է առարկայական անմիջական բառակապահցական իմաստ, իսկ Հ. Մամիկոնյանի մոտ հանդես է գալիս դարձվածացին իմաստով: Մյուս դեպքում, որոշ նախնական կիրառություն գտած դարձվածացին միավորների բաղադրիչները փոքրինչ այլ կերպ են՝ շարադապում, հանդես են գալիս հականից, լրացական բառերի հետ միասին, որոնք կամ պահպանվում են, կամ փոփոխվում: Մի այլ դեպքում, այս պատմության տվյալ դարձվածացին միավորի բայցական բաղադրիչն դիմաց նախնական կիրառություններում ունենք այդ նույն բաղադրիչին իմաստով մերձավոր մի այլ բաղադրիչ: Բոլոր դեպքերում այս հեղինակի բառապաշարի մեջ կիրառվածները որակվում են նախնական կիրառություն գտած դարձվածացին միավոր անվանումով:

2) Ֆունկցիոնալ-ոճական առանձնահատկությունների տեսակետից դարձվածացին միավորները առանձնանում են հիմնականում երեք ոլորտի մեջ: Պատերազմական գործողությունների, եկեղեցական կյանքի որոշ դրվագների, ժողովրդի մտածողության, նիստուկացի և այլն ձևերի մասին շարադրելիս հեղինակը ոճական նպատակներով գործածում է որոշակի ու համապատասխան դարձվածացին միավորներ:

3) Կառուցվածքային առանձնահատկությունների քննությունից պարզվում է, որ օգտագործվում են առնվազն երկու բառային բաղադրիչներով գոյացող (իսկ սա բնական է) դարձվածացին միավորներ, ըստ որում սրանց մի մասը հանդես է գալիս բայց գոյական բաղադրիչներով՝ կոնկրետ կիրառությունների մեջ ունենալով տարրերակեներ, ուղեկցվելով այլ խոսքի մասերի պատկանող բառերով, որոնք հաջորդում կամ նախորդում են հիմնական բաղադրիչներին, մյուս մասը կազմվում է գոյական+բայց բաղադրիչներով, որոնք նույնպես ունեն մանրակաղապարներ՝ իրենց որոշ նրբություններով հանդերձ: Երկու դեպքում հանդիպում են միայն անվանական բաղադրիչներով կազմված դարձվածացին միավորներ, որոնք ունեն հատկացուցչային շարահյուսական հարաբերություն:

ՔԵՐԱԿԱՆԱԿԱՆ ԱՌԱՆՁՆԱՀԱՏՎԱԿՈՒԹՅՈՒՆՆԵՐԸ

Հ. Մամիկոնյանի «Տարոնի պատմության» լեզվի ձևաբանական առանձնահատկությունների քննության ժամանակ ուշադրության հիմնական առարկան են թվակազմության, հոլովակազմության (նաև՝ դերանվանական), բայական համակարգի կրած փոփոխությունները՝ կապված հայերենի զարգացման ընդհանուր օրինաշափությունների և քըննարկվող հեղինակի լեզվական առանձնահատկությունների հետ:

1) Թվի քերակարանական կարգը հին հայերենի նախորդ երկու ենթաշրջանների համեմատությամբ չի ցուցաբերում ձևաբանական արտահայտության և բովանդակության պլաններում դրսենորված ակնհայտ տարբերությունները. շկան հոգնակերտ նոր մասնիկները: Հին հայերենի՝ լայն կիրառություն ունեցող -ք (-ց, -ս) հոգնակերտ մասնիկների կողքին մեկ անգամ դրսենորվում է -եր մասնիկը: Օրինակ՝ «Եւ եկեալ իշխանին Հաշտենից, ասէ. «Զի՞ եղեն պարսիկըն»: Եւ նոքա ասեն. «Աւստիկ են ընդ Հայերոյդ»: Եւ կոչեցաւ անուն տեղոյն Հայկերտ» (53):

Գրեթե հին հայերենի օրինաշափությունների սահմանում են մնում հավաքական գոյականների, անհոգնական, անեղական բառերի դրսենորման եղանակները:

Անհոգնական բառերը, որոնք սովորաբար բաժանվում են ա) անհոգնական անձնանունների, տեղանունների, մականունների, բ) վերացական հասկացությունների անունների, գ) նյութական աշխարհի եղակի առարկաների անունների¹, լայն կիրառություն ունեն «Տարոնի պատմության» մեջ:

Առաջին խմբի բառերից են Գայլ Վահան, Գորգ Շատախոս հատուկ անունները, Ասուր, Փանդիկ («փանդանել» նոր բառից) մականունները և այլն:

¹ Э. Г. Туманян, Древнеармянский язык, М., 1972, էջ 175, Հ. Պետրոսյան, Գոյականի թվի կարգը հայերենում, Երևան, 1972, էջ 44—52:

Հայերենում հոգնակիությունը արտահայտվում է նաև հավաքական բառերի միջոցով, որոնք բաղադրվում են որոշակի մասնիկներով. «Այդ մասնիկները երկու տեսակ են՝ 1) գրաբարի բռմ հոգնակերտի՝ ք-ի հետ բաղադրվող մասնիկներ... և 2) այլ կարգի մասնիկներ: Այս երկու կարգի մասնիկների մի մասը հանդիպում է ուշ շրջանի գրաբարում կամ միջին հայերենում, բայց անշուշտ իր հիմքերն է ունեցել և ավելի վաղ շրջանում...»²: Ք-ով բաղադրված մասնիկներն են՝ -այք, -եայք, -անք, -իք, -ինք, -ոյք, -ունք, մյուս՝ այլ հոգնակերտ-հավաքական մասնիկները՝ -ան, -անի, -եան, -եր, -իկ, -ական, -նեար, -որայ, -որեայ, -տի, -ուտի, -ուկի, -ստան³:

Ետղասական գրաբարի և նախամիջին ենթաշրջաններում, ինչպես նշում են այս առումով կատարված ուսումնասիրությունները⁴, հոգնակերտ-հավաքական մասնիկների թիվը ավելանում է:

Հ. Մամիկոնյանի լեզվում հավաքական գոյականները բավական քիչ են կիրառվում: Եղածներն ել կազմվում են -անիք, -եանք, -որայ, -տի մասնիկներով: Օրինակ՝ «Զայս ամենայն ասացին, և ի դեպ էր վասն իրացն, որ և կոչեցաւ անուն գեղջն Շիրականիք (42): «...քանզի իշխան ուն անօրէն՝ տանն մամիկոննենից՝ կարեաց գերկու աւանսն ի վանացն...» (12): «...ես Յովհան մամիկոնեան եպիսկոպոս, երեսներորդ հինգերորդ ի Զենոբայ առաջին եպիսկոպոսէն մամիկոննենից...» (60): «Իշխան Արձրունեաց... շինեաց բազում եկեղեցիս և վանուրայս...» (9): «...գտանէին սպանեալ պարսիկն՝ ընդ այր և ընդ կին և ընդ մանկտի՝ չորեքհազար» (36): «...որբ ընդ իմով իշխանութեամբ էին, դարս և զկանայս և զմանկտիս, զհաւատացեալս...» (60) և այլն:

Միշտ չէ, որ բառերն ունենում են ձևախմաստային համամասնություն. հանդիպում են գեպքեր, երբ բառերն «իմաստով եզակի են և ձեռվ՝ հոգնակի»⁵: «Տարոնի պատմությանը մեջ անեղական բառերը

2 Գ. Զահորյան, Հին հայերենի հոլովման սիստեմը և նրա ծագումը, Երևան, 1959, էջ 85—86:

3 Գ. Զահորյան, նշվ. աշխ., էջ 86—87:

4 Ա. Բագրատունի, Հայերէն բերականութիւն ի պէտո զարգացելոց, Վիեննա, 1852, էջ 47—48, A. Mettlet, Esquisse d'une grammaire comparée de l'arménien classique, Vienne, 1936, էջ 85, և Անապյան Լիակատար քերականություն հայոց լեզվի, հ. 3, Երևան, 1957, էջ 529—530, Գ. Զահորյան, նշվ. աշխ., էջ 86, Ա. Արքահայրան, Գրաբարի ձեռնարկ, Երևան, 1964, էջ 21, Թ. Ղ. Դումանյան, նշվ. աշխ., էջ 175—176:

5 Հ. Անապյան, նշվ. աշխ., էջ 70—76:

5 Հ. Անապյան, նշվ. աշխ., էջ 856—870: Մ. Ասատրյան, Անեղական բառերը հայերենում, ՊԲՀ, 1960, 3, էջ 124—135:

Համեմատաբար շատ՝ են կիրառվում՝ դրսեռը վելով հիմնականում՝ Ելիք, -իք, -է մասնիկներով։ Օրինակ՝ «... և տուեալ նոցա գանձս և երիվարս՝ արձակեցին ի պարսիկս, լինել զրուցատարս սմանչելեացն՝ որ հանդիպեցաւ...» (53): «Յիշեա, ասեն, զերախտիս մեր. և որպէս ի հեռուստ օգնեցեր, ի մոտոյս մի վերջանար ի մէնչ» (40): «... և ասէ ցիշխանն. «Աւադիկ է տուրսդ»: Խսկ նա ասէ. «Հաւանիմ տրոցդ, բայց հարեւը և ութսուն հազար փայտ են տարեալ ի Քարքէոյ...» (38): «Սա բազում անդամ բարիս խոստանայ, և բազում անդամ շարիս...» (43) և այլն:

2) Հ. Մամիկոնյանի լեզվի հոլովման աղանձնահատկությունները նույնական բավական ակնառու են: Անվանական և դերանվանական բոլոր թեք ձևերը ներկայացնում են մի կողմից դասական գրաբարից եկող ընդհանուր օրինաշափությունները, մյուս կողմից՝ նախամիջին ենթաշրջանի մեջ վերջիններիս կրած փոփոխությունների որոշ մասը, որ մուտք գործելով հեղինակի լեզվի մեջ՝ արտացոլում են հայերենի համապատասխան երեսլիթների զարգացման միտումները:

ա) Դասական գրաբարում կանոնավոր ի հոլովման պատկանող արօտ բառը այստեղ շեղվում է դեպի ո հոլովումը, իսկ սպաս բառը ցուցաբերում է ի/ու հոլովիչների զուգահեռություն⁶: Օրինակ՝ «... և ինքն պատրաստի արարեալ զդարանակալսն, հրամայեաց ծառացիցն՝ կտրել զերիվարսն արօտոյ պատճառաւ» (23): «... և զարդարեաց զնա հրաշալի սպասիւմ և կազմութեամբ» (42): «... և զուրբ խաշն զերեաց, և առեալ զնաց ի պարտիկս, և եղեալ զուրբ խաշն հանդերձ սպասուին մինչեւ յեւթն և ի տասն ամի թագնարութեան իւրում» (54):

Հայ մատենագրության մեջ առաջին անդամ այս հեղինակի կողմից գործածված սապոն բառը, հոլովվելով ի հոլովիչով, ավելացնում է այդ հոլովման պատկանող բառերի քանակը: Օրինակ՝ «... և դարձեալ զապնի գինսն վաթսուն հազար դահեկան, որ զբո զօրաց գիշահոտ հալաւն և զարդինաթաթախ հանդերձսն լուանալ տուաք և ագաք» (37):

բ) Պարզ ա հոլովման պատկանող Վաշեան անձնանունը դրսեռում է ա/ո/ հոլովիչների զուգահեռություն: Օրինակ՝ «Բայց որդին նորա Տիրան հրամանաւ Վաշենայ... զնաց ի զուռն նոսրովայ...» (56):

6. Հ. Մամիկոնյանին նախորդող մատենագիրներից, օրինակ, Խորենացին շունի սպաս բառի որևէ կիրառություն, նվիկի մոտ բառս չունի թեք ձևեր, Փարպեցին ունի սպասում (38), ձևով միայն, իսկ եղիշեն ունի՝ սպասու (160, 200), այլ իբրև ձեռագրական տարրերություն՝ սպասիւմ (69): Վերոբիշյալ մատենագիրներից ոչ ոք չունի արօտ բառի կիրառություն ընդհանրապես:

«Զոր դիպօղ ժամանակ գտեալ՝ որդին վաշդենոյ Զոջիկ վրաց իշխանն» (58):

Վարազ անձնանունը ծագումնաբանորեն բիում է վարազ հասարակ գոյականից: Վերջինս դասական դրաբարում պատկանում էր ու հոլովման և երկրորդաբար ենթարկվում ի-ա հոլովման⁷: Այստեղ Վարազ հատուկ անունը թեքվում է ա հոլովիչով և մտնում այս հոլովման պատկանող գոյականների շրջանակի մեջ: Օրինակ՝ «Կերան գաղանք զմաբմինս դիականցն Վարազայ և գիրացան» (42): «Իսկ նա ընդդէմ դարձաւ և կտրեաց զգլուխ երիվարին Վարազայ և ընկէց» (52):

գ) Ո հոլովման պատկանող մի քանի հատուկ անուններ նույնպես ունեն զուգահեռ հոլովիչներ՝ Մուշ—Մշոյ, բայց նաև՝ Մշու, Մամիկոնեան—Մամիկոննենոյ, բայց նաև՝ Մամիկոննենից: Օրինակ՝ «...առեալ զՄուշեղ զտէրն Մշոյ և Խութայ և Տարօնոյ...» (13): «...ապա շինեաց զեկեղեցին՝ որ ի վերայ թէրն Մշու...» (55): «...որ բասն և իններորդ էր ի սրբոյ Գրիգորէ, և յիշխանութեան Վահանայ Մամիկոննենոյ» (56): «...քանզի իշխան ոմն անօրէն՝ տանն մամիկոննից՝ կտրեաց զերկու աւանսն ի վանացն» (12):

Դասական գրաբարում մուտեն գոյականը պատկանում էր ո հոլովման⁸: Հետագյում ենթարկվում է նաև ի-ա խառը հոլովման: Այս պատմության մեջ բառը կիրառվում է մուտեն—մենով և մուտեն—մըրենին, մընօֆ (մընաւէ) և այն ձեռիրով: Օրինակ՝ «...և հասեալ Սմբատայ ե՛ար մընովն ի վերայ գագաթանն և գոգեաց սաղաւարտն, և գիսոյն ուկրն փոսեալ՝ տեղի տայր սաղաւարտն մընին Սմբատայ...» (35): «...և սկսան մընօֆ հարկանել, և ոչ գտին» (20):

Բլուր գոյականը դասական գրաբարում պատկանելով ո հոլովման, այստեղ հանդես է գալիս ներքին թեքման և հոլովմամբ, ինչպես, օրինակ՝ «...և ապա ի վաղին սկսան մեւս զօրս Պարսից գալի ի վերայ թէրն ի նոյն տեղին» (27, ինչպես նաև՝ 34, 35, 40, 55): Բլեր հոլովաձեւը նորակազմություն է. այս բառը ո պարզ հոլովմամբ չի գործածվում Հ. Մամիկոնյանի պատմության մեջ:

դ) Դասական գրաբարում ու հոլովման ենթահամակարգը որոշակի

7 Հմմտ. Գ. Զահոնկյան, նշվ. աշխ., էջ 314: Եղնիկի մոտ, օրինակ, կա վարազ հասարակ գոյականը՝ եղակիում ի հոլովմամբ. «Որպէս վարազի... ուսի միսն, և ոչ վնասի» (66): Փարպեցին ունի վարազցն (10) ձեռ:

8 Մուտեն բառը հին հայերենում ո հոլովիչի կողքին ուներ նաև ի-ա հոլովիչ. այս հիմնավորվում է նաև այս տվյալներով (Հմմտ. Գ. Զահոնկյան, նշվ. աշխ., էջ 278): Խորենացին ունի մընովէ (290), իսկ իրեւ ձեռագրական տարբերություն՝ մընաւէ:

օրինաշափությունների կողքին ուներ նաև որոշ խախտումներ: Հ. Մամիկոնյանի լեզվում նույնպես այս հոլովման պատկանող բառերը հանդես են գալիս ոչ միայն հիմնական օրինաշափություններով, այլև շեղումներով: Այսպես, բիւր բառը հիմնականում հոլովվում է ու հոլովիշով՝ ունենալով նաև ո հոլովատիպ⁹: Այս պատմության մեջ բառս ունի ի-ա հոլովիչի տարբերություն՝ կիրառված բիւրօֆ (բիւրավ) ձևով: Օրինակ. «...յիշեաց Խոսրով զուխտն Մօրկայ՝ որ ի մէջ նորա և իւրն, և եկն էանց ի Յոյն շորեատասան բիւրօֆ, և բրեաց բազում աւան, և գաւառն և գարձաւ» (15):

Դասական գրաբարում ման բառը հոլովվում էր կրկնակ ձևերով՝ անուն և ձեղուն բառերի նմանությամբ՝ մանուան, մահուան, մահուանց, ինչպես նաև մահու, մահուց և այլն: Վերջինները համեմատաբար պակաս տարածված էին համարվում դասական գրաբարի համակարգում¹⁰:

«Տարոնի պատմության» մեջ ման բառը գործածվում է յոթ անգամ մահու (էջ 14, 14, 16, 16, 18, 22, 31), մեկական անգամ մահուն (59), զմահու (24) և երեք անգամ Մահու որպես հատուկ անվան բաղադրիչ (հմմտ. Մահու ազարակ՝ 34, 40, Մահու բլուր՝ 36) ձևերով, իսկ մահուան, մահուանն ձևերով մեկական (56, 14), մահուամբ (18, 20) երկու անգամ: Ինչպես նկատելի է, այս պատմության մեջ մահու թեքումը մահուան թեքման համեմատությամբ ավելի տարածված է:

Շեղումներ են ցուցաբերում նաև հետեւյալ բառերը՝ նակատ→նակատովն (փիւ. նակատուն), դրօշ→դրօշացն (փիւ. դրօշուցն), զգեստ→զգեստիցն (փիւ. զգեստուցն)¹¹: Օրինակ՝ «Իսկ նորա կալեալ զպատ-

9 Եղնիկն ու Փարպեցին ունեն համապատասխանարար բիւրուց (155, 217) և բիւրոց (51) ձևերը:

10 Ա. Աբրահամյան, նշվ. աշխ., էջ 32: Ինչպես նշում է նաև Ա. Աբրահամյանը, բայց Ստ. Մալիսայանցի ման բառի ավելի նախնական ձևն էր մահուն, որն էլ անուն, ձեղուն գոյականների հետ կազմում էր որոշակի խումբ (հմմտ. Ստ. Մալիսայանց. Գրաբարի հույսումը, խոնարհումը և նախդիրները, Թիֆլիս, 1891, էջ 25—26): Եղնիկն ունի մահուան ձևի 23 կիրառություն, իսկ մահու՝ 13: Փարպեցին նույնպես զուգահեռաբար կիրառում է մահուան//մահու ձևերը՝ 8 անգամ մահու, 3 անգամ մահուան, որոնցից մեկական անգամներ՝ իրեն ձեռագրական տարբերություն: Եղիշեի մոտ մահուան ձևով կիրառությունները գերազանցում են մյուսներին:

11 Հ. Անայան, Հաբերեն արժատական բառարան, հ. 4, Երևան, 1930, էջ 566—568: Գ. Զահուկյան, նշվ. աշխ., էջ 313: Դրօշ բառը ուղղական հոլովվով օգտագործել են Եղնիկը և Խորենացին, իսկ Եղիշեն ունի դրաշիցն (96) և որպես ձեռագրական տարբերություն՝ դրաշուց//զդրաշուց ձևերը: Փարպեցին գործածում է այս բառի դրօշիցն (72) ձևը միայն:

գամառորսն, հրացոյց շամփուր մի երկաթի և եղ պսակ շուրջ նակատովն...» (47): «...մինչեւ զի ոլ գոյր հնար ճանաշել զմիմեանս, բայց միայն ձայն փողոցն և ի տես դրօշացն» (35): «...և որք ընդ դուռն յայնկոյս անցանէին, զայն ի տունս արկեալ ի զգեսախցն կողոպտէին և դգլուխսն կտրէին...» (22):

Դասական զրաբարում ազ բառը ենթարկվում էր ու հոլովման, թեև ուներ նաև ո, հետնաբար՝ ի հոլովումներ¹²: Այս պատմության մեջ կիրառվում է ո հոլովումով: Օրինակ՝ «Ողջ լեր ի դիցն ազոյ» (37): «...և ընդ մէջ ճեղքեալ՝ հանդերձ թիկամբ ազոյ՝ ի բաց իշանէր» (33):

հ) Հ. Մամիկոնյանի պատմության մեջ կան այնպիսի բառեր, որոնք ակնառու տարբերություններ են ցուցաբերում դասական զրաբարի ի-ախառը հոլովման ենթահամակարգից: Այսպիսի կիրառություններ ունեն անտառ—→անտառովն (փիս. անտառան)՝ վայր—→վայրուցն (թեև կան նաև՝ վայրի, վայրին)¹⁴, բերդ—→բերդին, բերդիցն¹⁵, նենգ—→նենցով փիս. նենզին)¹⁶: Օրինակ՝ «հբրեւ խմբեցաւ պատերազմ յեղերս Արածանոյ, առ անտառովն՝ որ կոչի Կաղամախեաց բլուր...» (50): «... գուցէ ոք թշնամի, ասէ, յարձակիցի և գուր չէք ընդել վայրուցն» (23): «...այլ տուր ի ձեռս իմ շորեք հազար այր, որ գնամք ի վերայ ամուր բերդիցն՝ ուր մտերիմք նորա են և գանձքն» (21): «Եւ ինքն սկսաւ կոչել զիշխանսն խարենությամբ ի խորհուրդ և նենզով այնպէս առնէր...» (25):

զ) Փոփոխություններ են նկատվում նաև դերանվանական հոլովումների մեջ: Հաճախ իւր դերանվան հետ հանդես է գալիս և հնչույթը, որը Ա. Այտընյանի ճիշտ դիտողությամբ հոդ չէ, ինչպես՝ ի մէջ նորա և իւրն, ունէր ընդ իւրն: Օրինակ՝ «...յիշեաց Խորսով զումտն Մօրկայ՝ որ ի մէջ նորա և իւրն, եկն էանց ի Յոյնս շորեքտասամ բիւրօք...» (15):

12 Գ. Զահուկյան, նշվ. աշխ., էջ 272: Եզնիկը և Եղիշեն շունեն աչ բառի թեք ձեռքով կիրառություն, Խորենացու և Փարպեցու մոտ կա միայն ո հոլովիչով:

13 Հմմտ. Հ. Անայան, Լիակատար քնրականություն հայոց լեզվի, հ. 3, էջ 452, Գ. Զահուկյան, նշվ. աշխ., էջ 284: Անտառ բառը չի կիրառում թեք ձեռքով, Խորենացին ուսի՞ վայրի (359), ի վայրի (339), Եզնիկը՝ վայրացն (106), վայրաց (160), Փարպեցին՝ վայրին (123), ի վայրացն (102):

14 Հմմտ. Հ. Անայան, Հայերեն արմատական բառարան, հ. 1, էջ 1070, Գ. Զահուկյան, նշվ. աշխ., էջ 297: Եղիշեն վայր բառը չի կիրառում թեք ձեռքով, Խորենացին ուսի՞ վայրի (359), ի վայրի (339), Եզնիկը՝ վայրացն (106), վայրաց (160), Փարպեցին՝ վայրին (123), ի վայրացն (102):

15 Հ. Անայանը նշում է ի-ա հոլովում (տես Հ. Անայան, նշվ. աշխ., հ. 1, էջ 442):

16 Հ. Անայանի կողմից նենգ բառին ի-ա կամ հետնաբար՝ ի, ո հոլովիչների հատկացումը այս պատմության տվյալներով հաստատվում է (տես, Հ. Անայան, նշվ. աշխ., էջ 84): Եզնիկը և Եղիշեն չեն գործածում այս բառը, Խորենացու մոտ կա վասն նենզին (79), իսկ Փարպեցու մոտ՝ նենզով (75, 84) ձեռքով:

Դասական գրաբարում այս ցուցական դերանունը հողնակի սեռականում և տրականում ուներ կանոնավորապես՝ այս, այսոցիկ կարճ և երկար ձևերը, որոնց դիմաց այս պատմության մեջ հանդիպում է համապատասխան իմաստով՝ այսոց նոր ձեզ: Օրինակ՝ «Եւ մինչ նոքա զայն պատերազմն անցուցին և վճարեցին, և յառաջսն եկին այսոց, և նոքա դեռ չէին եկեալ ի ծծմակն...» (24): Այս և նման ձևերի մասին Ա. Այտընյանը գրում է. «Այս ամենքն որ ստորին դարուց ուամկօրէնին սովորականներն են, մենք առաջին անգամ այս հեղինակի քով կգտնենք»¹⁷:

Դասական գրաբարի փոխադարձ դերանուններից անուղղական իրեւաց, զիրեարս, իրերօֆ (իրերավ) ձիշտ ձևերի կողքին հանդիպում ենք ընդ իրարս ձեփի կիրառությունների: Օրինակ՝ «...և խմբեցաւ պատերազմ ընդ իրարս, մինչև զի ոչ գոյր հնար ճանաշել զմիմեանս...» (35): «Եւ իրման խմբեցաւ պատերազմ ընդ իրարս, և կամէին փախչել վահանեանքն, յորժամ նոցա միաբան աղաղակեցին...» (50)¹⁸:

3) Դասական գրաբարի բայական համակարգը նույնպես «Տարոնի պատմության» մեջ արտացոլվել է որոշ փոփոխություններով: Դրսևորվում են այնպիսի գերբայական ձևեր, որոնք նորություն են դասական գրաբարի համեմատությամբ: Փոփոխություն է նկատվում նաև դիմավոր բայաձեւերի հիմքակազմության, խոնարհման տիպերի առանձնացումների մեջ: Եղանակաժամանակային ձևերը ավելի փոխանցելի են դառնում նախորդ ենթաշրջանների համեմատությամբ: Նկատելի են ժամանակաձեւերի խմաստային ազատ կիրառություններ միմյանց փոխարեն և մեկը մյուսի իմաստով: Վերջիններս հավաստում են դասական գրաբարի ներսում գոյություն ունեցող ժամանակաձեւերի անկայուն կիրառությունների հետագա տարածումը:

Այս պատմության մեջ փոփոխություններով հանդես եկած բայերի թիվը ընդհանուր քանակի համեմատությամբ այնքան էլ մեծ չէ և չի խախտում մեր պատկերացումները դասական գրաբարի խոնարհուանների ավանդական խմբավորումների մասին: Այսպիսի փոփոխությունները նույնպես պայմանավորված են ժամանակաձեւերի ժողովրդախոսակցական լեզվի աղդեցությամբ:

17 Ա. Այտընյան, նշվ. աշխ., էջ 125:

18 Ա. Այտընյանը այս կապակցությամբ նույնպես գրում է. «Շատ հաճախ է դարձած զիրաց, իրեարս, իրեւաց»: Դասական գրաբարի համեմատությամբ վերջին երկուսը կանոնավոր են, այնինչ զիրաց ձեփի չենք հանդիպում «Տարոնի պատմության» մեջ, թերևս այս առումով նկատի է առավել ընդ իրարս ձեզ:

ա) Անորոշ գերբայը՝ դասական գրաբարում ունեցած համարյաքոլոր կիրառություններից բացի, այստեղ հանդես է դալիս նաև հետևյալ տիպի կազմության մեջ, ինչպես՝ ի գալ են, ի տալ էք: Օրինակ՝ «Զի Յոյնք են ի գալ ի վերայ մեր, ասէ» (27): «Դուք ինձ վնասակարք էք, որ զտաճարսն այլ յայրել էք ի տալ...» (26):

Որպես նորակազմություն դասական գրաբարի համեմատությամբ, Հ. Մամիկոնյանի «Տարոնի պատմության» լեզվում դրսեորվում է նաև -ման մասնիկով բայաձեկ, որը այստեղ ունի դերբայական իմաստ և համապատասխան կիրառություն: Այս մասնիկով ունենք քաղման (քաղումն-ից) ձեւը, որը բաղադրվում է այլ կարգի բառերի հետ և պատմության մեջ արտահայտում է մի տեսակ հարակատարի իմաստ՝ նախադասության մեջ գերազանցապես հանդես գալով բաղադրյալ ստորոգյալի շարահյուսական ֆունկցիայով: Այստեղ ունենք ընդամենը երեք օրինակ՝ դրսեորված միմիայն քաղման ձևով: Օրինակ՝ «Ինքն վախճանեցաւ և կան քաղման առ Արծրունեաց իշխանին, ի կողմն արևելից ճակատուն» (28): «... և կայ ի քաղման ի նմին տեղուզն որ դեռ ևս Արձան կոչի անուն տեղինն» (28): Եւ կայ ի քաղման ի դուռն սրբոյ Կարապետին, առաջի սեմոցն» (33):

Այս ձեւը ումն հանդով բայանունների սեռական-տրական հոլովաձեւն է¹⁹: Բերված օրինակներում քաղման և սրբ բաղադրյալ կան ի քաղման, կայ ի քաղման կազմությունները, ըստ երևույթին, կարպվում են հեղինակի ժամանակի ժողովրդախոսակցական լեզվի որոշակի առանձնահատկությունների հետ: Քանի որ հայերենի որոշ նոր բարբառներ ունեն նույնապիսի կազմություններ, առաջ հավանաբար այսպիսի ձևերի գոյությունը առնչվում է նաև բարբառային-տարածքային (տերիտորիալ) որոշակի տարբերությունների ու յուրահատկությունների հետ: Բայցական այս ձեփի գոյությունը արժեքավոր է ոչ միայն հեղինակի լեզվի բնութագրման, այլ հայերենի պատմության ուսումնասիրության առումով ընդհանրապես:

«Տարոնի պատմության» մեջ հանդիպում ենք նաև -ած մասնիկով հարակատար գերբայի եղակի կիրառության: Օրինակ՝ «Դնացի և տեսի առ նմա զգիրսն, որ ի նոյն իննակնեան վանսն էր գրած և նա ի զօրաց

19 Տես, Ա. Ա. Աբրահամյան, Հայերենի զերբայները և նրանց ձևաբանական նշանակությունները, Երևան, 1953, էջ 99—103, Գ. Զահորկյան, Հայոց լեզվի զարգացումը և կառուցվածքը, Երևան, 1969, էջ 48:

ուստէք ունէր ի Պարսից կամ այլ ուրուք...» (50): Նկատի ունենալով Ա. Այտընյանի այս առումով արած միանգամայն ճիշտ մեկնաբանությունը, Հ. Մամիկոնյանի լեզվի այս փաստը հայերենի ած մասնիկով հարակատար դերայի մասին եղած հնագույն տվյալներից պետք է համարել, եթե ոչ՝ ամենահնագույնը²⁰:

բ) Դիմավոր բայաձեռի հիմքակազմության, խոնարհման տիպերի կրած փոփոխությունները հիմնականում հետևյալներն են:

Դասական գրաբարի անկանոն խոնարհման լսել բայլ կիրառվում է իրեն և խոնարհման կանոնավոր բայ: Օրինակ՝ «...որ զման նորա լսեցեր, և զիմ կորովութիւնս ծանեար... զի՞՞րդ իշխեցեր գալ ի վերայ եկեղեցւոյն» (31): Այսուեղ լսեցեր բայաձեռը նորակազմություն է:

Այս պատմության մեջ գործածվում է միմնույն բայի նեղեն, նեղենին, նեղեցի, նեղեցաք, նեղեցան և նեղացար թեք ձևերը: Երեք բայաձեռի դեպքում ունենք -եց, իսկ մեկի դեպքում՝ -աց ցոյականություն. ստացվում է եց/-աց զուգահեռ ցոյականություն: Ա. Այտընյանը նեղացար բայաձեռ համարում է նորակազմություն: Օրինակ՝ «...Վաշտեան զրեալ թուղթ առ Տիրան այսպէս. «Նեղացար պանդիտութեամբ, արդ արի եկ՝ զի խորհեսցուք ինչ արժանի» (57):

Այս պատմության մեջ կիրառվում են խրեցին, խրեսցեն և խիրասցեն ձևերը: Ըստ Հ. Աճառյանի, ինքը «խղճի խայթ» արմատից գոյացած խիրալ ձևը նախնական իմաստային կիրառություններից զատ այստեղ գործածվում է նոր, երրորդ՝ «ցավել, սգալ» իմաստով: Օրինակ՝ «...գաղանք եղկեսցեն զիս և թշնոց ազդ խիրասցեն ընդ իս» (10): Խրել(<խիթ>) արմատից խրեսցեն ձևը Հ. Մամիկոնյանի մոտ կիրառվում է «սրով բզել, բոթել, մշտել» իմաստով, որը պահպանվում է նաև ժամանակակից հայերենում²¹: Օրինակ՝ «Եւ իբրև խրեցին զջորիմն սրով և արկին ի բանակն» (45): Հ. Աճառյանը խրեսցեն ձևի անորոշը դնում է խրալ «խեթիւ նայիլ» և այս իմաստով վկայակոչում է Հ. Մամիկոնյանի այս կիրառությունը²²: Օրինակ՝ «Զբազմութիւն դիւացն կապեսցեն ի տեղուցն յայսմիկ, զի խրեսցեն զծուացեալսն յաստուածապաշտութենէ...» (18): Քերպած օրինակներում խիրասցեն և խրեսցեն ձևերը կազմում են ա//ե զուգահեռ լծորդություններ, որոնցից առաջինը ձևաբիմաստային տեսակետից նորակազմություն է:

Մատշիմ բայլ այստեղ դասական գրաբարի հրամայականի (մա-

20 Ա. Այտընյան, նշվ. աշխա., էջ 126—127:

21 Է. Աղայան, Արդի հայերենի բացատրական բառարան, Երևան, 1976, էջ 578:

22 Հ. Աճառյան, Հայերեն արմատական բառարան, Երևան, 1972, հ. 2, էջ 361, 364.

տեայի //մատերում կանոնավոր հոգնակիների կողքին ունի նաև մատիր նորագոյացությունը: Օրինակ՝ «Իսկ նորա ի բլուրն ելեալ, ասէր. «Ո՞ւր էք քաջք, յառաջ մատիր» (35):

Ի խոնարհման փրծանիմ//պրծանիմ բայն այստեղ դարձել է ու խոնարհման բայ՝ պրծնով, ինչպես, օրինակ՝ «... ասէ վախտանգն. «Կաց հարճորդի, թէպէտ զբազումս ջնջեցեր, սակայն այսօր շպրծնուս ի ձեռաց քաջ արանցու...» (35):

Ու խոնարհման մածնով, ուռնով բայերի գեպքում նկատելի է ի թույլ բաղադրիչի անկում անցյալ կատարյալի հիմքում, փոխանակ՝ ի>Ե հնչունափոխության: Օրինակ՝ «Եւ մածաւ սուրն ի ձեռին Սմբատայ, և ոչ կարաց հանել...» (40): «Կուղ կերեալ ուռաւ որպէս զարչ, և աղուս հպարտ եղեւ քան զառեւծ...» (42):

Հասանել բայը հրամայականի եղանակի թվի հա՛ս ձեկի փոխարեն կիրառվում է մեկ անգամ հասի՛ր, ինչպես, օրինակ՝ «Ո՞ւր ես Սմբատ որդեակ, հասի՛ր յօդն ծերոյս» (33):

Լինել բայը հրամայականի հոգնակիում ունի լի՛ք նորակազմությունը (փիւ. լերո՛ւ, լիջի՛ք): Օրինակ՝ «Տուք զձեղ ի բլուրն, զի տեղին աշող է պատերազմի և անձնապահ լի՛ք մինչև մեր զօրն հասանէ» (40):

Դասական գրաբարում դառնալ, իմանալ բայերի հրամայականն էր դպ՛րձ, դարձի՛ր, դարձարո՛ւ և իմա՛, իմացարո՛ւ, որոնց դիմաց այստեղ երբեմն ունենք դարձի՛ք, իմացէ՛ք նորակազմությունները: Օրինակ՝ «...և ետ խրատ՝ թէ յորժամ նոքա ի ձեղ հային, դուք միաբան ի քաղաքն դարձի՛ք... և դուռն քաղաքին ի բաց թողէք...» (22): «... ապա թէ ոչ ձեղ այլ հնար իմացէ՛ք» (37)²³:

Դասական գրաբարում փախչիմ բայը հրամայականում ուներ նաև փախեա՛յք, փախերո՛ւ ձեռքը, որոնց դիմաց այստեղ գործածվում է փախի՛ք նոր բայաձերը: Փախի՛ք բայաձերը լի՛ք ձեկի հետ միասին ներկայացնում են դասական գրաբարի օրինաշափությունների խախտման և նոր միտուամների դրսերման գեպքերը: Օրինակ՝ «...Զի՞ սպառեցաք, փախի՛ք, որ մեք կոտորեմք (48):

Այսպիսով, Հ. Մամիկոնյանի «Տարոնի պատմության» լեզուն պարունակում է մի շարք կարևոր ձևաբանական առանձնահատկություններ, որոնք դասական գրաբարի համեմատությամբ նորակազմություններ և զուգահեռ ձեռք են: Դրանք գրական լեզվի մեջ են ներթափանցում մեծ

23 Դարձի՛ք, իմացէ՛ք ձեռքը իրենց հետագա արմատավորումն են գտնում՝ դառնալով ժամանակակից հայերենի հոգնակի հրամայականի հիմնական ձեռք:

մասամբ ժամանակի ժողովրդախոսակցական լեզվից: Այսպիսի ձևերի կիրառությունը նշանակալից չափով պայմանավորված է հեղինակի լեզվի առանձնահատկություններով: Հ. Մամիկոնյանը օգտագործելով լեզվի գրական և խոսակցական տարրերակների արտահայտչական հնարավորությունները՝ կարողանում է հասնել ոճական նշանակալից անհատականացման:

Հ. Մամիկոնյանի «Տարոնի պատմությունը» պարունակում է նաև շարահյուսական-շարադասական փոփոխություններ, նախասիրած բառակապակցությունների տարածուն կիրառության դեպքեր:

Հայոց լեզվի պատմությանը վերաբերող որոշ աշխատություններում իրեւ այս դարին վերաբերող լեզվական՝ շարահյուսական առանձնահատկությունների ուսումնասիրության աղբյուր հաճախ ընտրվում է այս պատմությունը²⁴:

Հ. Մամիկոնյանի պատմության լեզվի շարահյուսական-շարադասական առանձնահատկությունները դրսենորվում են հիմնականում ենթակայի և ստորոգչալի ձևաբանական արտահայտության, ենթակայի լրացումների և նրանց շարադասական տիպական կիրառություններից նախադիրների, նախադրությունների և որոշ շաղկապների կապակցման մեջ:

1) Այս պատմության լեզվի շարահյուսական կառուցվածքի մեջ ևս ենթական հանդես է գալիս ուղիղ և թեք հոլովածեերով:

Թեք հոլովածեերով ենթակայի կիրառությունը բնորոշ էր դասական գրաբարին՝ հատկապես հունաբան հայերենի փուլում, ուր նկատվում էր թարգմանական գրականության ազգեցությունը²⁵:

«Տարոնի պատմության» մեջ թեք հոլովածեով առնված ենթակայի հոլովը գերազանցապես սեռականն է. տրական, հայցական հոլովներով ենթակայի կիրառություններ շեն հանդիպում: Շարահյուսական այս առանձնահատկությունից բխում է մյուսը, այն է՝ սեռական հոլովով դրված ենթական ընդհանուր առմամբ գործածվում է անցյալ դերքայով առնված ստորոգչալի հետ: Օրինակ՝ «Իսկ Վահանայ ի մօրին»

24 Հմմտ. Հ. Կ. Կոսկոյն, Օчерки исторического синтаксиса литературного армянского языка, М., 1959.

25 Դասական գրաբարի հոլովների իմաստային նշանակությունների և շարահյուսական կիրառությունների առանձնահատկություններին կարելի է ծանոթանալ Վ. Առաքելյանի «Գրաբարի հոլովների իմաստային նշանակությունները» աշխատությամբ (թեկնածուական գիտերտացիա, ձեռագիր), Երևան, 1944:

տուեալ զնոսա, ոմանք այլ ոչ կարացին ելանել...» (24): «Իսկ նորա տեսեալ զսուսերն մերկ ի ձեռին նորա, ոչ իշխեաց ումեք ձայն տալ...» (45): «Եւ հայեցեալ Վահանայ ի գունդն կրօնաւորացն, ետես յաջ թես նոցա երիտասարդ մի...» (50—51):

Ինչպես նկատելի է, ընդգծված կապակցությունները, ըստ էության, դերայական դարձվածներ են՝ արտահայտված սեռական հոլովով դըր-ված ենթակայով և անցյալ դերայով առնված ստորոգյալով: Հ. Մամիկոնյանի պատմության մեջ այսպիսի կապակցությունները ընդհանուր առմամբ դրվում են որպես բարդ նախադասության բաղադրիչ պարզ նախադասություններ և համարյա միշտ հանդես են գալիս բարդ նախադասության տկրպում: Այսպիսի կառուցները գլխավոր նախադասության նկատմամբ լինում են կամ համադաս, կամ ստորադաս բազմադրության անդամներ: Այսպես, բերված նախադասություններից մեկի՝ «Եւ հայեցեալ Վահանայ ի գունդն կրօնաւորացն» մասը համազոր է մյուսին՝ «Ետես յաջ թեն նոցա երիտասարդ մի» մասին: Սրանք կարելի է դիտել իբրև բազմակի ստորոգյալներով պարզ համադասական նախադասություններ, որոնք իրենց հերթին ունեն լրացումներ: Իսկ բերված օրինակներից առաջինն ունի ստորադասական կապակցում: «Եւ Վահանայ ի մօրին տուեալ զնոսա» զիսավոր նախադասությունից բխում է մյուսի «ոմանք այլ ոչ կարացին ելանել» երկրորդական նախադասությունը:

Այսպիսի նախադասությունները աշխարհաբար թարգմանելիս կարելի է օգտագործել մերթ դերայական դարձված-բառակապակցություն, ինչպես՝ «Իսկ նա տեսնելով նրա ձեռքի մերկ սուրբ՝ շհամարձակվեց որևէ մեկին ձայն տալ», և մերթ որպես բազմակի ստորոգյալներով նախադասություն, ինչպես՝ «Եվ Վահանը նայեց կրօնավորների գնդին, տեսավ նրանց մեջ աջ կողմում մի երիտասարդի», և մերթ էլ որպես ժամանակի պարագա երկրորդական նախադասություն, ինչպես՝ «Երբ նա տեսավ նրա ձեռքի մերկ սուրբ, շհամարձակվեց որևէ մեկին ձայն տալ» և «Երբ Վահանը նայեց կրօնավորների գնդին, տեսավ նրանց աջ կողմում մի երիտասարդի»:

2) Ինչպես իր տեղում նշել ենք, այս պատմության մեջ կան ած, ման մասնիկներով բայեր, որոնք ըստ էության ստորոգյալներ են՝ օժանդակ բայի հետ մատնելով որոշակի շարահյուսական փոխհարաբերության մեջ: Օրինակ՝ «Գնացի և տեսի առ նմա զգիրսն, որ ի նոյն իննակնեան վանսն էր գրած, և նա ի զօրաց ուստէք ունէր...» (59): «... և նստաւ յաթոռ նորա մանկիկն Ստեփաննոս, որդի իշխանին

Արծրունեաց, որոյ մայրն հերձաւ, և կան ի բաղման ծնողքն նորա ի նոյն վանսն» (29): «Ի սոյն ամի շինեաց Մուշեղ զուրբ Կարապետն և ինքն վախճանեցաւ և կայ ի բաղման առ Արծրունեաց իշխանին...» (28)²⁶:

«Տարոնի պատմության» մեջ ստորոգյալը հանդես է գալիս նաև այնպիսի կազմությամբ, որը բաղադրվում է անորոշ դերբայով, օժանդակ բայով և ընդմիջարկվում ի նախղով: Ունենք այսպիսի կազմության ընդամենը երկու օրինակ, ինչպես՝ «Զի Յոյնք են ի գալ ի վերայ մեր, ասէ...» (27): «Դուք ինձ վնասակարք էք, որ զտաճարսն այլ յայրել էք ի տալ...» (26):

Այսպիսի ստորոգյալի կազմության ձեւաբանական և շարահյուսական առանձնահատկությունները չեն վրիպել լեզվաբանների հայացքից²⁷: Այսպիսի բաղադրություն ունեցող ստորոգյալի, ինչպես նաև -ած մասնիկով և օժանդակ բայով կազմված ստորոգյալի մասին, նկատի ունենալով հատկապես Հ. Մամիկոնյանի պատմության տվյալները, Գ. Զահուկյանը գրում է. «Դրաբարի մեջ խոսակցական-բարբառային լեզվի օգտին կատարվող նախկին շեղումներն այս ենթաշրջանում (նկատի ունի VI—VII դարերը՝ Հ. Մամիկոնյանին ընդունելով իբրև VII դարի հեղինակ. —Վ. Հ.) բազմանում են, առաջանում են նոր շեղումներ, հաճախանում են հնչյունափոխական, քերականական, բառապաշարային-իմաստաբանական տարբերությունները, հանդիպում են -ած-ով զերբայի և օժանդակ բայի հարադրությամբ կազմվող ձեեր, այլև «յոյնք են ի գալ» տիպի կազմություններ, որոնք հետագայում խիստ հաճախանում են և ակունք տալիս նոր ժխտականի կազմության համար և ալլն»²⁸:

3) Ենթակայի լրացումներից որոշիշ-որոշյալի և բացահայտիշ-բացահայտյալի կապակցությունները (ենթակայի լրացումները իրենց լրացումներով), ի հակադրություն հատկացուցիշ-հատկացյալի կապակցության, շարահյուսական բաղադրության և շարահյուսական-իմաստային առումներով ավելի մերձագոր են միմյանց նկատմամբ: Վերջիններս իրենց հերթին ունեն որոշակի շարահյուսական տարբերա-

26 Այսպիսի կապակցությունների առկայությունը Հ. Մամիկոնյանի երկում կարևոր է հայոց լեզվի զարգացման պատմության համար՝ քերականական իրողությունների ժամանակագրությունը որոշելու տեսակետից:

27 Հմմտ. Ա. Այտընյան, նշվ. աշխ., էջ 126—127: Ս. Ղազարյան, Հայոց լեզվի հաճառոտ պատմություն, էջ 219: Նոյնի Միջին հայերեն, գիրք Ա., Երևան, 1960, էջ 60:

28 Գ. Զահուկյան, Հայոց լեզվի զարգացման փուլերը, Երևան, 1964, էջ 41:

կիշ հատկանիշներ: Բացահայտիշ-բացահայտյալի կապակցությունը բնութագրվում է առանձնահատուկ արտասանական երանգավորումով, շարադասական կայուն ետևառաջությամբ (Հմմտ. Վախտանգ՝ զնորին հօրեղբայրն և նորին հօրեղբայրն՝ զիշտանգ):

Գրաբարի որոշիշ-որոշյալի և հատկացուցիշ-հատկացյալի կապակցություններին նվիրված առանձին աշխատությունների²⁹ տվյալները օգնում են Հ. Մամիկոնյանի պատմության լեզվի համապատասխան իրողությունների առանձնահատկությունների բացահայտմանը:

Հայոնի է, որ դասական գրաբարում (բացառությամբ «Աստվածաշնչի») նախադաս որոշիշները գերազանցում են ետադաս որոշիշներին³⁰: Իսկ ինչպիսի՞ն է «Տարոնի պատմության» մեջ որոշիշ-որոշյալի կապակցության շարադասությունը սրանց համեմատությամբ:

Այս նպատակով «Տարոնի պատմության» որոշակի հատվածի³¹ մեջ կատարված վիճակագրությունից պարզվում է, որ այս հեղինակի լեզվի հիշյալ հատվածի մեջ գործածված 173 որոշիշներից 134-ը նախադաս են, իսկ 39-ը՝ ետադաս (մոտավորապես 3,5:1 հարաբերությամբ):

«Տարոնի պատմության» այս նույն հատվածում գրսերիված հատկացուցիշ-հատկացյալի կապակցության տվյալները խոսում են այն մասին, որ հատկացուցիշը ձնշող մեծամասնությամբ ետադասվում, հաջորդում է իր հատկացյալին: Նույն հատվածում ունենք նախադաս-հատկացուցչի լնդամենը 44 կիրառություն, իսկ ետադասի՝ 146 կիրառություն (մոտավորապես 3,3:1 հարաբերությամբ):

Վերոհիշյալ վիճակագրական տվյալները բավական պիրճախոս են և հստակ պատկերացում են տալիս «Տարոնի պատմության» մեջ տեղ դրտած որոշիշ-որոշյալի և հատկացուցիշ-հատկացյալի շարադասական կիրառությունների մասին:

Հ. Մամիկոնյանի պատմության մեջ բացահայտիշ-բացահայտյալի

29 Հ. Ավետիսյան, Որոշիշ-որոշյալի կապակցությունը գրաբարում, Երևան, 1972, Մ. Մինասյան, Հատկացուցիշ-հատկացյալի կապակցությունը գրաբարում, Երևան, 1960 (թեկնածուական դիսերտացիա, ձեռագիր):

30 Հ. Ավետիսյան, նշվ. աշխ., էջ 10—11: Վ. Էալարյան, Գրաբարի մի քանի առանձնահատկություններ Եղնիկի լեզվում, Երևան, 1944 (թեկնածուական դիսերտացիա, ձեռագիր):

31 «Տարոնի պատմության» հիշյալ հատվածը սկսվում է «Դարձեալ զօրամողով եղեւ եռորով արքայ...» նախադասությունից և գերշանում «... և եպիսկոպոսն հալածական լինէր Երկիրն Յունաց» նախադասությամբ (տես էջ 30—43):

կապակցությունը նախորդ երկուսի համեմատությամբ ունի պակաս գըրսկորումքը։ Այսպես, օրինակ, նախորդ երկու և այս կապակցության համար ընտրված վերոհիշյալ հատվածում ունենք բացահայտիչ-բացահայտյալի ընդամենը 19 կիրառություն։ Իբրև բացահայտյալ հանդես են գալիս գոյականները, որոնք «իրար հետ այնպիսի հարաբերության մեջ են մտնում, որտեղ ընդհանուրը բացահայտվում է մասնավորով», կամ ընդհակառակը՝ մասնավորը բացահայտվում է ընդհանուրով, հասարակ անունը՝ հատուկ անունով, հատուկը՝ հասարակով, առարկաների ու երեսությների անունները հատկանիշների անուններով և ընդհակառակը»³²։

Ենելով այս պատմության համապատասխան տվյալներից, կարող ենք ասել, որ ստորոգյալի լրացումների մեջ ոչ մի ակնառու փոփոխություն չի նկատվում։

4) Հ. Մամիկոնյանի պատմության լեզվի շարահյուսական կառուցվածքի մեջ նկատվում են նաև նախորդի նախադասությունների, որոց շաղկապների՝ շարահյուսական նախկին համաձայնության խախտման հետ առնչվող փոփոխություններ։

Ա. Այտընյանը խոսելով նախդիրների շարահյուսական կիրառությունների մասին, գրում է, որ դասական գրաբարում նախդիրները խոսքի կառուցվածքի տեսակետից ունենալով իրենց որոշակի նշանակությունը, հետագա դարերում իրենց տեղը մասսամբ զիջում են նախադրություններին։ «Ե դարուն սկիզբէն՝ քիչ անգամ բարձրագոյն ոճով գրողներուն քով, եւ պարզագոյն կամ ստորին ոճով գրողներուն քով յաճախ կտեսնուի՝ նախադրութիւն փոխանակ նախդիրի։ Եւ այս կերպ խօսուածքը բնականապէս պարզման սկզբանն արդիւնքն է...»³³։

Ա. Այտընյանը նշում է նաև այն, որ Հ. Մամիկոնյանի «Տարոնի պատմության» մեջ գործածվում է հետ մակրացը, որի փոխարեն սպասվում էր ընդ նախդիրի կիրառություն։ Օրինակ՝ «Այլ թէ սէր եկիր առնել, զկինդ ի հետ ընդէր ածեր, մի թէ որդի՛ խնդրես յերանաց մերոց...» (31); «Եւ առեալ զՍուրէն անցին գնացին յայնկոյս Արածանոյ, և զկինն և զորդին ի հետ տարան» (38)։

Դասական գրաբարի որոշ նախդիրների շարահյուսական-գործառական փոփոխությունների մասին Ա. Այտընյանը գրում է. «Ի և զ նախդիրներուն կամաց կամաց անհետանալուն սկիզբը տեսանք որ բավական հին է, բայց այս հեղինակի քով բացահայտ կը գտնինք նաև առ

32 Վ. Առաքելյան, Հայերենի շարահյուսակցություն, հ. 1, Երևան, 1958, էջ 269։

33 Ա. Այտընյան, նշվ. աշխ., էջ 123։

և ընդ նախդրաց վերանալուն սկիզբը, որ անցմամբ մը եղած կ'երեւայ-
այսինքն՝ առ և ընդ ի սկզբան ի նախդրի փոխված, որպեսզի ետքէն
բոլորովին զեղուկն, կամ վերջահոլովի դառնան»³⁴:

Ելնելով Հ. Մամիկոնյանի պատմության տվյալներից, Ա. Այտրն-
յանը այս կապակցությամբ նշում է առ նախդրի կիրառություն ի նախ-
դրի փոխարեն: Օրինակ՝ «... և նշան տուեալ էր, թէ յորժամ զոք ի ձեղ
ուղարկեմ, ի Միհրան գնացէք, և այլ զօրս ածէք» (22), նույն էջում
հանդիպում են նաև առ նախդրի կանոնական, ճիշտ գործածություններ,
ինչպես, օրինակ՝ «Եւ նոքա դարձան առ Միհրան...» (22): «...և քսան
այր ի պարսիկ զօրացն աւետարոս առաքեր առ Միհրան...» (22):

Հ. Մամիկոնյանի «Տարոնի պատմության» շարա՞յուսական կա-
ռուցվածքը աշքի է ընկնում նաև նախադասության անդամների անհա-
մածայնության որոշ երեսով թներով: Վերջիններս դասական գրաբարի
համապատասխան երեսով թների դարերի ընթացքում կրած փոփոխու-
թյունների մասնակի արտացոլումներն են՝ տեղ գտած այս պատմու-
թյան շարադրանքի մեջ: Ա. Այտրնյանը նկատի ունենալով հատկապես
այս պատմության ընձեռած տվյալները՝ զրում է: «Համաձայնութեան
նկատմամբ գրաբարէն խոտորմունքն առհասարակ նոյն են Ե դարու
ընտանեկան ըսուածներուն հետ, միայն աւելի յաճախ եւ աւելի բացա-
յալու: մանաւանդ սեռականի եւ տրականի իրարմէ շղանազանուիլը,
տրականին՝ ներգոյականի հետ շփոթիլը, եւ ուրիշ նմանները, որոնց-
մով շատ անգամ գրաբարի կանոնաց անտեղեկութիւն կը դիտովի՝ քան
ընտանեկան լեզուի յատկութիւն»³⁵, Օրինակ՝ «Յարեան դարանակալքն
աստի և անտի, և առեալ զնոսա ի մէջ՝ կոտորեցին, ոչ ողորմելով
ուրուի» (փիւ. ումեք, 28): «Իսկ Մուշեղ առեալ ընդ իւր քառասուն իշ-
խան, առանց այլ ուրուի, կազմեցան զօրէն պատերազմի...» (փիւ.
ումեք, 14): «... և նա ի զօրաց ուստէք ունէր ի Պարտից կամ յայլոց
ուրուի, որ ապականեալ զերկիր...» (փիւ. ումեք, 59): «Իսկ որ աւագն
էր ի ձիագողսն, որոյ Սրէմն կոչէին, դարձաւ ընդդէմ...» (փիւ. որում,
39): «...սա եկն ի դաշտն Տարօնոյ առ այր մի՛ որոյ անուն էր Ծիծառ-
նիկ» (փիւ. որում, 55):

Նկատվում են նաև շարա՞յուսական անհամաձայնության այլ դեպ-
քեր: Մի դեպքում այս գերանունը, մյուս դեպքում երկու թվականը
եղակի բացառականով վերցված գոյականի հետ կիրառվում են ուղա-

34 Ա. Այտրնյան, նշվ. աշխ., էջ 126—127:

35 Ա. Այտրնյան, նշվ. աշխ., էջ 128:

կան հոլովով՝ տրական հոլովի փոխարեն, չնայած այն հանգամանքին, որ առնում են ի նախդիր: Մի այլ դեպքում երկու թվականը գործածվելով իշխան գոյականի հետ, թվով չի համաձայնեցվում վերջինիս հետ: Օրինակ՝ «... և անցոց ի տեղի թագստեան զպարսէէն շետուստ կողմանէ, և ի բլերն յայս կողմանէ...» (փի. յայսմ կողմանէ, 34—35): «Եւ երկու կողմանէն ռազմ գաղտ կարգեաց...» (փի. յերկուց կողմանց, 35): «Եւ զերկու իշխանս Պարսից կախեալ ժառոյն խեղդեցին, և ինքեանք դարձան յերիվարսն...» (փի. վերկուս իշխանսն, 39):

Այսպիսով, Հ. Մամիկոնյանի «Տարոնի պատմությունը» պարունակում է շարահյուսական կառուցվածքի այնպիսի առանձնահատկություններ, որոնք գրական լեզվի մեջ են ներթափանցում հիմնականում ժամանակի ժողովրդախոսակցական լեզվից, անկախ այն բանից, թե պատմության հեղինակը որքանով է հետամուտ եղել դասական գրաբարի համակարգային օրինաշափություններին և վերջիններս ինչպես են իրականացվել նյութի կոնկրետ շարադրանքի ընթացքում:

«ՏԱՐՈՆԻ ՊԱՏՄՈՒԹՅԱՆ» ՈՃԸ

Հ. Մամիկոնյանի «Տարոնի պատմությունը» աշքի է ընկնում ոճի բազմազանությամբ, որը բխում է պատմության բովանդակության բազմազանությունից: Ինչպես գիտենք, Հ. Մամիկոնյանի պատմությունը իր ամբողջության մեջ Տարոնի ժողովրդական զրուցների, վիպական կամ առասպելախառն պատմությունների այնպիսի ժողովածու է, ուր կան նաև տեղական եկեղեցական կյանքի, վանականների սովորութիւն ու նիստուկացի մատին տեղեկություններ, Սուրբ Կարապետի վանքի, Ֆիծառնա խաչի հետ առնչվող միջադեպեր: «Տարոնի պատմության» գլուխների վերջում մեկ-երկու նախադասությունների սահմաններում հանդիպում են կրոնական բովանդակության կտորներ:

Հ. Մամիկոնյանի «Տարոնի պատմության» ոճի ուսումնասիրության ժամանակ ուշադրությունը հատկացվում է հետեւյալ հարցերին: Նախ, նյութի ուսումնասիրության հիման վրա բացահայտվում են հեղինակացին ոճի ակունքները, այսինքն՝ ցուցը է տրվում, թե հեղինակի ժողովրդախոսակցական լեզվի տարրերով հարուստ գրաբարախոս լեզուն ինչպիսի ոճական համադրության է հասել: Երկրորդ, հեղինակը ինչպիսի ոճական հնարանքներով է շարադրում իր պատմությունը: Եյս տեսակետից, հանդիպում են այնպիսի ոճական միջոցներ և եղանակներ, որոնք չնայած բխում են հայերենի ընդհանուր ոճերի օրինաշափություններից, բայց այս պատմության մեջ դրսկորվում են հեղինակի նախասիրությամբ, հիմք են դառնում հեղինակի անհատական ոճի ձևավորման համար: Երրորդ, հեղինակացին ոճի առանձնահատկություններից են հոմանիշ, հականիշ բառերի առատ և բազմազան, յուրօրինակ կիրառությունները, որոնք պատմության շարադրանքի ոճին հաղորդում են պարզություն, հստակություն: Չորրորդ, «Տարոնի պատմության» շարադրանքի մեջ նկատվում են նախասիրած կազմություննեցող նախադասություններ, դրանց շարահյուսական-շարադրասական պատմության

յուրահատուկ բաղադրություններ և յուրովի կիրառություններ: Հ. Մամիկոնյանը հակում ունի այնպիսի բարդ համադասական նախադասությունների նկատմամբ, որոնք իրականանում են զանազան շաղկապներով: Վերջիններիս ոճական կիրառությունները՝ բարդ նախադասությունները շաղկապներով կամ շաղկապի շարացյուսական պաշտոն կատարող բառերով սկսելը, համադասական նախադասությունների շաղկապներով կապակցելը, շաղկապների կրկնությունները, այս կամ այն շաղկապի գործածությունը որոշակի կառուցվածքի նախադասությունների կամ դերբայական գարձվածների հետ,— այս բոլորը պայմանավորվում են հեղինակային ոճի առանձնահատկություններով:

1. ՀԵՂԻՆԱԿԱՅԻՆ ՈՃԻ ԱԿՈՒՆՔՆԵՐԸ

Ուժերորդ դարի հայերենը դասական դրաբարի պատմական դարպացման հետագա դրսերումներից է, ընդհանուր հայերենի կոնկրետ իրողություններից մեկը: Այս դարից ավանդված և մեզ հասած մատենագրական երկերը ունեն հարուստ լեզվանյութ, որն արտացոլում է ժամանակի դրական հայերենի օրինաշափությունները և առանձնահատկությունները, ավագ ժամանակաշրջանի ընդհանուր հայերենի տարածքային և ֆունկցիոնալ-ոճական տարբերակները:

Ընդհանուր լեզվի ներսում գոյություն ունեցող ֆունկցիոնալ-ոճական տարբերակները ընդհանրապես բնորոշ են բոլոր լեզուներին՝ վերջիններիս զարգացման բոլոր փուլերում: Այս առումով է. Աղայանը գրում է. «...միևնույն ժամանակաշրջանի դրական-ընդհանուր լեզուն ստանում է իր տարբերակումները՝ ժանրային ոճ, թեմատիկ ոճ, հեղինակային ոճ, «գրասենյակային լեզու», մասնագիտական-զբաղմունքային «լեզուներ» («բժիշկների լեզու», «արտիստական լեզու» և այլն). որոնք ընդհանուր անունով կոչվում են ոճեր: Իբրև ընդհանուր երկույթ, բոլոր ոճերը մնում են կանոնական համակարգի շրջանակներում և հանդիսանում են կանոնի տարբեր դրսերումները»¹:

Հ. Մամիկոնյանի «Տարոնի պատմությունը» որպես պատմագրական գործառական ոճի երեսով, աշքի է ընկնում ոչ միայն հայ պատմագրական նախորդ երկերի (հատկապես Փ. Բուզանդի «Հայոց պատմության») հետ ունեցած որոշ ոճական ընդհանուր կողմերով, այլև բաղմաթիվ և բազմադաս յուրահատկություններով:

1 Է. Աղայան, ժամանակակից հայերենի հոլովումը և խոնարհումը, Երևան, 1967, էջ 23:

Հ. Մամիկոնյանն իր պատմությունը շարադրում է որոշակի նպատակներով: Հեղինակի կարևոր նպատակներից մեկն այն է, որ հետագա սերունդներին ավանդի ժողովրդի շուրջերին հնչող (մասամբ զրի առնված) տեղական զրույցները, որոնք զուրկ չեն միասնության ու անկախության ձգտումներից: Այստեղից էլ պարզ է դառնում, թե ինչու այս պատմության շարադրանքի ոճը այդքան ժողովրդական է, կենդանի և անպաճույժ: Հեղինակը ձգտում է հազորդակցվել ժողովրդի խոսակցական լեզվի ոճական հնարանքներով, որին թերևս խանգարում է հեղինակի դասական գրաբարի իմացությունը, եկեղեցականի գրաբարիսու լինելը:

Ինչպես գիտենք, Փ. Բուզանդի «Հայոց պատմության» մի շարք հատվածների համար նույնպես աղբյուր են ծառայել մեր առաջին ժողովրդական հին վեպի՝ «Պարսից պատերազմի» զրույցները և վիպատացությունները: Փ. Բուզանդի «Հայոց պատմության» և Հ. Մամիկոնյանի «Տարոնի պատմության» միջև որոշակիորեն ընդհանուր բան կա՝ ոչ միայն բովանդակության, այլև նյութի շարադրման, խոսքի ոճավորման տեսակետից: Այդ ընդհանրությունն այն է, որ երկուսն էլ հենվում են ժողովրդական բանավոր զրույցների խոսակցական-ոճական առանձնահատկությունների վրա:

Ժողովրդախոսակցական ոճի դրսնորումները ակնառու են «Տարոնի պատմության» շարադրանքի այն հատվածներում, որտեղ խոսվում է վիպական հերոսների ուղղմական քաջագործությունների մասին: Այստեղ նկատվում են վիպական հերոսների ակնհայտ շափականցումներով փառաբանումներ, ժողովրդական մտածողության, հոգեբանության, սովորութի հետ առնչվող բարոյախրատական խոսքեր, որոշ անեծքներու վաստաբանություններ, ինչպես նաև հեգնանք, ծաղր ու ծանակ, քամահրանք պարունակող արտահայտություններ:

Ընդհանրապես «Տարոնի պատմության» այն հատվածներում, որտեղ խոսվում է աշխարհիկ կյանքի երևույթների մասին, շարադրանքը ներծծված է ժողովրդախոսակցական ոճերին բնորոշ միջոցներով և եղանակներով:

Հ. Մամիկոնյանի լեզվառնի մեջ նկատվում է նաև գրաբարի՝ հատկապես եկեղեցական գրականության, ոճերի աղղեցությունը: Գրաբարյան ոճական երևույթները հանդիպում են համարյա ամեն մի դրվագում, բայց առավել ցայտուն՝ եկեղեցական կյանքի արարողությունների մասին շարադրվող հատվածներում: Այս կարգի երևույթները քիչ չեն նաև վիպական հերոսների խոսքի և բնորոշ արտահայտությունների մեջ:

Մյուս կողմից, հեղինակը հաճախ իր խոսքը կառուցում է դասական գրաբարի ոճերին յուրահատով միջոցներով և եղանակներով:

Օգտվելով վերոհիշյալ երկու կարգի ոճական աղբյուրներից, հեղինակը միաժամանակ ցուցաբերում է որոշակի ինքնուրույնություն, ոճական յուրահատկություն: Այս պարագայում նկատելի են հետեւյալ համդամանքները:

Նախ, հեղինակային ոճական յուրահատկության արդյունք են բառապաշտի մեջ նկատված նոր բառերի կիրառությունները, նորակաղմությունները, դասական գրաբարից եկող որոշ բառերի նոր իմաստացին կիրառությունները, ինչպես նաև մի շարք քերականական առանձնահատկությունների դրամորումները: Եվ երկրորդ, Հ. Մամիկոնյանի խոսքի յուրահատկությունները, ոճական ինքնուրույնությունը զգացվում է ոչ միայն հայտնի պատմագրական, ժողովրդախոսակցական ոճերի ինքնուրույն գործածությունների, այլև հեղինակի խոսքը բաղադրող նախադասությունների և նախադասության անդամների ազատ՝ անկայուն շարադրասության, շաղկապների, նախդիրների և նախադրությունների բաղմաղան կիրառությունների, բարդ նախադասությունները համարյա միշտ նույն կառուցվածքը ունեցող դերայական դարձվածներով սկսելու մեջ:

Ըստ այսմ, «Տարոնի պատմության» ոճը հիմնականում գոյանում է դասական գրաբարյան և ժամանակի ժողովրդախոսակցական ոճերի ակունքներից, որոնք համագրվում են հեղինակի խոսքային անհատականության մեջ և կազմում են նրա ոճի հարստությունը:

Անդրադառնանք հեղինակի ոճի վերոհիշյալ երկու կարգի աղբյուրներին. նախ՝ գրաբարյան, այնուհետև՝ ժողովրդախոսակցական ոճական ակունքների մասին:

1) «Տարոնի պատմության» ոճի մեջ համեմատաբար պակաս են կիրառվում գրաբարյան ոճական երեսությունները: Սրանք հիմնականում հետեւյալներն են՝ բառային ավելացրություններ, պեսապիսություններ, գրաբարում արգեն հանդես եկած դարձվածային միավորների, ոճերի և արտահայտությունների կիրառություններ:

ա) Դասական մատենագիրների երկերում իբրև ոճական երեսությալական տարածված է բառային ավելացրությունը: «Գրվածքի ոճին զարդարանք տալու, իսկ առանձին գեպքերում էլ իմաստային որոշ նրբություններ արտահայտելու համար հեղինակները, որպես ոճական միջոց, գործադրում են ավելացրությունները, որոնք տարբեր բնույթի են լինում: Առանձին հետաքրքրություն են ներկայացնում նույնանիշ և

Հոմանիշը բառերի ավելադրությունը: Սա բնորոշ է նրանով, որ մի բառի հետ ավելադրությամբ հաղես են գալիս նաև նույնանիշ և հոմանիշ այլ բառեր, որոնք տվյալ դեպքում քերականական նոր ֆունկցիա չեն ընդունում»²:

Այսպես, Ազաթանգեղոսի, Փ. Բուզանդի, Եղիշեի մոտ հանդիպում են բառային ավելադրությամբ խոսքի ոճավորման բազմաթիվ դեպքեր: Օրինակ՝ «...ի սպանանել զնա Արտաշրի որդույ Սասանայ, որ էր նախարար ոմն Ստածը գաւառէն, որ եկեալ միաբանեաց զօրս Պարսից, որ լին խոսեցին անարգեցին զտէրութիւն Պարթեւաց...» (Ազաթ., էջ 15): «Արձակեաց արքայն Պարսից Շապուհ ի վերայ աշխարհի Հայոց երկուս ոմանս յիշխանաց անտի իւրոց... զի եկեսցեն բրեսցեն քանդեսցեն զաշխարհն Հայոց» (Բուզ., էջ 144): «Մոռացան կանացի տկարութիւն, և եղեն արուք առաքինիք ի Հոգեոր պատերազմին. մարտ եղեալ կռուեցան ընդ մեղսն կարեռս, հասին կտրեցին և ընկեցին զմահաբեր արմատս նորա» (Եղիշէ, էջ 202) և այլն:

«Տարոնի պատմության» մեջ նույնպես հանդիպում են բառային ավելադրությամբ խոսքի ոճավորման դեպքեր: Օրինակ՝ «Եւ այսպէս բազում ժամանակս կցեալ ի սոյն խստակրօնութեան ամս քան» (9): «Զայսոսիկ լուեալ Վախտանգայ՝ խրոխացաւ, ըմբուտացաւ...» (30): «Դարձեալ զօրաժողով եղեւ խոսրով արքայ, երկրորդ անգամ ի մտի կալեալ զմահն Միհրանայ քեռորդոյն իւրոյ...» (30): «...և տարան զգլուխն Միհրանայ առ արքայն խոսրով, և նա խոսվեցաւ, պղտորեցաւ, ամաշեաց զամօրն յափտենից...» (28): «Եւ իբրև ել անտի տիկինն, խստացին, ոխացան, տրտմեցան յոյժ ընդ իրսն սպասաւորքն եկեղեցւոյն, և ոչ պատրաստեցին կնոշն կերակուր» (10—11): «...և դփող պատերազմին հնչեցուցին, և առձեռն սկսան կուորել, և կանչեալ զարհուրեցան, ժարինեցան և աղմկեցան յոյժ» (46) և այլն:

Հ. Մամիկոնյանի «Պատմության» մեջ հանդիպում է նաև ոճական մի երեսոյթ, որը կոչվում է վերացականը թանձրացականի փոխարեն: Ոճական այս երեսոյթը տարածված էր դասական գրաբարում: Օրինակ՝ «Իսկ զինի այսպիսեաց իրաց յաջողութեանց դադարեալ Շամիրամայ աւուրս ինչ սակաւս ի դաշտի, որ անուանեալ կոչի յանուն Արայի Այրարատ...» (Խորենացի, 1913, էջ 51): «...վասն այնորիկ յանձն իւր տարուքերէր, եթէ յո՞ թափեցից զդանութիւն բումից, կամ ո՞ւր բացատրեցից զբազմութիւն նետիցն» (Եղիշէ, էջ 7)³:

2 Ա. Ա. Արքահամյան, Գրաբարի ձեռնարկ, Երևան, 1964, էջ 403:

3 Հմատ. Ա. Արքահամյան, նշվ. աշխ., էջ 406—407:

Հ. Մամիկոնյանի մոտ հանդիպում են այսպիսի օրինակներ. «Իսկ Վախտանգայ ի ցասումն բարկութեան շարժեալ վասն Ռահանայ, առաքեաց դարձեալ զԱսուր ի վերայ ութ հագարաւ» (32): «Զոր և բազում քահանացիւր և քսան եպիսկոպոսօր տօն ցնծութեան կատարեցին փըրկական տեղեացն ուր զհաւատուն ունէին» (22):

բ) Բառային պեսպիսությունը նույնպես հայերենի ոճերին բնորոշ երեսությներից է: Այս դեպքում զուգադրվում են իմաստով մերձավոր՝ հոմանիշ, նույնանիշ բառեր, միևնույն արմատից գոյացած տարբեր բառաձևեր, բառակապակցություններ, որոնք խոսքը ամբողջացնում են իմաստային զանազան նրբերանգներով:

Ա. Ա. Աբրահամյանը նկատի ունենալով դասական մատենագիրների երկերում հանդիպող բառային պեսպիսության տվյալները, գրում է (մեջբերում ենք անում ամբողջությամբ՝ Եղնիկից բերված օրինակի հետ միասին): «Հեղինակները հաճախ միևնույն միաքը կրկնում են տարբեր բառերով՝ նույնանիշ կամ հոմանիշ: Այս երեսությը ընդունված է կոչել պեսպիսություն: Օրինակ՝ «... եւ այս կառք զարմանալիք ի հակառակ և յանճման երիվարաց լծեալ և ծածուկ ձեռամբ ուղղեալք, ոչ միմիայն կողմն ի հանդիպ երեսացն եւեթ արշավին, այլ յամենայն կողմանս վարդին, և ընդ հանուր արշաւին, և ընդ բնաւս սլանան...» (Եղնիկ, I, 9, էջ 14): Այս հատվածում միմիայն իմաստը արտահայտված է միմիայն, եւեթ հոմանիշներով, կողմ իմաստը (դեպի երեսի կողմը, դեպի առաջ): Կողմն, հանդէպ բառերով, ընթանալու գաղափարը՝ արշամի, վարգել, սլանալ բառերով, դեպի ամեն կողմ գաղափարը՝ «յամենայն կողմանս», «ընդ հանուր», «ընդ բնաւս» արտահայտություններով»⁴:

Հ. Մամիկոնյանի լեզվառձի մեջ նույնպես գործածվում են պեսպիսություններ: Օրինակ՝ «... իսկ եթէ վասն թշնամութեան (է) Կարապետն ընդ մեզ, և ո՞չ ինքն ի կնոշչ ծնաւ, և զաէրն ինքն ի կնոշչ է ծնեալ, և ո՞չ առաքեալքն մայր ունէին» (10): «... և զօրացեալ զօրացն առաջի եղեալ զնոսա ի փախուստ, և կալան ի նոցանէ քառասուն և ութ իշխան կենդանւոյն» (13): «... և հայի ի փոքր ամրոցն Մեծամօր ներքոյ Նարդակայ՝ զոր Անդակն կոշեն, ետես կինն ի հիւսիսական կողմանէն տեսութիւն զարմանալի...» (11): «Իբրև ետես Վահան եթէ գնան ամբողջ, զեախանձն աստուծոյ նախանձեալ՝ յարձակեցաւ ի վերայ նոցա, և սկսաւ կոտորել զնոսա» (32):

⁴ Ա. Աբրահամյան, Խշկ. աշխ., էջ 406:

Հ. Մամիկոնյանը բառային պեսպիսություն է ստեղծում գրական և ժողովրդական շերտերին պատկանող բառային միավորներով: Օրինակ՝ «... և դարձեալ զսապոնի գինսն վաթսուն հաղար. դահեկան, որ զքո զօրացն գիշահոտ հալաւն և զարինաթաթախ հանդերձն լուանալ տուաք և ադաք» (36—37):

գ) Դարձվածային միավորները նույնպես հեղինակային ոճի դրսեվորման լավագույն միջոցներից են: Հ. Մամիկոնյանը պատմության շարադրանքի մեջ ոճական նպատակներով դորձածում է խոսքին պատկերավորություն, սեղմություն և արտահայտչականություն հաղորդող այնպիսի դարձվածային միավորներ, որոնք նախապես կիրառվել էին հայ մատենագրության մեջ: Օրինակ՝ «Եւ եղ բանս ի բերան Հայոց զօրացն Մուշեղ իշխան Մամիկոնենից և Հայոց մարզպան...» (13): «Եւ Վարդուհի ոչ եմուտ ի պատերազմ» (50): «Եւ յետ վախճանելոյն Մուշեղայ նստաւ յարոն իշխանութեան նորա վահան, իշխան մամիկոնէից տան» (28—29): «Եւ խիստ վաստակեցաւ Սմբատ յաւուրն յայնմիկ, բայց ի քիկունս եհաս նմա Վարազ իշխան Պալունեաց, և առաջի եղեալ զգօրսն գետավէծ առնէին» (48): «... և սուր ի վերայ եղեալ փախստական արարին մինչեւ դարանն» (47): «Իսկ նոցա ժողովեալ ի տաճար, ընդ գինի մտին...» (24) և այլն:

Ընդհանուր առմամբ, ինչպես բերված օրինակների, այնպես էլ իրենց տեղում ուսումնասիրված դարձվածային միավորների կիրառումները «Տարոնի պատմության» ոճի բնութագիրը ներկայացնող տվյալներ են, որոնք թե ընդհանուր հայերենի և թե հեղինակային ոճերի անբաժանելի մասն են կազմում:

դ) «Տարոնի պատմության» որոշ հատվածներում կան այնպիսի ոճեր և արտահայտություններ, որոնք սովորաբար հանդիպում են եկեղեցական աղոթքներում՝ մտնելով նաև եկեղեցական գրականության համապատասխան նմուշների մեջ: Օրինակ՝ «Իսկ գնացեալ ի Մանեայ այրսն, և կացեալ անդ ամս եւթն, վախճանի ի կենացս ի փառս աստուծոյ» (7): «... որ ստեղծեր զմարդն ի պատկեր են բարերարութեանդ, և կացուցեր զնա իշխան ի վերայ եւկրի...» (16): «Եւ յասել զամէնն, եկն ձայն յերկնից՝ որ ասէր. «Եղիցի ձեզ որպէս և կամիքդ...» (19): «... և տեսին զկրօնաւորսն յարտասու և յաղօրս պարապեալ և յարձակեալ ի վերայ եւթանեքեան կոտորեցին...» (19): «Սա ինդրեաց ի սուրբ Կարապետէն, կապել զբերանս գազանացն՝ որբ բեկանէին զլուսաբերսն եկեղեցւոյն» (29): «... Սուրբ Կարապետ, յայտնեա և այսօր զբեզ ծա-

ուայից բոց. զի վասն ին մեռանիմք ի վերայ հաւատացելոց Քրիստոսի» (35):

2) Սովորաբար ժողովրդական զրուցները, վիպերգերը և այլ կարգի ժողովրդական ստեղծագործությունները արտաշոլում են տվյալ ժողովրդի աշխարհիկ մտածողությունը, հոգեբանությունը, սովորությունները, նիստուկացը և սրանց հետ առնչվող բազմաթիվ ու բազմազան հարաբերությունները: Հ. Մամիկոնյանի «Տարոնի պատմության» մեջ ևս առկա են այս կարգի իրողություններ: Ինչպես միշտ, այս գեպքում էլ նույնպես հիշյալ կարգի իրողությունները գրի առնվելիս կամ թեկուզ բանավոր պատմվելիս ներկայանում են ժողովրդախոսակցական լեզվի և ոճի յուրօրինակ տարրերով՝ լեզվամիավորներով, ոճական զանազան կարգի երեսուցներով: Այս պատմության ոճական բնութագիրը ամբողջանում է նաև այսպիսի լեզվառնական տարրերի հաշվին:

ա) «Տարոնի պատմության» մեջ գործածվում են ժողովրդական զրուցներին ընդհանրապես բնորոշ հետելյալ բառերն ու ոճական արտահայտությունները՝ բեկեալ սիրտ, եհան զոգին, կտրեաց զգուփս և ձգեաց ի մախաղն, կտրեաց զրլիքառն, համար կոտորածոյն, հատին զպարանոց նորա, մօրաբարախ արար, մօրին ընկէց, շուն արածել տալ, ջաղիսել զգուփս, ուղեղն ընդ հիրն իշանէր, սուսեր պատերազմի ընդ մէջ ածել, փեանալ ալեօլ և այլն: Օրինակ՝ «Եսկ յետ ամսոյ միոյ ի յորս ելեալ, ընկէց զնա երիվարն, և ենան զոգին» (12): «Եւ կտրեաց զգուփս, և ձգեաց ի մախաղն իւր...» (13): «Զոր զէնտ մտեալ երկուց ոմանց, և յայնկոյս գետոյն ջաղիսեցին զգուփս նորա, ուղեղն ընդ հիրն իշանէր» (24): «... և իբրև տեսին զՊօղիկարպոս, վաղվաղակի հատին զպարանոց նորա և ընկեցին առաջի խաշին» (19): «... և սուսեր պատերազմի ընդ մէջ ածեալ, այնպէս եկին առ թագառորն» (14): «... և թողեալ կողմնապետն յԱպահունիս, և փեացեալ ալեօլ եկն ի զլուփս Տարօնոյ (30) և այլն: Եերված օրինակներում նկատվող ժողովրդի սովորությունների, հոգեբանության, մտածողության արտահայտությունները միաժամանակ ուղեկցվում են որոշակի շափազանցումներով, գունավորմամբ: Այսպես, օրինակ, հերոսներից ոմանք կովի թեժ պահերին, չնայած որ շտապում են, պարանոց են կտրում, սրախողիսող անում, գլուխները, թլփատները առանձնացնում են, պահում՝ մարտի վերջում զոհերի քանակն իմանալու համար:

բ) Պատմության հերոսներից ոմանք կոփիլների ժամանակ մուտք են գործածում, մի բան, որն առավել բնորոշ է ժողովրդական վիպերգերին և հերիաթներին (հմտ. գուրգ, վաղբ և այլ կովի միջոցների օգ-

տագործումը տարբեր ժողովուրդների բանավոր ատեղծագործություններում): Օրինակ՝ «...և հասեալ Սմբատայ՝ եհար մրնովն ի վերայ գագաթանն և գոգեաց զսաղաւարտոն, և գլխոյն ոսկրն փոսեալ՝ տեղի տայր սաղաւարտոն մբնին Սմբատայ, և հազիւ կարաց հանել» (35):

Ինչպես զիտենք, «Սասոմցի Դավիթ» էպոսում տարածված է զուրգերով կռիվը, որը նույնպես ժողովրդական բանավոր ատեղծագործությանը յուրահատուկ երեսով է՝ կապված ժողովրդի մտածողության հետ: Ահա այսպիսի օրինակ՝

Մըսրա Մելիք շատ բարկացավ, ասաց.

— Գուրզ զարկեցեք, թող զա, սպանի:

Փաշլւաններ զուրզ զարկեցին:

Դավիթ զուրզ աշ ձեռով բռնեց, թալեց երկինք,

Զախով զուրզ մ'էլ բռնեց թալեց երկինք:

Մըսրա Մելիք է, որ տեսավ, շատ զարմացավ...⁵:

Դ) «Տարոնի պատմության» մեջ գործածվում են ժողովրդախոսակցական ոճերից բխող թևավոր խոսքեր, պատրաստի նախաղասության արժեքը ունեցող արտահայտություններ, որոնք նույնպես հետապնդում են ոճական նպատակներ: Օրինակ՝ «Պարսից արքային և մեռեալ շուն մի ոչ տամ, որ նաշ ուտէ՝ առանց գնոյ, թող թէ զգոսա» (37): «...շորեթիարեւ հազար դահեկանի խոտ են կերեալ ի դաշտէդ, և վարսուն հազար դահեկանի՝ որ զեղն և զեղջերուն և զնապաստակ երկրիս որսացեալ են և կերեալ, զջրոյ և զիացի զինն բողում...» (38):

Սրանցից բացի, վիպական զրուցների և «պատմությունների» կողքին տեղ է գտել մի հիմաքանչ պատառիկ, ուր նկատվում են մի կողմից խոսակցական ոճի տարրերի պահպանում, միակերպ նախաղասություններ, թվարկման պարզություն, և մյուս կողմից, ոճական միջոցների բազմազան դրսեորումներ՝ պատկերավոր համեմատություն, այլաբանություն, շափազանցություն, կրկնություն, երևույթների էական հատկանիշների ընդգծուածով պատկերների ստեղծում և այլն: Խոսքը հետեւյալ հատվածի մասին է. «Կերան գաղանք զմարմինս դիականցն Վարաղայ և գիրացան: Կուզ կերեալ՝ ուռաւ որպէս զարջ, և աղուէս հպարտ եղեւ քան զառեւծ, զայլ, քանզի շատակեր էր, պացթեաց, և արջ, քանզի զոր ուտեն՝ շմնայ առ ինքն, ի սովոյ մեռաւ. անգեղք,

5 Տես, Սասոմցի Դավիթ, հայկական ժողովրդական էպոս, 2-րդ հրատարակություն, Երևան, 1961, էջ 144:

քանդի ազահք էին, նստան և այլ ոչ կարացին վերանալ, մկունք, քանդի շատ կրեցին ի ծակսն, ոտքն մաշեցան» (42): Այս հատվածը ժողովրդական բանավոր ստեղծագործության առանձին նմուշ է, որի մեջ պատկերավոր ձևով արտահայտվում է հերոսների քաջագործությունների գաղափարը:

Դ) «Տարոնի պատմության» մեջ կան բարոյախրատական խոսքեր, անեծքներ, հերոսներին ուղղված գովեստներ, որոնք արտահայտում են հեղինակի վերաբերմունքը այս կամ այն իրադարձության նկատմամբ՝ օգտագործելով խոսակցական ոճերին առանձնահատուկ արտահայտչամիջոցներ: Օրինակ՝ «Խսկ եպիսկոպոսն աղօթեալ առ աստուած լոռութեամբ, միայն զայս հանեալ ի լոյս՝ թէ եղիցի քաղաքս խոպան և ամերակ, և ոչ ոք իցէ որ բնակիցի ի սա յափտեանս յափտենից» (57): «... խսկ Վահանայ կոչեաց զորդին իւր զԾիրան քաշ, և ասէ. «Որդեակ, մի վասն զի ի մեծութեան ես՝ պատրիր ի մեղաց, և մի վասն զի մանկիկ ես՝ խաբիր ի գեղ կանանց. այլ յիշեաց զքո հարցն, որքան սըրբութեամբ և ամբծութեամբ ծառայեցին աստուծոյ: Մի մոռանար զծառայութիւն սրբոյ Կարապետին. զի ի պատերազմունս նա էր՝ որ օգնէր մեղ. այլ եթէ շատակեաց կամիս լինել, ի պղծութենէ մի պատրիր, որպէս և շես խսկ: Եւ դու ծառայեա աստուծոյ և կրօնաւորաց նորա սրբութեամբ, որպէս ես ծառայեցի, զի ոչ պատրեցայ ի գեղոյ, և ոչ զրկեցի, և ոչ նեղեցի զտառապեալս. քանդի ամեննեսան՝ որք ընդ իմով իշխանութեամբ էին, զարս և դկանայս և զմանկտիս, զհաւատացեալս ի Քրիստոս, իբրև զեղբայրս և զընտանիս տան իմոյ հոգայի խնամով որպէս հարքն իմ: Որդեակ, զնոյն և դու արասցես, տէր զօրաց ուսցէ զքեզ» (49—50):

Առաջին օրինակում նկատվում են ժողովրդական անեծքներ հիշեցնող խոսքեր, խսկ երկրորդում՝ ժողովրդի խոսք ու զրուցին բնորոշ ձևեր ու եղանակներ. խրատներ, միւնուցն խոսքի զանազան, բազմիցս կրկնություն, զուրածնեների անցկացում, պատկերավոր համեմատություններ, համոզական նպատակով համապատասխան փաստերի մեջբերումներ և այլն:

Ե) Վիպական որոշ հերոսներ օժտված են ուազմական խորամանկությամբ, Հ. Մամիկոնյանի բառով ասած՝ իմաստությամբ: Բայտ այսմ, «Տարոնի պատմության» տրոշ հերոսներ տարբերվում են «Պարսից պատերազմի» վիպասանության հերոսներից: Այսպես, օրինակ, Գայլ Վա-

Հանը, որը Հ. Մամիկոնյանի երկի առանցքային վիպահան հերոսներից է, օժտված է խորամանկության ու հնարամիտ ուղմական «քաղաքականություն» վարելու գծերով: Զանազան որոգայթներով ու հնարանքներով է նա կոտորում հակառակորդ ուժերին: «Պատմության» մեջ ժողովրդական զրուցներին, բնորոշ գույներով ու երանդներով ներկայացվում են համապատասխան հատվածներ: Վերջիններս պարունակում են ժողովրդախոսակցական լեզվին առանձնահատուկ լեզվական մտածողության տարրերով պայմանավորված ոճական արտահայտություններ: Բերենք այս կարգի երեք հատված-օրինակ՝ «հսկ վահանայ լցեալ իմաստութեամբ առեալ երկերիւ կաշեայ ասպար, և արկ զհարնւր զօրօք ամեհօք, երկաթ մի յայս կոյս ասպարին, երկաթ մի այն... քանզի և զօրքն ընդ ձայն ասպարացն, և ընդ զօրացն աղմկել, և ընդ փողոց բախեալ խրառուցեալ, յամենայն կողմանս լոկ արշաւէին ի բանակսնեւ զօրքն կարծէին եթէ հեծեալ է, և ձայնս ի սուսերաց ի կոտորելոյ է, իւրաքանչիւր ոք լոկ վայ ձէէին, ոչ գիտելով զհետս անձանց...» (45—46): «...և ետ խրատ՝ թէ յորժամ նոքա ի ձեզ հային, զուք միաբան ի բաղաքն դարձէք, և ի ներս մտեալ՝ զյաղթութեան փողն հնշեցուցէք և զդուն քաղաքին ի բաց թողէք, զի նոքա կարծիցեն թէ առին զքաղաքն» (22): «...և զնացեալ գաղտութեամբ եմուտ ընդ ստորոտ խորանին առ Տիգրան: Իսկ նորա տեսեալ սուսերն մերկ ի ձեռին նորա, ոչ իշխեաց ումեք ձայն տալ, կարծեաց թէ կարասին կամի զդանալ... և մտեալ մես այլ ծառային վահանայ կտրեաց զգուխ նորա, և ժողովեալ զկարասին և զպատուական ակունսն և զընտիր սուսերսն, ել դնաց» (45):

Դայլ վահանը այս և նման միջոցներով է խուճապահար անում թշնամուն, հեշտացնում կոտորածն ու հաղթանակը: Վիպահան այս հերոսի ուղմական գործունեության մեջ հանդես եկող խորամանկության գծերը հասնում են տիպականացման աստիճանի, ուր անուրանալի է դառնում լեզվական-ոճական խտացումների դերը:

Այսպիսով, Հ. Մամիկոնյանի «Տարոնի պատմության» ոճը գոյանում է պատմագիտական ֆունկցիոնալ ոճերի շրջանակներում, ըստ որում հիմնականում երկու՝ դասական և մասամբ ետդասական գրաբարյան և ժամանակի ժողովրդախոսակցական (ժողովրդական բանավոր զրուցներին առանձնահատուկ) լեզվական միավորների ոճավորումներով՝ հիմնված հեղինակային-ոճական ակնհայտ նախասիրությունների վրա:

Լեզվի նյութական տարրերից բառերը և բառակապակցությունները՝ առարկայական աշխարհի մասին եղած հասկացությունների կրողներն են: Բառը հեղինակային խոսքի մեջ ստանում է կոնկրետություն և հասկացության արտահայտումը կապում է կոնկրետ նշանակության հետ: Հաճախ այս կոնկրետ կիրառությունը ոչ ամբողջովին ու հիմնովին է դրսնորում հիմքում ընկած հասկացությունը՝ կապված առարկայական աշխարհի ճանաչողության և վերարտադրման յուրօրինակ բազմազանության հետ: Սրա հետևանքով գոյանում են միենույն հասկացության լեզվական արտահայտությանը ծառայող բառացին խմբեր, որոնց մեջ ներառվող բառերը միմյանց նկատմամբ գտնվում են իմաստային մերձավոր, նույնական, ինչպես նաև հակադիր հարաբերությունների մեջ: «...բառը զգայություններ առաջացնող առարկայի ներկայացուցիչը չէ, այլ տվյալ պահին առարկայի մասին մեր ունեցած հայացքի արտահայտությունը այնքանով, որքանով որ ձեռք է բերվում բառը: Այստեղ է միենույն առարկայի արտահայտման զանազանության զիմանքոր աղբյուրը... Լեզուն ներկայացնում է ոչ թե առարկաները, այլ միշտ հասկացությունները նրանց մասին՝ բառի ծամանակ ինքնուրուցին առաջացած մտքով»⁷:

Լեզվի մեջ գոյություն ունեցող և խոսքի տվյալ պահին կիրառվող բառային (և ոչ միայն բառացին) հոմանշությունը և հականշությունը դառնում են հեղինակային ոճի, խոսքի անհատականության ստեղծման լավագույն միջոցներից:

Հ. Մամիկոնյանի «Տարոնի պատմության» մեջ հոմանիշ բառերի գործածովյունները մեծ թիվ են կազմում, որոնք նյութի շարադրանքը իմաստային առումով դարձնում են ինքնին ճոխ ու հարուստ, յուրովի օժտում են ոճական զծեր ու առանձնահատկություններ:

Հոմանիշ բառերը այստեղ կիրառվում են միասնաբար, չնայած որ բխում են հայերենի մերժ նախորդ փուլերից, մերթ ժողովրդախոսակցական լեզվի շերտերից: Այսպես, օրինակ, հալաւ և հանդերձ հոմանիշ բառերը հայերենի տարբեր շերտերի պատկանող միավորներ են և կողք կողքի գործածվելով ստեղծում են պատումի ոճական բազմա-

⁷ В. Гумбольдт, О различии организмов человеческого языка и о влиянии этого различия на умственное развитие человеческого рода, СПб., 1859, էջ 91—92.

Նություն: Օրինակ՝ «...դարձեալ զսապոնի գինսն... որ զքո զօրացն գիշաճոտ հալաւն և զարինաթաթախ հանդերձն լուանալ տուաք և ագաք» (37); Նույնը կարելի է ասել նաև փանդանել և փախուցանել բայական միավորների հոմանշային կիրառությունների մասին: Օրինակ՝ «Եւ ի մէջ առեալ զզօրսն Պարսից, և սկսան փանդանել, զի իշխան Պալոնեաց կտրեաց երկու իշխանս...» (52): «Իբրև գիտացին արքն եւթն, որք խոտաճարակք էին, երկին ի վանսն և զամենեսեան փախուցին զկրօնաւորսն» (15—16):

Կան այնպիսի միավորների հոմանշային կիրառություններ, որոնք գոյանում են հայերենի բառապաշտի առկա հնարավորությունների և բառակազմական ձանապարհով նորակազմ ձեռքի յուրօրինակ օգտագործմամբ և տեքստային համատեղմամբ: Այսպես, ունենք դեսպան, գրուցատար լինել և գրուցարար հոմանիշների կիրառություններ, որտեղ վերջին երկուսը հեղինակի լեզվի նորակազմություններից են, իսկ առաջինը՝ գրական լեզվի միավորներից: Դեսպան բառը հոմանիշ է մյուս երկուսին, որոնք միմյանց համեմատությամբ գտնվում են նույնանիշ իմաստային հարաբերության մեջ: Օրինակ՝ «Իսկ Վահան յանձին կալեալ զիրսն, սկսաւ դեսպանս կազմել և առ նա յուղարկել...» (21): «Եւ հրամայեաց արս բառասուն թողով գրուցատարս Պարսից արքային» (28): «Եւ իբրև վճարեցին ի կոտորելոյ զայնչափ բազմութիւն, երկերիւր այր համարով թողեալ գրուցարարս այլոցն վասն առն՝ զոր տեսին ի գիշերին...» (34):

Անհրաժեշտ ենք համարում նշել նաև այն, որ կան այնպիսի հոմանիշներ, որոնք բխում են հայերենի նախորդ փուլերից և նույնպիսի հոմանշային իմաստային դրսերումներով էլ հանդես են գալիս այս պատմության մեջ: Հոմանիշ միավորները տեքստային կիրառությունների մեջ ընդհանրապես և այս պատմության մեջ մասնավորապես գործածվում են կամ միևնույն նախադասության մեջ, կամ շարադրանքի միևնույն մասում, կամ էլ շարադրանքի տարբեր հատվածներում: Օրինակ՝ «Տեսանեմ այր մի գիսատոր ընդ ամպս որոտացեալ... տեսանեմ առ նա սուր սրեալ և քացուցեալ և յարեան ներկեալ...» 11): «Եւ ինքեանք եկեալ իշաւանեցան ի վանացն գեւղն, զոր կոչեն կենաց վայրք. և իբրև մտին ի գեւղն, ընդ առաջ եղեն նոցա պարաւորքն, և երգս առեալ բազում իրաց՝ գովեին: Որ և յետոյ ի հոտել դիականցն և յորդնել, շէր հանեալ՝ ասէին...» (41): Քերլած օրինակներում քացուցեալ և յարեան ներկեալ միավորները միևնույն նախադասության մեջ դրսերում հոմանիշ զուգգեր են,

իսկ երգս առեալ և շէր հանեալ արտահայտությունները՝ շարադրանքի միևնույն հատվածում կիրավող հոմանիշ զույգեր:

«Տարոնի պատմության» մեջ հանդես եկած հոմանիշ բառերը ըստ իմաստային փոխարաքերության հատկանիշի կազմում են երկանդամ, եռանդամ, բառանդամ և բազմանդամ հոմանշային շարքեր, և ըստ այսմ էլ, բաժանվում են հետեւյալ խմբերի:

1) Երկանդամ հոմանշային զույգեր են կազմում հետեւյալ հոմանիշ միավորները՝ աթոռ-թագաւորութիւն, ածել-բերել, ահեակ-ձախ, աղաղակել-աղմկել, աղաշել-խնդրել, աճապարել-փութալ, ամօթ-նշաւակ, անդրանիկ-առաջին, անցք-դէպք, աշխարհ-երկիր, արարեալ-ըստեղծուած, արտաքս-դուրս, արքա-թագաւոր, բաժանել-զերծանել, բազակում-շատ, գագաթն-գլուխ, երթալ-գնալ, երդոնուլ-խոստանալ, երջանիկ-ուրախ, ընծայ-պարզել, թիկնապահ-դեմչուեկոս, թողուլ-լքանել, թուել-համարել, ժողովել-հաւաքել, ծածկել-կալնուլ, խորհել-զմտաւածել, կոտորել-բեկանել, կուտել-հաւաքել, ձեռն-աշն («սուրբ ձեռք»), մարտնչել-պատերազմել, մերձ-մօս, նեղանալլինեղնալ-խոռվել, սատարել-օգնել, վերստին-կրկին, տուրք-հարկ և այլն:

2) Եռանդամ հոմանշային շարքեր են կազմում հետեւյալ հոմանիշ միավորները՝ այցի-բուրաստան-անդաստան, ապստամբել-ըմբոստանալ-ելաննել ի թագաւորութենէն, աւերել-բրել-քանդել, գէշ-դի-դիակ, երդումն-խոստումն-ուխտ, երիվար-ձի-նժույգ, զօրաւոր-զօրապետ-պատերազմագլուխ, ընկալնուլ-ըմբոնել-իմանալ, թուլանալ-պակասել-վաստակել, թուր-սուր-սուսեր, ազդ-աւետիս-լուր, խառանել-խեղդել-հեղձուլ, եկեղեցի-խորան-տաճար, խորիստանալ-փրանալ ալեօք-որոտանալ, անուանել-կանչել-կոչել, դեհ-կոյս-կողմն, վախճանիլ-մեռանիլ-սատակել, տեղեկանալ-լսել-իմանալ և այլն:

3) Քառանդամ հոմանշային շարքեր են կազմում հետեւյալ հոմանիշ միավորները՝ արձակել-յուղարկել-առաքել-յղել, եղո-վճար-վախճան-վերջ, կտրել-յատանել-բաժանել-շաղխել և այլն:

4) Բազմանդամ հոմանշային շարքեր են կազմում հետեւյալ հոմանիշ միավորները՝ զիխատել-սպանանել-զկատարած կենաց հասուցանել-պատժապարտել-զենուլ, ընկղմել-թաթաւել-ընկենուլ-մօրահեղձ առնել, յոյժ-խիստ-շատ-կարեվէր-սաստիկ-կարի, կրօնաւոր-կնկղաւոր-վանական-սեազդեստ և այլն:

Վերոթվարկյալ հոմանշային շարքերը ձեսակազմական տեսակետից աշքի են ընկնում հետեւյալ առանձնահատկություններով: Հոմանիշ միավորների մի մասը հարաբերակցության մեջ է մտնում իբրև տարբեր

բառային միավորներ (Հմմտ. ածել-բերել, ընկալնուլ-ըմբռնել-իմանալ): Մյուս մասը կազմվում է մասամբ որպես տարրեր բառային միավորներ. մասամբ իբրև միևնույն բառարձատից գոյացած առանձին բառաձևեր (Հմմտ. զօրաւոր-զօրապետ-պատերազմագլուխ, սուր-սուսեր-թուր, գէշ-դի-դիակ): Մի այլ մասը գոյանում է որևէ բառակապակցությամբ կամ բայական հարագրությամբ (Հմմտ. խորհել-զմտաւ ածել, ընկղմել-թաթաւել-ընկենուլ-մօրահեղ առնել):

Իմաստային տեսակետից վերոհիշյալ միավորների մեջ առավել ճոխ և ոճական նրբերանգային գույներով հարուստ են բազմանդամ հոմանշային հարաբերակցության մեջ գտնվող շարքերը, հետադրձ համեմատականությամբ պակաս՝ քառանդամ, և այսպես մինչև երկանդամ հոմանշային գույգերը:

Հոմանիշը բառերի առատ և բազմազան գործածությունները բխում են հեղինակի ոճական անհատականությունից և կապվում են նրա լեզվական նախասիրությունների հետ:

«Տարոնի պատմության» մեջ հանդիպում են ոչ միայն հոմանիշ բառերի, այլ հոմանիշ արտահայտությունների բազմազան կիրառություններ: Օրինակ՝ «Բայց զանոյշ գինին Ասորոց և Սալնայ և զՄոխրայ այս երկու տարի է՝ որ յինէն կտրեալ էին, և ինքեանք արբին, զայն բող տան. և զվեց զաւառին հարկն՝ զոր առեալ են, և զքաղաքին մուսան՝ զոր կերեալ են չորեքհարեւը դահեկան, զայդ ամենայն բող բերեն» (38): Այստեղ, մի կողմից, հոմանշային ոճական հարաբերության մեջ են որ յինէն կտրեալ էին, զոր առեալ են շարահյուսական միավորները, մյուս կողմից, զայն բող տան, զայդ ամենայն բող բերեն արտահայտությունները:

«Տարոնի պատմության» ոճի մեջ հականշության երևութը, ի հակադրություն հոմանշության, բավական պակաս դրսեորդվածություն ունի: Այսուհանդերձ, հեղինակային խոսքի մեջ իմաստային հակադրության ստեղծման նպատակով օգտագործվում են հականիշ բառեր և արտահայտություններ, որոնք ոճական արժեք են ստանում:

Հականիշ բառերը գործածվում են կամ միևնույն նախադասության, կամ տարրեր նախադասությունների մեջ: Օրինակ՝ «Եւ իբրև ազդ եղեւ առ թագաւորն Խոսրով, և խնդաց յոյժ, իսկ զօրքն Յունաց տրտմեցան սաստիկ» (14): Այս օրինակի մեջ խնդաց և տրտմեցան միավորները հականիշներ են՝ կիրառված միևնույն նախադասության մեջ:

Հականիշ բառեր են գործածվում հետեւյալ պարբերույթի մեջ՝ «Քաշ և հզօր բազկիդ Վահանայ սկայի, դիցն օգնականութեամբ ողջոյն...

վատ և քոյլ անձինք Վախտանգայ, և խող քոյլց դասուց՝ որք զաղբս ճաշ-շակեն, ողջոյն: Այլ թեպէտ ընդ մահն Միհրանայ խնդացի, բայց ընդ անմտութիւնդ քո լացի...» (31): Բերված օրինակում բազ և վատ, հօգոր և քոյլ, խնդացի և լացի բառային միավորները միմյանց նկատմամբ հականշային հարաբերության մեջ են:

Այստեղ շենք խոսում այնպիսի հականիշ բառերի մասին, որոնք հանդիպում են պատմության շարադրանքի տարբեր հատվածներում և, ըստ այդմ էլ, խոսքի ոճավորման արժեք են ստանում միմիայն պատմության լեզվանյութի ամբողջության մեջ առնված:

3. ՆԱՐԱՀՅՈՒՍԱԿԱՆ-ՈՃԱԿԱՆ ԿԻՐԱՌՈՒԹՅՈՒՆՆԵՐ

Լեզվի շարահյուսական միավորները տարբեր հեղինակների խոսքի մեջ տարբեր եղանակներով և զանազան հաճախականությամբ են կիրառվում: Շարահյուսական միավորների ոճական կիրառությունները հեղինակային խոսքի յուրահատկություններից են: Միշտ չէ, որ հեղինակի խոսքի ոճական յուրահատկությունները հենվում են լեզվական միավորների տարբերությունների վրա: Հաճախ նախնական կիրառություն՝ գտած լեզվական միավորները հետագա գործածությունների մեջ՝ հետին շրջանի հեղինակի խոսքի մեջ, ստանում են ոճական արժեք՝ կապված տվյալ միավորի դրսերման հաճախականության, և ամենակարևորը՝ հեղինակի ոճական վերաբերմունքի հետ: Այս դիտողությունը տարածվում է նաև լեզվի շարահյուսական միավորների և նրանց ոճական արժեքավորման վրա:

Հ. Մամիկոնյանի «Տարոնի պատմության» մեջ ուշադրություն են դրավում նաև շարահյուսական-ոճական կիրառությունները: Մրանք հիմնականում հետեւյալներն են: Նախ, սովորաբար համադասական նախադասություններից կազմված բարդ նախադասությունների ճնշող մեծամասնությունը սկսվում է այնպիսի բառակապակցությամբ կամ դերբայական դարձվածով, որի ենթական արտահայտվում է սեռական հոլովով, իսկ ստորոգյալը՝ անցյալ գերբայով: Երկրորդ, պատմության շարադրանքի մեջ բավական շատ են շաղկապների և որպես շաղկապ հանդես եկող միավորների գործածությունները: Եւ շաղկապի ոճական գործածությունները գերազանցում են մյուսներին թե քանակով և թե ոճական բազմազանությամբ⁸: Այս տեսակետից, «Տարոնի պատմության»

8 Եւ շաղկապի առատ և ոճական բազմազան դրսերումներով աշքի են ընկնում, օրինակի համար, Աստվածաշունչը և Գրիգոր Նարեկացու «Մատյան ողբերգության»

շարադրանքի ոճը թերևս առնչվում է Աստվածաշնչի հետ կամ կրում է վերջինիս ակնառու ազգեցությունը: Երրորդ, պատմության հեղինակը նախընտրում է բարդ նախադասություններով շարադրանք, ուր նախադասության անդամները հաճախ ունենում են ազատ շարադասություն: Պարզ համադասական նախադասություններով շարադրանքը պատմության ոճին հաղորդում է անպաճուծություն, հեշտասահ ընթացք, որոնք հեղինակի լեզվի շարահյուսական-ոճական բնութագրի մի մասն են կազմում:

Առանձին-առանձին խոսենք սրանց մասին:

1) Դասական գրաբարում կային սեռական հոլովով առնված ենթակայի և անցյալ դերբայով արտահայտված ստորոդյալի շարահյուսական միավորի՝ դերբայական դարձվածի, բազմաթիվ կիրառություններ: Այսպես, օրինակ, Ագաթանգեղոսի մոտ հանդիպում են այսպիսի գործածություններ. «Իսկ նորա առեալ զերիվարն և զասպագէնն նորին և զիր զառնազէնն առեալ կապեալ ի թիկունս ի վերայ մկանացն և լիող անցանէր ընդ գետն Եփրատ» (Ագաթ., էջ 109): «Իսկ ընդ այն հայեցեալ Հաբելի՝ ի հօտիցն զառնացն ընծայեալ պատող՝ ի խաշանցն մատուցանէր» (Ագաթ., էջ 151) և այլն:

«Տարոնի պատմության» մեջ այսպիսի շարահյուսական կառուցները բավական հաճախակի են, ունեն գրելաձևի սահմաններում ընդգրկվող ոճական կիրառության արժեք: Հաճախ պատմության միևնույն էջում հանդիպում են այնպիսի շարահյուսական կառուցի բազմաթիվ օրինակներ. «Եւ նորա բարկացեալ առաքեաց վեց հազար այր ի վերայ նորա ի Մուշ» (31): «Եւ նորա գիշերագնաց եղեալ, գնաց ի վերայ նորա՝ որք իշեանեալք էին ի Ծծմակն» (31): «Իսկ նոցա զաղաղակ բարձեալ, ասեն...» (31):

«Տարոնի պատմության» 41-րդ էջում կան 13 համառոտ և ընդարձակ նախադասություններ, որոնցից 8-ը սկսվում են այսպիսի շարահյուսական կառուցով: Բացի այս, նույն էջում հանդիպում են նույնպիսի կառուցի այլ կիրառություններ՝ այլեայլ նախադասությունների մեջ, բարդ նախադասությունների այլ մասերում: Օրինակ՝ «Եւ նորա թողեալ զահեալ թեն յորդին իւր Կահան, և ինքն քաջաբար որպէս արծուի՝ կանշեալ դիմեաց ի վերայ: Որ և ի դողման հարեալ ամենայն Երիվարացն, և հասեալ ի թիկունս Սմբատայ, և բախեալ զաէզն ի վերայ պարսկին թի-

պոեմը (տես Վարագ Առաքելյան, Գրիգոր Նարեկացու լեզուն և ոճը, Երևան, 1975, էջ 109—122):

կանն, և անդէն եհան ընդ ողն երիվարին, և այլ ոչ ժամանեաց հանել զտէգն»: Այս պարբերութիւնի մեջ ընդգծված կապակցությունների մի մասը հանդես է գալիս նախադասության սկզբում, մյուս մասը՝ նախադասության մեջտեղում. բոլորն էլ համադասական շարահյուսական հարաբերության մեջ են:

Սրանցից բացի, այս էջի մեջ մյուս նախադասությունների սկզբում հանդիպում են իսկ Սմբատայ ելեալ յեզր պատերազմին, եւ փոխեալ այլ սուր, իսկ նորա փոխեալ զոտնն, զոր տեսեալ Վարազայ իշխանին, իսկ Սմբատայ լուեալ շարահյուսական միավորները:

Այս էջում, միայն մեկ դեպքում է, որ նախադասությունը սկսվում է ուղղական հոլովով դրված ենթակայի և անցյալ դերբայով առնված ստորոգյալի շարահյուսական կառուցով (Հմմտ. «Իսկ Վահան ձայն բարձեալ, ասէր հանդերձ արտասուօֆ...»): Այս էջի մնացած շորս նախադասություններն ունեն դիմավոր բայաձեռով արտահայտված ստորոգյալներով սկսվող նախադասություններ (Հմմտ. «Զի որչափ և զօրքն բազմանային, նոքա յանհօգս լինէին»: «Եւ իբրև սկսան ոմանք երկմտել ի զօրացն Սմբատայ...»):

Բացի այս, նախադասությունների այլ մասերում հանդիպող նույնպիսի կազմություններից են հետեւյալները՝ (Սմբատայ) ելեալ յերիվարն, և (Սմբատայ) ի մէջ առեալ զիինգ հարեւրսն, զոր տեսեալ զօրացն, և այսպէս արարեալ (Սմբատայ): Փակագծերում բերում ենք համադասության պայմաններում զեղչված ենթակաները:

Այսպիսով, միայն մեկ էջում հանդիպում են միենույն տիպի շարահյուսական կառուցի այսքան լայն և բազմազան (ենթակաների զեղչում, նախադասության սկզբում կամ այլ մասերում հանդես գալը) գործածությունները խոսում են հեղինակի շարադրանքի շարահյուսական-ոճական յուրահատկությունների մասին: Դասական գրաբարում սովորական կիրառություն համարվող այսպիսի շարահյուսական կառուցը Հ. Մամիկոնյանի երկի մեջ ոնական արժեք ունի՝ կապված գործածության ընդգծված հաճախականության հետ: Այսպիսի դերբայական դարձվածները իրենց իմաստով և կիրառությամբ ձուլվում են բարդ նախադասության մյուս՝ դիմավոր բայաձեռով ստորոգում արտահայտող նախադասությանը, կապվում են նախադասության մյուս մասերով արտահայտվող բովանդակությանը, որոնք միմյանց հետ մի տեսակ ժամանակային հաջորդականություն, պատճառ-հետևանքային հարաբերություն են կազմում: Օրինակ՝ «Իսկ Վահանայ տուալ զնոսա մօրացն՝ զբազում կոտորեաց, և զբազում խոցոտեաց, և երկերիւր այր ի մօրն անդր ընկըզ-

մեաց»։ Այս օրինակում նկատվում է բարդ նախադասության մասերի արտահայտած գործողությունների ժամանակային հաջորդականություն։ Իսկ մեկ այլ օրինակում՝ «Եւ նորա բարկացեալ առաքեաց վեց հազար այր ի վերաց նորա ի Մուշ», զգացվում է գործողությունների պատճառ-հետևանքային հարաբերությունը։

2) Հ. Մամիկոնյանը նախընտրում է նախադասությունները սկսել շաղկապներով։ Այսպես, օրինակ, պատմության 33-րդ էջում շկա մի նախադասություն, որ սկսվի առանց շաղկապի կամ որպես այդպիսին հանգես եկող մի այլ բառի։ Այս էջում տեղ գտած ընդամենը 16 պարզ և ընդարձակ նախադասություններից 10-ը սկսվում են եւ շաղկապով։ Իրեւ մակերացը գործածվում է երկու նախադասության սկզբում, իսկ շաղկապը հանգես է գալիս երեք անդամ և միայն մեկ անդամ՝ զի շաղկապը։ Նկատելի է, որ եւ շաղկապի գործածությունը այս պատմության մեջ ամենածավալունն է։ Եթե սրան ավելացնենք նաև եւ շաղկապի 19 զանազան կիրառությունները նախադասությունները և նախադասության անդամները կապացելիս, սրանց էլ գումարենք այլ կարդի՝ քանզի, երեւ, զի (միայն շարահյուսական միավորների միջև), որ, որպէս բառերի 6 կիրառությունները, ապա պարզ կդառնան հեղինակի շարահյուսական-ոճական հակումները շաղկապների և որպես այդպիսին գործածվող բառերի նկատմամբ։

Պատմության 35-րդ էջում նույնպես բոլոր նախադասությունները սկսվում են շաղկապներով, ընդ որում գարձյալ մեծամասնություն են կազմում եւ շաղկապի գործածությունները։ 14 նախադասություններից 10-ի գեպքում դրվում են եւ, մնացած գեպքերում իրեւ և իսկ շաղկապները՝ հավասարաշափ։

Եւ շաղկապը պատմության մեջ (բովանդակության պլանում) ունի շարադասական այնպիսի կիրառություններ, որոնք իրենց ամբողջության մեջ նույնական են դասական գրաբարի համապատասխան կիրառությունների հետ⁹։ Սրանցից բացի, եւ շաղկապը «Տարոնի պատմության» մեջ ունի ոճական կիրառություն։ Եւ շաղկապը հաճախ գործածվում է իրեւ հարակրկնության ոճական միջոց, ուր թվարկվող գործողությունները տրամաբանական ընթացքով հաջորդում են միմյանց։ Եւ-ի հարակրկնությունը ստեղծում է նախադասության մասերի միջև համամասնություն, ամբողջացնում է այդ մասերը՝ իրենց արտահայտած իմաստների մեջ։ Օրինակ՝ «Եւ կտրեաց զգլուխ, և ձգեաց ի մախաղն իւր, և յորդորեալ

⁹ Հմմտ. Պ. Շարաբիսանյան, Գրաբարի շաղկապները, Երևան, 1960, էջ 82—92։

դղօրսն ի պատերազմն, և զօրացեալ զօրացն, առաջի եղեալ զնոսա ի փախուստ, և կալան ի նոցանէ քառասուն և ութ իշխան կենդանւոյն, և համար կոտրածոյն ոչ երկը՝ վասն բազմութեան» (13): «Իշխանն Հաշտենից ունէր ընդ ձեռամբ իւրով երեք հազար վեցհարեւր այր, և իշխանն Պալունեաց երկու հազար և երկերիւր, և իշխանն Արշուց երեք հազար, և իշխանն Եղնուտայ հինգ հազար, և իշխանն Վահան ութ հազար, և Սմբատ որդի նորա վեց հազար. ընդ ամենայն քսան և ութ հազար» (31—32):

«Տարոնի պատմության» մեջ սեռականով ենթակայի և անցյալ դերբայով ստորոգյալի կառուցը դրսեորվում է որոշակի շաղկապների ուղեկցմամբ: Այսպիսի շարահյուսական կառուցի զանազան դրսեորումները՝ հանդես գալով նախադասությունների սկզբում, իրենցից առաջ ունենում են որոշակի շաղկապներ. տվյալ շաղկապով և դերբայական դարձվածով. ամբողջացած կառուցի կիրառությունները խոսում են հեղինակի ոճի մասին, շնայած որ այսպիսի կառուցների նախնական գործածություններ կան դասական դրաբարի այս կամ այն երկի մեջ: Տարբերությունն այն է, որ այստեղ այսպիսի կիրառությունները հետևողականության և օրինաշափության են հասնում և շարահյուսական-ոճական արժեք են ստանում:

Ելնելով պատմության համապատասխան տվյալների վիճակագրությունից կարելի է խոսել այսպիսի կիրառությունների հետեւալ տիպերի մասին:

ա) Սովորաբար բարդ կառուցվածքի այն նախադասություններում, որոնք սկսվում են եւ շաղկապով, այս եւ շաղկապին մեծ մասամբ հաջորդում է սեռականով ենթակայի և անցյալ դերբայով ստորոգյալի շարահյուսական կառուցը, այնուհետև՝ բարդ նախադասության համադասական կամ ստորագասական լրացումները: Օրինակ՝ «Եւ զայս ասացեալ կնոշն, հանեալ բազում անուշահոտ խունկս տայր սպասաւրացն...» (10): «Եւ նորա լուեալ, զաւուրս երիս իբրև զմեռեալս դնէր անխօս» (20): «Եւ Սմբատայ ձայնս արծակեալ, ասէր. «Սուրբ Կարապետ, յայտնեա և այսօր զքեզ ծառայից քոց...» (33) և այլն:

բ) Նույնը կարելի է արսել նաև իսկ շաղկապով սկսվող նախադասությունների մասին. իսկ շաղկապով սկսվող բարդ նախադասությունների դեպքում իսկ-ին սովորաբար հաջորդում է սեռական կամ ուղղական հոլովով և անցյալ դերբայով դերբայական դարձված, այնուհետև՝ բարդ նախադասության մյուս մասերը: Օրինաշափությունը ոճական է, բացառություններ՝ լեզվական: Օրինակ՝ «Իսկ նորա գնա-

ցեալ ի Մանեայ այրսն, և կացեալ անդ ամս եւթն, վախճանի ի կենացու ի փառ աստուծոյ» (7): «Իսկ նորա առեալ՝ սկսաւ արտասուել, և ողբալով ասէ. «Վայ ինձ մեղաւորիս, որ զրկեալ եմ ի բարեաց» (9): «Իսկ Վահանայ յարկարծակի առեալ բարձ մի, աճապարեաց և նգեաց ի վերայ բերանոյ նորա և հարաւ ի վերայ նորա...» (45): «Իսկ Խուրով գնացեալ վրէժխնդիր Մօրկայ, և եկեալ անցանէր ընդ Կարնոյ քաղաքն...» (14) և այլն:

Ինչպես նշել ենք, գրաբարի մատենագիրների մոտ նույնպես կան այս կառուցով և իսկ շաղկապով գործածություններ: Այսպիս, օրինակ, Եղնիկի մոտ հանդիպում է ընդամենը մեկ դեպք, ինչպես՝ Խոկ ալոց ի գրոյ պատճառս առեալ, ասեն» (Եղնիկ, 1826, էջ 188):

գ) Դասական գրաբարի ոճերի հետեւթյամբ հիշյալ շաղկապների դիմաց հանդես է գալիս եւ իբրև արտահայտությունը, ընդ որում այն դեպքերում, երբ նախադասության սկզբում եւ շաղկապի հետ գործածվում է նաև իբրև, ապա սովորաբար սրանց հաջորդող շարահյուսական կապակցությունները ունենամ են ուղղական հոլովով ենթակա և դիմավոր բայաձեռով ստորոգյալ: Օրինակ՝ «Եւ իբրև վնարեցին ի կոտորելոյ զայնշափ բազմութիւն, երկերիւր այր համարով թողեալ զրուցատարս ալլոցն վասն առն՝ զոր տեսին ի գիշերի...» (34): «Եւ իբրև վնարեցաւ պատերազմն, հրամայեաց ծածկել զնոսա ի ձորս և ի հեղեղատս...» (36), «Եւ իբրև ազդ եղեւ առ բազաւոն Խուրով, և խնդաց յոյժ...» (14): ««Եւ իբրև ել անտի տիկինն, խստացին, ոխացան և տրտմեցան յոյժ ընդ իրսն սպասաւորքն եկեղեցւոյն...» (10—11) և այլն:

դ) Երբ նախադասությունը սկսվում է միմիայն իբրև բառով, ապա համարյա միշտ ունենում ենք բարդ նախադասության կազմի մեջ մտնող դիմավոր բայաձեռով արտահայտված ստորոգյալներով նախադասություններ, որոնք միմյանց նկատմամբ ստորադասական շարահյուսական հարաբերության մեջ են գտնվում: Օրինակ՝ «Իբրև խմբեցաւ պատերազմն ակն կալաւ Սմբատ որդին Վահանայ, ի վերայ Ասուրայ...» (33): «Իբրև հակատեցան ի պատերազմն ընդ իրեարս, զառաջինն յաղթահարեցին զՍմբատ...» (35): «Իբրև լուաւ զայն թագաւորն երկեաւ, քանզի մանուկ էր» (14) և այլն:

3) «Տարոնի պատմության» մեջ պարզ և բարդ համադասական նախադասությունների կիրառությունները անհամեմատ մեծ թիվ են կազմում և գերակշռում են բարդ ստորադասական նախադասությունների գործածություններին: Այս իրողության լավագույն վկայությունն

են շաղկապների ընձեռած տվյալները. պատմության մեջ համադասաւկան շաղկապները մի քանի անգամ շատ են գործածվում, քան ստորագասական շախանականները: Սրանց ավելացրած նաև այնպիսի համադասական նախադասությունների գրսեորումները, որոնք շարադասվում են առանց շաղկապների:

Պարզ և ընդարձակ նախադասություններով բաղադրված համադասական և ստորագասական նախադասությունները ունեն ոճական միտումներ. Հեղինակը օգտագործում է ժողովրդական բանավոր և գրի առնված զրուցները, որոնք սովորաբար ունենում են ժողովրդախոսակցական պարզ ու հստակ շարադրանք: Հեղինակը մոտ ու հարազատ մնալով պատմության ակունքներին՝ շարադրում է նույնպիսի պարզությամբ: Այս դեպքում որոշակի դեր ու նշանակություն ունեն շարադրանքի բաղադրիչ նախադասությունների հավասարագոր կապակցումները, իրար հաջորդող գործողությունների թվարկում հիշեցնող ընթացքը և այլն: Օրինակ՝ «Եւ մինչ դեռ նա զայն ասէր, տասն այլ պատեցին զվահան. որպէս որք զանտառն հատանեն, այնպէս յանխնայ կոփէին և նորա: Եւ սկսաւ պակասիլ վահան. և ծայն բարձեալ, ասէր. «Ո՞ւր ես Մարտ որդեակ, հասիր յօգն ծերոյս»: Զի էր ամաց ութսուն և ութից: Իսկ նորա քաջաբար ի վերայ յարձակեալ որպէս արծիւ սրաթորիչ, ասէր. «Օգնեա մեզ սուրբ Կարապետ»: Եւ անդէն եհատ զգլուխ որդոյն Ասուրայ, և ընդ մէջ ճեղքեալ՝ հանդերձ թիկամբ աջոյք ի բաց ընկենոյր: Եւ զօրացեալ վահանայ, զվեց երիվարին զգլուխսն կտրեաց, և մատնեաց տէր ի ձեռու նոցա զօրսն Պարսից, և փախստական արարին զնոսա մինչև ցերեկոյն: Եւ ի յութ հազարէն երեք հազար միայն գնացին առ վախտանգ: Եւ նորա լուռ եղեալ մինչև ցմիւս ամն. և ի նոյն ամին վախճանեցաւ վահան քաջն վրէժինդիր ի վերայ եկեղեցոյն, և ետ տանել զինքն ի Գլակայ վանսն, և կայ ի թաղման ի դուռն սրբոյն Կարապետին, առաջի սեմոցն» (33):

Այսպիսով, Հ. Մամիկոնյանը «Տարոնի պատմության» մեջ գործածում է դասական գրաբարից եկող, ժողովրդախոսակցական ոճերի մեջ ակունքներ ունեցող մի շարք շարահլուսական ոճական կիրառություններ՝ համարվող երևույթներ, որոնք հեղինակի խոսքի մեջ ունենալով հաճախակի, օրինաշափ և միակերպ գործածություններ, ստանում են ոճական արժեք և, իբրև հեղինակային ոճի առանձնահատկությունների մի մաս, բնութագրում են «Տարոնի պատմության» ոճը:

1) Հ. Մամիկոնյանի «Տարոնի պատմությունը» արժեքավոր մատենագրական երեսոյի է հայոց լեզվի պատմության դարգացման ընթացքը ավելի հանգամանալից և ամբողջական ուսումնասիրելու, ինչպես նաև հին հայերենի նախամիջին ենթաշրջանի լեզվական էության բացահայտմանը մոտենալու տեսակետից։ Այս երկի հետ առնչվող պատմաբանասիրական, թարգմանական և բնագրային հրատարակության բերումով կատարված աշխատանքների արտահայտած այն տեսակետը, ըստ որի «Տարոնի պատմությունը» VIII դարի գործ է, համողիշ, հավաստի և ճշմարիտ է դառնում լեզվական և ոճական քննությամբ ձեռք բերված տվյալների հիման վրա։ «Տարոնի պատմության» լեզվական նյութի քննությամբ բացահայտվում են հնչյունական, բառապաշտային (հատկապես փոխառությունները և սրանց մեջ՝ արաբական փոխառությունները, որոնք կարող էին հիմնավորվել հայերենի խոսակցական տարբերակներում և գրական նորմայի մեջ ներթափանցել ոչ շուտ, քան VIII դ. սկզբներից), ձևաբանական առանձնահատկություններ, որոնք ներկայացնում են դասական գրաբարից բավական հեռու ընկած մի ժամանակահատվածի լեզվական վիճակի գծեր, որոնցով ավելի դգալի են դառնում գրական լեզվի վրա խոսակցական տարբերակի ունեցած ազդեցությունը և հետագա փոփոխությունների սաղմերի արմատավորումը։

2) Մամիկոնյանի լեզվի բառապաշտարը բովանդակության առումով բավական հարուստ է և ինքնաւտիպ, բխում է հայերենի ընդհանուր գրական և ժամանակի խոսակցական տարբերակներից, համակարգում է պատմագրական ֆունկցիոնալ ոճի մեջ և, ըստ այսմ, բաշխվում է հիմնականում մեկ տասնյակից ավել խումբ կազմող ֆունկցիոնալ-իմաստային շերտերի մեջ՝ հանդես գալով իբրև հասարակական-քառարական, ուաղմապետական, իրավական, կրօնապաշտամումքային, մշակութային կյանքի, բնության երեսությների և կենդանիների, մարդուն և նրա մարմնի մասերին վերաբերող, մարդկային զգացմունք, վերաբերմունք և հարաբերություն արտահայտող, դրամական, տարածական և ժամանակային չափ, ազգակցական կապ նշանակող, առօրյա խոսակցության մեջ հանդիպող և առտնին իրեր, հարաբերություններ ցույց տվող հասկացությունների անվանումներ։

3) «Տարոնի պատմության» բառապաշտարը պարունակում է նախկինում կիրառություն գտած և հայերենի տվյալ փուլի հարստացման

գործում կարենոր նշանակություն ունեցող այնպիսի բառեր և բառաձևեր՝ որոնք արդյունք են լեզվի զարգացման արտաքին և ներքին գործոններով ու ազդակներով պայմանավորված երևությունների՝ բառակազմության (բառաբարդման, ածանցման) և փոխառության։ Բառակազմության մեջ մտնող բառաբարդման երևությունները կառուցվածքի տեսակետից համահունչ են և հարազատ հայերենի համապատասխան օրենքներին ու կանոններին։ Հիշյալ օրենքների և կանոնների շրջանակներում բառային բարդությունները ներկայացնում են որոշակի տիպերով պարփակվող խմաստացի խմբեր ու կոնկրետ կաղապարներ։ Անխսկական բարդությունների մեջ մտնող կրկնավորներն ունեն աննշան գործածություն։ Հարադրավոր բարդությունները ընդգրկվում են խմաստային երեք խմբերի մեջ, ընդ որում «անել» խմաստով հանդես եկող հարադրավոր բայերը կազմում են ինը, «լինել» խմաստով հանդես եկողները՝ երկու, իսկ շարժման խմաստով հանդես եկողները՝ հինգ կաղապարներ՝ շաշված մենակաղապար կիրառությունները։ Զուգադրական բայերը կազմում են չորս կաղապար՝ շաշված մենակաղապար կիրառությունները։ Պատճառական հարադիր բայերը նախորդ երկուսի համեմատությամբ ունեն պակաս գործածություն։ Կցական և բաղյուսական բարդությունները նույնպես ունեն աննշան գործածություններ՝ հանդես գալով հիմնականում թվականների կազմության մեջ և այդուհանդերձ շպարունակելով որոշակի նորություն։ Հիմնականում առաջնորդվելով, նորակազմ իսկական բարդությունների տվյալներով՝ պարզվում է, որ լեզվական այս իրողությունները գոյանում են հայերենին ընդհանրապես բնորոշ կանոններով ու եղանակներով, ըստ որում բարդության մասնակից բաղադրիչները կրում են որոշակի հնչյունափոխություն, պատկանում են այս կամ այն խոսքի մասին, որի դեպքում առանձնացվում են հիմնականում երեք կաղապարներ, ինչպես նաև մտնում են որոշակի շարադրուսական փոխհարաբերության մեջ։ Բառապաշտի մեջ ածանցման երևությը հայերենի նախորդ ենթաշրջանների համեմատությամբ էական տարբերություններ չի ներկայացնում։ Հայոց լեզվի պատմության տեսակետից բավական կարեւոր նշանակություն ունեցող երեւութեր են մի առանձին խումբ կազմող բառերի մեջ՝ խոսակցական լեզվի (կամ բարբառային արտասանության) հետեանքով դրսերված հնչյունական այն փոփոխությունները, որոնք փաստորեն շեղումներ են գրական լեզվի կանոնականությունից։

4) Նոր բառերը և խմաստային կիրառությունները «Տարոնի պատմության» բառապաշտի մեջ գրավում են զգալի տեղ։ Մրանք իբրև

բառապաշարի առանձնահատկություններ՝ արտացոլում են ժամանակի ժողովրդախոսակցական լեզվի համապատասխան իրողությունների մի մասը, պայմանավորվում են այդ իրողությունների նկատմամբ հեղինակի ցուցաբերած ոճական հակումներով և նախասիրությամբ։ Բառային նոր միավորների մի մասը և որոշ բառերի նոր իմաստային կիրառությունները կենսունակություն են ունեցել՝ գոյատելով մինչև ժամանակակից հայերենի փուլը, դառնալով վերջինիս զործուն հաղորդական տարրերից։ Ըստ երեսվածին, նոր բառերի արժեք ունեն նաև «Պատմության» մեջ կիրառված մի քանի տեղանունները։

5) Դարձվածային միավորների ծագումնային, ֆունկցիոնալ-ոճական և կառուցվածքարին առանձնահատկությունների քննությունը ցուց է տալիս, որ բառապաշարի համապատասխան միավորները, նախ, մի մասով կապվում են հայերենի նախորդ ենթաշրջանի հետ, մյուս մասով՝ նոր կիրառություններ են, ըստ որում, որոշ նախնական կիրառություններ (ձևական և իմաստային ինչ-ինչ հատկանիշներով) այստեղ ցուցաբերում են զգալի տարրերություններ, իսկ նոր կիրառությունները արտացոլում են հայերենի հետագա զարգացման տվյալների մի մասը՝ զրաեվորված հեղինակի ոճական նախասիրությամբ, երկրորդ, ներկայացնում են հիմնականում երեք ֆունկցիոնալ խմբավորումներ՝ կամված երկի կոնկրետ բովանդակության հետ, երրորդ, խմբավորվում են երկու խոշոր կաղապարների մեջ՝ ունենալով համապատասխանաբար վեց և չորս մանրակաղապարներ (Հաշված անվանական բաղադրիչներով գոյացած մեկ մենակաղապարը):


6) «Տարոնի պատմության» լեզուն պարունակում է մի շարք արժեքավոր ձևաբանական և շարահյուսական առանձնահատկություններ, որոնք դասական գրաբարի համեմատությամբ նորակազմություններ կամ զուգահեռ ձևեր են։ Վերջիններս նախամիջին ենթաշրջանի գրական լեզվի մեջ են ներթափանցում մեծ մասամբ ժամանակի ժողովրդախոսակցական լեզվից, մասամբ պայմանավորվում են հեղինակի լեզվի յուրահատկություններով՝ անկախ այն բանից, թե որքանով է նա հետամուտ եղել դասական գրաբարի համապատասխան օրինաչափություններին և վերջիններս ինչպես են իրականացվել նյութի կոնկրետ շարադրանքի ընթացքում։

7) «Տարոնի պատմության» ոճը գոյանում է հայերենի դասական գրաբարյան և նախամիջին ենթաշրջանի ժողովրդախոսակցական ոճերի ակունքներից, որոնք համարվում են հեղինակի խոսքային անհատականության մեջ։ Դասական գրաբարյան ոճական երեսվածին համե-

մատաբար պակաս են. կիրառվում են բառացին ավելադրություններ, պեսափիսություններ, գրաքարյան դարձվածային միավորներ, ոճեր և արտահայտություններ: Ժողովրդախոսակցական ոճական երեսությների գրսերումները պայմանավորված են «Պատմության» բովանդակությամբ, ուր զգալի մաս են կազմում ժողովրդի մտածողությունը, հոգեբանությունը, սովորությներն ու նիստուկացը արտացոլող ժողովրդական զրուցներն ու պատմությունները:

8) Հոմանիշ և հականիշ բառերը նույնպես ունեն ոճական արժեք: «Տարոնի պատմության» մեջ հոմանիշ բառերի կիրառությունները անհամեմատ մեծ թիվ են կազմում: Մագելով լեզվի տարբեր աղբյուրներից՝ հոմանիշ բառերը ստեղծում են տեքստի ոճական նրբերանգային բազմազանություն: Իմաստացին փոխհարաբերության հաշվառման տեսակետից՝ հոմանիշ բառերը կազմում են 4 կարգի հոմանշային շարքեր՝ երկանդամ, եռանդամ, քառանդամ և բազմանդամ, որոնք միաժամանակ ունեն արտահայտության պլանի բազմազանություններ: Հականիշ բառերի պակաս կիրառություններն իսկ նյութի շարադրանքին հաղորդում են ոճական գույններ և երանգներ:

9) Հ. Մամիկոնյանի «Տարոնի պատմությունը» հատկանշական է նաև շարահյուսական ոճական կիրառություններով: Հեղինակը նախընտրում է համադասական նախադասություններով կազմված բարդ նախադասությունների որոշակի մասը սկսել այնպիսի դերբայական դարձված հանդիսացող շարահյուսական միավորով, որը գոյանում է սեռական հոլովով դրված ենթակայի և անորոշ դերբայով առնված ստրոգյալի շարահյուսական փոխհարաբերությունից: Շաղկապների կիրառությունները բավական մեծ թիվ են կազմում, որոնց հիման վրա առանձնացնում ենք շարահյուսական-ոճական կիրառությունների շուրջ խմբեր: Հ. Մամիկոնյանը նախընտրում է բարդ նախադասություններով շարադրանք, ուր նախադասության անդամները ունենում են ազատ շարադրանքություն: Շարահյուսական-ոճական կիրառությունները բացահայտվում են տեքստի որոշակի հատվածների վիճակագրական վերլուծությամբ:



ՀԱՄԱՌՈՏԱԳՐՈՒԹՅՈՒՆՆԵՐ

- ԱԲ — Առձեռն բառարան հայկագնեան լեզուի, Վենետիկ, 1865:
- Ազաթ. — Ազաթանգեղայ Պատմութիւն Հայոց, Տփղիս, 1909:
- Արմ. — Հ. Անառյան, Հայերեն արմատական բառարան, հհ. 1—7, Երևան, 1926—1935:
- Բիզ. — Փաստոսի Բիզանդացւոյ Պատմութիւն Հայոց, Ս. Պետերբուրգ, 1883:
- ԳԱՏ — ՀԱՍՀ ԳԱ «Տեղեկագիր» (հասարակական դիտությունների սերիա):
- Եղնիկ — Եղնիկ վարդապետի Կողբացւոյ Եղծ աղանդոց, Վենետիկ, 1826:
- Եղիշե — Եղիշե Վասն Վարդանաւ և Հայոց պատերազմին, ի լոյս ածեալ բաղդատութեամբ ձեռագրաց, աշխատասիրութեամբ ե. Տէր-Մինասեան, Երևան, 1957:
- ԺՀԼԲԲ — Ժամանակակից Հայոց լեզվի բացատրական բառարան, հհ. 1—3, Երևան, 1969—1970:
- ԼՀԳ — ՀԱՍՀ ԳԱ «Լրաբեր» (հասարակական դիտությունների սերիա):
- ՀԱԱ — «Հանդիսա ամսօրեայ» (ամսագիր):
- ՀՀՊ — Հ. Անառյան, Հայոց լեզվի պատմություն, հ. 2, Երևան, 1951:
- ՀՀՊԵՀ. — H. Hubschman, Armenische Grammatik, b. 1—2, Leipzig, 1896—1897.
- Մամիկ. — Յովհաննու Մամիկոնենի եպիսկոպոսի Պատմութիւն Տարօնոյ, Վենետիկ, 1732:
- ՄԲԲ — Ստ. Մալիսայանց, Հայերեն բացատրական բառարան, հհ. 1—4, Երևան, 1944—1945:
- ՆՀԲ — Աւետիքեան Գ., Սիրմելեան Խ., Աւերեեան Մ., Նոր բառզիրք Հայկագեան լեզուի, հհ. 1—2, Վենետիկ, 1836—1837:
- ՊԲՀ — «Պատմա-բանասիրական հանդես» (ամսագիր):
- ՍՊԲ. — Աստուածաշունչ մատեան հին եւ նոր կտակարանաց, ըստ ճշգրիտ թարգմանութեան նախնեաց մերոց, համեմատութեամբ երրայական եւ յունական բնագրաց, Վենետիկ, 1860:
- Գործք — Գործք առաքելոց:
- Ելք — Ելք:
- Բ. օրէնք — Երկրորդումն օրինաց:
- Յեսու. — Գիրք Յեսուայ՝ որդույ Նաւեայ:
- Ա թագ. — Ա գիրք թագաւորութեանց:
- Եղբ. — Եղբ:
- Եսայ. — Մարտիրոսութիւն Եսայեալ:
- Ծննդ. — Ծնունդը:
- Ա մակ. — Ա գիրք Մակարայեցւոց:
- Բ մակ. — Բ գիրք Մակարայեցւոց:

Մարկ. — Աւետարան ըստ Մարկոսի:
Մատթ. — Աւետարան ըստ Մատթեոսի:
Սաղ. — Գիրք Սաղմոսաց Դաւթի:
Սիրաք. — հմաստութիւն Յեսուս որդույ Սիրաքալ:
Յայտն. — Յայտնութիւն Յովհաննու Առաքելոյ:
Փիլիպ. — Առ ՓիլիպԵցիս թողթ:
Փարա. — Ղազարայ Փարափեցոյ՝ Պատմութիւն Հայոց եւ թուղթ առ Վահան Մամի-
կոնեան, Տիգիս, 1904:
ВЯ—«Вопросы языкоznания» (ամսագիր):

ԳՐԱԿԱՆՈՒԹՅԱՆ ՅԱՆԿ

- Արգարյան Գ. Բանասիրական հետախուզումներ, «Բանբեր Մատենադարանի», 1958, № 4:
- Արգարյան Գ. «Երեխոսի Պատմությունը» և Անանունի առեղջվածը, Երևան, 1965:
- Արեղյան Մ. Գրաբարի քերականություն, Երևան, 1936:
- Արեղյան Մ. Երեխը, ՀՀ. Ա. և Գ., Երևան, 1966, 1968:
- Արեղյան Մ. Հայոց լեզվի տեսություն, Երևան, 1965:
- Արբանամյան Ա. Ա. Գրաբարի ձեռնարկ, Երևան, 1958, 1964:
- Արբանամյան Ա. Ա. Հայերենի գերբարյաները և նրանց ձևաբանական նշանակությունը, Երևան, 1953:
- Արբանամյան Ա. Ա. Բայը ժամանակակից Հայերենում, գիրք 1, Երևան, 1962:
- Արբանամյան Ա. Ժամանակակից Հայերենի քերականություն, Երևան, 1969:
- Ալեքսանյան Վ. Սովորածայ պոեզիայի լեզվական մի քանի առանձնահատկությունների մասին, ՊԲՀ, 1965, 3, 203—210:
- Ալիքնեան Ն. Դասական Հայերէնը և Վիճննական Միխիթարեան դպրոցը, Վիճննա, 1932:
- Ալիքնեան Ն. Մատենագրական հետազոտութիւններ, Հ. Բ., Վիճննա, 1924:
- Ակնարքներ միջին գրական Հայերենի պատմության, ՀՀ. Ա.—Բ., Երևան, 1972—1975:
- Աղայան Է. Որակական անցումներ լեզվի մէջ, ԳԱՏ, 1958, 2:
- Աղայան Է. Գրաբարի քերականություն (Մինիրոսնիա), Հ. Ա., գիրք 1, Երևան, 1964:
- Աղայան Է. Ժամանակակից Հայերենի հոլովումը և խոնարհումը, Երևան, 1967:
- Անառյան Հ. Լիակատար քերականություն Հայոց լեզվի, ՀՀ. 1—6, Երևան, 1952—1971:
- Անառյան Հ. Հայոց անձնանունների բառարան, ՀՀ. 1—5, Երևան, 1942—1962:
- Անառյան Հ. Հայերեն արմատական բառարան, ՀՀ. 1—7, Երևան, 1926—1935: Երկրորդ հրատարակություն՝ Հ. 1, Երևան, 1971, Հ. 2, Երևան, 1973:
- Անառյան Հ. Հայոց լեզվի պատմություն, Հ. 2, Երևան, 1951:
- Անառյան Հ. Քննություն նոր ջուղայի բարբառի, Երևան, 1940:
- Անեմյան Վ. Գրական արևմտահայերենի ձևաբորումը, Երևան, 1971:
- Այտենեան Ա. Քննական քերականութիւն աշխարհաբար կամ արդի Հայերէն լեզուի, Վիճննա, 1866:
- Անառյան Պ. Ո՞վ է Սերէոսի Պատմութեան հեղինակը, «Բազմավէպ», Վիճնետիկ, 1970:
- Առաքելյան Վ. Գրաբարի հոլովումը և խոնարհումը (Համառոտ դասընթաց), Երևան, 1945:
- Առաքելյան Վ. Գրիգոր Նարեկացոյ լեզուն և ոճը, Երևան, 1975:
- Առաքելյան Վ. Հայերենի ոճաբանության մի քանի խնդիրների մասին, ԳԱՏ, 1952, 2, էջ 32—35:
- Առաքելյան Վ. Հայերենի շարահյուսություն, Հ. 1, Երևան, 1960:
- Առաքելյան Վ. Ավետիք Խաչակրյանի պոեզիայի բառապաշարի ոճաբանական առանձնահատկությունները, Երևան, 1954:

- Առաքելյան Վ. Դրաբարի հատընտիր, Երևան, 1946;
- Ասատրյան Մ. Անձգական բառերը հայերենում, ՊԲՀ, 1960, 3:
- Ասատրյան Մ. Ժամանակակից հայոց լեզվի ձևաբանության հարցեր, ՀՀ. Ա—Բ, Երևան, 1970—1972:
- Ավագյան Մ. Նախրի Զարյանի ստեղծագործության լեզուն և ոճը, Երևան, 1964:
- «Արարատ», 1911, № 3:
- Ավետիսյան Հ. Որոշիլ-որոշյալի կապակցությունը գրաբարում, Երևան, 1972:
- Ավետիսյան Տ. Ժամանակակից հայերենի բառի կառուցվածքը («Հայոց լեզվի կառուցվածքը», Երևան, 1975):
- Աւետիսյան Գ. Քերականութիւն հայկական, Վենետիկ, 1815:
- Բագրատունի Ս. Հայերէն քերականութիւն ի պէտս զարգացելոց, Վենետիկ, 1852:
- Բարսեղյան Հ. Արդի հայերենի բայի և խոնարհման տեսություն, Երևան, 1953:
- Բարսեղյան Հ. Հատուկ անոն (տեսական-նկարագրական ակնարկ), Երևան, 1964:
- Բեղիրյան Պ. Ժամանակակից հայերենի զարձվածարանություն, Երևան, 1972:
- Գարրենիան Յ. Մաշտոցեան լեզուն, ՀԱ, 1913, էջ 719—723:
- Գալէմելեան Գ. Ըսկեպարեան և ոչ-ոսկեպարեան հայերէնը, ՀԱ, 1893, էջ 257—272:
- Գասպարյան Գ. Հայ բառարանագրության պատմություն, Երևան, 1968,
- Գարեգինյան Գ. Շաղկապները ժամանակակից հայերենում, Երևան, 1963:
- Գյուլբողադյան Ա., Ալ. Շիրվանզադեի լեզվական մշակույթը, Երևան, 1966:
- Գրիգորյան Վ. Ստեփանոս Սյունեցի, Բնիքութ, 1958:
- Գրիգորյան Մ. Գ. Գիտողութիւններ և սրբագրութիւններ Սերէոսի պատմագրոց բնագրին վերայ, Վիեննա, 1973:
- Գևորգյան Կ. Հայերենի գարձվածքները, Երևան, 1969:
- Զարբանալյան Գ. Հայկական հին զգրութեան պատմութիւն (Դ—Ժ դար), Վենետիկ, 1886:
- Զարբանալյան Գ. Մատենագարան հայկական թարգմանութեանց, Վենետիկ, 1889:
- Զամինյան Ա. Հայ զրականության պատմություն, Ա. մաս, Նինալիշևան, 1914:
- Թաղէսու Աստուածառութեան Համարարրառ Հին և Նոր կտակարանաց, Երուաղէմ, 1895:
- Խշանյան Ռ. Բակունցի լեզվական արվեստը, Երևան, 1965:
- Խշանյան Ռ. Տերյանի լեզվական արվեստը, Երևան, 1974:
- Խշանյան Ռ. Արդի հայերենի հոլովումը և խրնարդումը. Երևան, 1971:
- Խալարյան Գ. Զենոր Գևակ, Համեմատական ուսումնասիրություն, Վիեննա, 1893:
- Խալարյան Վ. Դրաբարի մի բանի առանձնահատկություններ Եղնիկի լեզվում, Երևան, 1944: (թեկնածուական գիսերտացիա, ձեռագիր):
- Կանոնգիր Հայոց, Զեռագրերի համեմատութեամբ խմբեց Արսէն Ղուճեան, Թիֆլիզ, 1913:
- Կարսու Հ. Հայերենի եր, անի, ուի, ուի հոգնակերտները, ՀԱ, 1893:
- Հայկական Համարարրառ, Ա. Ա. 1—7, Երևան, 1972—1974:
- Հայ ժողովրդի պատմություն, Ա. մաս, Երևան, 1958:
- Հայոց լեզվի գարգացումը Սովետական շրջանում, Երևան, 1973:
- Հյուրշման Հ. Հայկական հատուկ անունները, ՀԱ, 1893:
- Հովհաննեսյան Ռ. Հին հայերենի ուղիղ խնդիր երկրորդական նախադասությունների կառուցվածքը, Երևան, 1972:
- Հովհաննեսյան Լ. Դասական գրաբարի բայական ժամանակների կիրառությունը (թեկնածուական գիսերտացիա), Երևան, 1972:

- Ղազարյան Ա. Գրաբարի ղասագիրը, Երևան, 1951:
- Ղազարյան Ա. Հայոց լեզվի համառոտ պատմություն, Երևան, 1954:
- Ղազարյան Ա. Հայոց գրական լեզվի պատմություն, Երևան, 1961:
- Ղազարյան Ա. Միջին հայերեն, գիրք Ա., Երևան, 1960:
- Ղարիբյան Ա. Հայոց լեզվի պատմության ուսումնասիրության ներածություն, Երեւան, 1937:
- Ղարիբյան Ա. Հայ բարբառադիտություն, Երևան, 1953:
- Ղարիբյան Ա. Հայերենի անվանական հոլովման զարգացման երկու ներքին օրենքները, ԳԱՏ, 1955, 8, էջ 15—37:
- Ղափանցյան Գ. Ընդհանուր լեզվաբանություն, Հ. 1, Երևան, 1939:
- Ղափանցյան Գ. Հայոց լեզվի պատմություն (հին շրջան), Երևան, 1961:
- Ճշմարիտյան Ժ. Գերբայական դարձվածը արդի հայերենում, Երևան, 1961:
- Մալխասեանց Ստ. Գրաբարի հոլովումը, Խոնարհումը և նախդիրները, Թիֆլիս, 1891:
- Մալխասեանց Ստ. Գրաբարի համաձայնությունը, Թիֆլիս, 1892:
- Մարգարյան Ա. Հայերենի հարադիր բայերը, Երևան, 1966:
- Մարգարյան Ա. Ում-ով անկատարի առաջացման հարցի շուրջը, ՊԲՀ, 1966, 2, էջ 178—186:
- Մելիք-Ռախչյան Ա. Հայաստանը VII—IX դարերում, Երևան, 1968:
- Մինասյան Մ. Հատկացուցիչ-հատկացյալի կապակցությունը գրաբարում, Երևան, 1960 (թեկնածուական գիւղերտացիա, ձեռագիր):
- Մկրտչյան Ռ. Հին հայերենի «անկանոն» կամ «զարտուղի» հոլովումը և նրա զարգացումը, Երևան, 1969:
- Մուրգլայան Ա. Հայոց լեզվի դարձվածարանություն և բայակազմություն, Երևան, 1959:
- Յովհաննեան Գ. Հետազօտութիւնը նախնեաց ուսմէօրէնի վրա, Վիճննա, 1897:
- Շարաբխանյան Պ. Գրաբարի շաղկապները, Երևան, 1960:
- Շարաբխանյան Պ. Գրաբարի ուղեցուց, Երևան, 1967:
- Շարաբխանյան Պ. Գրաբարի դասընթաց, Երևան, 1974:
- Զալըխիսեան Վ. Քերականութիւն հայկազնեան լեզուի, հանդերձ փոփոխմամբ և յաւելուածովք աշխատասիրեալ ի հ. Արևենէ Այտորնեան, Վիճննա, 1885:
- Պատրիան Ա. Պարույր Սևակի շափածոյի լեզվական արվեստը, Երևան, 1971:
- Պապոյան Ա. Զափածոյի լեզվական արվեստի հարցեր, Երևան, 1975:
- Պառնասյան Ն. Քերականական համանիշները ժամանակակից հայերենում (դոկտորական գիւղերտացիա), Երևան, 1971:
- Պետրոսյան Լ. Հովհաննես Թումանյանի լեզվի և ոճի մի քանի առանձնահատկություններ, ՊԲՀ, 1961, 1, էջ 72—81:
- Պետրոսյան Հ. Գոյականի թիվ կարգը հայերենում, Երևան, 1972:
- Պողոսյան Պ. Բայի եղանակային ձևերի ոճական կիրառությունները արդի հայերենում (եղանակա-ժամանակային կիրառություններ), Երևան, 1959:
- Զահոնիկյան Գ. Հայոց լեզվի զարգացման փուլերը, Երևան, 1964:
- Զահոնիկյան Գ. Հայոց լեզվի զարգացումը և կառուցվածքը, Երևան, 1969:
- Զահոնիկյան Գ. Հին հայերենի հոլովման սիստեմը և նրա ծագումը, Երևան, 1959:
- Զահոնիկյան Գ. Քերականական և ուղղագրական աշխատառությունները հին և միջնադարյան Հայաստանում (V—XV դդ.), Երևան, 1954:
- Զահոնիկյան Գ. Ժամանակակից հայերենի տևողության հիմունքները, Երևան, 1974:

- Զանովյան Գ. Հայ բարբառագիտության ներածություն, Երևան, 1972:
- Զահարյան Գ. Դրաբարդի քերականության պատմություն, Երևան, 1974:
- Սալլանթեան Մ. Քերականութիւն գրաբառ լեզուին Հայոց, ի Մոսկով, 1827:
- Սուբիսյան Ա. Հայերենի դարձվածների և դարձվածարանական հոմանիշների մասին, ՊԲՀ, 1970, 1, էջ 197—210:
- Սուբիսյան Ա. Հոմանիշները ժամանակակից հայերենում, Երևան, 1971:
- Սևակ Գ. Հայոց լեզվի համառոտ պատմություն, Երևան, 1948:
- Սևակ Գ. Ժամանակակից հայոց լեզվի դասընթաց, Երևան, 1955:
- Վահանյան Գ. Հայոց լեզվի ոճարանության ձեռնարկ, Երևան, 1956:
- Վարդանյան Վ. Հայ գրականությունը VII դարում, Երևան, 1958:
- Տեր-Մինասյան Յ. Այսպէս կոչված Պարսից ժողովը («Պատմա-բանասիրական հետազոտություններ», Երևան, 1971):
- Քոյսյան Վ. Ժամանակակից հայերենի բառակապակցությունները, Երևան, 1975: «Եվրոպա», Վիեննա, 1852, № № 21, 31:
- Օրմանյան Մ. Ազգապատում, Կ/Պոլիս, 1912:
- Адмони В. Г., Сильман Т. И., Отбор языковых средств и вопросы стиля, ВЯ. 1954, № 4.
- Античные теории языка и стиля, М.—Л., 1936.
- Ахманова О. С. Словарь лингвистических терминов, М., 1966.
- Ахманова О. С., Натан Л. Н., Полторацкий А. И., Фатющенко В. И. О принципах и методах лингвистических исследований, М., 1966.
- Балли Ш. Французская стилистика, М., 1961.
- Будагов Р. А. История слов в истории общества, М., 1971.
- Будагов Р. А. К вопросу о языковых стилях, ВЯ, 1954, № 3.
- Будагов Р. А. Литературные языки и языковые стили, М., 1967.
- Веденина Л. Г. Шор Е. А., Некоторые приемы стилистического исследования текста, М., 1972.
- Виноградов В. В. Русский язык: грамматическое учение о слове, изд. 11, М., 1972:
- Виноградов В. В. О языке художественной литературы, М., 1959.
- Виноградов В. В. Стилистика, теория поэтической речи, поэтика, М., 1963.
- Виноградов В. В. Стиль Пушкина, М., 1941.
- Виноградов В. В. Язык Пушкина (Пушкин и история русского литературного языка), М., 1935.
- Виноградов В. В. Итоги обсуждения вопросов стилистики, ВЯ, 1955, № 1.
- Виноградов В. В. Проблема авторства и теория стилей, М., 1961.
- Винокур Г. О. Культура языка (Очерки лингвистической технологии), М., 1925.
- Винокур Г. О. Избранные работы по русскому языку, М., 1946.
- Гальперин И. Р. Речевые стили и стилистические средства языка, ВЯ, 1954, № 4.
- Гвоздев А. Н. Очерки по стилистике русского языка, М., 1952.
- Гвоздев А. Н. Современный русский язык, I—II, М., 1973.
- Ефимов А. И. Язык сатиры Салтыкова-Щедрина, М., 1953.
- Ефимов А. И. Задачи сравнительной стилистики восточнославянских языков, М., 1963.

- Ильинская И. С. О языковых и неязыковых стилистических средствах, ВЯ, 1954, № 5.
- Кацнельсон С. Д. Содержание слова, значение и образование, М.—Л., 1965.
- Кацнельсон С. Д. Типология языка и речевое мышление, М., 1972.
- Ковтун Л. С. О значении слова, ВЯ, 1955, № 5.
- Колосс Л. Л. О предмете стилистики, ВЯ, 1953, № 3.
- Костомаров В. Г. Культура речи и стиль, М., 1960.
- Курилович Е. Заметки о значении слова, ВЯ, 1955, № 3.
- Кусикян И. К. Очерки исторического синтаксиса литературного армянского языка, М., 1959.
- Ларин Б. А. Очерки по фразеологии, М., 1956.
- Ларин Б. А. Лекции по истории русского литературного языка (Х—середина XVIII века), М., 1975.
- Левин В. Д. О некоторых вопросах стилистики, ВЯ, 1954, № 5.
- Мамонов В. А., Розенталь Д. Э., Практическая стилистика современного русского языка, М., 1957.
- 4-ый Международный съезд славистов (Тезисы докладов), М., 1962.
- Обнорский С. П. Очерки по истории русского литературного языка старшего периода, М.—Л., 1946.
- Общее языкознание (Методы лингвистического анализа), М., 1970.
- Общее языкознание (Внутренняя структура языка), М., 1972.
- Очерки по стилистике русского языка, М., 1959.
- Очерки по стилистике русского языка и литературному редактированию, М., 1961.
- Первая всесоюзная конференция по испанской филологии (Тезисы докладов), Л., 1970.
- Пешковский А. М. Избранные труды, М., 1959.
- Пешковский А. М. Вопросы методики родного языка, лингвистики, стилистики, М.—Л., 1930.
- Пиотровский Р. Г. О некоторых стилистических категориях, ВЯ, 1954, № 4.
- Потоцкая Н. П. Стилистика современного французского языка, М., 1974.
- Практическая стилистика русского литературного языка, М., 1974.
- Проблемы неидиоматической фразеологии, М., 1971.
- Проблемы лингвистической стилистики (Тезисы докладов), М., 1969.
- Реформатский А. А., Введение в языкознание, М., 1947.
- Розенталь Д. Э., Практическая стилистика русского языка, М., 1974.
- Словарь синонимов русского языка, т. I, Л., 1970.
- Смирницкий А. С. Значение слова, ВЯ, 1955, № 2.
- Сорокин Ю. С. К вопросу об основных понятиях стилистики, ВЯ, 1954, № 2.
- Срезневский И. И. Мысли об истории русского языка, СПб., 1850.
- Степанов Г. В. О художественном и научном стилях речи, ВЯ, 1954, № 4.
- Степанов Ю. С. Французская стилистика, М., 1965.
- Степанов Ю. С. Основы общего языкознания, М., 1974.
- Томашевский В. В. Стилистика и стихосложение, Л., 1959.

- Туманян Э. Г. Древнеармянский язык, М., 1972.
- Тынянов Ю. Н. Проблема стихотворного языка (Статьи), М., 1965.
- Чижик-Полейко А. И. Стилистика русского языка, Воронеж, 1964.
- Чичерин А. В. Иден и стиль (О природе поэтического слова), М., 1963.
- Чичерин А. В. О языке и стиле романа-эпопеи «Война и мир», Львов, 1956.
- Шанский Н. М. Фразеология современного русского языка, М., 1972.
- Шахматов А. А. Введение в курс истории русского языка, часть I; Исторический процесс образования русских племен и наречий, Пг., 1916.
- Шахматов А. А. Сборник статей и материалов, М., 1947.
- Феодоров А. В. В защиту некоторых понятий стилистики, ВЯ, 1954, № 5.
- Функциональный стиль общенаучного языка и методы его исследований, М., 1974.
- Язык и стиль античных писателей, Л., 1966.
- Adontz N. Denys de Thrac et les commentateurs arméniens, Louvain, 1970.
- Cressot M. le style et ses techniques: Precis d'analys stylistique, Paris, 1959.
- Jean Mamigonien Continuation de l'histoire de Daron, traduit pour la premier fois de l'arménien, par Jean-Raphael Emine (Collection des historiens anciens et modernes de l'Arménie, par Victor Langlois, tome 1, Paris, 1867).
- Jensen H. Armenische Grammatik, Heidelberg, 1959.
- Hübschmann H. Armenische Grammatik, b. 1—2, Leipzig, 1895—1897.
- Marouzeau J. Precis de stylistique française, Paris, 1959.
- Meillet A. Recherches sur la syntaxe comparée de l'arménien, Lysbonne, 1962.
- Meillet A. Altarmenische Elementarbuch, Heidelberg, 1964.
- Meillet A. Esquisse d'une grammaire comparée de l'arménien classique, Vienne, 1936.



Բ ՈՎԱՆԴԱԿՈՒԹՅՈՒՆ

Առաջաբան (Լ. Հովսեփյան)	5
Գ. Կ. Բաղդիշյան	
Սեթեռն լեզուն եվ. ռձը	
Ներածություն	9
Գլուխ առաջին. Բառապաշտական	17
Փոխառյալ բառեր	29
Ածանցում և բառաբարդում	31
Գլուխ երկրորդ. Զեարանական առանձնահատկություններ	36
Հոգնակերտ մասնիկներ	44
Առաջին և երկրորդ ապառնիներ	47
Բաղադրյալ ժամանակներ	51
Հարադրավոր բայեր	53
Զուգադրական բայեր	58
Նախադրի և նախադրության գործածությունը	61
Գլուխ երրորդ. Ոճը	68
Համանիշ բառեր	70
Հականիշ բառեր	73
Բառերի և արտահայտությունների օգտագործման յուրահատկություն և նախընտրություն	75
Ժողովրդափոսակցական լեզվին բնորոշ բառեր և արտահայտություններ	86
Իմաստաբանական առանձնահատկություններ	88
Բայական ժամանակների ոճական կիրառությունը	89
Իմաստի սաստկացում	92
Ավելադրություն	93
Թվարկում	95
Ոճի այլ առանձնահատկություններ	96
Աերենսի վերաբերմունքն իր օգտագործած սկզբնաղբյուրների լեզվի նկատմամբ	107
Եղբակացություններ	109
Օգտագործած աղբյուրներ	110

Վ. Գ. Համբարձումյան

ՀԱՅԱՍՏԱՆԻ ՄԱՄԻԿՈՒՅՑԱՆԻ «ՏԱՐՈՒԹ ՊԱՏՄՈՒԹՅԱՆ» ԼԵԶՈՒՆ ԵՎ ՈՃՔ	111
Ն ե ր ա ծ ո ւ թ յ ո ւ ն	111
Գլուխ առաջին. Բ ա ռ ա պ ա շ ա շ ը բ ը	121
1. Բառապաշտի աղբյուրները և շերտերը	122
2. Բառակազմական միջոցները և եղանակները	125
3. Նոր բառեր և իմաստային կիրառություններ	138
4. Դարձվածային միավորները	148
Գլուխ Երկրորդ. Բ ե ր ա կ ա ն ա կ ա ն ա ռ ա ս ն ձ ն ա հ ա տ կ ո ւ թ յ ո ւ ն ն ե ր ը	161
Գլուխ Երրորդ. «Տ ա ր ո ն ի պ ա տ մ ո ւ թ յ ա ն» ո ճք	178
1. Հեղինակային ոճի ակունքները	179
2. Հոմանիշ և հականիշ բառերի ոճական կիրառություններ	189
3. Շարահյուսական-ոճական կիրառություններ	193
Եղբակացություններ	200
Համառոտագրություններ	204
Գրականության ցանկ	206

ՀԱՅՈՑ ԼԵԶՎԻ ՊԱՏՄՈՒԹՅԱՆ ՀԱՐՑԵՐ

Հրատարակական խմբագիր՝ Փ. Բ. Ավինյան
Գեղարվեստական խմբագիր՝ Հ. Ն. Գուծակալյան
Տեխնիկական խմբագիր՝ Լ. Կ. Հարուրյունյան
Սրբագրի՝ Է. Ա. Սոխիկյան

ИБ № 226

Հանձնված է շարվածքի 30. 10. 1980 թ., Ստորագրված է տպագրության 23. 03. 1981 թ.
ՎՃ 03568; Չափը $60 \times 84^1/16$; Թուղթ № 1: Տառափեսակ «գրքի սովորական», բարձր
տպագրություն: Պայմ. 12,25, տպագր. 13,5 մամուլ: Հրատ. 11,72; Տպաքանակ 1500:
Պատվեր № 1121: Հրատ. № 5389; Գինը 1 լ. 90 կ.

Հայկական ՍՍՀ ԳԱ հրատարակություն, 375019, Երևան, 19, Բարեկամության 24 գ

Издательство АН Арм. ССР, 375019, Ереван, ул. Барекамутян, 24-г.

Հայկական ՍՍՀ ԳԱ հրատարակության տպարան, 375019, Երևան,
Բարեկամության փ., 24

Типография Издательства АН Арм. ССР, 375019, Ереван,
ул. Барекамутянян, 24.

1 n. 90 4.

- 3 125 41

A ⁱⁱ
65109

ԳԱԱ Յիմնարար Գիտ. Գրադ.



220065109